



6

8-b

15



6.3.15


13.13

f

a







DE ARTE
RHETORICA

LIBRI QUINQUE

LECTISSIMIS VETERUM

AUCTORUM ÆTATIS AURÆ,

PERPETUISQUE EXEMPLIS ILLUSTRATA

AUCTORE



R. D. DOMINICO DE COLONIA

ACCEDUNT ETIAM

INSTITUTIONES POETICÆ

AUCTORE



R. D. JOSEPHO JUVENCIO




ROMÆ, MDCCLXXXVIII.

Ex Typographia S. Michaelis ad Ripam
apud Paulum Junchium.



SUPERIORUM PERMISSU,
ET PRIVILEGIO.



L E C T O R I B U S S. D.

ARtem Rhetoricam Dominici de Colonia sapius multorum typis editam, atque incredibili plausu semper exceptam, dolebant nonnulli minus facile induci in gymnasia posse, quod & mole grandior videretur, quam quæ commode posset a Pueris gestari, & nihil in ea de Arte Poetica, quæ una cum Rhetorica tradi solet, nisi obiter, præciperetur. Nos, detractis minus necessariis, adjunctisque Josephi Juvencii Institutionibus Poeticis, quæ multis partibus breviores erant, quam ea quæ diversis ex locis, præsertim ex ipso sine, sustuleramus, utrique incommodo occurrimus. Nec vero veremur, ne sapientissimo Auctori, consilium hoc nostrum minus probetur. Nam, quum non nisi hac ratione Adolescentium studiis, quibus unicè favet, satisfieri potuisse intellexerit, mallet profecto has tanquam epulas, a se structas, paulò aliter conditas apponi, quam omnino mensæ non inferri. Si quos vero sincera illa ac veluti autographa magis delectarint, eos quidem nobis molestos fore nequaquam putamus. Ita enim hæc paululum immutata damus, ut nativa illa ac vetera non tollamus: quibus, si volent, concedentibus nobis, ut utantur, nosque his uti, quæ volumus, sine interpellatione sinant. Valete.

* * * *

AUCTOR LECTORI.

P Ræceptis paucis brevibusque, exemplis vero bene multis constat hæc Ars Rhetorica. Præcepta hausimus ex vetustissimis Græcorum Latinorumque Rhetorum fontibus; Aristotelem dico, Ciceronem, Quintilianum, Demetrium Phalereum, Hermogeneum, atque Longinum: Exempli, quæ lectissima sunt perpetuæque, summo studio singularique diligentia selegimus fere ex elegantissimis ætatis aureæ Scriptoribus. Atque hoc exquisito veterum exemplorum delectu, copiaque, nostrum hunc qualemcumque laborem speramus posse commendari, si cætera omnia desint; illumque etiam politioribus, Et urbanis hominibus nec inutilem, nec injucundum, hoc saltem nomine, fere confidimus.

REIMPRIMATUR,

Si videbitur Reverendissimo Patri Sacri Palatii Apostolici Magistro.

F. X. Passeri Archiep. Larissien. Vicesg.

REIMPRIMATUR,

Fr. Thomas Maria Mamachius Ordinis Prædicatorum, Sacri Palatii Apostolici Magister.



E L E M E N T A

R H E T O R I C Æ .

C A P U T P R I M U M

De Fabula .



Utd est Fabula ?

R. Est Oratio falsa veritatem effingens. Talis est apud Horatium (a) elegantissima illa Fabella equi, hominis opem adversus cervum implorantis. Cervus equum, pugna melior, communibus herbis Pellebat : donec minor in certamine longo Imploravit opes hominis , frænumque recepit : Sed postquam victor (b) violens discessit ab hoste ; Non equidem dorso , non frænum depulit ore .

Vide quam solerter Horatius sub illis Fabulæ involucris , & quasi integumentis , verum , ac rectum nos doceat ; & nos repente a levi illa in speciem narratiuncula , ad veritatem traducat , tribus illis qui sequuntur versibus .

Sic qui pauperiem veritus , potiore metallis Libertate caret , dominum vehet improbus , atque Serviet æternum , quia parvo nesciet uti .

§. I. De variis Fabularum generibus .

Q Uot sunt genera Fabularum ?

R. Tria numerantur ab Aphthonio , & a Theone Sophista , qui Rhetoricas exercitationes , seu progymnasinata (sic enim appellant) Tyronibus admodum

A 3

dum

(a) *Epist. 10. Lib. 1.*
tus , vox parum usitata ,

(b) *Violens pro violentus*

dum utilia nobis scripto reliquere. Tria igitur statuunt genera Fabularum. Aliæ sunt Rationales, aliæ Morales, aliæ Mixtæ.

§. II. De Fabula Rationali, sive Parabola.

Quid est Fabula Rationalis, seu Parabola?

R. Fabulæ Rationales sunt illæ, quibus ad mores instituendos, fingimus ab homine dictum, vel factum quidpiam, quod tamen re ipsa neque dictum fuit, neque factum, sed tamen dici, vel fieri omnino potuit. Hujusmodi sunt Divinæ illæ Parabolæ de Virginibus decem, de Divite & Inope, de Filio Prodigio, aliæque, quibus Christus Dominus Apostolos, & circumfusam plebem ad omnem virtutem erudiebat: (a) *Sine parabolis non loquebatur eis*, inquit Sacra Pagina; tum ut se ad rudem populi captum accommodaret: tum etiam in primis, ut serviret Palæstinorum moribus ac consuetudini, apud quos nimirum hujusmodi Parabolæ majorem in modum erant usitatæ, & unde in reliquis Orientis partes dimanarunt.

Rationales id genus Fabulas, seu Parabolas circiter duodecim habes in aureolo Phædri libello. Exemplum esto hæc, quam hic affero.

Æsopus & petulans.

(b) *Æsopo* quidam petulans lapidem impeggerat: Tanto, (c) inquit, melior; *assem* deinde illi dedit, Sic prosecutus: plus non habeo mehercule: Sed unde accipere possis, monstrabo tibi. Venit ecce dives & potens: huic similiter Impinge lapidem, & dignum accipies præmium. Persuasus ille fecit, quod monitus fuit. Sed spes fefellit impudentem audaciam; Comprehensus namque pœnas persolvit cruce.

§. III. De Fabula Morali, sive Apologo.

Quid est Fabula Moralis, seu Apologus?

R. Est illa, quæ belluarum mores & indolem ex.

(a) *Matth.* 14. (b) *Lib.* 3. *Fab.* 5.

(c) *Inquit Æsopus.*

exprimit ad mores hominum informandos. Morales hujusmodi Fabulæ dicuntur *Æsopicae*, non quod Æsopum auctorem habeant, ut vulgus existimat, cum longissime ante (a) Æsopi tempora (b) ab Homero, & Hesiodo fuerint usurpatæ; sed quod valde fuerunt in deliciis Æsopo, qui illas admodum ingeniose tractavit. Interdum etiam non solum feræ, sed arbores quoque & plantæ, mallei, incudes, alique res hujusmodi, loquentes inducuntur. Exquisitissimum Fabulæ Moralis exemplum habes in hoc Phædri Apologo.

Rana, Rupta & Bos .

Inops, potentem dum vult imitari, perit.
In prato quondam Rana conspexit bovem;
Et tacta invidia tantæ magnitudinis,
Rugosam inflavit pellem; tum natos suos
Interrogavit, an bove esset latior?
Illi negarunt: rursus intendit cutem
Majore nisu; & simili quæsitivæ modo,
Quis major esset? illi dixerunt, bovem:
Novissime indignata, dum vult validius
Inflare sese, rupto jacuit corpore.

Quantopere valeat hic Apologus ad nostros mores emendandos, satis liquet ex primo versiculo.

Inops, potentem dum vult imitari, perit.

Quapropter vir antiquis comparandus Julius Cæsar Scaliger ait in sua Poetica, Apologum sic appellari, quasi *Ἀπολογὸς λόγος*, quasi aliud palam & aperte dicat, aliud clam innuat doceatque, quemadmodum Allegoria.

Quid interest inter Apologum & Parabolam?

R. Hoc interest, quod Apologus sit earum rerum, quæ fieri omnino nequeunt; neque enim bellæ loqui possunt: Parabola vero est earum rerum, quæ si repta non sunt, esse certe quidem potuerunt.

(a) *Æsopus* floruit anno 185. a Roma condita.
(b) *Homerus Poetarum Græcorum princeps* vixit mille circiter annis ante Christum.

§. IV. De Fabula Mixta .

Q. *Vid est Fabula Mixta?*

R. Est ea , quæ ex Rationalis , & Moralis admixtione componitur, seu in qua homines cum brutis sermocinari finguntur. Eximium Fabulæ Mixtæ exemplum reperies apud Justinum, Historiarum libro XLIII. cap. IV. Hanc opportune adhibuit Regulus quidam ad concitandos veterum Gallorum animos contra Massilienses , qui ex Asia nuper in Ligurum regionem advecti, locique amœnitate capti, condendæ urbis locum ab incolis precario impetraverant . *Canis & Pastor . Fabula Mixta .*

Canis aliquando partu gravis locum a Pastore precario petiit, in quo pareret: quo obtento, iterato petiit , ut sibi educare eodem in loco catulos liceret . Ad extremum adultis catulis fulta domestico præsidio , proprietatem loci sibi vindicavit, Non aliter Massilienses, qui nunc inquilini videantur , quandoque dominos regionum futuros .

Quantum porro valuerit hæc Fabula, continuo subiungit Justinus: *His , inquit , incitatus Rex insidias Massiliensibus extruxit .*

§. V. De legibus & artificio Fabulæ :

Q. *Uenam est prima , ac præcipua Fabulæ lex ?*

R. Prima hæc est lex , ut Fabula quælibet adjunctam habeat suam interpretationem, qua moralis illius sensus breviter explicetur: quam interpretationem quasi Fabulæ animam ausim appellare. Hæc interpretatio , si ponatur post Fabulam, vocatur *ἐπίμνησις* , sive *Ἀνέκδοτος* ; si vero ponatur initio , vocatur *προμνησις* , quasi *Præfabulatio*, si ita loqui fas esset . Ceterum initione ponas, an in fine, non refert maximopere .

Quenam est altera lex Fabulæ ?

R. Secunda lex hæc est , ut Fabulæ narratio sit perspicua , probabilis, brevis , & jucunda . Verum de illis quatuor narrationis tum Fabulosæ , tum Historicæ vir tutibus, itemque de Figuris, quibus utraque potest illuminari, capite subsequenti dicturi sumus .

Quæ.

Quomodo nam probabilis reddi potest verique similis Fabula, quæ nimirum ficta semper res est, Et commentitia, ac persæpe etiam incredibilis, fideique prorsus absconsa, quales sunt Apologi, qui belluis humanum sermonem affingunt?

& Fabulæ, quantumvis fictitiæ, quamdam tamen inesse probabilitatem ac verisimilitudinem, si sua cuilibet animanti servetur indoles, ac suum ingenium: si Vulpem facias versipellem & subdolam, Lupum rapacem & truculentum; Agnum mitem & simplicem; ac ceteræ demum bellæ germanis propriisque suis coloribus depingantur. Hinc sapienter monet Horatius in arte Poetica, Poetæ mendacia ad veritatem accedere omnino debere.

Ficta voluptatis causa sint proxima veris.

Et alio loco ejusdem Poeticæ:

Atque ita mentitur, sic veris falsa remiscet,

Primo ne medium, medio ne discrepet imum.

§. VI. De utilitate Fabulæ.

Quænam est utilitas Fabulæ?

& Mirabiles quosdam usus habet Fabula, si loco ac tempore adhibeatur, ut par est. Primo enim mirum in modum valet ad exhilarandos recreandosque auditorum animos, & ad conciliandam attentionem, quæ delectationi solet esse conjuncta. Hac arte sibi paravit olim attentionem summus Orator Demosthenes.

Cum enim licet de rebus gravissimis agens, fastidiose tamen & oscitanter audiretur ab Atheniensibus, hac eleganti Fabella repente illorum aures & animos ad audiendum convertit.

Asini umbra Fabula.

Adolescens æstivo tempore Athenis Megaram profecturus, asinum conduxit; cumque effervescente jam meridie, solis ardor capisset esse vehementior, vitandi caloris causa, sub asini ventrem se conjecit, ut umbram inde captaret. Ast (a) Agaso, qui locaverat asinum,

A 5

hinc

(a) Italice: *Mulattiere, Vetturale.*

hinc hominem serio proturbare , asserens se nihil nisi asinum , non vero asini umbram locasse : alter contra affirmare, se cum asino pariter illius umbram conduxisse: Cum autem vidisset Demosthenes captos hac Fabula Judices risu corruiere, ac pene emori, discessum repente paravit, vel parare se finxit; sed rogantibus enixe Atheniensibus, ut Fabulæ quod reliquum erat perficeret : Itane vero, mutata voce inquit , de asini umbra audire vultis, de rebus gravibus & seriis non vultis(a)? & illos hoc artificio ab escitania tædioque ad summam quamdam audiendi alacritatem traduxit.

Quenam est altera utilitas Fabulæ ?

R. Fabula non solum valet ad delectandum, sed, quod caput est, facit etiam in primis ad docendum , ad movendum, & ad corruptos hominum mores emendandos. Hic etenim est, quemadmodum Philosophiæ, sic etiam Fabulæ laudabilis scopus, ut utraque Mortales ad honestatis ac virtutis studium a vitiorum sceditate traducat. Sed Philosophus & Fabulator diversis itineribus eodem contendunt. Philosophus objurgat vitia palam & aperte, sine ambagibus & integumentis : unde offensi persæpe improborum animi salutare monitum aspernantur ac respuunt , castigatique remordent, ut inquit Juvenalis.

At Poeta vitium impugnat, quasi aliud agens, ac veluti (b) per cuniculos, & monitorum austeritatem Fabularum condimento mitigat: ut nempe captus ac delinitus innoxie voluptatis illecebris animus, salutarem medicinam libenter admittat, ut sapienter monet Lucretius lib. 1. & 4.

*Ac veluti pueris absinthia tetra medentes
Cum dare conantur , prius oras pocula circum
Contingunt mellis dulci flavoque liquore ,
Ut puerorum ætas improvida ludificetur
Labrorum tenuis ; interea perpotet amarum
Absinthii laticem , deceptaque non capiatur :
Sed potius tali facto recreata valeat .*

Quid

(a) *Plutarchus in vita Demosthenis ,*

(b) *Per via di rîne*

Quid enim aptius, v.g. ad inanum promissorum tumorem sine cuiusquam offensione castigandum, quam hæc lepidissima Phædri de monte parturiente Fabella (a) ?

Mons parturiens :

Mons parturiebat, gemitus immanes ciens ;
Eratque in terris maxima expectatio :
At ille murem peperit . Hoc scriptum est tibi ,
Qui magna cum minaris , extricas nihil .

Quo etiam ingeniose alludit Horatius in arte Poetica .

Quid dignum tanto feret hic promissor hiatu ?
Parturient montes , nascetur ridiculus mus .

Ad hanc Fabulæ utilitatem pertinet etiam quod ait idem Horatius in Sat. 1. l. 1.

Tantalus a labris sitiens fugientia captat
Flumina . Quid rides ? mutato nomine , de te
Fabula narratur .

Quo veterum exemplo probari potest , Fabulam ad docendos animos Et affectus concitandos utilem esse ?

Hæc Exemplo Menenii Agrippæ , qui plebem Romanam , quæ graviter offensa in montem Aventinum aliquando secesserat, ad Patrum auctoritatem concordiamque revocavit narratiuncula Apologi de membris humanis adversus stomachum conspirantibus ; & quod nec legum, nec magistratus auctoritate potuerat , id fictitiæ narrationis blandimento perfecit . Apologum sic narrat T. Livius Lib. 2.

Venter & reliqua humani Corporis membra. Apologus.

Tempore quo in homine , non ut nunc , omnia in unum consentiebant , sed singulis membris suum cuique consilium , suus sermo fuerat , indignatas reliquas partes , sua cura , suo labore ac ministerio ventri omnia quæri , ventrem in medio quietum nihil aliud quam datis voluptatibus frui ; (b) conspirasse inde , ne manus ad os cibum ferrent , nec os acciperet datum ; nec dentes conficerent . Hac ira dum ventrem fame domare vellent ,

(a) Lib. 4. (b) Supple agebat, vel narrabat .

ipsa una membra totumque corpus ad extremam tabem venisse: inde apparuisse, ventris quoque haud segne ministerium esse; nec magis ali quam alere eum, reddentem in omnes corporis partes hunc quo vivimus vigemusque, divisum pariter in venas, mature confecto cibo sanguinem. Comparando hinc quam intestina Corporis seditio similis esset iræ plebis in Patres, flexit mentes hominum .

CAPUT I L.

De Narratione .

Quid est Narratio?

R. Est rei gestæ, vel quasi gestæ expositio : Dicitur *rei gestæ, vel quasi gestæ*, ut nempe Narrationem tum Historicam, tum Fabulosam complectatur hæc nostra definitio .

§. I. De virtutibus Narrationis .

Quenam sunt virtutes Narrationis?

R. Quatuor a Tullio recensentur : perspicuitas, probabilitas, brevitās, & suavitas .

Quomodo perspicua fiet Narratio?

R. Fiet perspicua 1. Si temporum servetur ordo, adeo ut quod primum gestum est, primum etiam referatur .

2. Si verbis propriis & usitatis utamur .

3. Si res non interrupte narretur .

4. Denique si diligenter vitetur omnis verborum ambiguitas, qualis esset ista, v. g. *Ajunt Regem (a) Pyrrhum Romanos vicisse*. Quis enim inde victor, quis victus intelligi possit?

Quantum porro eniti ac contendere debeat Orator, ut perspicue narret & aperte, facile intelligere poteris ex aureo Fabii Quintiliani præcepto : *Prima sit Orationis virtus perspicuitas* .

Quo spectat etiam quod eodem capite inculcat idem Fabius : *Dilucida & negligenter quoque audientibus aperta sit . . . ut in animum, tanquam sol in oculos,*

(a) Pyrrhus fuit Epirotarum Rex fortissimus, qui contra Romanos pro Tarentinis sex annos bellum gessit .

los, etiamsi non intendatur, incurrat. Quare non ut intelligere possit auditor, sed ne omnino possit non intelligere curandum.

Quod si obscuritatis vitio laboret Narratio, jure ac merito cadet in illius auctorem, quod de obscurissimo quodam Scriptore jactatum est a nobilissimo (a) Poeta:

Quid juvat obscuris involvere scripta latebris?

Ne pateant animi sensa? tacere potes.

Cedo ex veteribus Exemplum aliquod Narrationis perspicue.

R. Instar omnium esse potest laudatissimum illud Epigramma (b) Ausonii de Venere armata & de Pallade.

In Venerem armatam.

Armatam vidit Venerem (c) Lacedæmone Pallas,

Nunc certemus, ait, iudice vel Paride.

Cui Venus: Armatam cur me, temeraria, temnis?

Quæ, quo te vici tempore, Inermis eram.

Quomodo fiet probabilis narratio?

R. 1. Si is, qui narrat, sit notæ probitatis & fidei.

2. Si rei gestæ seriem exponat sine fūco, qua simplicitate nimirum, atque candore plus multo valebit ad persuadendum, quam alii calami stris, leuociniis & hyperbole.

3. Si nihil afferat fidei absonum, & quod abhorreat a communi hominum sensu; quia, ut recte admonet Horatius in poetica.

Quodcumque ostendis mihi sic, incredulus odi;

Quod si forte rei veræ, sed incredibili fidem facere velis, usurpare poteris sapiens illud cujusdam Veteris dictum; Multa esse vera, quæ tamen non sint verisimilia & probabile omnino esse quamplurima.

con-

(a) Scævola Sammarthano. (b) Ausonius egregius Rhetor & Poeta, Præceptor Imperatoris Gratiani; fuit Consul Anno 379. (c) Lacedæmonii Venerem avævam colebant.

contra probabilitatem contingere .

4. Denique si clare aperteque exponat rerum circumstantias , & adjuncta personarum , locorum ac temporum; unde vel maxime pendet facti probabilitas. Ita Cicero in mirabili illa Narratione Miloniana, probabile reddit a circumstantiis personarum, quod narrat de infidiis Miloni a Clodio paratis. *Cur igitur, inquit, victus est (Clodius) ? Quia non semper viator a latrone, nonnunquam etiam latro a viatore occiditur; quia quamquam paratus in imperatos Clodius, tamen mulier inciderat in virum .*

Quid factu est opus , ut brevis sit Narratio ?

R. Brevis erit , si narraudi initium altius non repetas , & ab ovo , ut ajunt ; quemadmodum ineptus ille, quem ridet Horatius :

Qui gemino bellum Trojanum orditur ab ovo .

Sed si inde sumas exordium, unde necesse est. 2. Si non inutiles, putidasque circumstantias , quæ nihil faciant ad rem , in Narrationem tuam infarcias . Quid enim opus est dicere, v. g. *in portum veni, navem paratam aspexi , de pretio conveni , sublatae sunt anchoræ , e portu solvi ?* Satis erat dixisse: *e portu solvi .*

Vide tamen etiam atque, etiam ne nimia brevitatis obscuritatem afferat orationi , ut observat Fabius . *Vitanda , inquit , illa Sallustiana brevitatis & abruptum orationis genus .* Et alio loco : *Narratio , inquit, præcisa non tam Narratio vocari potest quam confusio .* Audi rursus Horatium nostrum :

---- Brevis esse laboro :

Obscurus fio .

Qua ratione suavis reddetur Narratio ?

R. Suavis erit , 1. si utamur verbis leniter & numerosè sonantibus 2. Si ita collocentur verba , ut nec hiulus, nec asper sit illorum concursus. 3. Si quæ narramus , fiat magna , nova & inexpectata. 4. Si adhibeantur certæ quædam narraudi formæ. Iulio per familiares; cum v. g. pro tempore præ-

præterito præsens usurpatur ; item cum plures infiniti subaudito verbo junguntur , ut cum ait : *Rex primo nihil metuere , nihil suspicari , dies unus & alter intercedere* . Ita etiam Cæsar lib. 1. de Bello Gallico : *Divitiacus multis cum lacrymis Cæsarem complexus obsecrare cepit , ne quid gravius in fratrem statueret : Scire se illa esse vera , nec quemquam ex eo plus , quam se , doloris capere* . Supple : *dixit* . Ita Virgilius in mirificis hisce versibus Lib. VI. *Æneidos* :

At Danaum Proceres , Agamemnoniæque phalanges .

Ut videre virum , fulgentiaque arma per umbras ,
Ingenti trepidare metu : pars vertere terga ,

Ceu quondam petiere rates : pars tollere vocem

Exiguam ; incæptus clamor frustratur hiantes .

5. Denique suavis erit Narratio , si diversis figuris illuminetur , & si habeat admirationes , expectationes , suspensiones , exitus inopinatos & interpositos motus animorum , dolorem , lætitiâ , metum , cupiditatem .

Harum omnium rerum admirabile quoddam exemplum habes in jucundissima illa Narratione de Dionysio Syracusarum Tyranno , & de Damocle quodam illius Parasito , in quam intueri satis non poterunt Tyrones , ut suaviter & festive narrare discant .

Dionysius Syracusarum Tyrannus & Damocles .

Jucundæ Narrationis Exemplum ex Tuscul. lib. 5.

Cum quidam ex ejus assentatoribus Damocles commemoraret in sermone copias ejus ; opes , majestatem , dominatus , rerum abundantiam , magnificentiam ædium regiarum , negaretque unquam beatiorum quemquam fuisse : Visne igitur , inquit , o Damocle , quoniam hæc te vita delectat , ipse eandem degustare , & fortunam experiri meam ? Cum se ille cupere dixisset , collocari jussit hominem in aureo lecto , strato pulcherrimo , (a) textili stragulo , magnificis operibus picto ,
abs.

(a) Ital. Con arazzi ricamati a superbissimi lavori .

(a) abacosque compures ornavit argento auroque cæ-
lato Tum ad mensam eximia forma pueros delectos
jussit consistere, eosque nutum ejus intuentes diligen-
ter ministrare. Aderant unguenta, coronæ, incende-
bantur odores; mensæ exquisitissimis epulis extruebantur
Fortunatus sibi Damocles videbatur. In hoc me-
dio apparatu fulgentem gladium, & (b) lacunari sie-
ta equina aptum, demitti jussit, ut impenderet il aur
beati cervicibus. Itaque nec pulchros illos ministrato-
res adspiciebat, nec plenum artis argentum, nec ma-
num porrigebat ad mensam: jam ipsæ defluebant co-
ronæ: denique exoravit Tyrannum, ut abire liceret,
quod jam beatus nollet esse. Satis ne videtur decla-
rasse Dionysius, nihil ei esse beatum, cui semper ali-
quis terror impendat?

Ad hanc suavissimam Narrationem alludit Hora-
tius, cum ait Odarum lib. 3.

Districtus ensis cui super impia

Cervice pendet, non Siculæ dapes

Dulcem elaborabunt saporem.

Non avium, citharæque cantus

Somnum reducent, &c.

§. II. De Schematis, seu Figuris, quibus
illuminari potest Narratio.

Quid est figura?

R. Figura, seu Schema, est ornamentum quod-
dam orationis, seu loquendi modus illustrior, &
a communi consuetudine remotus, cujusmodi sunt
hæc Ciceronis verba: O Dii immortales, ubinam gen-
tium sumus! O scelus, o portentum in ultimas terras
amandandum! Itemque illa Virgilii verba in Eclo-
ga II.

Ah Corydon, Corydon, quæ te dementia cepit?

Vel cum idem Virgilius Æneid. VI. Sibyllam ita
loquentem inducit:

--- Bella, horrida bella;

Et multo Tibrim spumantem sanguine cerno.

Quis enim non videt, hæc orationis lumina &
illas

(a) Credenze. (b) Soffitta.

illas dicendi quasi faces in quotidiano communique sermone adhiberi nequaquam solere?

Quibus potissimum Figuris erit illuminanda narratio, ut sit suavis?

R. Præcipuæ Narrationis Figure sunt Hypotyposis, Suspendio, sive Suspendatio, Exclamatio, Communicatio, & Sermocinatio, sive Dialogismus .

Quid est Hypotyposis?

R. Est figura, qua aliquid tam vivis spirantibusque ut ita loquar, coloribus pingitur atque narratur, ut non tam audiri, vel legi, quam spectari & oculis quasi subjici videatur. Ita Cicero V. in Verrem Gavii cujusdam Civis Romani supplicium narrat per Hypotyposim. *Cædebatur virgis in medio foro(a) Messanæ Civis Romanus: cum interea nullus gemitus, nulla alia vox istius miseri inter dolorem, crepitumque plagarum audiebatur, nisi hæc: Civis Romanus sum.*

Sic etiam Virgilius narrator & rerum imitator plane mirificus, Didonis & Æneæ venationem describens, rem quasi sub oculos ponit his versibus egregiis;

----- Ostroque insignis & auro

Stat sonipes, ac fræna ferox spumantia mandit.

Idemque Poeta libro quinto, Entelli & Daretis pugnam pene sub aspectum ita subjicit: (Cum,

Hæc fatus(b) duplicem ex humeris rejecit ami-

Et magnos membrorum artus, magna ossa (c) lacertosque .

Exiit, atque ingens media consistit arena .

Consistit extemplo in digitos arrectus uterque,

Brachiaque ad superas interritus extulit auras .

.....

Præcipitemque Daren ardens agit æquore toto,

Nunc dextra ingeminans ictus, nunc ille sinistra,

Nec mora, nec requies, quam multa grandine nimbi

Culminibus crepitant, sic densis ictibus Heros,

Cre-

(a) In Sicilia, vulgo Messina .

(b) Entellus. (c) Versus hypermeter .

Creber utraque manu pulsat versatque Dareta.

.....
 Ast illum fidi æquales genua ægra trahentem ,
 Jacentemque utroque caput, crassumque cruorem
 Orcantem, mixtosque in sanguine dentes ,
 Ducunt ad naves .

Quid est suspensio ?

℞. Suspensio, seu Suspendatio est Figura, qua Orator ad sibi conciliandam attentionem, & ad excitandos atque arrigendos auditorum animos, illos tenet aliquandiu suspensos & incertos quid dicturus sit. Ita Tullius contra Verrem : *Etiamnum mihi expectare videmini, judices, quid deinde factum sit . . . Expectate facinus quam vultis improbum; vincam tamen expectationem vestram.*

Quid est Exclamatio ?

℞. Est vocis elatio, sive contentio, qua interjectione vel adhibita, vel subaudita, vehementiorem animi motum significamus, & rei magnitudinem exprimimus. Ita Tullius, post narratum indignissimum illud Gavit, licet Civis Romani, supplicium, de quo paulo supra, in has doloris & indignationis voces subito erumpit: (a) *O nomen dulce libertatis! O jus eximium nostræ civitatis! O lex Porcia legesque Sempromio graviter desiderata & aliquando reddita plebi Romanæ Tribunitia potestas! huccine tandem omnia reciderunt ut civis Romanus in provincia populi R. in opido Federatorum, ab eo, qui beneficio populi R. fasces & secures haberet, deligatus in foro virgis caderetur? Quid cum ignes, ardentesque laminæ, ceterique cruciatus admovebantur? si te illius acerba imploratio, & vox miserabilis non inhibebat, ne civium quidem Romanorum, qui tum aderant, fletu & gemitu maximo commovebare? In crucem tu agere ausus es quemquam, qui se civem Romanum esse diceret?*

Eodem plauze modo Æneas, apud Virgilium lib. 2, equi Trojani fatalem ingressum primo narrat:

Dividimus muros, & micenia pandimus urbis .

Ac-

(a) Cic. in Verrem .

Accingunt omnes operi , pedibusque rotarum
Subjiciunt lapsus , & stupea vincula collo
Intendunt . Scandit fatalis machina muros
Fœta armis : circum pueri , innuptæque puellæ
Sacra canunt , funemque manu contingere gau-
dent .

Illa subit , medixque minians illabitur urbi .

Deinde per summum dolorem repente sic exclamat :

O patria , o divum domus Ilium , & inclyta bello
Mœnia Dardanidum ! quater ipso in limine portæ
Substitit , atque utero sonitum quater arma dedere ,
Instamus tamen immemores , cæcique furore ,
Et monstrum infelix sacrata sisimus arce .

Quid est Communicatio ?

℞. Est figura, qua Orator causæ suæ confidens deliberat cum iis ipsis, apud quos, vel contra quos dicturus est, illos nimirum consulens quid acturus sit, vel etiam quid ipsimet in simili causa essent acturi . Ita Cicero per summam fiduciam videtur consilia sua communicare cum adversario suo Verre , illumque quasi consulere in hunc modum : *Si tu apud Persas, aut in extrema India deprehensus, Verres, ad supplicium ducerere, quid aliud clamitares, nisi te civem esse Romanum (a) ? Et si tibi ignoto apud ignotos, apud Barbaros, apud homines in extremis atque ultimis gentibus positos, nobile & illustre apud omnes nomen tuæ civitatis profuisset ; ille, quisquis erat, quem tu in crucem rapiebas, qui tibi esset ignotus, cum Civem se Romanum esse diceret, apud te Præto-rem, si non effugium, ne moram quidem mortis mentione atque usurpatione civitatis assequi potuit ?*

Quid denique est Sermocinatio, seu Dialogismus ?

℞. Est Figura, qua duo, vel plures homines inducuntur loquentes aut secum ipsi, aut cum aliis Lepidum illius exemplum habes in hac pereleganti Narratione Ciceroniana libri primi Tusculanarum questionum .

Dio

(a) Una hac voce D. Paulus, civis Romanus cruciatus, & mortem vitavit. *Ad. 22.*

Diogenes & amici . Narratio per Dialogismum .

Cum ab amicis rogaretur Diogenes , ubi vellet inhumari : Projicite me , inquit , inhumatum . Tum amici : Volucrisne & feris ? Minime vero , inquit , sed bacillum prope me , quo abigam , ponitote . Qui (a) poteris ? illi ; non enim senties . Quid igitur mihi ferarum laniatus obest nihil sentienti ?

Nec minus festivum videbitur quod hic subjicio , aliud exemplum ex eodem Tullio 1. 2. de Orat.

Scipio (b) Nasica & Ennius Poeta .

Scipio Nasica cum ad Poetam Ennium venisset , eique ab ostio querenti Ennium ancilla dixisset , domi non esse ; Nasica sensit , illam domini jussu dixisse , & illum intus esse . Paucis post diebus cum ad Nasicam venisset Ennius , & eum a janua quæreret , exclamat Nasica , se domi non esse . Tum Ennius : quid ? ego non cognosco vocem , inquit , tuam ? Hic Nasica : Homo es impudens ; ego cum te quærerem , ancillæ tuæ credidi te domi non esse : tu mihi non credis ipsi ?

§. III. Varia Narrationum genera & selecta illarum Exempla .

Quotuplex est Narrationis genus ?

R. Triplex : alia est enim Narratio Poetica , alia Historica , alia Civilis & Oratoria . Narratio Poetica rem fictam exponit ; Historica rem gestam ; Civilis & Oratoria rem exponit , quæ in controversiam adducitur .

Quid differt inter hæc tria Narrationum genera ?

R. Hoc potissimum interest quod Historicus , & Orator ordinem temporis & rei gestæ seriem in narrando sequantur & servant ; contra quam facit Poeta , qui etiam a fine , aut a medio , rem solet ordiri ; quomodo Virgilius ab anno septimo excidii Trojani suam Æneidem auspicatur ; ut liquet ex hisce Didonis verbis ad Æneam , ad calcem libri primi :
... Nam

(a) pro Quomodo . (b) Erat cognomen Scipionis illius , qui etiam Corculum vocabatur ob summam prudentiam .

----- Nam te jam septima portat
Omnibus errantem terris & fluctibus ætas.

2. Hoc interest, quod Historicus veritatem confectetur, Orator verisimilitudinem; Poeta vero commentitiis etiam fabulis veritatem aspergat.

3. Denique hoc interest, quod Historica Narratio sit ferme simplex, brevis ac nuda; Oratoria sit ornatior & fusior: Poetica vero ornamentis abundet, & omnibus artis coloribus picta sit, atque polita.

*A*ffer ex veteribus illustre quodpiam exemplum
Narrationis Poeticæ.

R. Instar omnium esto Ovidiana illa Narratio de Dædalo, & de infelici Icaro, in qua omnes, quas diximus, virtutes dotelque optimo jure miraberis.

Dædalus & Icarus, Narratio Poetica.

Metamorph. lib. 8.

(a) Dædalus interea Creten, longumque perosus
Exilium, tactusque (b) loci natalis amore,
Clausus erat pelago. Terras licet, inquit, & undas
Obstruat, at cælum certe patet; ibimus illac:
Omnia possideat, non possidet æra Minos.
Dixit: & ignotas animum dimittit in artes;
Naturamque novat; nam ponit in ordine pennas
A minima coeptas, longam brevior sequente,
Ut clivo crevisse putes: sic rustica quondam
Fistula disparibus paulatim surgit avenis.
Tum lino medias, & ceris alligat imas;
Atque ita compositas parvo curvamine flectit,
Ut veras imitetur aves. Puer Icarus una
Stabat, & ignarus sua se tractare pericla,
Oræ pendenti; modo quas vaga moverat aura
Captabat plumas, flavam modo pollice ceram
Mollibat, lusuque suo mirabile patris
Impediebat opus. Postquam manus ultima cæpto
Imposita est, geminas opifex libravit in alas

Ipse

(a) Dædalus in labyrinthum, cujus auctor fuerat, conjectus fuit a Minoe, ob Theseum ejus consilio servatum.

(b) Patriæ, Athenarum.



Ipse suum corpus , motaque pependit in aura .
 Instruit & natum ; Medioque ut limite curras ,
 Icare , ait , moneo : ne , si demissior ibis ,
 Unda gravet pennas ; sicelsior , ignis adurat .
 Inter utrumque vola : nec te spectare (a) Booten ,
 Aut (b) Helicen jubeo , strictumque (c)

Orionis eusem .

Me duce carpe viam , Pariter præcepta volandi
 Tradit , & ignotas humeris accommodat alas .
 Inter opus monitusque genæ maduere seniles ,
 Et patriæ tremuere manus : dedit oscula nato
 Non iterum repetenda suo , pennisque levatus
 Antevolat , comitique timet , (velut ales , ab alto
 Quæ teneram prolem produxit in acra nido)
 Hortaturque sequi , damnosæque erudit artes ;
 Et movet ipse suas , & nati respicit alas .

Cum puer audaci cœpit gaudere volatu ,
 Deferuitque ducem , cœlique cupidine tactus
 Altius egit iter . Rapidi vicina solis
 Mollit odoratas , pennarum vincula , ceras .
 Tabuerant ceræ , nudos quatit ille lacertos ,
 (d) Remigioque carens non ullas percipit auras :
 Oraque czrulea patrium clamantia nomen
 Excipiuntur aqua , quæ (e) nomen traxit ab illo .
 At pater infelix , nec jam pater , Icare , dixit ,
 Icare , dixit , ubi es ? qua te regione requiram ?
 Icare , dicebat , pennas aspexit in undis ;
 Devovi tque suas artes , corpusque sepulchro
 Condidit ; & tellus a nomine dicta sepulti est .

CEdo vetus quoddam exemplum *Narrationis Historice* . & Habes in veteribus Historiæ Romanæ scriptoribus *Narrationes* bene multas tam singulâ opera artificioque elaboratas , ut nihil supra ; in T. Livio 1. Sabinarum raptum . 2. Horatiorum & Curiat ,

(a) Signum Septentrionale . (b) Ursam majorem .
 (c) Sidus quod pingitur cum ense stricto . (d) Alis quibus quasi remigabat . (e) Icarium mare vocatur .

riat, iorum pugnam; 3. Lucretiæ mortem, (a) ex-
actos a Bruto Tarquinius, interemptosque a patre pro-
prios filios; 4. Audax Mucii Scaevolæ facinus adver-
sus Regem Porſenam; 5. Varios Coriolani eventus;
6. Pugnam Cannensem; 7. Hannibalis cum Scipione
congreſſum Ephesi apud Antiochum Regem: 8. Su-
pra cætera vero omnia mirificum illud ejusdem
Hannibalis iter in Italiam, per Hispaniam, per
Pyrenæos, per Gallias, quod exquisitiſſimum quod-
dam artis opus exiſtimo .

Habes præterea in Saluſtius pugnam adverſus Ca-
tilinam; in Q. Curtio Tyri obſidionem, ſingularem
Abdalonymi eventum, Alexandri magni mortem,
exercitus conſervationem, & Regiæ Siſygambris
dolorem, ac interitum, &c.

Verum ſat eſto ex omnibus illis Narrationibus u-
nam, aut alteram hoc loco commemorare. Tu ex
duabus illis diſce omnes .

Horatiorum pugna cum Curiatiis .

Narratio Hiſtorica . Ex Livii Hiſt. Lib. I.

Datur ſignum, inſeſtiſque armis, velut acies, terni
juvenes magnorum exercituum animos gerentes
concurrunt. Nec his, nec illis periculum ſuum, ſed
publicum imperium ſervitiumque obverſatur ani-
mo; futuraque ea deinde patriæ fortuna, quam ipſi
feciffent. Ut primo ſtatim concuſſu increpuere ar-
ma, micantesque fulſere gladii, horror ingens ſpe-
ctantes perſtringit, & neutro inclinata ſpe, torpe-
bat vox ſpiritusque .

Conſertis deinde manibus, cum jam non motus tan-
tum corporum, agitatioque anceps telorum armo-
rumque, ſed vulnera quoque, & ſanguis ſpectaculo ef-
ſent, duo Romani ſuper alium alius, vulneratis tri-
bus Albanis, expirantes corruerunt. Ad quorum ca-
ſum cum clamaſſet gaudio Albanus exercitus, Ro-
manas legiones jam ſpes tota, nondum tamen cura
deſernerat, exanimis vice unius, quem tres Curiatii
circumſteterant. Forte is integer fuit, ut univerſis ſo-
lus

(a) Ital. *diſcacciati* .

lus nequaquam par, sic adversus singulos ferox. Ergo ut segregaret pugnam eorum, capeffit fugam, ita ratus sequuturos, ut quemque affectum vulnere corpus sinneret. Jam aliquantulum spatii ex eo loco, ubi pugnatum est, aufugerat, cum respiciens videt magnis intervallis sequentes; unum haud procul ab sese abesse: in eum magno impetu rediit; & dum Albanus exercitus inclamat Curiatis, ut opem ferant fratri, jam Horatius cæso hoste, victor secundam pugnam petebat. Tunc clamore (qualis ex insperato faventium solet) Romani adjuvant militem suum, & ille defungi prælio festinat. Prius itaque quam alter qui nec procul aberat, consequi posset & alterum Curiatium conficit.

Jamque æquato Marte singuli supererant, sed nec spe, nec viribus pares: (a) Alterum intactum ferro corpus & geminata victoria ferocem in certamen tertium dabant: Alter fessum vulnere, fessum cursu trahens corpus, victusque fratrum ante se strage, victori objicitur hosti: nec illud prælium fuit. Romanus exultans: Duos, inquit, fratrum Manibus dedi; tertium causam belli hujusce, ut Romanus Albano imperet, dabo. Male sustinenti arma gladium superne jugulo defigit, jacentem spoliat. Romani ovautes ac gratulantes Horatium accipiunt, eo majore cum gaudio, quo propius metum res fuerat.

(b) Abdalomynus ex Olitore rex Sidoniorum factus ab Alexandro Magno.

Ex lib. IV. Q. Curtii.

Erant (c) Hephæstioni hospites clari inter suos juvenes, qui facta ipsis potestate regnandi, negaverunt quemquam patrio more in id fastigium recipi, nisi regia stirpe ortum. Admiratus Hephæstion magnitudinem animi spernentis quod alii per ferrum ignesque peterent. Vos quidem magis virtute, inquit, estote, qui-

(a) Hæc est recta syntaxis *Corpus intactum ferro, & victoria geminata dabant alterum ferocem in certamen tertium.* (b) Atqui Abdalomynum dicunt.

(c) *Erat is apud Alexandrum gratiosissimus.*

qui primi intellexistis , quanto majus esset regnum *falsidire* , quam accipere . Ceterum date aliquem *regiæ stirpis* , qui meminerit a vobis acceptum habere se *regnum* . At illi cum multos imminere tantæ spei cernerent , singulis (a) amicos Alexandri , ob nimiam regni cupiditatem adulantibus , statuunt neminem esse potiorum , quam Abdalonymum quemdam , longa quidem cognatione stirpi *regiæ* annexum , sed ob inopiam suburbanum hortum exigua colentem *stipe* . Causa ei paupertatis , sicut , plerisque , probitas erat . Intentusque operi diurno , strepitum armorum , qui totam Asiam concusserat non exaudiebat .

Subito deinde , de quibus ante dictum est , cum *regiæ* vestis insignibus hortum intrant ; quem forte steriles herbas eligens Abdalonymus repurgabat . Tunc rege eo salutato , alter ex his : *Habitus* , inquit , is , quem cernis in meis manibus , cum isto squalore , permutandus tibi est . Ablue corpus (b) illavie æternisque sordibus squalidum : Cape regis animum , & in eam fortunam , qua dignus es , istam continentiam profer . Et cum in regali solio residebis vitæ necisque omnium civium dominus , cave obliviscaris hujus status , in quo accipis regnum , imo , Hercule , propter quem .

Somnio similis res Abdalonymo videbatur . Interdum satiræ sani essent , qui tam proterve sibi illuderent , percontabatur . Sed ut cunctanti squalor ablatus est , & injecta vestis purpura auroque distincta , & fides a jurantibus facta ; serio jam rex , iisdem comitantibus in regiam pervenit . Fama , ut solet , strenue tota urbe discurret . Aliorum studium , aliorum indignatio eminebat . Ditissimus quisque humilitatem inopiamque ejus apud amicos Alexandri criminabatur . Admitti eum rex protinus jussit ; diuque contemplatus : *Corporis* , inquit , *habitus* famæ generis non repugnat : sed libet scire , inopiam quam patientia tuleris . Tum ille : *Utinam* , inquit , eodem

B

dem

(a) Ita genuina lectio . (b) Ital. bruttura .

dem animo regnum pati possum . Hæ manus suffecerunt desiderio meo : nihil habenti nihil defuit . Magnæ indolis speciem ex hoc sermone Abdalonymi cepit .

C *Edo denique exemplum Narrationis Oratoricæ .*
 R. Laudatur ab omnibus, & in primis a Quintiliano, celebris illa Milionana Narratio, qua Cicero suspicionem insidiarum a Milone in Clodium tam callide tamque ingeniose detorquet. Sic autem rem aggreditur :

Narratio Miloniana .

Milo autem , cum in Senatu fuisset eo die quoad Senatus dimissus est , domum venit , calceos , & vestimenta mutavit : paulisper , dum se uxor (ut fit) comparat , commoratus est : Deinde profectus est id temporis , cum jam Clodius , siquidem eo die Romam venturus erat , redire potuisset . Obviam fit ei Clodius expeditus in equo , nulla rheda , nullis impedimentis , nullis Græcis comitibus , ut solebat ; sine uxore , quod nunquam fere : cum (a) hic insidiator , qui iter illud ad cædem faciendam apparatusset , cum uxore veheretur in rheda , (b) penulatus , vulgi magno impedimento , ac muliebri & delicato ancillarum puerorumque comitatu .

Fit obviam Clodio ante fundum ejus , hora fere undecima , aut non multo secus . Statim complures cum telis in hunc faciunt de loco superiori impetum : adversi rhedarium occidunt . Cum autem hic de rheda , rejecta penula , desilisset , seque acri animo defenderet , illi , qui erant cum Clodio , gladiis eductis , partim recurrere ad rhedam , ut a tergo Milonem adorirentur ; partim , quod hunc jam interfectum putarent , cedere incipiunt ejus servos , qui post erant ; ex quibus qui animo fideli in domum erant , & præsentibus fuerunt partim occisi sunt , partim , cum ad rhedam pugnari viderent , & domino succurrere prohiberentur , Milonemque occisum etiam ex ipso Clodio audirent , & ita esse pu-
 ra .

(a) Milo , *ironice* . (b) *Penula* , seu pallio obvolutus .

tarent, fecerunt id servi Milonis (dicam enim non derivandi criminis causa, sed ut factum est) neque imperante, neque sciente, neque præsente domino, quod suos quisque servos in tali re facere voluisset.

Hæc, sicut exposui, ita gesta sunt: judices: insidiator superatus; vi victa vis, vel potius oppressa virtute audacia est.

Miloniana illa Narratione nihilo inferiorem existimo hanc alteram Narrationem lepidissimam, qua Tullius ostendit in lib. 3. de Officiis, quam sint perfidi improbiq; , qui aliud agunt, aliud simulant.

Malus Pythii cujusdam dolus.

Narratio oratoria.

C. Canius, eques Romanus nec infacetus & satis litteratus, cum se Syracusas otiandi, ut ipse dicere solebat, non negotiandi causa contulisset, dictitabat se hortulos aliquos velle emere, quo invitare amicos, & ubi se oblectare sine interpellatoribus posset. Quod cum percrebuisse, Pythius ei quidam, qui (a) argentariam faceret Syracusis, venales se quidem hortos non habere, sed licere uti Canio, si vellet, ut suis, & simul ad cœnam hominem invitavit in hortos in posterum diem. Cum ille promississet, tum Pythius, qui esset, ut argentarius, apud omnes ordines graciosus, piscatores ad se convocavit, & ab his petivit, ut ante suos hortulos postridie piscarentur, dixitque quid eos facere vellet.

Ad cœnam tempore venit Canius; opipare a Pythio apparatus convivium: cymbarum ante oculos multitudo: pro se quisque quod ceperat, afferrebat: ante pedes Pythii pisces abjiciebantur.

Tum Canius: Quæso, inquit, quid est hoc Pythi? tantumne piscium? tantumne cymbarum? & ille: Quid mirum? inquit: hoc loco est, Syracusis quidquid est piscium. Hic (b) aquatio: hac villa isti carere non possunt.

Incensus Canius cupiditate contendit a Pythio ut

B 2

ven.

(a) *Banchiere.* (b) *Ital. aut il bagno, aut il luogo, dove vengono a provvedersi d' acqua; ab aquor, atis.*

venderet . Gravate ille primo : quid multa ? impetrat : emit homo cupidus & locuples tanti , quanti Pythius voluit , & emit instructos : (a) nomina facit ; negotium conficit .

Invitat Canius postridie familiares suos . Venit ipse mature , scalmum nullum videt (b) ; quærit ex proximo vicino, num ferix quædam piscatorum essent, quod eos nullos videret . Nullæ (quod sciam) inquit ille ; sed hic piscari nulli solent . Itaque heri mirabar quid accidisset . Stomachari Canius . Sed quid faceret ? Nondum enim (c) Aquilius Collega & familiaris meus protulerat de dolo malo formulas . . . Ergo & Pythius , & omnes aliud agentes , aliud simulantes , & improbi , & malitiosi sunt .

C A P U T III.

§. I. De Chria .

Quid est Chria ?
R. Est brevis commemoratio facti , vel dicti cujuspiam utilis & memoria digni : unde etiam Chria suum nomen invenit a Græco vocabulo *χρησις*, (d) , quod usum, utilitatem, commodum significat .

Quotuplex est Chriarum genus ?

R. Triplex . Aliæ versantur in verbis , aliæ in actione , aliæ in utroque consistunt . Seu , ut vulgus Rhetorum loqui solet , aliæ sunt *Verbales* ; aliæ *Activæ* , aliæ *Mixtæ* .

Quid est Chria Verbalis ?

R. Ea est , quæ explicat verba graviter ab aliquo & sententiose prolata ; qualis est v. gr. Virgilii versus (e) .

Discite justitiam moniti , & non temnere Dives
vel

(a) Ital. *fa la scritta* ; *diehi arandosi debitore* .

(b) *Non vede neppure un cavicchio, un pivolo di barca* .

(c) *Aquilius præstant jurisconsultus ; prætor fuerat ante Ciceronem* (d) *Sunt qui scribunt Chreja , sed male* . (e) *Æneid. 6.*

Vel hoc effatum Senecæ : *Nulla est honesta avaritia nisi temporis* ; itemque hi Horatii versus (a) :

Pallida mors æquo pulsat pede pauperum tabernaculumque turres . (nas

Aut denique sapientissima illa Juvenalis sententia ,
Orandum est , ut sit mens sana in corpore sano .

Quid est *Chria activa* ?

Æ. Ea est, quæ memorabile aliquod factum exponit, & verbis exornat, ut : *Sapiens Pythagoras interrogatus aliquando , quàm longa esset hominum vita ; sese paulisper conspicendum exhibuit ; tum subito ex spectantium oculis evolavit ; ut nimirum celebrari illa fuga , caducæ & fugacis mortalium vitæ brevem tatem designaret .*

Sic etiam Cotys Thraciæ Rex, cum quidam pardalim , seu pantheram , ferocissimum animal , illi donq misisset ; ipse vicissim leonem misit , ne verbum quidem addens : sed malam bestiam sic male pensando, re ipsa hominem prudenter admonuit par pari , ut est in veteri proverbio , esse omnino referendum .

Memorable quoque in primis & omnibus notum quod referunt Livius & Florus de duobus Tarquiniiis patre & filio . Cum enim Sextus Tarquinius , Tarquinius Superbi regis ultimi Romanorum filius , acceptam a patre contumeliam & injuriam simulans, ad (b) Gabios transfugisset , brevique ad summam apud illos , regizque pene parem potestatem pervenisset , misit clanculum Romam unum e suis , scitatum a patre quidnam demum se facere vellet . Rex ad hæc nihil voce respondit, sed veluti deliberandus in hortum ædium transiit , sequente filii nuntio . Ibi inambulans tacitus eminentia papaverum capita baculo decussit , & per hæc ambages filium admonuit , primores civitatis esse interficiendos . Quod cum a filio non ita multo post variis ar-

B 3

ti-

(a) *Odarum lib. 1.* (b) *Gabii Volscorum urbs, lxx. millia passuum ab urbe Roma distans .*

tibus factum esset, brevi & consilio & praesidio or-
bata civitas, fuit in Tarquinii potestatem nullo la-
bore redacta.

Rem sic narrat Ovidius nativo quodam, ut solet,
simplicique candore, libro secundo de Fastis.

Ultima Tarquinius Romanæ gentis habebat

Regna; vir injustus; fortis ad arma tamen.

Ceperat hic alias, alias everterat urbes,

Et Gabios turpi fecerat arte suos.

Namque trium minimus proles manifesta Superbi

In medios hostes, nocte silente, venit.

Nudarunt gladios: Occidite, dixit, inermem;

Hoc cupiunt fratres, Tarquiniusque pater,

Qui mea crudeli laceravit verberare terga.

(Dicere ut hoc posset, verbera passus erat).

Luna fuit, spectant juvenem, gladiosque recondunt,

Tergaque, deducta veste, notata vident.

Flent quoque, & ut secum tueatur bella, precantur:

Callidus ignavis annuit ille viris.

Jamque potens misso genitorem appellat amico,

Perdendi Gabios quod sibi monstret iter.

Hortus odoratis suberat cultissimus herbis,

Sectus humum rivo lene sonantis aquæ:

Illic Tarquinius mandata latentia nati

Accipit; & virga lilia summa metit.

Nuntius ut rediit, decussaque lilia dixit,

Filius, agnosco jussa parentis, ait.

Nec mora, principibus cæsis ex urbe Gabina.

Traduntur ducibus moenia nuda suis.

Quid est Chria mixta?

R. Est ea, quæ Factum aliquod sermoni conjun-
ctum exponit. Exempla si quæris, aliquot selecta
hic damus.

Exempla Chriæ Mixtæ. I.

*Marmoream statuam cum aliquando vidisset in foro
Diogenes Philosophus, ad illam supplex accessit, &
manum illi quasi ad stipem diu multumque porrecta.
Mirantibus valde amicis, & interrogantibus quid por-
ta faceret, respondit: Ad repulsam me experior.*

II. Exem-

II. Exemplum .

Idem Diogenes cum aliquando confertissimam populi turbam sese e theatro effundentem vidisset, adversus illam solus ingredi totis viribus capit, & objurgantibus respondit: Hoc in omni vita facere studeo .

III. Exemplum .

Miles Spartanus (a) intempesta nocte tumultum præteriens cum horrible quoddam spectrum vidisset, stridula lancea, in illud audacter irruit, ita verbis compellans: Quo me fugis anima bis moritura? Hoc singulari facto docemur, Faunorum terribilia, & inania larvarum ac lemurum ludibria a cordatis fortibusque omnino rideri .

Quot sunt Chriæ partes, seu Capita?

R. Chria sive Verbalis, sive Activa, sive Mixta, continetur partibus octo, inquit Aphthonius in *Progymnasmatibus*. Sunt autem parte illæ, *Encomium, Paraphrasis, Causa, Contrarium, Simile, Exemplum, Testimonium veterum, & Epilogus*.

Sive ut trita illa, usitataque formula potius utamur. Chria tractanda est .

- | | |
|----------------------|--------------------------|
| 1. A Laudativo . | 5. A Simili . |
| 2. A Paraphrastico , | 6. Ab Exemplo . |
| 3. A Causa . | 7. A Testimonio veterum; |
| 4. A Contrario . | 8. A Brevis Epilogo . |

Quæ singula Capita sigillatim enucleare necesse est .

Quid sibi vult a Laudativo?

R. Significat, in ipso Chriæ initio laudandum esse dicti, vel facti auctorem; ut scilicet ex auctoris laudatione major illis seu dictis, seu factis auctoritas, ac veluti pondus accedat .

Quid hoc sibi vult a Paraphrastico?

R. Idem prorsus ac si diceret, *Ab expositione dicti vel facti, de quo agitur*. Paraphrasis enim, ut vox Græca satis indicat, est liberior ac copiosior rei explanatio .

B 4

Quid

(a) Ital. di notte, fuor d' ora .

Quid illud est a Causa ?

R. Indicat, diligenter investigandam esse, & asserendam causam illius seu dicti, seu facti, quod pertractandum & amplificandum suscepimus: v. g. *Chrix verbalis argumeneum esto hæc sapiens sententia: Ferenda sunt amicorum vitia: erit in promptu hæc causa iustissima, quod scilicet vitiis sine nemo nascitur: optimus ille est, qui minimis urgetur, ut ait Horatius.*

Quid est a Contrario ?

R. Admonet, sententiam nostram ex contrariarum rerum confictione esse confirmandam; v. g. postquam probaveris *dulce ac decorum esse pro patria mori* (a), dices e contrario rem esse turpissimam, ac (b) propudiosam, si miles pro patria pugnans inhonesta mortis formidine, terga fugæ convertat. Item postquam ostenderis, otium & desidiam omnium vitiorum fontem ac fomitem esse, dice se contrario, laborem & vigilias esse firmissimum morum, integritatis, innocentique præsidium.

Quid a Simili ?

R. Monet, propositam sententiam apta quapiam similitudine exornandam ac illustrandam esse. Ita si laborem & diligentiam commendare velis, dices cum Tullio. 2. de Nat. 37 *Ut ad cursum equus, ad arandum bos, ad indagandum canis; sic homo ad contemplandum atque agendum natus est.*

Quid vocas ab Exemplo ?

R. Hujusce vocis sensus est, rem, quam pertractamus, illustris cujuscunque exempli appositione confirmandam esse. Sit tibi v. g. amplificandum illud: *Dulce & decorum est pro patria mori*; afferes exemplum Codri (c) Atheniensium regis, de quo cecinit Horatius ode 14. lib. 3. *Codrus pro patria non timidus mori: vel asserre poteris exemplum Decii*

Con-

(a) Horat. (b) Ital. *Infame, vergognosa.*

(c) *Codrus ultimus Atheniensium Rex seipsum neci abstulit pro patriæ salute in bello contra Dorienfes.*

Consulis Romani , qui se velato capite , certisque verbis pro patriæ salutē ultro devovit .

Quid a Testimonio veterum?

&. Ostendit , nostram sententiam veterum auctororum verbis ac testimonio comprobendam esse . Sit hoc argumentum : v. g. *Injurias esse condonandas potius quam ulciscendas* : usurpabis aureum illud Taciti verbum : *Multa contemptu curantur* ; vel hanc ejusdem sententiam homine Christiano dignissimam : *Convicia (a) preta exolescunt* .

Quid demum sibi vult a brevi Epilogo?

&. Indicat , apta quadam & rotunda verborum conclusione comprehendenda esse quæcumque fufius dicta sunt . Est enim Epilogus brevis & artificiosa clausula , qua colligimus in pauca quæ fufius commemorata fuere .

Sed quoniam , ut initio diximus , per præcepta longum est iter , per exempla vero expeditum & facile , idcirco operæ pretium est aliquod Christi exemplum hoc loco subjicere .

§. II. Chria verbalis in hanc Virgilii sententiam . *Æneid. 10.*

... Breve & irreparabile tempus

Omnibus est vitæ ...

A Laudativo .

CUM optimo cuique Poetæ propositum illud fuerit semper , ut miscat utile dulci , hoc est , ut delectando doceat , & docendo delectet ; neminem tamen adhuc legi Poetam hac in re poetarum principii Virgilio comparandum . Ille enim non solum ceteros omnes ante se & post se Græcos Latinosque Poetas facile vincit elegantia , suavitate , judicio , splendore , numero , delectuque verborum ; non solum hoc habet , ut illius versibus perfecti s ingenio , elaboratis industria nihil addi possit , nihil detrahi , nihil mutari , verissimæque de illo dictum olim fuerit , *Mafas & Apollinem non aliter in suo choro loqui , Jovem que*

B 5

(a) Ital. hanno fine , vanno a terra .

ipsum, si sit Poeta, non alio modo loquuturum; verum etiam, quod caput est, sententiarum gravitate & frugiferorum, quibus abundat, præceptorum sapientia, hoc assequutus est, ut optimus vitæ virtutisque magister jure merito possit a nobis appellari.

Inter cætera vero documenta, ad vitam instituentiam & ad mores informandos idonea, quibus aspersum est passim divinum illius Poema, saluberrimum in primis est atque laudabile, quod ait *Æneidos* libro decimo de brevitate temporis, fluxaque & caduca mortalium vita:

. . . . Breve & irreparabile tempus

Omnibus est vitæ.

A Paraphrastico.

Ita est profectio: tam exiguum tamque arcum vivendi curriculum nobis a natura circumscriptum est, ut vix bene lucem ingressi sis de hujus mortalis mundi statione decedendum, & vita cum morte commutanda. Nihil nisi temporis punctum quoddam est caduca hæc, quam tantopere deperimus (a), vita, minimumque est ac pene nullum intervallum illud quod ortum inter, & occasum nostrum interjacet. Fugit retro levis hora, truditur dies die, præcipiti cursu fugaces anni sese mutuo pellunt, & adolescentiæ senectus, senectutis mors obrepit improvisa semper & inopinata: quodque gravius est, cum semel effluxit brevissimum hoc vitæ tempus, tam irreparabilis est illius lapsus, ut nulla deinde possit ratione revocari.

A Causa.

Neque vero est, cur adeo parvam temporis usuram nobis ad vivendum concessam jure merito conquæramur. Præterquam quod enim vita, si scias uti, satis longa est, præterea ea certa stabilique lege natos nos esse scimus, ut denique moriamur. Quis enim tam vecors esse potest, qui nesciat hanc esse tristissimam peccati mercedem: poenamque justissimam: hanc esse mortalium conditionem ac sortem? humana omnia caduca esse & fluxa atque mobilia: nihil, quod.

(a) Ital. *dietro a cui andiamo sì matti, e sì perduti.*

quod ortum sit , sempiternum esse posse : definitum esse cuilibet certum quoddam breveque temporis spatium ad felicem in cœlo vitam promerendam ? Cumque olim amplioribus terminis circumscripta esset nostra hæc mortalis vita , & in sæcula bene multa propagaretur , eam nostris flagitiis sceleribusque breviorē effecimus ; *Semotique prius tarda necessitas lethi corripuit gradum .*

A Contrario .

Contra vero cum semel post miseræ huiusce vitæ decursum terreni corporis contagione solutus erit nobis animus, cum demum inter felices spiritus ævo sempiterno perfruemur in cælo, nulla jam amplius pertimescenda nobis neque vicissitudo rerum, neque conversio temporum, nec ætatum commutatio: nullus jam erit neque horarum lapsus , nec fluxus dierum , nec annorum sibi met mutuo succedentium cursus . Sed eodem semper hærentes & felicitatis & temporis vestigio , stabili certaue beatitate , æternis sæculorum ætatibus cum Deo ipso potiemur .

A Simili .

O nos igitur male cautos! O nunquam satis deplorandam sortem nostram! si æterna hæc solidaque obliti, nihil nisi umbras imaginesque consecemur. Si enim ex veritate magis , quam ex opinione res velimus æstimare, quid demum aliud est fragilis hæc fugaxque vita , nisi levis quidam fumus , qui puncto temporis evanescit ? nisi præceps torrens , qui cum vano strepitu celeriter effluit ? nisi flosculus brevi marcescens , qui mane oritur , vespere floret , & nocte cadit ? nisi umbra quædam & larva inanis , quæ nostras effugit manus .

Par levibus ventis, volucrique simillima somno?(a)

Ab Exemplo .

Testes hoc loco possem appellare ab omni memoria Christianos illos Heroes virosque sapientissimos, qui mirificam fugacis vitæ brevitatem tot laboribus tot vigiliis, tot indefessis curis redemptam compen-

B σ

sa

(a) *Ænsid.* 1.

farunt. Testes appellare possem tot virgines, tot viros principes, tot nobiles adoloscenscentes, qui fragilē hanc rerum humanarum mobilitatem atque inconstantiam pertæsi, quæcumque apud cæcos mortales prima putantur pro nihilo duxeres & voluptatum illecebras, ac pernicioſa rerum caducarum blandimenta generosa quadam alacritate conculcarunt.

A Testimonio veterum.

Hoc inculcare Corinthiis voluit Divus Paulus, cum dixit: *Tempus breve est.* Hoc ipsū nos admonet summus ille vir Jobus, dum afflatus divino Spiritu sic loquitur: *Breves dies hominis sunt.* Hæc eadem erat mens vel ipsi quoque Horatio, profano licet homini, cum amicum sapienter sic admonet:

(a) Omnem crede diem tibi diluxisse supremum.
Et alio loco: *Quid brevi fortes jaculamur ævo multa?*
Hoc denique sentiebat Phædrus, cum in elegantibus suis fabulis hanc verissimam protulit vocem:
Abiturus illuc, quo priores abierunt,

Quid mente cæca miserum torques spiritum?

A Brevis Epilogo.

Cum igitur adeo breve tempus sit, adeoque irreparabile, relinquitur id unum, ut cogitemus etiam atque etiam nihil esse loci fœcunditæ, neque segnitæ; nobis inter tantas angustias nequaquam licere esse otiosos: miseros esse, qui se, per summam incuriam, se una omnium pretiosissima defraudari patiuntur. Restat denique id unum, ut eum celeritate temporis utendi celeritate certemus, & tamquam ex torrente quodam, qui rapide dilabitur, celeriter hauriamus.

§. III. Argumenta Chriarum verbalium.

Ex Horatio.

1. **O** Mnes eodem cogimur. 2. Vivitur parvo bene. 3. Levius sit patientia quidquid corrigere est nefas. 4. Magnas inter opes inops. *De Avaro.* 5. Ira furor brevis est. 6. Multa senem circumveniunt incommoda. 7. Fortes creantur fortibus. 8.

Om-

Omnem crede diem tibi diluxisse supremum . 9.
 Quanto quisque sibi plura negaverit , a Diis plura
 feret . *Ex Virgilio .*

10. Quid non mortalia pectora cogis

Auri sacra fames ?

11. Facilis descensus Avernī .

12. Labor omnia vincit .

Ex Ovidio .

13. Principiis obsta : sero medicina paratur .

14. Otia si tollas periere cupidinis arcus .

15. Dicitque beatus .

Ante obitum nemo , supremaque funera debet .

16. Paupertatemque ferendo

Effecere levem .

17. Livor , iners vitium , mores non exit in altos ,

Ex Juvenali .

18. Fronti nulla fides ; 19. Crescit amor nummi ,

quantum ipsa pecunia crescit . 20. Nemo repente

fuit turpissimus . 21. Res est sacra miser . 22. Nobi-

litas sola est atque unica virtus ,

Ex Seneca .

23. Tota vita descendum est mori . 24. Etiam sine

magistro vitia discuntur . 25. Qui genus jactat suum

aliena laudat . 26. Sequitur superbos ultor a tergo

Deus . *Ex Persio .*

27. O curas hominum , o quantum est in rebus ina-

ne ! 28. Virtutem videant , intabescantque relicta .

De sceleratis . Ex Martiali .

29. Extra fortunam est quidquid donatur . (a) egenis :

Quas dederis , solas semper habebis opes .

30. Non est , crede mihi , sapientis dicere , vivam :

Sera nimis vita est crastina : vive hodie .

Ex Terentio .

31. Crescit in adversis virtus .

Hæc igitur , aut alia id genus argumenta pertra-
 ctare si velis , facies sedulo quod supra dictum est .

1. Laudabis breviter auctorem Sententiarum . 2. Pla-
 nius & copiosius explicabis sententiam , illamque va-

(a) *Legitur Amicis .*

riis verborum coloribus pictam bono, ut ajunt, in lumine collocabis. 3. Afferes causam aliquam quam obrem res ita se habeat. 4. Ex contrariorum conflictione & quasi concursu illam confirmabis. 5. Illustrabis eam similitudine, quæ in rem aptissime quadret. 6. Probabis illam singulari quodam exemplo. 7. Veteris auctoris testimonio & auctoritate illam confirmabis. 8. Denique ex omnibus hisce capitibus rem ita se habere concludes.

Quomodonam tractanda est Chria activa?

R. Eadem prorsus ratione, qua Chria verbalis.

Eadem enim est utriusque ars, eademque plane regulæ. Itaque actum ageremus, si de Chria activa separatim ac seorsum tractaremus.

Idem plane dicito de Chria mixta.

G A P U T . I V .

De Amplificatione.

Quid est amplificatio?

R. Inepte prorsus ac ridicule facere mihi videntur, qui perperam interpretantes Isocratis(a) verba, Amplificationem cum vulgo ita definiunt: Amplificatio, inquiunt, est oratio, quæ ex parvis magna facit: seu quæ res exiguis verbis exaggerat, & in majus attolit. Puerilis, inquam & (b) præstigiatore ac Sophista potius quam Oratore digna mihi semper visa fuit hæc vulgaris definitio, quæ res mendacio fallacibusque pigmentis(c) supra meritum velit augeri. Ut enim facete ajebat Spartanorum rex Agésilæus: Ego pessimum eum suturem arbitrabor semper, qui maguos calceos pedibus parvis inducat.

Nos igitur cum Tullio sic Amplificationem commodius longe definimus: *Amplificatio est gravior quædam affirmatio, quæ motu animorum conciliat in dicendo fidem.* Quia vero subobscura cuiquam forte videri

(a) *Isocrates*, pater eloquentiæ dictus a Tullio, vixit anno centum. (b) Ital. *Giocoliere*. (c) Ital. *bel'etti*; ornamenta.

deri posset hæc definitio, & quia vis et facultas Oratoris potissimum in amplificando consistit; ideo definitionem illam, & totam amplificandi artem planius & apertius explicare operæ pretium existimamus.

Quid igitur sibi volunt hæc verba: Gravior quædam affirmatio?

Æ. Gravissima illa affirmatio, de qua hic agitur nihil aliud est, quam vehementius quoddam copiosiusque dicendi genus, quo rei vel dignitatem & amplitudinem, vel indignitatem & atrocitatem, pondere verborum & enumeratione circumstantiarum ita demonstramus, ut non animos auresque prætervolet; ut ferme sit cum res leviter ac strictim attinguntur; sed ut feriat animos, permoveat affectus, & auditorum memoriz penitus infideat.

Cedo illustre quodpiam exemplum Amplificationis hujusmodi?

Æ. Habes Iuculentissimum in atrocissima illa Didonis adversus Æneam abeuntem querela. Poterat Dido simpliciter & nude Æneam appellare *durum*, *inhumanum*, *ferreum*, sed querimoniam illam sic amplificat mirifice Virgilius Æneidos Lib. IV.

Talia dicentem jamdudum aversa tuetur

Huc illuc volvens oculos, totumque pererrat

Luminibus tacitis, & sic accensa profatur:

Nec tibi Diva (a) Parens, generis nec Dardanus
(b) auctor,

Perfide: sed duris genuit te cautibus horrens

Caucasus, Hyrcanæque admorunt ubera tigres,

Sic etiam Libro 2. poterat Æneas exiliter & jejune dicere se amissam conjugem Creusam clamoribus maximis per noctis tenebras appellasse; verum rem ita verbis exaggerat:

Aulus quin etiam voces jactare per umbram:

Implevi clamore vias, mœstusque Creusam (c).
Nec

(a) Venus. (b) Dardanus primus Rex Trojanorum Jovis filius. (c) Creusa Priami & Hecubæ filia. Æneæ Conjug, Ascanii mater.

Nequidquam ingeminans iterumque iterumque vocavi .

Quotuplex est Amplificatio ?

R. Duplex : alia est verborum , alia rerum : seu , quod idem est , alia fit rebus ac sententiis , alia verbis tantum . De utroque genere seorsum agendum nobis est .

§. I. De Amplificatione rerum .

Quot modis fit Amplificatio rerum ?

R. Octo præcipuis . 1. Fit per congeriem definitionum , seu per definitiones conglobatas . 2. Per congeriem adjunctorum . 3. Per congeriem , seu per enumerationem partium . 4. Per congeriem causarum & effectuum . 5. Per congeriem consequentium . 6. Per congeriem similium , comparisonum , & exemplorum . 7. Per contrariorum , dissimilium , & inter se pugnantium confictionem . 8. Denique per incrementum . Singula hæc capita sigillatim persequamur .

§. II. De Amplificatione per congeriem Definitionum .

Quid est definitio ?

R. Est brevis & circumscripta rei explicatio : seu , ut ajunt Philosophi , est oratio , quæ rei naturam breviter explicat .

Quid est Amplificatio per congeriem definitionum , sive a definitionibus conglobatis ?

R. Est ea , in qua varix ejusdem rei definitiones congeruntur , & quasi coacervantur ; ut cum ait Cicero : *Historia est testis temporum , lux veritatis , vita memoriæ , magistra vitæ , nuntia vetustatis* . Ex iisdem definitionibus conglobatis , Curiz ac Senatus Romani majestatem sic amplificat idem Orator in oratione pro Milone : *Curia templum sanctitatis , amplitudinis , mentis , consilii publici , caput urbis , ara sociorum , portus omnium gentium , sedes ab universo Populo R. concessa uni Ordini* .

Poteris tu vicissim , ad illarum definitionum conglobatarum imitationem , dicere quid sit eloquentia , quid poësis , quid amicitia , quid vita hominis , quid Deus ipse .

§ III.

§. III. De Amplificatione per congeriem adjunctorum .

Quid est amplificatio per congeriem adjunctorum ?
 R. Est ea , quæ ducitur ab omnibus seu rerum, seu personarum adjunctis ac circumstantiis simul coacervatis. Cicero 2. Agraria: *Ego qualem Kalendis Januariis acceperim Rempublicam. Quiritibus, intelligo, plenam sollicitudinis, plenam timoris, in qua nihil erat mali, nihil adversi, quod non boni metuerent, improbi expectarent: omnia turbolenta consilia contra hunc Reipublicam statam & contra vestrum otium partim iniuri, partim nobis Consulibus designatis, inita esse dicebantur: sublata erat de foro fides, non ictu aliquo novæ calamitatis, sed suspitione ac perturbatione judiciorum; infirmatione rerum judicatarum; novæ dominationes, extraordinaria non imperia, sed regna quærî putabantur.*

Virgilius sub finem libri primi Georgicorum Julii Cæsaris interitum lugubriter admodum & tragice lamentatur, coacervando funestissima prodigia monstraque quæ vel antecessere, vel mox subsequuta sunt:

Ille (a) etiam extincto miseratus (b) Cæsare Romanam,

Cum caput obscura nitidum ferrugine texit,
 Implaque æternam timuerunt sæcula (c) noctem;

Vox quoque per lucos vulgo exaudita silentes
 Ingens: & simulacra modis pallentia miris
 Visa sub obscurum noctis, pecudesque locuta;
 Infandum! sistunt animæ, terræque dehiscunt,
 Et mœstum illacrymat templis ebur, æraque fadant,

Totum hunc locum, ut eximium amplificationis exemplar, & ad excitandam commiserationem in primis idoneum, tu consulito, si me audis.

§. IV.

(a) Sol. (b) Subaudi *est*. (c) Dictatore Julio Cæsare a conjuratis occiso, solis globum diu sub pallidum apparuisse narrant Plutarchus, & Plinius.

§. IV. De Amplificatione per congeriem,
seu enumerationem partium.

Quid est Amplificatio ab enumeratione partium?
R. Est illa, quæ fit, dum totum aliquod in
suas partes distribuitur; seu dum rei alicujus
partes vel omnes, vel præcipuæ certe quidem sigil-
latim enumerantur. Ita Cicero funestum Pisonis
Consulatum describit: *Omnes memoriam consulatus
tui, facta, mores, faciem denique, ac nomen a Rep-
detestantur. Legati, qui una fuere, alienati: Tribu-
ni militum, inimici; Centuriones, Et si qui ex tanto
exercitu reliqui milites existunt, non dimissi abs te,
sed dissipati te oderunt, tibi pestem exoptant, te exe-
crantur. Achaja exhausta; Tessalia vexata; lacer-
atae Athenæ; Apollonia exinanita. Ambracia dire-
pta; Bullienses illusi; Epirus excisa; Locri exusti;
Athamanum gens vendita; Macedonia condonata bar-
baris; Ætolia amissa; Dolopes finitimique montani
oppidis atque agris exterminati; Cives Rom. qui in iis
locis negotiantur, te unum solum suum depeculatorem,
vexatorem, prædonem, hostem venisse senserunt.* Ovi-
dius lib. 11. *Metamorph. dilatat sententiam hanc:*

*Rex Midas omnia quaecumque tangit,
in aurum convertit.*

Latus abit, gaudetque malo Bercynthus heros(a),
Pollicitique fidem tangendo singula tentat. . . .
Vixque sibi credens, non alta fronde virentem
Ilicæ detraxit virgam, virga aurea facta est:
Tollit humo saxum, saxum quoque palluit auro:
Contigit & glebam, contactu gleba potenti
(b) Massa fit arentes Cereris decerpit aristas,
Aurea messis erat: demptum tenet arbore pomum,
(c) Hesperidas donasse putēs: si possibus altis
Admovit digitos, postes radiare videntur:
Ille etiam liquidis palmas ubi laverat undis.

Un-

(a) Midas Phrygiæ Rex, ubi mons Bercynthus.
(b) Auri motes. (c) In Earum hortis erant aurea
poma.

Unda fluens palmis (a) Danaen eludere possit .

Sic etiam Mæssejus Latinæ Linguae elegantia munditiaque nulli inferior, urbis Venetiarum pulchritudinem præstantiamque per partium enumerationem describit in vita S. Ignatii , omnibus picta & polita artis coloribus .

Venetiarum descriptio per enumerationem partium .

Venetiarum urbis, in recessu intimo sinus Adriatici , ea regio ac situs est , ut leniter stagnantes ex alto aquæ , illam omni ex parte circumluant . Ea inclytæ urbi & ad merces copiasque invehendas opportuna receptacula, & contra hostiles incursus munimenta firmissima sunt . Ex iis porro æstuariis (b) majores minoresque Euripi totam urbem intercurrentes, variis mæandris ac flexibus ita distinguunt, ut quot in partes pedibus, in totidem fere mari aditus sit , egregio sane vel artis , vel naturæ miraculo . Inde vicorum , insularum & pontium ingens numerus; ut qui diutius ibi versati non sunt , viarum locorumque modo varietate , modo similitudine sæpe fallantur . Sed contra ejusmodi ambages certum paratumque remedium est maxima multitudo cymbarum , quæ usquequaque dispersæ , nominatim ad omnia & publica & privata loca quemlibet , haud ita magna mercede , trajiciant .

§. V. De Amplificatione per congeriem causarum & effectuum .

Quid est Amplificatio per congeriem causarum & effectuum?

R. Est ea , in qua multæ simul unius rei causæ, & effectus multi conglobantur ; ut si diceres cum celebri artis magistro : *Quereris multis modis vexatam esse provinciam; sed ad causas calamitatis attende . Vigebat in ea ambitus, luxuria dominabatur; se-*
gnes

(a) Jupiter in auream præviam mutatus illam delusit converso in pretium Dæo . Horat. (b) Ital. *Luogo dove stagnan dell' acque pel flusso del Mare .*

gnes erant magistratus, populus ipse molli otiosaque se-
gnitie diffusbat. *Exspecta igitur damna longè gravio-
ra. Exhaustientur pecuniæ, jacebit spreta Religio,
fures impune grassabuntur, &c.* Ex hoc eodem loco
immanissimam Mezentii crudelitatem amplificat
Rex Evander apud Virgilium *Æneid.* 8.

Quid memorem intandas cædes, quid facta Ty-
rauni (a)

Effera? Dj capiti ipsius generique reservent.
Mortua quin etiam jungebat corpora vivis
Comprehens manibusque manus atque oribus ora,
(Tormenti genus!) & sanie taboque fluentes,
Complexu in misero, longa sic morte necabat.

§. VI. De Amplificatione per congeriem consequentium.

Quid est amplificatio per congeriem consequen-
tium?

R. Est ea, in qua plura ponuntur acervatim
ex eadem re consequentia. Ex hoc loco Virgilius
noctem egregie describit *Æneidos* 4. amplificando
res varias, quæ noctem ferme consequuntur:

Nox erat, & placidum carpebant fessa soporem
Corpora per terras, silvæque & sæva quierant
Æquora: cum medio volvuntur sidera lapsu,
Cum taret omnis ager, pecudes pictæque volucres,
Quæque lacus late liquidos, quæque aspera dumis
Rura tenent somno (b) posita, sub nocte silenti,
Lenibant curas & corda oblita laborum.

§. VII. De Amplificatione per comparatio- nes, similitudines, & exempla,

Quid est Amplificatio per comparationes, simili-
tudines, & exempla?

R. Est ea, quæ fit per unam, vel per multas
com-

(a) *M*zentius immanissimus Tyrrenorum seu He-
truscorum Tyrannus, qui pro Turno contra *Æneam* pu-
gnavit (b) *Posita*, idest, jacentes. Somno au-
tem lenibant curas &c.

comparationes ac similitudines, & per unum exemplum, vel per plura. Fiet Amplificatio per plures comparationes, si dicas v. gr. cum Tullio in Pisonem: *Ego non te recordam, non furiosum, non mente captum, non tragico illo (a) Oreste, aut Athamante dementiorem putem?* Vel si dicas cum Martiali, in improbum quemdam Gaurum, qui sua lutulenta vitia magnorum virorum exemplo solebat excusare.

In Gaurum

Quod nimio gaudes noctem producere vino,
Ignosco; vitium, Gaure, (b) Catonis habes.
Carinina quod scribis Musis & Apelline nullo,
Laudari debes: hoc (c) Ciceronis habes.
Quod vomis, (d) Antoni, quod luxuriaris,
(e) Apici:

Quod fur es, vitium, dic mihi, cujus habes!

Fit Amplificatio per unam tantum similitudinem in hoc Virgilii loco, ubi fortissimam Amazonem Camillam de imbelli hoste nullo labore triumphantem sic exprimit *Æneid.* 11.

Quam facile accipiter saxo facer ales ab alto
Consequitur pennis sublimem in nube columbam
Comprensamque tenet, pedibusque eviscerat uncis:
Tum cruor & vulsæ labuntur ab æthere plumæ.

Itemque in Libro septimo, ubi Reginæ (f) Amatae furem, ac circumcursationes depingit lepidissima turbinis verbera a pueris agitati similitudine.

Ceu quondam torto volitans sub verberare turbo,
Quem pueri magno in gyro, vacua atria circum,
Intenti ludo exercent: ille ætus habena

Curvatis fertur spatiis: stupet inscia turba;

(a) Im-

(a) *Orestes Agamemnonis filius, furiiis agitato fuit ob Clytemnestram matrem occisam. Athamas, Thebanorum Rex, furiiis etiam agitato. (b) Cato Uticensis quam sæpe mero incaluerit, testis Horatius.*

(c) *Cicero non bonus Poeta fuit. (d) Qui frustis vinolentis premium suum & totum tribunal implevit.*

(e) *Apicius helluo celeberrimus. (f) Erat Latini Regis conjux.*

(a) Impubesque manus mirata volubile buxum,
 Dant animas plagæ: non cursu segnior illo,
 Per medias urbes (b) agitur, populosque feroces.
 Addite denique pulcherrimam istam juvenis (c)
 Pallantis a Turno occisi cum flosculo decerpto com-
 parationem, quam Scaliger quovis nectare dulcio-
 rem non veretur appellare.
 Hic juvenem agresti sublimem in stramine ponunt:
 Qualem virgineo demessum pollice florem,
 Seu mollis violæ, seu languentis hyacinthi.
 Cui neque fulgor adhuc, nec dum sua forma recessit,

§. VIII. De Amplificatione per confli-
 ctionem contrariorum.

Quid est Amplificatio per conflictionem contrario-
 rum & inter se pugnantium?

R. Est ea, qua plura contraria per antitheses
 opponuntur, ut illa Ciceronis in Catilinam: *Hoc*
vero quis ferre possit, inertes homines fortissimis infi-
diari, multissimos prudentissimis, ebrios sobriis, dor-
mientes vigilantibus? Indidem est illud ejusdem Ci-
 ceronis in Pisonem & Gabinium Consules: *Qui la-*
trones igitur, siquidem vos Consules? qui prædones?
qui hostes? qui proditores? qui Tyranni nominabuntur?
Magnum nomen est, magna species, magna majestas
Consulis. Non capiunt angustiae pectoris tui: non re-
cipit levitas ista, non egestas, non infirmitas ingenui
sustinet; non insolentiae rerum secundarum tantam per-
sonam, tam gravem, tam severam.

Sic etiam Seneca in (d) Thyeste:

Quem dies vidit veniens superbum,

Hunc dies vidit fugiens jacentem.

Tale est etiam incerti auctoris, sed tamen anti-
 qui in Alexandri magni tumulum:

Sufficit huic tumulus, cui non succederat orbis:

Res

(a) *Impuberum*. Id est, *Puerorum turba*.

(b) *Regina Amata* (c) *Erat Evandri regis filius*
Æneid. 11. (d) Tragedia sic inscripta, Act. 2.
Vers. 614.

Res brevis huic ampla est, cui fuit ampla brevis.
Ex hoc eodem loco magni nominis Poeta Santolius Victorinus admirabiles Sanctorum virtutes amplificat per congeſtas antitheſes (a);

- Illis ſumma fuit gloria deſpici,
- Illis divitiæ pauperiem pati,
- Illis ſumma voluptas
- Longo ſupplicio mori:

§ IX. De Amplificatione per incrementum.

Uid eſt Amplificatio per incrementum?

¶ Eſt ea, qua oratio veluti per gradus videtur augeri & aſcendere, donec ad ſummum pervenerit. Ita Tullius Verris crudelitatem eo per incrementum deducit, ut verba explanando crimini non ultra ſuppeditent? *Facinus eſt, inquit, vincere civem Romanum: prope patricidium necare: quid dicam, in cruce tollere? Nihil addi jam videtur ad hanc amentiam, improbitatem, crudelitatemque poſſe.*

Vide etiam quomodo per gradus & per incrementum aſurgat oratio in hac ſapientiſſima Senecæ ſententia in Epistoſa ad Lucilium: *Magna vitæ pars elabitur male agentibus: maxima nihil agentibus: tota aliud agentibus.*

De Amplificatione verborum.

De hoc toto Capite tametiſi ſumus propediem accuratiſſime dicturi; poſtulat tamen inſtituti noſtri ratio, ut curſim illud in anteceſſum (b) delibemus,

Quomodo fit Amplificatio verborum?

¶ Fit ſex præcipue modis. 1. Per verba translata, ſeu metaphorica. 2. Per verba ſuperlata. 3. Per verba ſynonyma. 4. Per verba gravis & illuſtriora. 5. Per periphrasim, ſeu circumlocutionem, 6. Per repetitionem.

§ X.

Fit igitur primum Amplificatio verborum per verba metaphorica, quæ nempe mirum in mo-

(a) In hymno de ſanctis monachis. (b) Ital. *Anticipatamente.*

modum valent ad excitandos animos, & ad orationem grandiore efficiendam.

Quid est Metaphora, seu translatio?

℞. Est quoddam loquendi genus, quo vox aliqua a propria sua significatione transfertur ad alienam, v. g. si dicas. *Prata videre, parietes gestire gaudio, aliquem esse ira incensum, inflammatum cupiditate, errore lapsum*: voces illæ omnes sunt metaphoricæ, quia tribuunt pratis & parietibus risum & gaudium quæ propria sunt hominis solius. Idem plane dicto de ceteris locutionibus, quæ tribuunt homini flammam, & incendium igni proprium, &c. Fiet igitur Amplificatio per Metaphoram, si cum Virgilio dicas de Ænea irato:

(a) . . . Irarumque omnes effudit habenas.

Vel si dicas de Didone:

(b) Magnoque irarum fluctuat æstu.

Quia habenas, & æstum, quæ proprie conveniunt equis ac fluctibus, tribuit Æneæ & Didoni. Item si de homine impavido & imperterrito dicas cum Horatio in Odis (c):

Illi robur & æs triplex

Circa pectus erat, qui fragilem truci

Commisit pelago ratem

Primus.

§. XI.

I. **F** It Amplificatio per verba superlata, hoc est, quæ veritatem superant, & plus dicunt quam reapse esse possit. Ut cum ait Tullius de Julio Cæsare, in oratione pro marcello: *Domuisti gentes immanitate barbaras, multitudine innumerabiles, locis infinitas, omni copiarum genere abundantes*. Itemque cum dicit de Pompejo in oratione pro lege Manilia: *Qui sæpius cum hoste conflavit, quam quisquam cum inimico concertavit: plura bella gessit, quam alii legerunt, plures Provincas confecit quam alii concupiverunt: cujus adolescentia ad scientiam rei militaris non*.

(a) Lib. 12. (b) Lib. 4. (c) Lib. 1. Od. 3.

non alienis præceptis, sed suis imperiis, non (a) offensionibus belli, sed victoriis; non stipendiis, sed triumphis est erudita.

Hanc amplificandi artem adhibuit Virgilius *Æneidos* libro 12, cum de Turni equis dixit per Hyperbolem:

Qui candore nives anteirent, cursibus auras.

Item cum de equo Trajano dixit:

Instar montis equum divina Palladis arte
Ædificant.

Sed nusquam magis indulgisse videtur huic Ichemati (b), quam cum Amazonem (c) Camillam laudans libro septimo dixit per verissimam hyperbole: Illa vel intacta segetis per summa volaret (bolem: Gramina, nec teneras cursu læsisset aristas: Vel mare per medium, fluctu suspensa tumentis, Ferret iter, celeres nec tingeret æquore plantas.

§. XII.

Q. Uomodo fit Amplificatio per verba synonyma?

R. Fit per congeriem verborum & sententiarum idem pene significantium, ut cum ait Cicero pro Ligario: *Quid enim, Tubero, tuus ille districtus in acie Pharsalica gladius agebat? cujus latus mucro ille petebat? qui sensus erat armorum tuorum? quæ tua mens? oculi? manus? ardor animi? quid cupiebas? quid optabas?* Vide quam multa sint hic verba idem pene significantia: *gladius, mucro, arma, sensus, mens, animus, cupiebas, optabas.* Quæ sane Synonymorum coacervatio acrem in primis & illustrem reddit orationem, ut liquet ex hoc alio ejusdem Ciceronis exemplo in Catilinam: *Non feram, non patiar, non sinam;* & ex duobus hisce Virgilii versibus *Æneidos* Lib. 1., ubi Ilioneus *Æneæ* sortis adhuc ignarus, sic de illo ad Didonem:

Quem si fata virum servant, si vœscit aura
Ætheria, nec adhuc crudelibus occubat umbris.

C

§. XIII.

(a) Ital. *sinistri incontrî.* (b) Ital. *Figura.* (c) *Camilla Volscorum Regina bellicosissima, quæ Turno adversus Æneam tulit auxilium.*

§. XIII.

Quomodo fit Amplificatio per verba graviora & illustriora?

& Fit, cum adhibentur verba splendida, quæ rem significantius exprimant, & in quibus plenum quiddam, numerosum & sonans esse videatur, cujusmodi sunt ista: *Poluerat Rupro sanctissimas religiones. Senatus gravissima decreta perfrugerat. Itemque illa in Verrem: Non enim furem, sed ereptorem; non adulterum, sed expugnatorem pudicitiae; non sacrilegum, sed hostem sacrorum religionumque; non sicarium, sed crudelissimum carnificem civium sociorumque in vestrum iudicium adducimus.*

Ejusdem etiam generis sunt magnifica illa Virgiliti verba de Didone moritura:

*At trepida, & cœptis immanibus effera Dido,
Sanguineam volvens aciem, maculisque trementes
Interfusa genas, & pallida morte futura,
Interiora domus irrumpit limina, & altos
Conscendit furibunda rogos, enseque recludit
Dardanium, non hos quæsitum munus in usus.*

§ XIV.

Quomodo fit Amplificatio per periphrasim, seu circumlocutionem?

& Fit, cum longiori verborum ambitu circuituque dicimus, quod brevius ac simplicius dici poterat. Ita Cicero pro Milone, cum gravius videretur dicere Clodium a Milone fuisse occisum, maluit illud hac verborum circuitione mollire. *In quos incensos ira, vitamque domini desperantes cum incidisset, hæsit in iis penis, quas ab eo servi fideles pro domini vita expetierunt.*

Circumlocutione Virgilius utitur *Æn.* 12, cum pro hac una voce *Moritur*, sic ait:

*Olli dura quies oculos & ferreus urget
Somnus: in æternam clauduntur lumina nocternam.*

Et in ecloga prima, ubi pro hac una voce *Jam advesperascit*, longiori hac, tritaque utitur periphrasi

Et

Et jam summa procul villarum culmina fumant,
Majoresque cadunt altis de montibus umbræ.

Nota Periphrasim apud Poetas esse frequentiore,
quam apud Oratores. Quod si non idonea sit, vel
si nimis redundet, jam non appellabitur *Periphrasis*,
sed *Perissologia* (a) . .

§. XV. De Amplificatione per repetitionem .

O *Uomodo fit Amplificatio per repetitionem ?*
R. Fit, cum verbum idem sive ornatus causa,
sive ad motus excitandos iteratur, duplicatur-
que, vel in principio, vel in fine, vel in medio
dictionis. Ut cum ait Tullius : *Vidi enim, vidi,*
penitusque perspexi. Sed utitur in primis hoc Am-
plificationis genere in exordio Orationis pro Roscio
Amerino, cum ait : *Accusant ii, qui in fortunas ejus*
invaserunt ; Causam dicit is, cui præter calamitatem
nihil reliquerunt . Accusant ii, quibus occidi patrem
Sexti Roscii bono fuit : Causam dicit is, cui non modo
luctum mors patris attulit, verum etiam egestatem .
Accusant ii, qui hunc ipsum jugulare summe cupierunt ;
Causam dicit is, qui etiam ad hoc ipsum judicium cum
præsidio venit, ne hic ibidem ante oculos vestros truci-
datur . Denique accusant ii, quos populus poscit : Cau-
sam dicit is, qui unus relictus ex illorum nefaria cæ-
de restat .

Quantopere vero valeat Repetitio ad addendam
vim pondusque orationi & ad affectus ciendos, disce-
re poteris ex sequentibus exemplis. Priora tria sunt
ex heroicis Ovidii Epistolis, in quibus, si quid judi-
co, præ cæteris omnibus illius operibus, elegantix,
ingenii & eloquentix lumen quoddam elucet : in
primo sororem Annam sic compellat infelix Dido:
Anna soror, soror Anna, meæ male conscia culpæ.

In altero Demophoonem (b) ita compellat Phyllis:

C 2

Cre-

(a) *Id est sermonis redundantia .*

(b) *Demophoon Theseo ex Phædra filius a Phyllide*
Lycurgi regis filia hospitio & lecto susceptus, data
prius futuri conjugii fide .

Credidimus blandis, quorum tibi copia, verbis,

Credidimus generi, numinibusque tuis:

Credidimus lacrymis: an & hæc simulare docentur?

Hæc quoque habent artes, quæque jubentur, eunt?

In tertio conjux Herculis Deianira, cum illi per imprudentiam mortem intulisset, in has justī doloris voces erumpit identidem:

Impia quid dubitas Deianira mori?

Hei mihi quid feci? quo me furor egit amantem?

Impia quid dubitas Deianira mori?

Illita (a) Nessējo misi tibi texta veneno:

Impia quid dubitas Deianira mori?

Quibusnam potissimum figuris varianda erit, & distinguenda Amplificatio?

℞. Præcipua, quæ Amplificationem ornant Schemata sunt Hypotyposis, & Exclamatio, de quibus supra dictum a nobis est. Quibus addito tria alia, nempe Prosopopœiam, Apostrophem, Interrogationem, ceterasque id genus vehementiores figuras, de quibus agendum nobis erit in Libro de Elocutione.

§. XVI. Quid sit in Amplificatione vitandum.

Duo sunt in primis vitia, ac veluti scopuli quidam duo, in quos incurrere solent Tyrones, dumorationem amplificanti. Primus scopulus est illorum, qui minutissima quæque singulatim, exiliter & perexigue consecantur, quod certe est in Oratore vitium vel maximum. Ut enim recte monet Cicero, in Amplificationibus nihil est nimis tenuiter enucleandum, quia hic locus grandia potius, quam exilia minutæque requirit.

Alter scopulus est illorum, qui ad explendum orationis numerum, nihil nisi vacuas voces, & inanem verborum sonitum in illam infarciunt. Hoc vulgare vitium fugies, si nihil prorsus dicas, quod vim & pondus non addat orationi, & sensum non augeat: *Quid est enim tam furiosum* (inquit Tullius lib. 1.

(a) *Centauri Nessi veste, qua indutus Hercules in Furorem versus est.*

lib. 1. de Oratore), *quam verborum vel optimorum sonitus inanis, nulla subiecta sententia?* Et ut sapientissime præcipit Horatius in Arte Poetica, si sint tibi provisæ paratæque & ad manum, ut ita dicam sententiæ, voces ipsæ ultro sese offerent, & ad exprimenda animi sensa nullo labore succurrent.

Verbaque provisam rem non invita sequentur.

Quamquam, ut dicam id, quod res est, si Tyroni peccandum sit in alterutram partem, malim certe, ut, instar Ovidii, peccet potius ubertate quadam copiaque verborum, quam eorundem jejunitate, atque inopia: quia ut optime notat Tullius, nimia hæc & redundans verborum ubertas, & quasi luxuries, stylo, atque exercitatione brevi depascetur.

A P P A R A T U S

S E U P R O Æ M I U M

R H E T O R I C Æ .

Rhetoricæ Proæmium, sive Apparatum appellamus ea omnia, quæ pertinent universim ad Artem Rhetoricam. Quinque autem sunt, quæ de Rhetorica generatim & universe, proluisionis more, quæri possunt.

1. Quæ sit natura, & finis Rhetoricæ.
2. Quæ sit illius materia.
3. Quæ sint illius partes.
4. Quæ sit dignitas, vis, & utilitas Rhetoricæ.
5. Quibus rebus, ac subsidiis possit facile comparari.

§. I. De natura, & fine Rhetoricæ.

Q *Uid est Rhetorica?*

R. Est ars, seu disciplina bene dicendi: hoc

est ornate, graviter, & copiose loquendi ; Ita Quintilianus , lib. 2.

Unde nomen suum traxit Rhetorica ?

R. A voce Greca *ῥῆτορ* dico, loquor, unde *ῥητορική* , Rhetor, orator, & *ῥητορική* ; ars Oratoria .

Quare vocatur ars ?

R. Quia certis quibusdam & nunquam fallentibus præceptis continetur .

Quare dicitur ars bene dicendi ?

R. Quia docet quomodo optimis sententiis, verbisque lectissimis dici possit .

Undenam orta est ars illa bene dicendi ?

R. Notatio naturæ & animadversio peperit artem . Cum enim aliqui nativa quadam facultate, siue ullo artis subsidio bene dixissent, alii contra insulse omnino & male; extitit aliquis, qui discrimen illud observaret attentius; qui causas illius indagaret sedulo; atque ita rem sensim ad artem, ac præcepta revocaret, & quasi viam traderet, quæ ad eloquentiam tuto ferret. Unde liquet, non esse eloquentiam natam ex artificio; sed potius artificium ex eloquentia natum, atque profectum.

Quid differunt inter se Rhetor & Orator ?

R. Hoc differunt, quod Rhetor sit, qui bene dicendi præcepta tradit; Orator vero sit is, qui accommodare ad persuadendum dicere potest: tamen si erretur persæpe in nomine, & aliud pro alio indiscriminatim accipiatur.

Quænam est finis ultimus Artis Oratoriæ ?

R. Est persuadere dictione: hoc est, diserta oratione quempiam impellere ad aliquid vel credendum, vel agendum, vel omittendum.

Quodnam est officium Oratoris ?

R. Est dicere apposite ad persuadendum; quod fiet docendo, delectando & movendo. Docemus argumentis & argumentatione; delectamus ornato, illustri & apto dicendi genere; flecimus amplificatione & affectibus. Docere necessitatis est: delectare suavitatis; movere vero, seu flectere, victoria; atque hic demum est verissimus eloquentiæ triumphus.

Ua.

Unde erit ille summus & perfectus Orator, qui cum apposite dixerit ad persuadendum, hoc est, ad docendum, delectandum, & movendum; reipsa tamē, siue auditoris vitio, siue quacumque demum alia de causa, non persuaserit.

§. II. De Materia Rhetoricæ.

Q *Uenam est materia cujusque artis in genere?*

R. Ea est, circa quam versatur Ars; ut Medicinæ materia sunt morbi, quia in iis curandis Medicina versatur.

Quenam est speciatim materia Rhetoricæ?

R. Nihil omnino est in rerum natura, de quo orate, eleganter & copiose disputare non possit Orator. Ut enim observat Cic. 2. de Orat. *Bene dicendi Ars non habet definitam aliquam regionem, cujus terminis septa teneatur.* Unde ajo cum Aristotele. Rhetoricæ materiam esse (a) quamlibet quæstionem ad dicendum propositam.

Quotuplex est quæstio, quæ Oratori ad dicendum proponi potest?

R. Duplex. Alia est infinita, seu universalis; alia finita, seu singularis. Quæstio infinita, quæ vocatur etiam *Thesis*, ea est, quæ nullis alligatur temporis, loci & personæ circumstantiis: ut, si quæretur generatim atque universæ, *Sitne bellum gerendum, vel pax facienda?*

Quæstio finita, quæ etiam vocatur *Hypothesis* & *causa*, siue *controversia*, ea est, quæ universalem quæstionem restringit ac revocat ad certas quasdam personæ, temporis, loci, rei que circumstantias: ut, si quæreatur, *Sitne hoc anno nobis pax facienda, iis, quæ ab hostibus feruntur, legibus ac conditionibus?*

Quæstio autem, siue infinita sit, siue finita, dividitur quadrariam: primo in quæstionem cognitionis & actionis. Quæstio cognitionis ea est, quæ instituitur solius scientiæ gratia: ut, *Quæ sit causa*

defectus solis sit ne terra major quam luna ?
Quæstio actionis ea est, cujus finis est aliquid efficere ; ut , An liceat vim vi repellere an sit inimicis ignoscendum ?

Præterea quæstio vel est principalis, vel incidens. Principalis ea dicitur, quæ præcipue venit in controversiam. Incidens vocatur, quæ tractatur propter aliud.

Quot sunt universim genera quæstionum, sive causarum, in quibus versari potest Orator ?

R. Tria : Genus judiciale, genus deliberativum, & genus exornativum, seu demonstrativum, quod a Græcis vocatur Epidicticum.

Quid spectatur in genere judiciali ?

R. Accusatio & defensio.

Quid spectatur in genere deliberativo ?

R. Suasio & dissuasio.

Quid in exornativo ?

R. Laus & vituperium. Unde generis judicialis finis est æquitas ; Deliberativi utilitas ; Demonstrativi honestas. Judiciale genus versatur circa tempus præteritum ; Deliberativum circa tempus futurum ; Demonstrativum vero circa præteritum simul & præsens.

§. III. De Partibus Rhetoricæ.

Quæ & quot sunt primariæ partes Rhetoricæ ?

R. Quatuor : Inventio, Dispositio, Elocutio, & Pronuntiatio ; quemadmodum sunt præcipue quatuor Oratoris partes : 1. Argumenta invenire : 2. Inventa disponere : 3. Disposita verbis exornare : 4. Exornata pronuntiare. Sunt qui pro quinta parte memoriam statuant ; sed nos cum Aristotele illam ad pronuntiationem revocamus.

Quid est Inventio ?

R. Est excogitatio rerum verarum, aut verisimilium, quæ valeant tum ad faciendam fidem, tum ad motus excitandos.

Quid est Dispositio ?

R. Est rerum inventarum in ordinem distributio.

Quid

Quid est Elocutio ?

R. Est idoneorum verborum & sententiarum ad res inventas accommodatio .

Quid est Pronuntiatio ?

R. Est vocis ac corporis ea moderatio , quam res inventæ ac verba requirunt .

§. IV. De dignitate , & utilitate Rhetoricæ :

Quænam est Rhetoricæ dignitas , vis & utilitas ?
R. Nihil addi potest ad hæc illustria Tullii verba , libro 1. de Oratore : *Quid est , inquit , aut tam admirabile , quam ex infinita multitudine existere unum , qui id , quod omnibus natura sit datum , vel solus , vel cum paucis facere possit ? aut tam jucundum cognitu atque auditu , quam sapientibus sententiis , gravibusque verbis ornata oratio , & perpolita ? aut tam potens , tamque magnificum , quam populi motus , judicum religiones , Senatus gravitatem unius oratione converti .*

Quid majus , quid splendidius dicere posset eloquentia , si pro se ipsa loqueretur ?

De subsidiis Rhetoricæ .

Quibus potissimum subsidiis omnes illæ , quas diximus , Rhetoricæ partes comparari poterunt ?

R. Quatuor : natura , arte , exercitatione , & imitatione .

Quid natura confert ad eloquentiam ?

R. Ex parte animi confert celeres motus , ad excogitandum acutos , ad ornandum uberes , ad memoriam firmos ac diuturnos . Ex parte vero corporis confert latera firma , habere canoram vocem , solutam linguam , aptamque oris , & totius corporis conformationem .

Quid facit ars ad eloquentiam ?

R. Excolit quæ dedit natura , supplet quæ illi desunt : quæ vero redundant luxuria atque , castigat atque coercet ; uno verbo , certissimam , veluti digito , monstrat viam , quæ ad eloquentiam tuto perveniatur .

Quid offert exercitatio ?

C §

R. Con-

R. Conservat & auget quæ ars expolivit , aut emendavit in natura . Multi enim naturæ vitium exercitatione sustulere , ut olim Demosthenes , alique sexcenti .

Quid est exercitatio ?

R. Est assiduus usus & consuetudo dicendi , vel scribendi ; quod quidem valde facit ad eloquentiæ laudem adipiscendam . Ut enim ait Cicero : *Stylus est optimus dicendi effector & magister* . Triplex est autem exercitationis genus , nempe *scriptionis , actionis & memoriæ* .

DE IMITATIONE .

Quanam est Imitationis utilitas ?

R. Facit imitatio , ut optimo cuique auctori similes in dicendo evadamus , & quæ sunt in eo summa , diligenter persequamur . Et quoniam imitatio , si recte fiat ; multum affert ad eloquentiam , & pauci admodum imitari sciunt ; us par est ; ideo de imitandi ratione fufius aliquid & uberius disputandum nobis esse existimavimus .

Quanam igitur est vera rectaque imitandi via & ratio ?

R. Multiplex .

1. Cave vulgare quoddam ac mediocre tibi proponas exemplar , *Mox daturus progeniem vitiosorem* , sed deligatur imitandus summus aliquis & excellens auctor , in quem tota mente intuearis . Is autem erit , in Poetis ferre Virgilius , qui ceteros omnes Poetas longe post se reliquit , & , ut ipse loquitur de Turno , *toto vertice supra est* . In oratoria vero arte deligatur unus Cicero , de quo , quam tritum ac pervulgatum , tam verum est illud Quintiliani dictum , *Ille sciat se profecisse , cui Cicero valde placere cepit* ; & in quem bellissime cadit magnifica illa Senecæ(a) de illo vox : *Ingenium quod solum populus R. par imperio suo habuit* , & ut non minus splendide de eodem Tullio dictum fuit a Vellejo Pater-

(a) *Contræ. lib. 2.*

culo : *Vir ingenio maximus , qui effecit , ne , quorum arma viceramus , eorum ingenio vinceramur .*

2. Non optimos solum auctores imitaberis , verum etiam quæ in illis optima sunt , ac prestantissima . Si , v. g. scribenda tibi sit oratio latina , habebis præ oculis loca illa eximia , in quibus se plurimus amavit Cicero , & in quibus se se ipse videtur quodammodo vicisse , cujusmodi sunt illius pleraque perorationes . Illas inter scribendum lectabis identidem , ut illarum assidua lectio Tulliani styli germanum tibi saporem & gustum aspergat .

Ut vero semper habeas in promptu selectissima , quæ subinde possis imitari , luculentissimorum auctorum loca ; copiosum , summaque cura elaboratum illorum indicem tibi ad nostræ Rhetoricæ amplioris calcem exhibemus .

3. Illustria hæc , quæ dixi , loca neque pueriliter imitaberis , neque serviliter , putideque , ut solent homines illi , quos jure optimo ridet Horatius , dum ait : *O imitatores , servum pecus ;* & ut a bene multis fieri video , qui cum picarum , aut psittacorum more easdem omnino voces reddiderint , tum demum magnos se veterum imitatores arbitrantur . Tu vero quæcumque imitaberis , sic facies tua , ut eruditis & emundæ varis hominibus appareat imitatio : sed tamen res omnino alia , tibi que propria facta jam esse videatur .

Tua autem facies hæc veterum scriptorum loca , tibi que illa quasi jure tuæ poteris vindicare .

Primo , si vim ac pondus sententiæ retineas ; verba vero vel omnia , vel magna , ex parte saltem immutes . Dixerat olim Tullius : *Virtus est una altis defixa radicibus , quæ nulla unquam vi labefactari potest .* Hanc egregiam Tullii sententiam vide quam scienter , mutatis omnino verbis , exprimat Horatius , cum dicit de homine probò & in colenda virtute constanti .

(a) Si fractus illabatur orbis .

C 6

Im-

(a) *Ode 3. lib. 3.*

Impavidum ferient ruinae .

Sic etiam cum dixisset idem Cicero Philippica nona: *Vellem, Dii immortales fecissent, ut vivo potius Servio Sulpicio gratias ageremus, quam mortuo honores quæreremus*. Hanc eandem sententiam, mutatis omnino verbis, ingeniose admodum expressit Ovidus lib. 13. *Metamorphoseon*, ubi Ulysses de Achillis mortui armis certantem cum Ajace, & pro se ita loquentem inducit:

Si mea cum vestris valuissent vota, (a) Pelasgi,

Non foret ambiguus tanti certaminis hæres:

Tuque tuis armis, nos te potiremur, Achille.

Secundo, si eadem ferme servando verba, transferas illa ad alium sensum, vel similem, vel contrarium: v. g. dixit Tullius in Antonium: *O audaciam immanem! Tu ingredi illam domum ausus es? tu illud sanctissimum limen intrare? tu illarum ædium Diis Penatibus os importunissimum ostendere*. Poteris verba hæc paullulum immutata in Judam, hortos ad Christum prodendum subeuntem, opportune transferre.

Sic etiam Catilinarie primæ exordium ad aliud argumentum nullo labore ita convertent vel ipsi mehercule tyrunculi. Quousque tandem, homo nequam atque improbe, intemperanter abutere divina patientia? Quandiu illam eludet vita ista tua omni scelerum genere cooperta? Quem ad finem se inveterata tua jactabit impietas? Nihil ne te impendentis mortis pericula, nihil inferorum poenæ, nihil intentus in te Divinæ justitiæ gladius, nihil terror conscientie, nihil severissimi judicis tribunal, nihil illius os vultusque movebunt? Patere tua flagitia non sentis, &c.

Tertio, recte imitaberis, si figuras, si periodos, si transitiones, si commissuras, incisaque, & totum orationis ductum, ac filum potius imiteris, quam verba ipsa, vel ipsas sententias. Dixit v. g. Cicero Philippica II. *Non placet Antonio Consulatus meus;*

at

(a) Sic appellati vetustissimi Græciæ populi.

at placuit *P. Servilio*, ut eum primum nominem ex illius temporis consularibus, qui primus mortuus est. Placuit *Quinto Lutatius Catulo*, cujus semper in hac Republica viyet auctoritas. Placuit duobus *Lucullis*, *M. Crasso*, *Q. Hortensio*, *C. Curioni*. Maxime vero Consulatum meum *Cn. Pompejus* probavit. Hanc figuram transferre poteris eleganter in eos, quibus non placeant humiliores Litteræ, quas omnium ordinum, ac ætatum viri sapientissimi in deliciis habuerunt.

Quarto, laudem habebit imitatio, & propositum exemplar vel in pauca contrahas, vel amplificando fusius uberiusque dilates. Ita cum *Virgilius* dixisset 2. *Georgicorum*:

Prima Ceres ferro mortales vertere terram

Instituit;

Hunc eundem locum imitando fusius, more suo, amplificavit *Ovidius* V. *Metamorph.*

Prima Ceres unco glebam dimovit aratro:

Prima dedit fruges, alimenta que mitia terris;

Prima dedit leges; Cereris sunt omnia munus.

Contra vero cum a *Tullio* fusius ac uberius dictum fuisset de *Cæsare*, in oratione pro *Marcello*:

Bellicas laudes solent quidam extenuare verbis, easque detrahere ducibus, communicare cum militibus, ne propriæ sint Imperatorum. Et ceteræ in armis militum virtus, locorum opportunitas, auxilia sociorum, classes, commeatus multum juvant. Maximam vero partem quasi jure suo fortuna sibi vindicat, & quicquid est prospere gestum, id pene omne ducit suum. At vero hujus gloriæ, C. Cæsar, quam es paulo ante adeptus, socium habes reminem. Totum hoc, quantumcumque est, quod certe est maximum, totum est, inquam, tuum. Nihil sibi ex ista laude centurio, nihil præfectus, nihil cohors, nihil turma decerpit. Quin etiam illa ipsa rerum domina Fortuna in istius se gloriæ societatem non offert: tibi cedit, tuam esse totam, ac propriam fatetur: totam hanc ornatissimam laudem in duos versiculos ita collegit Poeta egregius;

Gloria vincendi juncta est cum milite, Cæsar:

Cæsar, parendi gloria tota tua est.

Quia

Quinto, laudabitur imitatio , si quæ ab Oratoribus scripta fuere , solerter transferas in orationem adstrictam . Ita facile crediderim cum M. (a) Antonio Mureto , perfectissimo talium rerum æstimatore , Virgilianum illum versum .

Quamquam animas meminisse horret , luctuque refugit :

Ciceronem imitatum fuisse . Ita enim ille Philippica XIV. scripserat in Antonium: *Refugit animus P. C. eaque dicere reformidat, quæ Lucius Antonius in Parmensum liberis & Conjugibus gesserit.*

Sexto, bonus imitator eris , si vel ex Græcis Latina facias, vel ex Latinis , aut etiam Græcis vernacula. Ita Tullius tam multa singulari quoddam artificio expressit ex Demosthene quem mirabatur, & in quo ne Athenas quidem ipsas magis Atticas fuisse , urbæ quodam & liberali joco dicebat . Sic etiam Virgilius , acer & diligens Græcorum imitator , in *Æneide* Homerum est imitatus , & in *Bucolicis* (b) Theocritum . Sic Terentius ex Menandro & ex Aristophane tam multa iniecit in Latium . Ita Horatius Pindari (c) Callimachique vestigia persecutus est in suis *Odis* , & nominatim in tertio quarti libri :

Quem tu, Melpomene , semel
Nascentem placido lumine videris , &c.

Quam quidem tantis laudibus ornavit summus ille vir Julius Cæsar Scaliger , ut mallet a se similem scriptam fuisse , *Quam esse totius Tarracensis Rex.* Sic enim (per ludum opinor) dicebat consueverat.

Atque , ut hisce elementis tandem aliquando finem imponamus , laudem maximam habitura est imitatio , si , quos imitaris , eos non dicam adæquare , sed vincere etiam omni ope coneris : ut ait

Quin.

(a) Fuit Orator & criticus celeberrimus, sæculo 16.

(b) Theocritus Poetas Syracusanus scripsit Græca Idyllia in genere bucolico laudatissima .

(c) Callimachus nobilis Poeta Græcus vixit post Alexandri tempora .

Quintilianus Lib. 10. *Conandum est aliquid supra eos, quos imitaris ; & ut etiam admonet vetus proverbium . Invenire , rem admodum difficilem esse ; perfacilem vero , inventis addere .*

Ita Virgilius, cum exiliter admodum ac june de Hectore dictum fuisset a veteri poeta Ennio (a) :

O lux Trojæ , germane Hector ,

Quid ita cum tuo lacerato corpore miser ?

Versus eosdem , vel potius eadem sententiam ex plumbea fecit auream *Æneid.* Libro secundo :

O lux Dardanix , spes o fidissima Teucrum ,

Quæ tantæ tenuere moræ ? Quibus, Hector , ab oris,

Expectate venis ? Ut te post multa tuorum

Funera, post varios hominumque , urbisque labores

Defessi aspicimus ! Quæ causa indigna serenos

Fœdavit vultus ? Aut cur hæc vulnera cerno ?

Hunc eundem Ennii , Virgiliique de Hectore locum apertissime imitari conatus est Seneca in (b) Troade, ubi viduam illius Andromachen ita loquentem inducit :

Cum subito nostros Hector ante oculos fletit .

Non qualis ultro bella in Argivos ferens ,

Grajas petebat facibus Idæis rates :

Nec cæde vasta , qualis in Danaos furens

Vera ex Achille spolia simulato tulit .

Non ille vultus flammæum intendens jubar ;

Sed fessus , ac dejectus , & fletu gravis ,

Similitque nostro , squalida obiectus coma .

Quæ imitatio, quamquam non infelix , tu vide tamen quantum a Virgiliana distet . Verum quanto inferior Virgilius videtur in hoc loco Seneca , tanto sane jure videbitur Ennio superior in hac altera ejusdem imitatione in eadem Troade :

Column Patriæ , mora factorum ,

Tu præsidium Phrygibus fessis ,

Tu murus eras , humerisque tuis

Ste-

(a) *Ennius Poeta antiquissimus vixit tempore secundi belli Punici , centum & amplius ante Ciceronem annis.*

(b) *Tragedia sic inscripta ,*

Stetit illa decem fulta per annos :

Tecum cecidit, summusque dies

Hæstoris idem patrizque fuit .

Hanc Ennianam imitationem aliquando mirantibus amicis festive admodum respondit Virgilius : *se ex Ennii Rescorte gemmas aurumque colligere*. Cum vero assidua hæc diligensque veterum imitatio vitio illi verteretur, ut sit, ab invidis & obtreptatoribus, cumque illi malevolentiz livore suffusi palam jactarent in vulgus, illum pleraque ab Homero sumpsisse, hoc uno responso calumniatoribus os obstruere, illosque penitus elingues reddere consueverat Virgilius : *Cur non ipsi quoque eadem furta tentarent ? Verum intellectuos, facilius esse Herculi clavam detrahere, quam Homero vel unum eripere versum, illumque ad rem suam accommodare*.

Ratio tamen quædam est tyronibus præsertim adhibenda, ne dum propositum sibi exemplar conantur vincere, & dum ab illo paullulum, sed in melius aberrare satagunt, prava quadam imitatione ab illo prorsus deficient, & in pejus aberrant, quod Lucano præsertim contigisse videmus.

Cum enim mirifice, sed sobrie tempestatem ita descripsisset Virgilius *Æneidos* primo:

Incubuerè mari, totumque a sedibus imis

Una Euræusque Notusque ruunt, creberque procellis
Africus, & vastosvolvunt ad littora fluctus.

Eripiunt subito nubes cælumque diemque

Teucrorum ex oculis, ponto nox incubat atra.

Intonuere poli, & crebris micat ignibus æther,

Præsentemque viris intentant omnia mortem.

Hunc Virgilii locum cum sibi vel imitandum, vel superandū proposuisset Lucanus, immodico quodam calore raptus, suoque nimium velificatus ingenio, & laxatis illi velut habenis, sic aberravit in pejus :

Ah, quoties frustra pulsatos æquore montes

Obruit illa dies ! quam celsa cacumina pæssum

Tellus victa dedit ! non uno lictore surgunt

Tam validi fluctus, alioque ex orbe voluti,

A magno venere mari ; mundunquæ coecens

Monstriferos agit unda sinus.

AR-

A R T I S
R H E T O R I C Æ
L I B E R P R I M U S .
D E E L O C U T I O N E .

*Q*uid est Elocutio?

R. Elocutio, inquit Tullius, est idoneorum verborum, & sententiarum ad res inventas accommodatio.

Cur tandem, & quorsum ab Elocutione, contra quam fieri solet, exordimur?

R. Tametsi ex quatuor Rhetoricæ partibus, ordine naturæ, prima sit Inventio; quia tamen plusculum difficultatis habet, idcirco eam Elocutioni postponendam esse cum erudite Vossio, aliisque artis Rhetoricæ magistris bene multis, judicavimus.

Cum enim verborum selectus origo sit eloquentiæ, ut ait Julius Cæsar in suo de analogia, seu de ratione Latine (a) loquendi Libro, quem Ciceroni nominatim nuncupavit; & cum verborum cura, quæ ad Elocutionem pertinet, sit longe faciliior, quam cura rerum, quæ spectat ad Inventionem: liquet profecto nos Tyronum commodis utilitatique servire, dum Aristotelis ordine non nihil immutato, ab Elocutione ducimus initium, & in primo artis oratoricæ quasi limine vestibuloque paullisper hæremus, priusquam in intima illius penetralia pedem (b) ausimus inferre.

Ut huic eidem Tyronum utilitati consulatur, nostrum hunc de Elocutione librum trifariam dividimus. Agendum nobis est primo de Figuris, in quibus nullo ferme negotio se solent exercere vel ipsi

(a) Cicero in Bruto.

(b) Penult. producta, pro audeamus.

pſi Tyrunculi . Secundo dicetur de Periodo, in qua videtur pluſculum eſſe negotii . Tertio tractabitur de Stylo , a faciliſoribus , ut par eſt , ad difficiliſoribus ſenſim progrediendo .

C A P U T P R I M U M .

De Figuris , ſeu Schematibus .

Figura, ut diximus in Elementis, eſt ornamentum quoddam Orationis, ſeu loquendi modus illuſtrior, & a communi conſuetudine remotus, cujuſmodi ſunt hæc Ciceronis verba in Catilinam. *Vivis, Et vivis non ad deponendam, ſed ad conſiſmandam audaciam.* Itemque illa Didonis morientis (a) verba:
• Moriemur inultæ ?

Sed moriamur, ait. Sic, ſic juvat ire ſub umbras.

Aut hæc ejusdem Didonis :

Littora littoribus contraria , fluctibus undas

Imprecor, arma armis: pugnent ipſique nepotes.

Quot ſunt genera figurarum .

℞. Duo . Aliæ enim verſantur in (b) ſententiis & ſenſu ipſo ; aliæ in verbis tantum : Quia vero res prius animo menteque concipiendæ ſunt , quam verbis exprimitantur; ideo de Figuris ſententiarum, quæ ad mentem pertinent , ante dicendum nobis eſt , quam de figuris verborum .

§. I. De Figuris Sententiarum .

Inter Figuras Sententiarum aliæ videntur aptiores ad movendum, aliæ ad docendum , aliæ ad delectandum . Initium faciamus ab his , quæ ad movendum , ſeu ad animos ſollicitandos præcipue valent .

§. II. De Figuris ad movendum idoneis .

De Exclamatione .

Cur ex omnibus figuris Exclamationem primam ordine collocamus ?

℞. Primam collocamus , quod vehementiores animi

(a) *Æneid.* 4. (b) Ἀντιθέσις καὶ διαστολή.

nimi motus exclamando soleamus exprimere .

Quid est Exclamatio ?

&. Est vocis elatio , seu contentio , qua , interjectione vel adhibita , vel subaudita , vehementiorem animi affectum significamus , rei que magnitudinem exprimimus . Ita Tullius oratione 1. in Catilinam , per summam indignationem sic exclamat : *O tempora ! o mores ! Senatus hæc intelligit , Consul videt : hic tamen vivit . Vivit ? Imo vero etiam in Senatum venit .* Et oratione 2. in Antonium : *O miserum me ! consumptis enim lacrymis , infixus tamen animo hæret dolor .*

Exclamatio adjunctam ferme habet aliquam ex hisce interjectionibus , o ! heu ! ha ! vah ! pro Superi ! pro Superum , atque hominum fidem ! Per sæpe tamen subauditur interjectio , ut si dicas , *Miserum me ! vel , Hoccine Sæculum !* Veteres pro interjectione , o , sæpe adhibebant voces istas , (a) *Ædepol ! Hercle ! Mea hercule ! Jupiter ! Mecastor ! Medius fidius !* ita Callus : Charris

Doctis , Jupiter ! & laboriosis .

Heu & Eheu triste aliquid & molestum indicant . Ita (b) Cicero . *O domus antiqua , eheu quam disparti domino dominaris !* Virgilius vero *Æneidos* 4.

..... Tu nunc Carthaginis altæ

Fundamenta locas , pulchramque uxorius urbem
Extruis ; heu regni , rerumque oblite tuarum !

Proh adhibetur sæpe ad obtestandum . Ita Terentius : *Proh Deum atque hominum fidem ! quid est , si non hæc contumelia est ?*

Mirum in modum facit Exclamatio ad significandam indignationem , doloremque ex re atroci conceptum , ut Tullius pro Cælio : *Proh Dii immortales ! cur interdum in hominum sceleribus maximis aut (c) con-*

servit etiam misericordix . Ita pro Sylla : *O Miserum & infelicem diem illum quo Consul omnibus cen-*

tu-

(a) Quasi dicas per ædem Pollucis ita me Hercules , me Jupiter , me Jovis filius juvet . (b) De Officiis , lib. 3. (c) Ital. Chiudete gli occhi .

turiis P. Sylla renunciatus est! O fallacem, o volucram fortunam! O cæcam cupiditatem! O præposteram gratulationem! quam cito illa omnia ex lætitia & voluptate ad luctum & lacrymas redierunt! Et pro Milone: O terram illam beatam, quæ hunc visum exasperit; hanc ingratam, si ejecerit; miseram, si amiserit! Sic etiam perfidus ille Sinon Trojanorum misericordiam exclamando captat (a):

Heu! quæ nunc tellus, inquit, quæ me æquora possunt (stat

Accipere? aut quid jam misero mihi denique re-

Aliquando etiam lætitiæ animique hilaritatem exprimit Exclamatio: v. gr. Cicero ad Atticum (b): *O suaves epistolæ tuas, uno tempore mihi datas duas! quibus evangelia quæ reddam, nescio; debere quidem plane fateor.* Evangelia vero (si quæris) erant merces allati jucundi nuntii; vel etiam sacrificia & supplicationes, quæ pro læto nuntio decerni olim a Romanis consueverant. Unde non immerito a Christianis *Evangelium* appellatum est salutiferum illud nuntium a CHRISTO veracissimo Patris Nuntio nobis allatum.

Denique Exclamatio servit interdum Ironiæ. Ita (c) Tullius: *O præclarum custodem ovium, ut ajunt, lupum! & in Pisonem: O stultos Camillos, Curios, Fabricios, Scipiones, Marcellos, Maximos! O amentem Paullum! rusticum Marium! nullius consilii patres istorum amborum Consulum, qui triumpharunt!*

Quibus potissimum in locis utendum est Exclamatione?

℞. Adhibenda est præsertim in Amplificatione, in Perorationibus, & ubi res magnas auditori persuasuris. Exclamare enim in rebus minutis frigidum esset ac puerile.

§. III. De Dubitatione.

Quid est Dubitatio?

℞ Dubitatio est (d) Schema, quo Orator fluctuans

(a) *Æneid.* 2. (b) *Lib.* 2. *Ep.* 8. (c) *Philip.* 3.
(d) *Habitus, figura.*

Quans , animique pendens dubitat aliquandiu , quid sibi agendum, dicendumve sit . Ita Scipio apud Livium (a) milites alloquitur quasi dubitans . *Apud vos quemadmodum loquar nec consilium , nec oratio suppeditat , quos ne quo nomine quidem appellare debeam, scio . Cives? qui a patria vestra descivistis . An milites? qui imperium auspiciumque abnuistis , Sacramenti religionem rupistis? Hostes? corpora, ora, vestitum , habitum civium agnosco ; facta, dicta , consilia, animos hostium video .*

Illustre omnino Dubitationis exemplum suppeditat nobis Virgilius , cum Didonem ita dubitantem inducit (a) :

En quid agam , rursusne,procos irrita priores
Experiar? Nomadumque petam connubia supplex,
Quos ego sum toties jam dedignata maritos?
Iliacas igitur classes , atque ultima Teucrum
Jussa sequar

An Tyriis , omnique manu stipata meorum
Insequar? Et quos Sidonia vix urbe revelli ,
Rursus agam pelago, & ventis dare vela jubebo?
Deinde sequitur electio , quæ sit nimirum , cum is qui dubitat , subito consilium capit , quasi oborta sibi nova quadam luce :

Quin morere,ut merita es,feroque averte dolorem.

Est item apud Ciceronem egregium aliud ejusdem Schematis exemplum in Oratore: *Utrum difficilius , aut majus esset negare tibi sæpius idem roganti , an efficere id quod rogares , diu multumque, Brute , dubitavi . Nam & negare ei , quem unice diligere , cuique me carissimum esse sentirem, præsertim & iusta petenti , & præclara cupienti , durum admodum mihi videbatur : & suscipere tantam rem, quantam non modo facultate consequi difficile esset , sed etiam cogitatione complecti, vix arbitrabar esse ejus, qui vereretur reprehensionem doctorum ac prudentium .*

Habes etiam breve , sed luculentum dubitationis exemplum in illis Tiberii verbis apud Tacitum in

An-

(a) *Decade III. .* (b) *Æneid. 4.*

Annalibus : Quid scribam , P. C. aut quomodo scribam , aut quid omnino non scribam hoc tempore ? Dii me , Dæque pejus perdant , quam perire quotidie sentio , si scito .

§. IV. De Obsecratione .

*Q*uid est Obsecratio ?

℞. Obsecratio, ut nomen ipsum per se satis indicat, fit, cum alicujus sive Dei, sive hominis opem imploramur. Hoc Schemate mirum in modum utitur Tullius pro Rege Dejotaro. *Quamobrem hoc nos primum metu, C. Cæsar, per fidem, & constantiam, & clementiam tuam libera, ne residere in te ullam partem iracundiæ suspicemur. Per dexteram te istam oro, quam Regi Dejotaro hospes hospiti porrexisti: istam inquam, dexteram, non tam in bellis, & in præliis; quam in promissis, & fide firmiorem. Tu illius domum inire, tu vetus hospitium renovare voluisti: te ejus Dii penates acceperunt: te amicum, & placatum Dejotari Regis aræ focique viderunt.*

Vehemens est etiam, atque flexanima (a) Palinuri ad Æneam obtestatio apud Virgilium Æneid. 6. *Quod te per Cœli jucundum lumen, & auras, Per genitorem oro, per spem surgentis Juli, Eripe me his, invictæ, malis. Aut tu mihi terram Injice, namque potes: portusque require Velinos: Aut tu, si qua via est, si quam tibi Diva creatrix Ostendit (neque enim credo sine numine Divum Flumina tanta paras, Strygiamque innare paludem) Da dexteram misero, & tecum me tolle per undas.*

Hæc figura, præ cæteris, vehemens est, & in perorationibus potissimum solet adhiberi.

§. V. De Imprecatione .

*Q*uid est Imprecatio ?

℞. Est execratio quædam, qua malum imprecatur alicui, vel etiam nobismetipsis. Tale est illud Ciceronis pro Dejotaro: *Dii te perdant, fugitive*

(a) *Pallinurus* Apex navis gubernator, qui somno oppressus, ana cum gubernaculo in mare delapsus est.

tive. Ita non modo nequam, & improbus, sed etiam fatuus, & amens es. Et in Antonium: Quin tu abi in malam rem, malumque cruciatum. Tale est etiam illud Didonis (a):

Sed mihi vel tellus optem prius ima dehiscat,
Vel pater omnipotens adigat me fulmine ad umbras,

Pallentes umbras Erebi, noctemque profundam,
Ante, pudor, quam te violem, aut tua jura resolvam.

§. VI. De Interrogatione, & Subjectione.

Q. *Ud est interrogatio?*

R. Fit cum interrogamus aliquem, non tam ad rem dubiam querendam, quam ad urgendum, instandumque, & ad vehementiorem affectum exprimendum. Ita Cicero Catilinam urget hisce verbis; *Patere tua consilia non sentis? Constrictam jam horum omnium conscientia teneri conjurationem tuam non vides? Quid proxima, quid superiore nocte egeris, ubi fueris, quos convocaveris, quid consilii ceperis, quem nostrum ignorare arbitraris?*

Quibus sane interrogationibus Catilinam multo acrius pungit Cicero, quam si frigide diceret: *Patent, Catilina, tua consilia: conjuratio tua omnium conscientia constricta tenetur; quid egeris, nemo ignorat.* Similiter poterat dicere Virgilius:

Ipse ego te vidi Damonis, pessime, Caprum
Excipere insidiis, multum latrante Lycisca.

Sed plus spiritus, nervorumque habet hæc interrogatio (b):

Non ego te vidi, Damonis, pessime, Caprum
Excipere insidiis?

Quod si interrogationi subjiatur responsio, Subjectio vocabitur. Sic Tullius pro lege Manilia; *Quid tam novum, quam adolescentulum privatum, exercitum diffiili Reipublicæ tempore conficere? Confecit: huic præesse? Præfuit: rem optime ductu suo gerere. Gessit. Quid tam præter consuetudinem, quam homini adolescenti.*

(a) *Æneid.* 4.

(b) *Ecl.* 3.

ſcenti , cujus a Senatorio gradu ætas longe abeſſet , imperium atque exercitum dari , Siciliam permitti atque Africam , bellumque in ea adminiſtrandum ? Fuit in iis Provinciis ſingulari innocentia , æquitate , virtute : bellum in Africa maximum confecit : victorem exercitum deportavit .

§.VII. De Præteritione , & Reticentia .

Quid eſt præteritio ?

R. Præteritio, quæ Ciceroni videtur in amore & in deliciis fuiſſe , ſit cum ſimulamus nos vel nescire , vel nolle dicere id , quod vel maxime dicimus . Ita Tullius ſuum Pompejum magnifice laudat per præteritionem :

Itaque non ſum prædicaturus , Quirites, quantas ille res domi militiæque , terra marique , quantaque felicitate gesserit ; ut ejus ſemper voluntatibus non modo cives aſſenſerint , ſocii obtemperarint , hoſtes obediſerint , ſed etiam venti tempeſtatesque obſecundarint ; hoc breviffime dicam . . .

Habes etiam luculentam ejusdem Tullii præteritionem in Vatinium : *Atque illud tenebricoſiſſimum tempus ineuntis ætatis tuæ patiar latere . Licet impune per me , parietes in adoleſcentia perfoderis vicinos compilaris , matrem verberaris . Habet hoc præmium tua indignitas , ut adoleſcentiæ turpitudine obſcuritate & ſordibus tuis tegatur .*

Præteritioni vicina eſt, & affinis Reticentia, Apophopſis Græce dicta, quæ ſit cum orationem abruptim ſubito, & reticemus aliquid , ut majora auditoribus cogitanda relinquamus, quia nimirum, quæ latent, graviora putantur. Tale eſt illud (a) Juvenalis:

Majorum primus quiſquis fuit ille tuorum ,

Aut paſtor fuit , aut illud quod dicere nolo .

Illuſtre omnino huiusce Schematis exemplum nobis ſuppeditat Virgilius *Æneid.* 1. ubi Neptunus ventos tumultuantes ſic increpitat :

Jam celum , terramque meo ſine numine , venti ,
Miſ.

Miscere , & tantas audetis tollere moles ?

Quos ego . . . sed motos præstat componere fluxus.

Post mihi non simili pœna commissa luetis .

Aposiopesi utimur ob pudorem , ut Virgilius in Ecloga 3.

Novimus & qui te . . .

§. VIII. De Expolitione .

Quid est Expolitio ?

&. Expolitio sive Commoratio , & Exornatio (nam tria hæc vocabula unum , atque idem sonant) est figura ad motus excitandos valde insignis .

Fit autem , cum eandem sententiam variis modis versamus , ut altius in auditorum animis defigatur . Ita Cicero pro Sextio : *An mihi ipsi , ut quidam putant , fuit mors æquo animo optatenda ? quid ? tum mortem ne fugiebam ? an erat res ulla , quam mihi magis optandam putarem ? tam eram rudis ? tam ignarus rerum , tam expers consilii aut ingenii ? nihil audieram , nihil videram , nihil ipse legendo quærendoque cognoveram ? nesciebam vitæ brevem esse , cursum gloriæ sempiternum ? quum esset omnibus definita mors optandum esse , ut vita , quæ necessitati deberetur , patriæ potius donata , quam reservata naturæ videretur ? Nesciebam , inter sapientissimos homines hanc contentionem fuisse , ut alii dicerent , animos hominum sensusque morte restringi ; alii autem , tum maxime mentes sapientum ac fortium virorum , quum e corpore excessissent , sentire ac vigere ? quorum alterum fugiendum non esse , carere sensu ? alterum etiam optandum , meliorem esse sensu .*

§. IX. De Epiphonemate .

Quid est Epiphonema ?

&. Est exclamatio sententiosa , quæ fieri solet post rem aliquam insignem vel narratam , vel probatam . Ut cum Virgilius , post narratos clas-

ſs Trojanæ labores, ſic exclamat ſententioſe (a):
Tantæ molis erat Romanam condere gentem.

Sic etiam Lucretius lib. 1. poſt commemoratum exemplum Agamemnonis, filiam ſuam Iphigeniam immolantis, hac gravi ſententia claudit narrationem:

Tantum Religio potuit ſuadere malorum.

Simile eſt illud Ciceronis in liber de Senectute: *Senectutem ut adipiſcantur, omnes optant; eandem accuſant* (b) *adeptam: tantq̃ eſt inconfantia, ſtultitia; atque perversitas.* Sic etiam Virgilius, poſtquam apum, in melle conficiendo, induſtriam, laboresque deſcripſit, hoc addit Epiphonema:

Tantus amor ſorum, & generandi gloria mellis.
Itemque hoc 2. Georgicorum:

--- Adeo a teneris conſueſcere multum eſt.

Et alio in loco, de crudeli atque impio Polymneſtore loquens (c):

Fas omne abruptit, Polydorum obtruncat, &
auro

Vi potitur. QUID non mortalia peſtora cogis,
Auri ſacra fames?

C A P U T I I.

De Figuris ad delectandum magis idoneis.

§. I. De Apoſtrophe.

Q Uid eſt Apoſtrophe?

R. Eſt S hema, quo ſermonem ad aliam perſonam, vel quaſi perſonam convertimus, quam inſtituta oratio requirit. Ita Cicero pro Milone: *Vos, vos appello, ſoſtiſſimi viri, qui multum pro Republica ſanguinem effudiſtis: vos in viri, & civis invidi appello periculo, Centuriones, vosque milites; vobis non modo inſpectantibus, ſed etiam armatis, & huic iudicio præſidentibus, hæc tanta virtus ex hac urbe expellatur?* Apo-

(a) *Æneid.* 1. (b) *Alii Adepti, quæ lectio videtur melior.* (c) *Æneid.* 3.

Apostrophe fit aliquando ad Superos , ad invocandum . Ita Tullius i. in Catilinam : *Tum tu, Jupiter, qui isdem, quibus hæc urbs auspiciis a Romulo est constitutus, quem statorem hujus urbis, atque Imperii vere nominamus; hunc & hujus socios a tuis aris, cæterisque templis, a testis urbis, a manibus, a vita, fortunisque omnium civium, arcebis; & omnes inimicos bonorum, hostes Patriæ, latrones Italiæ scelerum fœdere inter se ac nefaria societate conjunctos, æternis suppliciis vivos, mortuosque mactabis.*

Non tantum ad personas fit Apostrophe; sed etiam ad res inanimas, sensuque carentes, aut aliquando etiam ad belluas. Ejusmodi est apud Virgilium notissima illa Mezentii Apostrophe ad equum suum, nomine Rhœbum :

Rhœbe, diu (res si qua diu mortalibus ulla est) Viximus

Ita Cicero pro Milone : *Vos enim jam Albani tumuli, atque luci, vos, inquam, imploro, atque obtestor, vosque Albanorum obrutæ aræ, sacrorum Populi Romani sociæ & æquales.* Poetis porro nihil familiarius est, quam illa ad res sensu carentes Apostrophe. Ita Dido moriens Æneid. 4.

Dulces exuvix, dum Fata, deusque sinebant,
Accipite hanc animam, meque his exolvite curis.

Quænam sunt Apostrophes regulæ?

1. Tres . 1. Raro est usurpanda . Si enim crebrius adhibeatur, inepta erit, & frigidiuscula .

2. Tametsi multis videatur, Apostrophem in ipso dicendi principio nequaquam adhiberi posse, interdum tamen Orationem inchoat egregie, ut docet initium primæ Catilinarix : *Quousque tandem abutere, Catilina, patientia nostra?*

3. Fas est Poetis, solius metri causa, Apostrophem adhibere . Ita Ovidius lib. 3. Tristium,
Nunc ego jactandas optarem sumere pennas,
Sive tuas, (a) Perseu; Dædale, sive tuas .

D 2

§. II.

(a) *Perseus Jovis filius, talaribus a Mercurio donatus, Andromedam liberavit.*

§. II. De Hypotyposi.

Quid est Hypotyposis?

R. Est figura, qua res ita (a) graphice describitur, ut non tam audiri, vel legi, quam ante oculos versari videatur. Splendidum in primis, ac illustre illius exemplum habes in septima Verriana, ubi Tullius Verris inhumanitatem oculis ita subjicit: *Ipse inflammatus scelere Et furore in forum venit. Ardebant oculi; toto ex ore crudelitas emicabat. Expectabant omnes quo tandem progressurus, aut quidnam acturus esset; cum repente (b) hominem corripit, atque in foro medio nudari, ac deligari, Et virgas expediri jubet. Clamat ille miser, se civem esse Romanum.*

Nihilo inferior est Virgiliana illa de Mæxentii equo Hypotyposis, quam merito mirantur omnes (c):

Tollit se arrectum quadrupes, & calcibus auras Verberat, effusumque equitem super ipsa secutus Implicat, exæloque incumbit cernuus armis.

Hypotyposim creberrime solent usurpare Poetæ, ac præsertim Virgilius, qui res adeo vivis, & spirantibus, ut ita dicam, coloribus describit, ut pene sub oculos cadant. Ita Cyclopes depingit Æn. 8.

*Ferrum exercebant vasto Cyclopes in antro,
Brontesque, Steropesque, & nudus membra Pyracmon.*

.....

..... Alii ventosis follibus auras

*Accipiunt, redduntque: alii stridentia tingunt
Æra lacu: gemit impositis incudibus antrum.*

*Illi inter sese, multa vi, brachia tollunt
In numerum, versantque tenaci forcipe massam.*

§. III. De Prosopopæja.

Quid est Prosopopæja?

R. Prosopopæja est fictio personæ, seu Schema,

(a) Ital. *esattamente, e quasi pittoreſcamente, e a pennello.* (b) *Gayum civem Romanum.* (c) *Æneid. 10.*

ma , quo personæ mortuæ , vel absenti , aut etiam rei sensu carenti sermonem tribuimus , per quamdam licentiam oratoriam ; v. gr. cum inducimus loquentem Urbem , Provinciam , Angelum , Beatum , parietem , aliaque id genus . Talis est apud Lucanum celebris illa Prosopopœja Patriæ , quæ Julio Cæsari juxta fluvium Rubiconem apparens , illum a Civili bello dehortatur (a) :

Jam gelidas Cæsar cursu superaverat Alpes ,
Ingentesque animo motus , bellumque futurum
Ceperat . Ut ventum est parvi Rubiconis ad undas ,

Ingens visa Duci Patriæ trepidantis imago
Clara , per obscuram , vultu moestissima , noctem
Turrigero canos effundens vertice crines ,
Cæsarie lacera , nudisque adstare lacertis ,
Et gemitu permixta loqui : Quo tenditis ultra ?
Quo fertis mea signa viri ? Si jure venitis ,
Si cives , huc usque licet :

Sic etiam Tullius in prima Catilinariâ ita loquentem Patriam inducit : *Quæ (Patria) tecum , Catilina , sic agit , Et quodammodo tacita loquitur : Nul- lum jam tot annos facinus extitit , nisi per te : nullum flagitium sine te . Tibi uni multorum neces , tibi vexatio direptioque sociorum impunita fuit , ac libera . Tu non solum ad negligendas leges Et quæstiones , verum etiam ad evertendas . perfringendasque valuisti . Superiora illa , quæquam ferenda non fuerunt , tamen ut potui , tuli : Nunc vero me totam esse in metu , propter te unum , (b) quidquid increpuerit , Catilinam timeri ; nullum videri contra me consilium iniri posse , quod a tuo scelere abhorreat , non est ferendum . Quamobrem discede , atque hunc mihi timorem eripe . Si verus , ne opprimar : sin falsus , ut tandem aliquando timere definam . Hæc si tecum , ut dixi , Patria loquatur , &c.*

Venustissimum est , & aurea Augusti ætate dignis-

D 3 finem

(a) Lib. 1. *Pharsaliæ* . (b) Ital. *Che per ogni re-
mor , che si senta , s'abbia a temer Catilina .*

simum Epitaphium hoc , in quo viventem maritum per Protopopœjam sic alloquitur uxor mortua :

Immatura perii ; sed tu felicior , annos

Vive tuos , conjux optime , vive meos .

§. IV. De Ethopœja .

*Q*uid est Ethopœja ?

& Ethopœja est expressio morum , seu Schema, quo alicujus studia , mores, indolem, ingenium verbis exprimimus . Ita Sallustius (a) Catilinam omnibus artibus coloribusq; regie pingit in illa Ethopœja , tantopere omnium consensione laudata .

Ethopœja Catilinæ .

Lucius Catilina, nobili genere natus, fuit magna vi & animi , & corporis , sed ingenio malo pravoque . Huic ab adolescentia, bella intestina , cædes , rapinæ , discordia civilis grata fuere , ibique juventutem suam exercuit . Corpus patiens inedie , algoris , vigiliæ , supra quam cuique credibile est . Animus audax , subdolanus , varius , cujuslibet rei simulator , ac dissimulator , alieni appetens , sui profusus . Ardens in cupiditatibus : satis eloquentiæ , sapientiæ parum . Vastus animus immoderata , incredibilia , nimis alta semper cupiebat .

Sic etiam Plautus senis avari , sordidique mores mirabiliter exprimit , (b) dum illum inducit hæc sermo suo mandata dantem :

Senex avarus .

Cave quemque alienum in ædem intromiseris .

Si quisquam ignem querat . extingui volo ,

Ne causæ quid sit , quod te quisque queritet .

.....

Tum aquam effugisse dicito : si quis petet .

Cultrum , securim , (c) pistillum , mortarium .

Quæ utenda vasa semper vicini rogitant ;

Fures venisse , atque abstulisse dicito .

Mulierum mores graphice pingit Terentius , dum
ait :

(a) In bello Catilinario .

(b) In Aulularia

(c) Ital. pestello .

ait : *Novi ingenium mulierum : Nolunt , ubi velis : ubi nolis , cupiunt ultro .* Et alio loco in *Heaut.* 2. 2.

11. *Nosti mores mulierum , dum (a) moliuntur , dum comuntur , annus est .*

Ethopœja dividitur in Profopographiam, & in Ethopœjam propriè dictam , de qua jam egimus .

Quid est Profopographia?

Æ. Est expressio vultus, ac corporis totius, seu Schema , quo alicujus vultum , os , lineamenta , incessum , cultum , (b) habitumque omnem exprimimus. Ita Martialis deformem Zoilum lepide pingit:

Crine ruber, niger ore, brevis pede, lumine læsus,

Rem magnam præstas , Zoile , si bonus es .

Sic etiam Franciscus Vavassor in suo illo eximio de ludicra dictione libro , Socratis habitum , os , figuramque depingit :

Socrates Æsopo non abssimilis deformitate corporis fuit : utpote (c) simis naribus, extantibus & prominentibus oculis , recalva fronte, pilosis humeris , (d) obeso ventre , (e) repandis cruribus , quem propterea rectè Alcibiades cum Seleno, & Satyris etiam forma & specie contulit . Ac licuit semper animadvertere , luscios , (f) gibbosos , (g) ventriosos , claudos , similesque eorum eo fere dicaciores esse hominibus cæteris , quo sunt vitiis corporis insigniores, materiamque præbent ad jocandum majorem : sive quod sæpius læsifiti propter suam scelicitatem , affuescant vicissim adversarios repungere , atque ita exercitiores in eo ipso genere fiant: sive quod priores occupent , ne feriantur, aut ut feriantur levius .

Feliciter admodum miscentur Profopographia, & Ethopœja propriè dicta & ex tali mixtura Schema gratissimum efflorescit, ut liquet in exemplo sequenti , ubi M. Calphurnium sic pingit (h) Tullius :

D 4

Con-

(a) Alii alia : ego sic : *Machinano , e Audiano la maniera di abbigliarsi .* (b) Ital. *portamento .* (c) Ital. *Schiacciate .* (d) *Pieno, panciuto .* (e) *Strambo , Sbilenco , Storto .* (f) *Gobbi .* (g) *Tripponi , panciuti .* (h) *Ad Atticum .*

Consul ipse parvo animo , & pravo : tantum (a) cavil-
lator genere illo moroso , quod etiam sine dicacitate vi-
detur , facie magis quam facetiis ridiculus : a quo nihil
speres boni Respublicæ , quia non vult ; nihil metuas
mali , quia non audet .

CAPUT III.

De Figuris ad docendum idoneis .

§. I. De Antithesi .

Quid est Antithesis ?

R. Antithesis , sive oppositio , est Schema , quo
verba verbis , sententiæ sententiis opponuntur ;
cujus rei splendidum in primis , & illustræ exem-
plum habes in 2. Catilinaria : *Ex hac parte pudor
pugnat , illinc petulantia ; hinc pudicitia , illinc Au-
prum : hinc fides , illinc fraudatio : hinc pietas , illinc
scelus ; hinc honestas , illinc turpitudine ; hinc continen-
tia , illinc libido . Denique æquitas , temperantia ,
fortitudo , prudentia , virtutes omnes certant cum iniqui-
tate , cum luxuria , cum ignavia , cum temeritate ,
cum vitiis omnibus : postremo copia cum egestate , bo-
na ratio cum perdita ; mens sana cum amentia ; bona
denique spes cum omnium rerum desperatione confligit .*

Sic Martialis in amicum quemdam morosum ,
sibi imparem , facete ludit per Antitheses (b) :
Difficilis , facilis , jucundus , acerbus es idem :

Nec tecum possum vivere , nec sine te .

Ita Ovidius (c) ;

Frigida pugnabant calidis , humentia ficcis ,

Mollia cum duris , sine pondere habentia pondus .

Sic etiam Justinus (d) Agathoclem , Siracensis , ob-
fessis , bellum nihilominus in Africam transferentem
laudat per Antitheses : *Mira prorsus audacia ; ut qui-
bus in solo urbis suæ par non erat , eorum urbi bellum*
in

(a) Ital. Burlone, è Faceto in quella sorte fantasti-
ca , e sdegnosa di burle , ch' è propria degli stitici .

(b) Lib. 12. (c) . Metam. (d) Agathocles Sici-
liæ Tyrannus , patre figulo natus . Lib. 22.

inferret; Et qui sua tueri non poterat, impugnaret aliena, victusque victoribus insultaret. Ejusdem etiam generis est memorabile illud dictum Augusti, jam ætate valde provecti, ad nobiles quosdam juvenes, qui forte tumultuabantur: *Audite juvenes, senem, quem juvenem senes audivere.*

Hoc etiam modo Horatius in Odis: *Privatus illis census erat brevis, commune magnum, & post illum* (a) Seneca:

Curæ leves loquuntur, ingentes stupent.

§. II. De Sufientatione .

Q *Uid est Sufientatio?*

R. Est figura, qua Orator, ad sibi conciliandam attentionem, & ad excitandos arrigendosque auditorum animos, illos tenet aliquandiu suspensos, incertosque quid dicturus sit; ut cum Tullius ait contra Verrem: *Ettamnum mihi expectare videmini judices, quid deinde factum sit . . . expectate facinus quam vultis improbum; vincam tamen expectationem omnium.*

Habes falsum, & facetum Sufientationis exemplum in Martialis libro 6.

In Luperum .

*Quod convivaris sine me tam sæpe, Luperce,
Inveni, noceam qua ratione tibi.*

*Iraſcar, licet usque voces, mittasque, rogesque.
Quid facies? - inquis. Quid faciam? veniam,*

§. III. De Communicatione.

Q *Uid est Communicatio?*

R. Est Figura, qua Orator, causæ suæ confidens, deliberat cum iis ipsis, apud quos, vel contra quos dicturus est, illos nimirum consulens, quid acturus sit. Egregium hujusmodi exemplum habes in Verrina 2. ubi Cicero summam causæ suæ fiduciam ita demonstrat: *Nunc vos consulo quid mihi faciendum putetis. Id enim consilii profecto taciti da-*

(a) *In Hyppolito.*

bitis, quod ego mihi necessario capiendum intelligo :
Et pro Cæcinnâ : *Quæro, si te hodie domum tuam redeuntem homines armati, non modo limine, tectoque ædium tuarum, sed primo aditu vestibuloque prohiberent, quid acturus sis?*

§. IV. De Correctione,

*Q*uid est Correctio?

R. Correctio, seu Retractatio, est Schema, quo Orator sententiam, aut vocem a se prolatam retrahat, ac veluti corrigit. Ita Cicero pro Cælio, *O stultitiam! Stultitiamne dicam, an impudentiam singularem?* Et prima Catilinariam: *Quamquam quid loquor? Te ut ulla res frangat? Tu ut umquam te corrigas? Tu ut ullam fugam meditare? Tu ut ullum exilium cogites? Utinam tibi istam mentem Dii immortales donarent!*

Sic etiam Terentius in Comœdia, quæ inscribitur (a) *Heautonti morumenos*, miserum senem Menedemum sic loquentem inducit:

Filium unicum adolescentulum

Habeo. Ah! quid dixi habere me? Imo habui, Chreme;

Nunc habeam, nec ne, incertum est.

C A P U T IV.

De Figuris verborum.

Figuræ verborum alix sunt tropi, alix non sunt tropi, Figuræ, quæ sunt tropi, fiunt tantum in verbis translatis, hoc est a sensu sibi proprio in alienum sensum translatis, ut cum dicimus *Lætæ segetes: Præta ridet: Geminos duo fulmina belli. Scipiadas &c.* Figuræ verò, quæ non sunt tropi, fiunt etiam in verbis propriis, ut cum ait Tullius: *O tempora! O mores!* Et alio loco: *Abiit, Excessit, evasit, erupit.*

§. I.

(a) *Vox Composita*, quæ Græce sonat se ipsum puniens: vulgo Nojolo a se stesso.

§. I. De Tropis .

Quid est Tropus ?

R. Tropus est verbi , vel (a) Orationis e propria significatione in alienam immutatio , cum y rtute ac dignitate ; ut cum dicitur , *Mulus pro Stupido* ; vel *Laterem lavare* , pro *Frustra laborem suscipere* , instar laterem lavantis . Ista porro immutatio , sive conversio fit cum virtute ac dignitate , hoc est ad addendum orationi pondus , majoremque illi venustatem & dignitatem conciliandam . Porro Tropus sic appellatur a voce Græca *τρέπω* , *verto* ; ut ad verbum *Inversionem* sonet .

Hæc autem Inversio fit multiplici , variaque ratione , sed quatuor potissimum modis : unde existunt primarii quatuor , nobilissimique Tropi , nempe Metaphora , Metonymia , Synecdoche & Ironia de quibus sigillatim tractandum est .

§. II. De Metaphora .

Quid est Metaphora ?

R. Metaphora , seu Translatio est tropus , quo vox aliqua a propria significatione ad alienam transfertur , ob similitudinem . Ut cum ait Tullius ad Cæsarem : *Parietes hujus curiæ tibi gratias agere gestiunt* . Vox illa , *Gestire* , quæ est hominis propria , transfertur ad parietem , cujus non est propria ; sed cum quo tamen habet hoc loco quamdam similitudinem & affinitatem .

Hunc porro usum ac modum verba transferendi necessitas genuit , cum scilicet verba propria decissent : postea vero delectatio jucunditasque celebravit . Quemadmodum enim vestis depellendi frigoris causa primum reperta , postea etiam adhiberi coæpta est ad ornatum corporis & dignitatem : sic verbi translatio , solius in pæ causa primum instituta , deinde etiam fuit ad delectationem , & ad ornatum orationis frequentata .

D 6

Un-

(a) Ἐξάλλαξις λόγῳ ἐπὶ τὸ κρείττον . *Arist.*

Undenam potissimum ducuntur Metaphoræ ?

R. Ex omnibus omnino rebus duci possunt, a divinis, a cœlestibus, ab elementis, meteoris, lapidibus, metallis, plantis, bestiis, hominibus, eorumque operibus: adeo ut non minus late pateat Metaphora, quam similitudo, quæ a re qualibet duci potest.

Metaphora ducitur: 1. a Divinis, ut apud Ciceronem, *Deus ille noster Plato*. Itemque apud Martialem magnificentissima illa Romæ laudatio (a):

Terrarum Dea, gentiumque Roma,

Cui par est nihil, & nihil secundum.

2. Sumitur ab Elementis, ut cum dicitur a Tulio: *Nullius tantum est flumen ingenii, nulla scribendi, aut dicendi tanta vis tantæque copia, quæ, non dicam exornare, sed enarrare, Cæsar, res tuas gestas possit.*

3. Metaphora sumitur e stirpibus, plantis, & arboribus. Ita Cicero: *Virtus est una altissimis defixa radicibus, quæ nulla umquam vi labefactari potest.*

4. Sumitur a rebus arte, manuque factis: Ita (b) Appion ille, contra quem Josephus scripsit, vocabatur *Cymbalum mundi*: Longinus vero Rhetor eximius, appellabatur *Viva Bibliotheca, & Musæum ambulans*; quod etiam de Origene dictum accepimus. Imperator autem Helvius Pertinax *Fortunæ Pila* fuit vulgo nuncupatus, quod nempe variis fortunæ casibus fuisset exercitus. Denique Augustus homines illos, qui solerti, promptoque erant ingenio ad res ex tempore conficiendas lepide agebat, *Argentum habere* (c) in numerato, Metaphora a pennis ducta.

5. Metaphora ducitur ab homine; ut cum ait apud Virgilium Palinurus:

*Mene salis placidi vultum, fluctusque quietos
Ignorare jubes?*

Reliquos Metaphorarum fontes, qui innumera-
biles

(a) Lib. 2. (b) Appion Grammaticus Alexandrinus vixit tempore Tiberii. (c) Ital. In contanti.

biles sunt, & cuilibet obvii, persequi figillatim, hominis esset otio intemperanter abutentis. Quatuor tamen præcipua capita Quintilianus enumerat, ad quæ omnes Metaphoræ commode possunt revocari.

Primo, fit Metaphora, cum a re quapiam animata ad rem aliam animatam verbum transferimus: ut cum ait Titus Livius: *Scipionem a Catone solitum allatrari*; quæ vox, *Allatrare*, cum propria sit folius canis, tribuitur tamen homini non inconcinnè. Sic etiam Christus ipse Herodem, ob mores vulpinos, hoc est ob calliditatem atque versutiam, vulpem appellavit, Lucæ cap. 13. *Ite, & dicite vulpi illi*.

Secundo, fit Metaphora, cum inanima pro aliis inanimis ponuntur, ut *Habena* pro *Gubernaculo*; *Frænum* pro *Lege*; *Vinculum* pro *Communitate*; vel si dicas cum Tullio: *Hic orationis vela contrahamus*.

Tertio, cum inanima transferuntur ad animata: ut cum ipsa civitatis lumina extincta dicuntur in morte præstantium virorum; & cum ait Catullus: *O qui flosculus es juvenulorum?*

Quarto denique præcipuam quamdam venustatem habet, cum rebus inanimis sensuque carentibus sensum quemdam, animosque, ac veluti vitam damus; ut cum ait Virgilius:

-- Pontem indignatus (a) Araxes,

Sic etiam Cicero pro Ligario: *Quid enim, Tubero, tuus ille districtus in acie Pharsalica gladius agebat? cujus latus mucro ille petebat? qui sensus erat armorum tuorum?*

§. III. Quid vitandum in Metaphora.

Quam Metaphoræ dicuntur vitiosæ?

R. Vitiosæ dicuntur Metaphoræ illæ, quæ humiliores sunt, sordidæque, & ab re quapiam abjecta, deformique desumptæ. Talis est ista, quam damnant Tullius, & Quintilianus: *Stercus Curia*
Gla

(a) Araxes Armeniæ fluvius,

Glaucia: itemque ista: *Saxæ mundi* (a) *verruca*, id est *rupes*. Horatius quoque ob eandem causam notavit versum illum cujusdam M. Furii *Bibaculi* (b):

Jupiter hibernas cana nive conspuat Alpes:

Quid enim sordidius, ac turpius, quam Metaphoram a sputo mutuari? Hoc eodem humilitatis &, ut ita dicam, ignobilitatis vitio laborare videtur celebris illa (c) Tertullia in Metaphora, qua diluvium appellat *Naturæ generis* (d) *lixivium*.

2. Viriosæ diuntur Metaphoræ, quæ duriores sunt, vel longius accersitæ, vel quæ rem nimis amplificent; ut si dicas: *Syrtim Patrimonii*, *Charæbim honorum*; quod profecto duriusculum est, & a Tullio jure damnatum. Quod si verearis, ne durior paulo, & audacior videatur Metaphora, poteris illam mollire, ac mitigare illis, aut similibus vocabulis. *Ut ita dicam . . . quasi . . . pene . . . Si ita loqui fas est* &c. ut si dicas, *Mortuo M. Catone pupillum relictum esse Senatum*, poterit audacior videri hæc translatio: si vero dixeris cum Tullio, *Pupillum, ut ita dicam relictum esse Senatum*, duriuscula Metaphora, hoc velut appposito condimento, mitescet. Nam, ut sapienter admodum monet idem Tullius, *Verecunda debet esse translatio*, ut deducta esse in alienum locum, non irruisse, atque ut precario, non vi venisse videatur.

3. Vitium est in Metaphora, si nimis poetica sit, v. gr. si Orator dicat cum Virgilio *Volucres pennis remigare*; aut si cum Horatio dicat de Euro.

Per Siculas equitavit undas.

Neque enim quæcunque Poetis licent, ea omnia Oratoribus licere existimandum est.

4. Metaphorarum vitium est immoderata quædam illarum coacervatio. Etsi enim nullus est florentior tropus: & qui plus luminis affrat orationi, non tamen frequentari nimium debet: nam ut modicus il-

(a) Porri. (b) Sat. 5. lib. 2. (c) Tertullianus scriptor Ecclesiasticus, acris, & vehementis ingenii, floruit initio tertii sæculi. (d) Ital. Liscia.

illius usus maximopere delectat, ita immodicus non parum affert satietatis atque fastidii, & in ænigma transiit, aut in allegoriam.

5. Denique vitiosa est Metaphora, quæ sibi non constat, res nimirum omnino dissimiles inter se conjungendo. Quippe, ut docet Fabius. *Id in primis est custodiendum, ut quo ex genere caperis translationis hoc desinas. Multi enim cum initium a tempestate sumpserit, incendio, aut ruina fiunt, quæ est inconsequentia rerum fœdissima.* Quamquam, ut loquar ingenuè, huic de perpetua, sibi quæ consentanea translatione Rhetorum præcepto non adeo severe a summis viris obtemperari video. Scimus enim diversas omnino Metaphoras eleganter sæpe fuisse conjunctas a Virgilio, ab Horatio, a Catullo, &c. sic triplex est Metaphora in duobus hisce versibus Horatii (a):

Neimò adeo ferus est, ut non mitescere possit,

Si modo culturæ patientem commodet aurem.

Prima est de feris, quæ proprie mansuescunt, & cicurantur. Altera est de fructibus, qui acerbi sunt, & proprie mitescunt. Tertia est ab agris, quorum propria est cultura.

§. IV. De Allegoria.

Quid est Allegoria?

R. Allegoria est Metaphorarum continuatio, seu figura, qua aliud verbis dicitur, aliud reipsa intelligitur, unde non absurde vocatur *Diversiloquium*; quod nimirum aliud dicatur, aliud sentiatur.

Hujusmodi est insignis illa Ciceronis in Pisonem Allegoria: *Neque tam fui timidus, ut qui in maximis turbinibus ac fluctibus, Republicæ navem gubernassim, salvamque in portu collocassim, frontis tuæ nubeculam, aut Collegæ tui contaminatum spiritum perhorrescerem. Alio ego vidi ventos: alias prospexi animo procellas; aliis impendentibus tempestatibus non*

ces

(a) Epist. 1. lib. 1.

cessi; sed unum me pro omnium salute obtuli.

Illustris est, & omnibus nota illa Horatii Ode Allegorica de bello civili, Lib. 1.

O navis, referent in mare te novi
Fluctus. O quid agis? fortiter occupa
Portum. Nonne vides ut
Nudum remigio latus,
Et malus celeri saucius Africo,
Antemzque gemaunt? ac sine funibus
Vix durare carinz
Possint imperiosus

Æquor? Non tibi sunt integra lintea, &c.

In hac eximia Allegoria, navim pro Republica; fluctus pro civili bello; portum pro pace concordiaque; remigium pro militibus; nautas pro Magistratibus; malum pro principis Ducibus usurpat Horatius; & ab initio ad finem egregie sibi constat, quod in Allegoria præcipuum est.

§ V. De Metonymia.

Quid est Metonymia?

& Metonymia, quæ etiam vocatur Hypallage, seu Transnominatio, est troporum omnium vastissimus, atque usitatissimus. Fit autem quatuor potissimum modis. 1. Cum causa, vel quasi causa ponitur pro effectu, & cum rerum inventor; & auctor usurpatur pro rebus ipsis, quas invenit; ut Mars pro bello; Ceres pro frugibus; Vulcanus pro igne; Cicero, aut Virgilius, pro scriptis illorum; Dux exercitus pro exercitu ipso. Sic dicimus, vario Marte pugnatum est, hoc est, vario belli eventu; & Virgilius, *Onerantque canistris dona laboratæ Ceresis; id est panis*. Et Georgicorum libro 2.

Bacchus amat colles, Aquilonem, & frigora taxi.

Sic etiam dicimus, ab Hannibale apud Cannas cæsa fuisse sexaginta Romanorum millia; hoc est ab Hannibalis exercitu. Fit item hoc primo modo Metonymia, cum possessor usurpatur pro re possessa, ut cum ait Virgilius *Æneid. 2.*

Jam proximus ardet

Uca-

Ucalegon .

Hoc est domus Ucalegontis .

2. Fit Metonymia , cum sumuntur effecta pro causis , ut scelus pro scelerato ipso : ita Comicus : *Ubi est scelus ille , qui me perdidit ?* Ita Virgilius 2. *Æneid.*

Accipe nunc Danaum infidias , & crimine ab uno
Disce omnes .

Ubi *Crimen* ponitur pro perfido Sinone criminis auctore , & hic est germanus illius loci sensus : ex uno Sinone disce Græcos omnes esse perfidos . Ita Cicero 1. in Verr. *Quas res luxuries in flagitiis , crudelitas in suppliciis , avaritia in rapinis , superbia in contumeliis efficere potuisset , eas omnes sese hoc uno Pratore per triennium pertulisse .* Fit etiam , cum id , quod proprium est effectui , tribuitur causæ , & hoc Poetis valde familiare est . Ita timor dicitur fugax ; mors dicitur pallida ; morbi dicuntur pallentes , quia fuga est effectus timoris , & pallor est effectus morborum , & mortis . Sic Horatius : *Pallida mors æque pulsat pede pauperum tabernas , Regumque turres .* Sic Virgilius :

Pallentes habitant morbi tristisque senectus .

3. Fit Metonymia , cum res , quæ continet , usurpatur pro re contenta , ut Roma pro Romanis , Cælum pro Cælestibus , terra pro terræ incolis . Huc pertinet illud Ciceronis pro lege Manilia : *Testis est Italia , quam ille ipse victor Sylla hujus virtute , Et consilio confessus est fuisse liberatam . Testis est Sicilia , quam , multis undique circum periculis , non terrore belli , sed celeritate consilii explicavit . Testis est Africa , quæ magnis oppressa hostium copiis , eorum ipsorum sanguine redundavit . Testis est Gallia , per quam legionibus nostris in Hispaniam iter , Gallorum internecione , patefactum est . Ubi Italiam pro Italis , Siciliam pro Siculis &c. usurpavit .*

4. Cum signum usurpatur pro re significata , ut toga pro pace , fasces pro magistratu . Ita Cicero in Pisonem :

Cedant arma togæ , concedat laurea linguæ .

Huc

Huc refer, cum ex vox nomen ponitur pro re ipsa: ita Livius lib. 1. *Ad singula oppida circumferendo arma, nomen omne Latinum domuit.*

§ VI. De Synecdoche.

Quid est Synecdoche?

& Synecdoche est tropus apud Oratores æque ac Poetas valde usitatus, & tritus. Fit autem modis quatuor.

1. Cum pars ponitur pro toto, v. g. mucro pro ense; tectum pro domo; puppis, vel carina pro navi integra: Ita Virgilius *Æneid.* 2.

Non anni domuere decem, non mille carinæ.

Est autem *carina* ima pars navis. Sic etiam hominis anima sepe usurpatur pro homine ipso. Ita Tullius (a): *Vos meæ carissimæ animæ sapissime ad me scribite.* Eodem refer vulgares illas locutiones, quibus *Unus* accipitur pro *Pluribus*; ut cum dicie Virgilius: *Hostis habet muros.*

2. Fit Synecdoche, cum totum usurpatur pro parte: ut in hoc decantato Virgilii versu (b):

Aut (c) Ararim Parthus bibet, aut Germania.
(d) Tigrim.

Et rursus *Æneid.* 12.

Fontemque, ignemque ferebant.

Ubi fons accipitur pro parte fontis. Huc pertinet etiam, cum *Plures* usurpantur pro *Uno*; ut cum ait Tullius: *Nos populo imposuimus, & Oratores visumur*; licet de se tantum loquatur.

3. Synecdoche fit cum materia, ex qua facta res est, accipitur pro re ipsa, v. g. ferrum pro gladio, pinus pro navi, argentum pro pecunia, quæ fit ex argento.

4. Denique fit Synecdoche, cum vel species sumitur pro genere, vel genus pro specie, ut *Eurus*, vel *Aquilo*, pro quolibet vento, *Sabellicus* sus, pro quo.

(a) *Epist.* 14 lib. 24. (b) *Eclug.* 1. (c) *Arar. Ital.* Senna, fluvius est Gallie. (d) *Tigris Asiae* fluvius insignis, sic dictus a velocitate.

quolibet sue, Myrtoum vel Carpatium mare , pro
inari quocumque . Sic Maro :

Dentesque (a) Sabellicus exacuit sus .

Ita Juvenalis pro quolibet homine frugi , Curium
appellat :

Qui (b) Curios simulant , & (c) Bacchanalia vi-
vunt .

Contra vero genus usurpabitur pro specie ; si di-
catur cum Virgilio *Ales* pro *Aquila* .

Prædamque ex unguibus ales
Projectit fluvio .

§ VII. De Ironia .

Q *Uid est Ironia ?*

R. Ironia quæ Socrati adeo fuit in deliciis, est
figura , qua aliud plane dicimus , quam verba ipsa
significare videntur . (Quando v.g. quempiam simu-
lata laudatione false , ac ingeniose perstringimus ;
nimirum aliud aperte dicendo , aliud vero innuen-
do : unde recte vocatur a Quintiliano , *Diversi-
loquium* , *diffimulatio* , & *illusio* , ut sonat Græca ipsa
Ironiz vox .

Intelligitur autem Ironia , vel ex ipsa re , quæ
dicitur , vel ex ipsa pronuntiatione certe quidem : ut
si dicas : *O præclarum ovium custodem lupum!* Ita Ju-
venalis impiam æque ac stolidam Ægyptiorum su-
perstitionum , qui non quadrupes solum colebant ,
uti canem , simiam , fælem , bovemque . sed plantas
etiam ipsas , uti porrum & cæpe , divinis prosequen-
bantur honoribus , false cavillatur hac faceta & ele-
ganti Ironia , Satyra 14

Oppida tota (d) canem venerantur, nemo Dianam
Porrum & Cæpe nefas violare, ac frangere morsu.
O sanctas gentes, quibus hæc nascuntur in hortis
Numina !

Fxi.

(a) *Sabellici seu Sabini , populi Italiae* (b) *M.
Curius vir frugalis & optimus civis* . (c) *Bacchanalia
Bacchi festa , in quibus Romani crapulae , & libidini
indulgebant* . (d) *Latrator Anubis* .

Eximia est Ciceronis Ironia in Miloniana: *sed stulti sumus*, inquit, *qui Divum, qui Africanum, Pompejum, nosmetipsos cum Publico Clodio conferre audeamus. Tolerabilia fuerunt illa: Clodii mortem a quo animo ferre nemo potest; luget Senatus, mæret Equester ordo; tota civitas confecta senio est; squalent municipia; affligantur Coloniae; agri denique ipsi tam beneficium, tam salutarem, tam mansuetum civem desiderant.*

Ironiæ exemplum exquisitius apud veteres nulum habemus, quod sciam, quam lepidam illam Apocolocyntosim, in qua Seneca Claudium Imperatorem, qui vulgo (a) *bardus*, & imbellis habebatur, facetissime ludit. Est autem Apocolocyntosis Satyra quædam (b) *Menippæa*, qua fatuum Claudii caput inulto urbanitatis sale defricatur. *Ἀποκαλύπτωσις* porro vocatur, quasi dicas *Metamorphosim* in cucurbitam: ad significandam hominis insulsi-
tatem; est enim *κολοκύνη* Græce *cucurbita*. In hac igitur eleganti Ironia Poëtas in funere Claudii ita jocosè cantantes inducit Seneca Philosophus.

Fandite fletus,	Editæ planctus
Fingite luctus:	Resonet tristi
Clamore forum:	Cecidit pulchre
Cordatus homo,	Quo non alius
Fuit in toto	Fortior orbe . . .
	Deflete virum,
Quo non (c) alius	Potuit citius
Dicere causas,	Una tantum
Parte audita,	Sæpe & neutra.
Quis nunc iudex	Toto lites
Audiet anno?	Tibi jam cedit,
Sede relata,	Qui (d) dat populo
Jura silenti,	Græta reuens
Oppida centum,	Cædite mœstis

Pe-

(a) *Bardus* idem ferme ac *stultus*. (b) *Menippus* Cynicus Philosophus, mordacibus Satyris notus; unde Satyra *Menippæa*. (c) *Claudius* erat homo insanissimus. (d) *Minos* Rex olim *Cretæ* magnus erat aleator, & de alea librum scripsit.

Pectora palmis ,
Venale genus ,
Lugete novi ;
Qui concusso
Lucra (a) fritillo.

O caudidici ,
Vosque Poetz
Vosque in primis
Magna parastis

De Regulis Ironiæ .

Quenam sunt Ironiæ Regule ?

Æ. Dux . 1. Enim , quæ ambigua voce continentur Ironiæ , ex præcipuum quendam leporem ac venustatem habent . Acuta quippe , Jocosæque videri solent , quæ dicuntur ex ambiguo . Ita Neronem Matricidam , qui sese ab Ænea oriundum gloriabatur , non infacete luit Poeta Romanus , teste Svetonio .

Quis neget Æneæ magna de stirpe Neronem ?

Sustulit hic matrem (b) : sustulit ille patrem .

Ita (c) Plagiarium ridet Martialis libro secundo :
Carmina Paulus emit ; recitat sua Carmina Paulus :

Nam quod emas , possis dicere jure tuum .

Sic etiam in virum , & uxorem eodem patibulo suspensos eximie luit (d) Poeta recens :

Ecce jugo nexi pendet vir , & uxor eodem :

Hoc merito possis dicere conjugium .

2. Ironia fieri solet adhibendo voces illas , Scilicet , nimirum , si Superis placet , nempe ; illas , inquam , adhibendo cum amara quadam , & falsa vocis inflexione . Ita Terentius : *Id populus curat scilicet* ; & apud Virgilium Dido Æn. 4.

Scilicet is Superis labor est ; ea cura quietos
Sollicita

§. VIII. De Sarcasmo .

Quid est Sarcasmus , seu Subsannatio ?

Æ. Sarcasmus , quia ad Ironiam pertinet , est amarulenta quædam irrisio , & truculentum genus

(a) *Fritillus* , vulgo Buffolo , in cui si agitano i dadi nel giuoco dello Sbaraglino . (b) *Matrem Agrippinam interfecit Nero* . (c) *Plagiarium est qui aliena scripta pro suis vendit* . (d) *Joannes Commirius* .

nus Ironiz, quæ sit cum magna quadam acerbitate, & contumelia, qua quispiam hosti crudeliter insultat: ut apud Virgilium Trojano a se interfecto per Sarcasum insultat victor Turnus:

En, agros, & quam bello, Trojane, peristi,
Hesperiam metire jacens. Hæc præmia, qui me
Ferro ausi tentare, ferunt: sic mœnia condunt.

Potestne Ironia inter Sententiarum figuras numerari, ut quibusdam placet?

R. Nequaquam. Liquet enim perspicuo Ironiam semper esse Tropum; cum semper voces a proprio significatione traducat ad alienam.

Falsamne Et mendacem orationem efficit Ironia?

R. Nequaquam: quia neque fallendi est animus Oratori, dum utitur Ironia: neque est iusta causa, cur fallatur auditor, si paulum modo intelligat quod dicitur, quemadmodum falli non solet, dum homo callidus, & versipellis per Metaphoram *Vulpes* appellatur.

Suntne alii Tropi, præter istos, de quibus egimus?

R. Sunt aliqui alii, sed qui ad superiores hosce quatuor omnino revocantur; ut Metalepsis ad Metonymiam: Antonomasia, & Sillepsis ad Sinecdochem.

C A P U T V.

De Figuris verborum proprie dictis, seu quæ non sunt Tropi.

Q. *Uid sunt Figure verborum proprie dictæ?*

R. Hæ sunt, quæ sic in verbis continentur, ut, mutatis illis, figura tollatur; v. g. hæc sententia, *Amantes sunt amantes*, est figura verborum; quia per erit figura, si pro *Amantes* dicas *Stulti*, aut aliud simile. Sed est figura sententiæ, si quis Patriam inducat loquentem, aut si utaris similitudine, quia quæcumque demum hic usurpes verba, aut quorumque ea colles ordines, manet schema.

Quot modis fiunt figure verborum?

R. Fiunt tribus potissimum modis 1. Per adjectionem: 2. Per detractionem: 3. Per similitudinem.

§. I. Figuræ per Adjectionem .

Q Uenam verborum *Figuræ* sunt per *Adjectionem* ?
 R Octo præcipue , nimirum Repetitio , Con-
 versio , Complexio , Conduplicatio , Gradatio , Sy-
 nonymia , Translatio , Polysyntheton .

Quid est Repetitio ?

R. Est Figura , in qua ab eodem vocabulo sæpius inchoatur oratio , ut . Catilinaria : *Nihil ne te no-
 sturnum præsidium patii , nihil vrbis vigilie , nihil ti-
 mor populi . nihil consensus bonorum omnium , nihil hic
 munitissimus habendi Senatus locus , nihil horum ora ,
 vultusque moverunt .*

Quid in repetitione cavendum est ?

R. Valet mirum in modum in exaggerandis vir-
 tutibus & vitiis , estque Schema plane venustum .
 Sed quia statim incurrit in oculos , propterea non
 est diutius continuandum , sed satius est , ut alio-
 rum Schematum admixtione temperetur .

Quid est Conversio ?

R. Est Figura Repetitioni prorsus contraria , in
 qua sæpius eodem vocabulo clauditur oratio , ut in
 Antonium Cicerō : *Doletis tres exercitus populi R. in-
 te-fectos ? interfecit Antonius . Desideratis cla-
 ssimos cives ? Eos quoque eripuit vobis Antonius . Auctoritas
 hujus ordinis afficta est ? Affixit Antonius .*

Quid est Complexio ?

R. Est figura quæ Repetitionem simul & Con-
 versionem complectitur , cum oratio nimirum ab eodem
 verbo , vel ad eisdem verbi incipiat , atque clauda-
 tur . Ita (a) Tullius : *Quis legem tulit ? Rullus . Quis
 majorem partem populi suffragiis privavit ? Rullus .
 Quis comitiis præfuit ? Rullus .* Sic etiam Martialis
 invidum quendam per complexionem insectatur
 Lib. 9

Rumpitur invidia quidam , carissime Juli ,

Quod me Roma legit ; rumpitur invidia .

Rumpitur invidia , quod turba semper in omni

Mon

(a) *Pro lege Agraria .*

Monstramur digito: rumpitur invidia:

Rumpitur invidia, tribuit quod Cæsar uterque
Jus (a) mihi natorum; rumpitur invidia.

Rumpitur invidia, quod rus mihi dulce sub urbe est,

Parvaque in urbe domus; rumpitur invidia.

Rumpitur invidia, quod sum jucundus amicis,

Quod conviva frequens; rumpitur invidia.

Rumpitur invidia, quod amamur, quodque probamur.

Rumpatur quisquis rumpitur invidia.

Verum figura hæc, quia maxime ferit oculos, uti præcedentes; idcirco parce admodum, & in loco est adhibenda.

Quid est Conduplicatio?

Æ. Est ejusdem vocabuli, vel plurium iteratio, sive initio orationis, sive in fine, sive alibi. Ut cum ait Maro:

Nunc, nunc insurgite remis,

Hæstori socii.

Et Libro nono, cum ait Nisus:

(b) Me me: adsum qui feci, in me convertite ferum.

O Rutuli: mea fraus omnis.

Quid est Gradatio?

Æ. Gradatio, sive Κλίμαξ, est figura, qua per quosdam gradus vel ascenditur ad summum, vel descenditur ad infimum. Quale est illud Ciceronis in Catilinam: *Nihil agis, nihil moliris, nihil cogitas, quod ego non modo non audiam, sed etiam non videam, planeque sentiam*. Magnum est enim, quidquid agat Catilina, scire Ciceronem: majus, quidquid molitur: longe maximum quidquid etiam cogitet. Lepidum est illud ejusdem Ciceronis ad Atticum: *Si dormis, expergiscere; si stas, ingredi; si in-*

(a) Magna illis præerat constituta qui tres, aut plures habebant liberos, v. g. in spectaculis honoratior locus, &c. Hoc jus Martiali concessum fuit, tametsi nullos haberet liberos. (b) Subaudi: *Oscidite*.

ſi ingrederis , curre , ſi curris , advola . Ejusmodi eſt etiam ille Virgilii locus in Eclogis :

*Torva leæna lupum ſequitur , lupus ipſe capellam ;
Florentem cytiſum ſequitur laſciva capella .*

Quid eſt Synonymia ?

℞. Eſt verborum idem ferme ſignificantium coacervatio , ad rei magnitudinem demonſtrandam , ut in Miloniana : *An vero vos ſoli ignoratis ? vos hoſpites in hac urbe verſamini ? veſtræ peregrinantur aures ? neque in hoc pervagato civitatis ſermone verſantur ?* Hoc Schema Poetæ eſt valde uſitatum . Ita Plautus :

Quicumque ubique ſunt , qui fuere , quique futuri ſunt .

*Stulti , ſtolidi , fatui , (a) fungi , (b) blenni ,
(c) -buccones ,*

Solus ego omnes longe anteco ſtultitia , & moribus indoctis .

Quid eſt Tractatio ?

℞. Tractatio , ſeu Polyphton , ut ajunt Greci , eſt variata caſibus , aut generibus , aut modis , aut temporibus , ejuſdem vocabuli repetitio ; ut cum ait Tullius pro Archia : *Pleni ſunt omnes libri , plenæ ſapientum voces , plena exemplorum vetuſtas .* Vel cum ait Ovidius :

ſpectatum ornata veniunt , ſpectentur ut ipſæ .

Quid eſt Polysynthon ?

℞. Polysynthon , ſeu , ut alii malunt , Polysyndeton , eſt Schema conjunctionibus abundans , ut , *& juſtitia , & liberalitate , & fortitudine cæteros omnes Imperatores ſuperavit .* Itemque apud Virgilium (d) ;

Aſcaniumque , patremque meum , juxtaque Creuſam ,

Alterum in alterius maſtatum ſanguine cernam ;

(a) *Fungus* , Sciocco . (b) *Blennus* , Parzo ,

(c) *Buccones* , Baggiani , quei che ſi lodano da ſe ,

(d) *Lib. 2.*

§. II. De Figuris per Detractionem.

Quot sunt *Figure*, quæ sunt per *Detractionem* ?
 R. Tres: *Reticentia*, *Adjunctio*, & *Disjunctio*.
Quid est Reticentia ?

R. Est *figura*, quæ fit, quando *verbum* aliquod subauditur: ut cum ait *Tullius* in *Verrinis*: *Hunc cins hominem ? hanc cins impudentiam ? hanc cins audaciam ?* Supple *feremus*. Et apud *Virgilium* (a);

At vero *Rutulis* impar ea pugna videri

Jamdudum, & vario misceri pectora motu.
 Ubi profecto vides intelligi *cæpit*, & *caperunt*. Itemque libro 1. *Sed vos qui tandem ?* subauditur *estis*. Eodem pertinet illud *Maffei*. *Ex eo tempore tyro vanis agitari terroribus, dies noctesque fletibus jungere, nullam capere partem quietis*: supple *cæpit*.

Quomodo fit Adjunctio ?

R. Fit *Adjunctio*, quando uni verbo plurima nomina substantiva respondent. Ita *Cic.* *Vicit pudorem libido, timorem audacia, rationem amentia*. Sic etiam *Virgilius* *Æneid.* 3.

(b) *Trojugena*, interpret *Divum*, qui numina *Phœbi*,

Qui tripodas (c) *Clarii*, lauros qui sidera sentis,
 Et volucrium linguas, & præpetis omnia pennæ,
Quomodo fit Disjunctio ?

R. *Disjunctio*, seu *dissolutio* fit, quando conjunctiones, & particulae tolluntur, ut concitator feratur oratio; ita *Tullius*: *Hæc studia* (litterarum) *adolescenciam alunt, senectutem oblectant, secundas res ornant, adversis perfugium ac solatium præbent, delectant domi, non impediunt foris, pernoctant nobiscum, peregrinantur, rusticantur*.

§. III. De Figuris per similitudinem.

Quot sunt *Figure* per similitudinem ?
 R. Tres in primis numerantur, nempe *Pa-*
 rono

(a) *Æn.* 12. (b) *Helenus Priami filius, Rex idem, & Phœbi sacerdos*. (c) *Apollo dictus Clarius ab urbe Claro, Apollinis oraculo nobili*.

ronomafia , fimiliter cadens , & fimiliter definens .

Quid est Paronomafia ?

¶. Paronomafia , feu Annominatio , eft Figura , qua voces pene fimiles , ac (a) colludentes usurpantur in fenfu diffimili . Ut cum ait Tullius ad Atticum : *Conful ipfe , parvo animo & pravo ; facie magis , quam facietis ridiculus* . Et alibi : *Ex aratore factus orator* . Ita Martialis , qui in hoc genere frequens eft :

Litigat , & podagra Diodorus , Flacce , laborat :

Sed nil patrono porrigit : hzc (b) chiragra eft ;

Sic etiam ludit Aufonius in illo celebri Epigrammate de Venere .

Orta (c) falò , fufcepta folò , patre edita Cœlo ,

Æneadum genitrix hic habito alma Venus .

Græcis quoque admodum ufitata eft Paronomafia , ut apud Herodotum Lib. I. *Παθήματα μαθήματω* , *Quæ nocent docent* . Ejusdemque generis erat illud , quod Appollodorus pictor præclarus infcripferat operi fuo .

Μιμῆσεται τις μᾶλλον ἢ μιμήσεται . Id eft :

Facilius erit videre , quam imitari .

Delectat in primis , & ferit hoc Schema , fi parce , ac in loco adhibeatur , & fententiarum gravitate fuffentetur . Si vero frigidas allufiones , ut non raro fit , venetur orator , ineptus nimirum erit & putidus .

Quid eft Similiter cadens ?

¶. Eft vocabulorum per eofdem cafus , & per eadem tempora exprefforum confenfus quidam , & quafi concentus : ut , cum ait Cicero : *Quid tam commune , quam fpiritus vivis , terra mortuis , mare fluctuantibus , litus ejeftis ?* Ubi vides quatuor nomina in dativo plurali pofita . Ejusdem generis funt triti illi Imperatoris Hadriani verficuli , quos moriens (d) fecit .

Animula vagula . blandula ,

R 2

Hos .

(a) Ital. *Corrispondentifi* . (b) *Quæ nimirum manus ipfi constringit , ne quid patrono largiatur* .

(c) *Venerem e maris spuma natam fabulantur Poetae* .

(d) *Apud Alium Spartianum in vita Hadriani* .

Glaucia: itemque ista: *Saxæ mundi* (a) *verruca*, id est *rupes*. Horatius quoque ob eandem causam notavit versum illum cujusdam M. Furii *Bibaculi* (b):

Jupiter hibernas cana nive conspuat Alpes:

Quid enim sordidius, ac turpius, quam Metaphoram a sputo mutuari? Hoc eodem humilitatis &, ut ita dicam, ignobilitatis vitio laborare videtur celebris illa (c) *Tertullia* i Metaphora, qua diluvium appellat *Naturæ generale* (d) *lixivium*.

2. Vitiosæ diuntur Metaphoræ, quæ turiores sunt, vel longius accersitæ, vel quæ rem nimis amplificant; ut si dicas: *Syrtim Patrimonii*, *Charybdim honorum*; quod profecto duriusculum est, & a Tullio jure damnatum. Quod si verearis, ne durior paulo, & audacior videatur Metaphora, poteris illam mollire, ac mitigare illis, aut similibus vocabulis. *Ut ita dicam . . . quasi . . . pene . . . Si ita loqui fas est* &c. ut si dicas, *Mortuo M. Catone pupillum relictum esse Senatum*, poterit audacior videri hæc translatio: si vero dixeris cum Tullio, *Pupillum, ut ita dicam relictum esse Senatum*, duriuscula Metaphora, hoc velut appposito condimento, mitescet. Nam, ut sapienter admodum monet idem Tullius, *Verecunda debet esse translatio* ut deducta esse in alienum locum, non irruisse, atque ut precario, non vi venisse videatur.

3. Vitium est in Metaphora, si nimis poetica sit, v. gr. si Orator dicat cum Virgilio *Volucres pennis remigare*; aut si cum Horatio dicat de Euro.

Per Siculas equitavit undas.

Neque enim quæcunque Poetis licent, ea omnia Oratoribus licere existimandum est.

4. Metaphorarum vitium est immoderata quædam illarum coacervatio. Etsi enim nullus est florentior tropus: & qui plus luminis affrat orationi, non tamen frequentari nimium debet: nam ut modicus

il-

(a) *Porri*. (b) *Sat. 5. lib. 2.* (c) *Tertullianus scriptor Ecclesiasticus, acris, & vehementis ingenii, floruit initio tertii sæculi.* (d) *Ital. Liscia.*

illius usus maximopere delectat, ita immodicus non parum affert satietatis atque fastidii, & in ænigma transit, aut in allegoriam.

5. Denique vitiosa est Metaphora, quæ sibi non constat, res nimirum omnino dissimiles inter se conjungendo. Quippe, ut docet Fabius. *Id in primis est custodiendum. ut quo ex genere caperis translationis hoc desinas. Multi enim cum initium a tempestate sumpserit, incendio, aut ruina fiunt, quæ est inconsequentia rerum fœdissima.* Quamquam, ut loquar ingenue, huic de perpetua, sibi que consentanea translatione Rhetorum præcepto non adeo severe a summis viris obtemperari video. Scimus enim diversas omnino Metaphoras eleganter sæpe fuisse conjunctas a Virgilio, ab Horatio, a Catullo, &c. sic triplex est Metaphora in duobus hisce versibus Horatii (a):

Neiro adeo ferus est, ut non mitescere possit,

Si modo culturæ patientem commodet aurem.

Prima est de feris, quæ proprie mansuescunt, & cicurantur. Altera est de fructibus, qui acerbi sunt, & proprie mitescunt. Tertia est ab agris, quorum propria est cultura.

§. IV. De Allegoria.

Quid est Allegoria?

R. Allegoria est Metaphorarum continuatio, seu figura, qua aliud verbis dicitur, aliud reipsa intelligitur, unde non absurde vocatur *Diversiloquium*; quod nimirum aliud dicatur, aliud sentiatur.

Hujusmodi est insignis illa Ciceronis in Pisonem Allegoria: *Neque tam fui timidus, ut qui in maximis turbinibus ac fluctibus, Republicæ navem gubernassim, salvamque in portu collocassim, frontis tuæ nubeculam, aut Collegæ tui contaminatum spiritum perhorrescerem. Alio ego vidi ventos: alias prospexi animo procellas; aliis impendentibus tempestatibus non*

ces

(a) Epist. 1. lib. 1.

cessi; sed unum me pro omnium salute obtuli.

Illustris est, & omnibus nota illa Horatii Ode Allegorica de bello civili, Lib. 1.

O navis, referent in mare te novi

Fluctus. O quid agis? fortiter occupa

Portum. Noane vides ut

Nudum remigio latus,

Et malus celeri saucius Africo,

Antemuræque gemant? ac sine funibus

Vix durare carinæ

Possint imperiosius

Æquor? Non tibi sunt integra lintea, &c.

In hac eximia Allegoria, navim pro Republica; fluctus pro civili bello; portum pro pace concordiaque; remigium pro militibus; nautas pro Magistratibus; malum pro præcipuis Ducibus usurpat Horatius; & ab initio ad finem egregie sibi constat, quod in Allegoria præcipuum est.

§. V. De Metonymia.

Quid est Metonymia?

&c. Metonymia, quæ etiam vocatur Hypallage, seu Transnominatio, est troporum omnium vastissimus, atque usitatissimus. Fit autem quatuor potissimum modis. 1. Cum causa, vel quasi causa ponitur pro effectu, & cum rerum inventor, & auctor usurpatur pro rebus ipsis, quas invenit; ut Mars pro bello; Ceres pro frugibus; Vulcanus pro igne; Cicero, aut Virgilius, pro scriptis illorum; Dux exercitus pro exercitu ipso. Sic dicimus, vario Marte pugnatum est, hoc est, vario belli eventu; & Virgilius, *Onerantque canistris dona laboratæ Ceresis; id est panis*. Et Georgicorum libro 2.

Bacchus amat colles, Aquilonem, & frigora taxi.

Sic etiam dicimus, ab Hannibale apud Cannas cæsa fuisse sexaginta Romanorum millia; hoc est ab Hannibalis exercitu. Fit item hoc primo modo Metonymia, cum possessor usurpatur pro re possessa, ut cum ait Virgilius *Æneid.* 2.

Jam proximus ardet

Uca-

Ucalegon .

Hoc est domus Ucalegontis .

2. Fit Metonymia , cum sumuntur effecta pro causis , ut scelus pro scelerato ipso : ita Cornicus : *Ubi est scelus ille , qui me perdidit ?* Ita Virgilius 2. *Æneid.*

Accipe nunc Danaum infidias , & crimine ab uno
Disce omnes .

Ubi *Crimen* ponitur pro perfido Sinone criminis auctore , & hic est germanus illius loci sensus : ex uno Sinone disce Græcos omnes esse perfidos . Ita Cicero 1. in Verr. *Quas res luxuries in flagitiis , crudelitas in suppliciis , avaritia in rapinis , superbia in contumeliis efficere potuisset , eas omnes sese hoc uno Pratore per triennium pertulisse .* Fit etiam , cum id , quod proprium est effectui , tribuitur causæ , & hoc Poetis valde familiare est . Ita timor dicitur fugax ; mors dicitur pallida ; morbi dicuntur pallentes , quia fuga est effectus timoris , & pallor est effectus morborum , & mortis . Sic Horatius : *Pallida mors æquo pulsat pede pauperum tabernas , Regumque turres .* Sic Virgilius :

Pallentes habitant morbi tristisque senectus .

3. Fit Metonymia , cum res , quæ continet , usurpatur pro re contenta , ut Roma pro Romanis , Cælum pro Cœlestibus , terra pro terræ incolis . Huc pertinet illud Ciceronis pro lege Manilia : *Testis est Italia , quam ille ipse victor Sylla hujus virtute , Et consilio confessus est fuisse liberatam . Testis est Sicilia , quam , multis undique circum periculis , non terrore belli , sed celeritate consilii explicavit . Testis est Africa , quæ magnis oppressa hostium copiis , eorum ipsorum sanguine redundavit . Testis est Gallia , per quam legionibus nostris in Hispaniam iter , Gallorum internecione , patefactum est .* Ubi *Italiam* pro *Italis* , *Siciliam* pro *Siculis* &c. usurpavit .

4. Cum signum usurpatur pro re signifiata , ut toga pro pace , fasces pro magistratu . Ita Cicero in Pisonem :

Cedant arma togæ , concedat laurea linguæ .

Huc

Huc refer, cum ex vox nomen ponitur pro re ipsa: ita Livius lib. 1. *Ad singula oppida circumferendo arma, nomen omne Latinum domuit.*

§ VI. De Synecdoche.

*Q*uid est Synecdoche?

& Synecdoche est tropus apud Oratores æque ac Poetas valde usitatus, & tritus. Fit autem modis quatuor.

1. Cum pars ponitur pro toto, v. g. muro pro ense; tectum pro domo; puppis, vel carina pro navi integra: Ita Virgilius *Æneid.* 2.

Non anni domuere decem, non mille carinæ.

Est autem *carina* ima pars navis. Sic etiam hominis anima sepe usurpatur pro homine ipso Ita Tullius (a): *Vos meæ carissimæ animæ sapissime ad me scribite.* Eodem refer vulgares illas locutiones, quibus *Unus* accipitur pro *Pluribus*; ut cum dicit Virgilius: *Hostis habet muros.*

2. Fit Synecdoche, cum totum usurpatur pro parte: ut in hoc decantato Virgilii versu (b):

Aut (c) *Ararim* Parthus bibet, aut *Germania* (d) *Tigrim.*

Et rursus *Æneid.* 12.

Fontemque, ignemque ferebant.

Ubi fons accipitur pro parte fontis. Huc pertinet etiam, cum *Plures* usurpantur pro *Uno*; ut cum ait Tullius: *Nos populo imposuimus, & Oratores vifsumus;* licet de se tantum loquatur.

3. Synecdoche fit cum materia, ex qua facta res est, accipitur pro re ipsa, v. g. ferrum pro gladio, pinus pro navi, argentum pro pecunia, quæ fit ex argento.

4. Denique fit Synecdoche, cum vel species sumitur pro genere, vel genus pro specie, ut *Eurus*, vel *Aquilo*, pro quolibet vento, *Sabellicus* fus, pro quo.

(a) *Epist.* 14 lib. 24. (b) *Ecl.* 1. (c) *Arar.* Ital. Senna, fluvius est Galliarum. (d) *Tigris* Asiæ fluvius insignis, sic dictus a velocitate.

quolibet sue, Myrtoum vel Carpatium mare , pro mari quocumque . Sic Maro :

Dentesque (a) Sabellicus exacuit sus .

Ita Juvenalis pro quolibet homine frugi , Curium appellat :

Qui (b) Curios simulant , & (c) Bacchanalia vivunt .

Contra vero genus usurpabitur pro specie , si dicatur cum Virgilio *Ales* pro *Aquila* .

--- Prædamque ex unguibus ales
Projecit fluvio .

§ VII. De Ironia .

Q *Uid est Ironia ?*

R. Ironia quæ Socrati adeo fuit in deliciis, est figura, qua aliud plane dicimus, quam verba ipsa significare videntur . (Quando v.g. quempiam simulata laudatione false, ac ingeniose perstringimus; nimirum aliud aperte dicendo, aliud vero innuendo: unde recte vocatur a Quintiliano, *Diversiloquium*, *diffimulatio*, & *illustio*, ut sonat Græca ipsa *Ironiæ* vox .

Intelligitur autem Ironia, vel ex ipsa re, quæ dicitur, vel ex ipsa pronuntiatione certe quidem: ut si dicas: *O præclarum ovium custodem lupum!* Ita Juvenalis impiam æque ac stolidam Ægyptiorum superstitionum, qui non quadrupes solum colebant, uti canem, simiam, fælem, bovemque . sed plantas etiam ipsas, uti porrum & cæpe, divinis prosequabantur honoribus, false cavillatur hac faceta & eleganti Ironia, Satyra 14.

Oppida tota (d) canem venerantur, nemo Dianam
Porrum & Cæpe nefas violare, ac frangere morsu.
O sanctas gentes, quibus hæc nascuntur in hortis
Numina !

Fxi.

(a) *Sabellici* seu *Sabini*, populi Italiae (b) *M. Curius vir frugalis & optimus civis*. (c) *Bacchanalia* *Bacchi festa*, in quibus *Romani crapulae*, & *libidini indulgebant*. (d) *Latrator Anubis*.

Eximia est Ciceronis Ironia in Miloniana: *sed stulti sumus*, inquit, *qui Deum, qui Africanum, Pompejum, nosmetipsos cum Publio Clodio conferre audeamus. Tolerabilia fuerunt illa: Clodii mortem a quo animo ferre nemo potest; luget Senatus, mæret Equestris ordo; tota civitas confecta senio est; squalent municipia; affligantur Coloniae; agri denique ipsi tam beneficium, tam salutarem, tam mansuetum civem desiderant.*

Ironiæ exemplum exquisitius apud veteres nulum habemus, quod sciam, quam lepidam illam Apocolocyntosim, in qua Seneca Claudium Imperatorem, qui vulgo (a) *bardus*, & imbellis habebatur, facerissime ludit. Est autem Apocolocyntosis Satyra quædam (b) *Menippæa*, qua fatuum Claudii caput inulto urbanitatis sale defricatur. *Ἀποκολοκύντωσις* porro vocatur, quasi dicas *Metamorphosim* in cucurbitam: ad significandam hominis insulsi- tatem; est enim *κολοκύνθη* Græce *cucurbita*. In hac igitur eleganti Ironia Poëtas in funere Claudii ita jocosè cantantes inducit Seneca Philosophus.

Fandite fletus,	Edite planctus
Fingite luctus:	Resonet tristi
Clamore forum:	Cecidit pulchre
Cor-datus homo,	Quo non alius
Fuit in toto	Fortior orbe . . .
	Deflete virum,
Quo non (c) alius	Potuit citius
Dicere causas,	Unus tantum
Parte audita,	Sæpe & neutra .
Quis nunc iudex	Toto lites
Audiet anno?	Tibi jam cedit,
Sede relata,	Qui (d) dat populo
Jura silenti,	Græta reuens
Oppida centum,	Cædite mœstis

Pe-

(a) *Bardus* idem ferme ac *stultus*. (b) *Menippus Cynicus Philosophus*, mordacibus Satyris notus; unde *Satyra Menippæa*. (c) *Claudius* erat homo insani-
mus. (d) *Minos Rex olim Cretæ magnus erat aleator, & de alea librum scripsit.*

Pectora palmis ;
Venale genus ,
Lugete novi ;
Qui concusso
Lucra (a) fritillo .

O caudidici ,
Vosque Poetæ
Vosque in primis
Magna parastis

De Regulis Ironiæ .

Quenam sunt Ironiæ Regulæ ?

R. Dux . 1. Enim , quæ ambigua voce continentur Ironiæ , ex præcipuum quendam leporem ac venustatem habent . Acuta quippe , Jocosæque videri solent , quæ dicuntur ex ambiguo . Ita Neronem Matricidam , qui sese ab Ænea oriundum gloriabatur , non infacete luit Poeta Romanus , teste Suetonio .

Quis neget Æneæ magna de stirpe Neronem ?

Sustulit hic matrem (b) : sustulit ille patrem .
Ita (c) Plagiarium ridet Martialis libro secundo :
Carmina Paulus emit ; recitat sua Carmina Paulus :

Nam quod emas , possis dicere jure tuum .

Sic etiam in virum , & uxorem eidem patibulo suspensos eximie lustr (d) Poeta recens :

Ecce jugo nexi pendet vir , & uxor eodem :

Hoc merito possis dicere conjugium .

2. Ironia fieri solet adhibendo voces illas , Scilicet , nimirum , si Superis placet , nempe ; illas , inquam , adhibendo cum amara quadam , & salta vocis inflexione . Ita Terentius : *Id populus curat scilicet* ; & apud Virgilium Dido Æn. 4 .

Scilicet is Superis labor est ; ea cura quietas
Sollicita

§. VIII. De Sarcasmo .

Quid est Sarcasmus , seu Subsannatio ?

R. Sarcasmus , quia ad Ironiam pertinet , est amarulenta quædam irrisio , & truculentum genus

(a) *Fritillus* , vulgo Buffolo , in cui si agitano i da-
di nel ginoco dello Sbaraglino . (b) *Matrem Agrip-
pinam interfecit Nero* . (c) *Plagiarius* est qui aliena
scripta pro suis venditat . (d) *Joannes Commirius* .

nus Ironiz, quæ sit cum magna quadam acerbitate, & contumelia, qua quispiam hosti crudeliter insultat: ut apud Virgilium Trojano a se interfecto per Sarcasum insultat victor Turnus:

En, agros, & quam bello, Trojane, petisti,
Hesperiam metire jacens. Hæc præmia, qui me
Ferro ausi tentare, ferunt: sic mœnia condunt.

Potestne Ironia inter Sententiarum figuras numerari, ut quibusdam placet?

R. Nequaquam. Lique enim perspicuo Ironiam semper esse Tropum; cum semper voces a proprio significatione traducat ad alienam.

Falsamne & mendacem orationem efficit Ironia?

R. Nequaquam: quia neque fallendi est animus Oratori, dum utitur Ironia: neque est iusta causa, cur fallatur auditor, si paulum modo intelligat quod dicitur, quemadmodum falli non solet, dum homo callidus, & versipellis per Metaphoram *Vulpes* appellatur.

Suntne alii Tropi præter istos, de quibus egimus?

R. Sunt aliqui alii, sed qui ad superiores hosce quatuor omnino revocantur; ut Metalepsis ad Metonymiam: Antonomasia, & Sillepsis ad Sinecdochem.

C A P U T V.

De Figuris verborum proprie dictis, seu quæ non sunt Tropi.

Quid sunt Figure verborum proprie dictæ?

R. Hæ sunt, quæ sic in verbis continentur, ut, mutatis illis, figura tollatur; v. g. hæc sententia, *Amantes sunt amantes*, est figura verborum; quia per erit figura, si pro *Amentes* dicas *Stulti*, aut aliud simile. Sed est figura sententiæ, si quis Patriam inducat loquentem, aut si utaris similitudine, quia quæcumque demum hic usurpes verba, aut quocumque ea colloques ordine, manet schema.

Quot modis fiunt figure verborum?

R. Fiunt tribus potissimum modis. 1. Per adjectionem: 2. Per detractionem: 3. Per similitudinem.

§. I. Figuræ per Adjectionem .

Quenam verborum *Figuræ* sunt per *Adjectionem* ?
 R Octo præcipue , nimirum Repetitio , Con-
 versio , Complexio , Conduplicatio , Gradatio , Sy-
 nonymia , Translatio , Polysyntheton .

Quid est Repetitio ?

R. Est Figura , in qua ab eodem vocabulo sæpius inchoatur oratio , ut . Catilinaria : *Nihil ne te no-
 sturnum præsidium patat , nihil tibi vigilie , nihil ti-
 mor populi , nihil confectus bonorum omnium , nihil hic
 munitissimus habendi Senatus locus , nihil horum ora ,
 vultusque moverunt .*

Quid in repetitione cavendum est ?

R. Valet mirum in modum in exaggerandis vir-
 tutibus & vitiis , estque Schema plane venustum .
 Sed quia statim incurrit in oculos , propterea non
 est diutius continuandum , sed satius est , ut alio-
 rum Schematum admixtione temperetur .

Quid est Conversio ?

R. Est Figura Repetitioni prorsus contraria , in
 qua sæpius eodem vocabulo clauditur oratio , ut in
 Antonium Cicerō : *Doletis tres exercitus populi R. in-
 te-fectos ? interfecit Antonius . Desideratis cla-
 ssimos cives ? Eos quoque eripuit vobis Antonius . Auctoritas
 hujus ordinis afficta est ? Affixit Antonius .*

Quid est Complexio ?

R. Est figura quæ Repetitionem simul & Conver-
 sionem complectitur , cum oratio nimirum ab eodem
 verbo , vel ad eisdem verbi incipiat , atque clauda-
 tur . Ita (a) Tullius : *Quis legem tulit ? Rullus . Quis
 majorem partem populi suffragis privavit ? Rullus .
 Quis comitiis præfuit ? Rullus .* Sic etiam Martialis
 invidum quendam per complexionem insectatur
 Lib. 9

Rumpitur invidia quidam , carissime Juli ,

Quod me Roma legit ; rumpitur invidia .

Rumpitur invidia , quod turba semper in omni

Mon

(a) *Pro lege Agraria .*

Monstramur digito: rumpitur invidia:

Rumpitur invidia, tribuit quod Cæsar uterque

Jus (a) mihi natorum; rumpitur invidia.

Rumpitur invidia, quod rus mihi dulce sub urbe est,

Parvaque in urbe domus; rumpitur invidia.

Rumpitur invidia, quod sum jucundus amicis,

Quod conviva frequens; rumpitur invidia.

Rumpitur invidia, quod amamur, quodque probamur.

Rumpatur quisquis rumpitur invidia.

Verum figura hæc, quia maxime ferit oculos, uti præcedentes; idcirco parce admodum, & in loco est adhibenda.

Quid est Conduplicatio?

Æ. Est ejusdem vocabuli, vel plurium iteratio, sive initio orationis, sive in fine, sive alibi. Ut cum ait Maro:

Nunc, nunc insurgite remis,

Hæcorei focii.

Et Libro nono, cum ait Nisus:

(b) Me me: adsum qui feci, in me convertite fersum.

O Rutuli: mea fraus omnis.

Quid est Gradatio?

Æ. Gradatio, sive Κλίμαξ, est figura, qua per quosdam gradus vel ascenditur ad summum, vel descenditur ad infimum. Quale est illud Ciceronis in Catilinam: *Nihil agis, nihil moliris, nihil cogitas, quod ego non modo non audiam, sed etiam non videam, planeque sentiam*. Magnum est enim, quidquid agat Catilina, scire Ciceronem: majus, quidquid moliat: longe maximum quidquid etiam cogitet. Lepidum est illud ejusdem Ciceronis ad Atticum: *Si dormis, expergiscere; si stas, ingredere; si in-*

(a) Magna illis præerat constituta qui tres, aut plures habebant liberos, v. g. in spectaculis honoratior locus, &c. Hoc jus Martiali concessum fuit, tametsi nullos haberet liberos. (b) Subaudi: Oscidite.

si ingrederis , curre , si curris , advola . Ejusmodi est etiam ille Virgilii locus in Eclogis :

Torva lexxa lupum sequitur, lupus ipse capellam:
Florentem cytisum sequitur lasciva capella .

Quid est Synonymia ?

℞. Est verborum idem ferme significantium coacervatio, ad rei magnitudinem demonstrandam, ut in Miloniana: *An vero vos soli ignoratis? vos hospites in hac urbe versamini? vestra peregrinantur aures? neque in hoc pervagato civitatis sermone versantur?* Hoc Schema Poetæ est valde usitatum. Ita Plautus:

Quicumque ubique sunt, qui fuere, quique futuri sunt.

Stulti, stolidi, fatui, (a) fungi, (b) blenni, (c) -buccones,

Solus ego omnes longe anteco stultitia, & moribus indoctis.

Quid est Traductio ?

℞. Traductio, seu Polyphton, ut ajunt Greci, est variata casibus, aut generibus, aut modis, aut temporibus, ejusdem vocabuli repetitio; ut cum ait Tullius pro Archia: *Pleni sunt omnes libri, plenæ sapientum voces, plena exemplorum vetustas.* Vel cum ait Ovidius:

Spectatum ornata veniunt, spectentur ut ipsæ.

Quid est Polysyntheton ?

℞. Polysyntheton, seu, ut alii malunt, Polysyndeton, est Schema conjunctionibus abundans, ut, & justitia, & liberalitate, & fortitudine cæteros omnes Imperatores superavit. Itemque apud Virgilium (d); Ascaniumque, patremque meum, juxtaque Creusam,

Alterum in alterius mactatum sanguine cernam.

(a) *Fungus*, Sciocco. (b) *Blennus*, Pazzo,

(c) *Buccones*, Baggiani, quei che si lodano da sé.

(d) *Lib. 2.*

§. II. De Figuris per Detractionem.

Quot sunt *Figure*, quæ fiunt per *Detractionem* ?
 R. Tres: *Reticentia*, *Adjunctio*, & *Disjunctio*.
Quid est Reticentia ?

R. Est figura, quæ fit, quando verbum aliquod subauditur: ut cum ait Tullius in Verrinis: *Hunc cins hominem? hanc cins impudentiam? hanc cins audaciam?* Supple *feremus*. Et apud Virgilium (a);

At vero Rutulis impar ea pugna videri

Jamdudum, & vario misceri pectora motu.

Ubi profecto vides intelligi *cæpit*, & *caperunt*. Itemque libro 1. *Sed vos qui tandem?* subauditur *estis*. Eodem pertinet illud Maffei. *Ex eo tempore tyro vanis agitari terroribus, dies noctesque fletibus jungere, nullam capere partem quietis*: supple *cæpit*.

Quomodo fit Adjunctio ?

R. Fit *Adjunctio*, quando uni verbo plurima nomina substantiva respondent. Ita Cic. *Vicit pudorem libido, timorem audacia, rationem amentia*. Sic etiam Virgilius *Æneid.* 3.

(b) Trojgena, interpret Divum, qui numina Phœbi,

Qui tripodas (c) Clarii, lauros qui sidera sentis,
 Et volucrum linguas, & præpetis omina pennæ,
Quomodo fit Disjunctio ?

R. *Disjunctio*, seu dissolutio fit, quando conjunctiones, & particule tolluntur, ut concitator feratur oratio; ita Tullius: *Hæc studia* (litterarum) *adoleſcentiam alunt, ſenectutem oblectant, ſecundas res ornant, adverſis perſugium ac ſolacium præbent, delectant domi, non impediunt foris, pernoſtant nobiſcum, peregrinantur, rutiſcantur*.

§. III. De Figuris per ſimilitudinem.

Quot ſunt *Figure* per ſimilitudinem ?
 R. Tres in primis numerantur, nempe Pa-
 rono

(a) *Æn.* 12. (b) *Helenus Priami filius, Rex i-
 dym, & Phœbi ſacerdos*. (c) *Apollo diſus Clarius ab
 urbe Clare, Apolliniſ oraculo nobili*.

ronomafia , fimiliter cadens , & fimiliter deficiens .

Quid eft Paronomafia ?

¶. Paronomafia , feu Annominatio , eft Figura ; qua voces pene fimiles , ac (a) colludentes usurpantur in fenfu diffimili . Ut cum ait Tullius ad Atticum : *Consul ipse , parvo animo & pravo ; facie magis , quam facetiis ridiculus* . Et alibi : *Ex aratore factus orator* . Ita Martialis , qui in hoc genere frequens est :

Litigat , & podagra Diodorus , Flacce , laborat :

Sed nil patrono porrigit ; hæc (b) chiragra est ;

Sic etiam ludit Ausonius in illo celebri Epigrammate de Venere .

Orta (c) solo , suscepta solo , patre edita Cælo ,

Æneadum genitrix hic habito alma Venus .

Græcis quoque admodum usitata est Paronomafia , ut apud Herodotum Lib. I. *Παθήματα μαθήματα* , *Quæ nocent docent* . Ejusdemque generis erat illud , quod Appollodorus pictor præclarus inscripserat operi suo .

Μωμήσεται τις μᾶλλον ἢ μιμήσεται . Id est :

Facilius erit videre , quam imitari .

Delectat in primis , & ferit hoc Schema , si parce , ac in loco adhibeatur , & sententiarum gravitate sustentetur . Si vero frigidas allusiones , ut non raro fit , venetur orator , ineptus nimirum erit & putidus .

Quid est Similiter cadens ?

¶. Est vocabulorum per eosdem casus , & per eadem tempora expressorum consensus quidam , & quasi concentus : ut , cum ait Cicero : *Quid tam commune , quam spiritus vivis , terra mortuis , mare fluctuantibus , litus ejectis* ? Ubi vides quatuor nomina in dativo plurali posita . Ejusdem generis sunt triti illi Imperatoris Hadriani versiculi , quos moriens (d) fecit .

Animula vagula . blandula ,

R 2

Hos-

(a) Ital. *Corrispondentisi* . (b) *Quæ nimirum manus ipsæ constringit , ne quid patrono largiatur* .

(c) *Venerem e maris spuma natam fabulantur Poetæ* .

(d) *Apud Ælium Spartianum in vita Hadriani* .

Hospes comesque corporis ,
 Quæ nunc abibis in loca
 Pallidula , rigida , nudula ,
 Nec , ut soles , habis joeos .

Quid est Similiter definens ?

R. Fit , cum orationis vel membra , vel articuli eodem modo terminantur , ut apud Quintilianum ; *Ejusdem non est & facere fortiter , & vivere turpiter* . Ita Cicero Pompejum laudans : *Bellum extrema hyeme apparavit , insunte vere suscepit , media æstate confecit* (a).

§. IV. Appendix de Transitione .

Quid est Transitiō ?

R. Transitiō , quam alii Figuram esse volunt , alii cum Fabio negant , est orationis quidam nexus , quo fit , ut apte copulata inter se illius membra concinne cohzreant , & unum quasi corpus efficiant :

Quot sunt Transitionis genera ?

R. Duo . Transitiō enim vel est perfecta , vel imperfecta ; Transitiō perfecta est , qua breviter monemur quid dictum sit , & quid dicendum restet : cuiusmodi est ista pro lege Manilia : *Quoniam de genere belli dixi : nunc de magnitudine pauca dicam* .

Transitiō imperfecta ea est , qua alterum tantum eorum exprimitur , ut in hoc Ciceronis pro Roscio : *Age , nunc illa videamus , iudices , quæ consecuta sunt* . Utriusque indiscriminatim generis selecta , ex Tulio præsertim , afferemus exempla , quodiam videmus in inveniendis huiusmodi Transitionibus solem Tyrones non mediocriter laborare .

Transitionum Ciceronianarum exempla selecta .

1. Satis mihi multa verba fecisse videor , quare hoc bellum esset genere ipso necessarium , magnitudine periculosum ; restat , ut de Imperatore ad id bellum deligendo , ac tantis rebus præficiendo dicendum esse videatur . 2. Satis multa de turpitudine :
 di-

(a) *Pro Lege Manilia* .

dicam deinceps, quod proposui, de periculo. 3. Uni epistolæ respondi: venio ad alteram... 4. Sed nimis multa de nugis: ad majora veniamus..... 5. Verum ubi rerum testimonia adsuot, nihil opus est verbis. 6. Sed hæc vetera: illud tecens, Cæsarem meo consilio interfectum. 7. Sed ne forte ex multis rebus gestis M. Antonii rem unam pulcherrimam transfiliat oratio, ad (a) Lupercalia veniamus: 8. Non dissimulat, Patres conscripti; apparet esse commotum, sudat, pallet. Sed arrogantiam hominis, insolentiamque cognoscite. 9. At etiam ausus es (quid autem est, quod tu non audeas.)? 10. Sed jam satis multa de causa: extra causam etiam nimis fortasse multa. Quid restat nisi ut orem, obtesterque vos, Judices, ut misericordiam tribuatis fortissime viro? 11. Quæstura illius demonstrata, reliqua attendite. 12. Atque ut inde oratio mea profiscatur, unde hæc omnis causa ducitur. 13. Atque ut facilius intelligere possitis, Judices, quæ facta sunt, indigniora esse quam hæc sunt, quæ diximus; ab initio res quemadmodum gesta sit, vobis exponam. 14. Sed hæc rebus fortioris improbitatis scelera omittamus, loquamur potius de iniquissimo genere levitatis. 15. Id quo facilius facere possitis, labo operam, ut a principio res quemadmodum gesta sit, cognoscatis. 16. Sed finis sit: neque enim præ lacrymis jam loqui possam; & hic se lacrymis defendi vetat. 17. Sed quoniam emeruisse jam e vadis, & scopulos prætervecta videtur oratio mea, perfacilis mihi reliquus cursus ostenditur. 18. Accipite nunc aliud ejus facinus nobile, & multis locis sæpe commemoratum, & ejusmodi, ut in uno omnia maleficia inesse videantur. Invenietis id facinus natum a cupiditate, auctum per stuprum, crudelitate

E 3

per-

(a) *Lupercalia Festa Solemnia in Panos honorem mense Februarii celebrari solita a Lupercis illius Sacerdotibus, qui nudi per urbem cursitabant. Luperci sic vocabantur, quod Pan lupos arceret a ovibus.*

fectum, & conclusum. 19. Plura de illo Archipic-
ta dixi, quam volui; & tamen ea, quæ certissima
sunt, hujus criminis argumenta prætermisi. 20. Age
vero, ne semper forum, subsellia, rostra, curiam,
que meditemur. 21. Ad ejus Tribunatum, qui ad
sefe jamdudum vocat, & quodammodo absorbet o-
rationem meam, contento studio, cursuque venia-
mus. 22. Atque hæc oblectationis, illa necessitatis.
23. Hæc mihi fere in mentem veniebant, quæ di-
cenda putarem de natura Deorum. 24. Quibus re-
bus expositis, satis docuisse videor, homines natura
quanto omnes anteirent animantes. 25. Longa est
oratio, multæque rationes, quibus doceri potest. 26.
Sed quid ego longinqua commemoro? 27. Intelli-
go quam scopuloso difficilique loco verser. 28. Sed
quid ego his argumentis utor, quasi res dubia, aut
obscura sit? 29. Magna sunt hæc, vel potius maxi-
ma. Jam vero quanto majus videbitur? 30. Multa
hujusmodi proferre possem; sed genus ipsum vide-
ris. 31. Nolo in hac re multus videri. 32. Sed quid
ego hæc aut tam levia, aut tam minima recordor?
33. Itaque fateamur necesse est, nihil difficilius esse.
34. Quid loquar, quanta ratio in bestiis appareat?
35. Jam vero ista etiam notiora, quanto se opere
custodiant bestia. 36. Multa prætereunda sunt, &
tamen multa dicuntur. 37. Vereor ut hoc, quod di-
cam, perinde intelligi auditu possit, atque ego ip-
se cogitans sentio. 38. Sinite me illa minora, ac
quotidiana prætermittere. 39. Illud tamen, quam-
quam ad exitum festinet oratio, prætermittere nul-
lo modo possum. 40. Verum hæc missa facio; illud
quæro. 41. (a) De exordio satis dictum est; dein-
ceps ad narrationem transeamus. 42. Quod ad de-
finitiones, hætenus; reliqua videamus. 43. Nunc
reliquorum Oratorum ætates persequamur. 44.
Tempus est ad certas partes orationis proficisci. De-
inceps igitur de dispositione dicemus. 45. De (b)
sta-

(a) *Ex Cicerone ad Herennium, vel potius ex Corn-
nificio.* (b) *Ex Varrone.*

statutis diebus dixi: nunc de Annalibus dicam. 46. Hæc de hero, quod sequitur de pecore. 47. De multitudine quondam quod satis est admonui, de obscuritate pauca dicam. 48. Sed (a) ut, omisso principio, rem ipsam aggrediamur. 49. (b) Hactenus de Principe: quod sequitur de monstro. 50. (c) Jam quantum illud est, quod in occupationibus summis numquam intermittis studia doctrinæ? 51. Utinam vero mihi satis esset ad dicendum vel facultatis, vel temporis. 52. Hic hic, Auditores, animos ad insignis facti memoriam sempiternam erigite. 53. Sed hæc utcumque ferenda: hoc vero quis ferat? 54. Audistis gravissima: audite nunc graviora. 55. Sed hæc privatim: nunc quæ publice gesta sunt, videamus. 56. Verum hæc missa facio: illud quam. 57. Nihil jam dico de isto scelere. 58. Postularet hic locus ut dicerem de.

Varis hisce, quas attuli, transitionibus addito breviores hæsc formulas, particulasque connectentes.

His adde; Accedit his; Huc accedit quod; Hoc pertinet; Eodem pertinet; Jam vero quid dicam? Age vero, explicemus nunc? His simillimum est. Postularet hic locus ut dicerem; Restat ut dicam; Nunc vero superest; Ex quo debet intelligi; Quid quod ausus est etiam? Omitto domesticas tuas fordes; Nam illud quid attinet commemorare? Ita est quemadmodum dixi.

C A P U T VI.

De Periodo.

Quid est Periodus?

R. Periodus est sententia brevis & absoluta, quæ certis partibus, sive membris a se invicem pendentibus, & quodam veluti vinculo connexis numerose comprehenditur. Nomen traxit a voce Græca, περίοδος, quæ significat ambitum atque circuitum.

E 4

Quid

(a) Ex Seneca.

(b) Suetonius de Caligula.

(c) Ex aliis.

Quid sibi vult celebris illa Aristotelis definitio lib. 3. Rhetoricæ, ubi ait (a), Periodum esse orationem, quæ habeat principium, & finem, & magnitudinem, quæ uno quasi aspectu perlustrari facile possit?

R. Hanc Definitionem in nostram perbelle quadrare. Principium enim illud, de quo loquitur Aristoteles, nihil aliud est, nisi primum Periodi membrum, quod ita suspensum ferri debet, ut aliud quidpiam subsequi omnino debeat; unde etiam vocatur principium. Medium vero ac finis sunt reliqua periodi membra, quæ brevi quodam contractoque verborum ambitu debent illam circumscribere. Unde verè dicitur, illam uno conspectu facile cerni debere, unoque spiritu pronuntiari.

§. I. De partibus Periodi.

Q *Uenam sunt Periodi partes?*

R. Periodus constat certis quibusdam partibus, quarum majores appellantur *Membra* (b), *Græce Cola*; minores vero appellantur *Incisa*, *Græce Commata*.

Qui est membrum Periodi?

R. Membrum, siue Colon est pars Periodi, continens sensum aliquem, sed suspensum ac imperfectum: v. gr. (c) *Antequam de republica; Patres conscripti, dicam ea, quæ dicenda hoc tempore arbitror*, ecce tibi Periodi membrum; neque enim hic sensus orationis conquiescit. Habebis Periodum absolutam, si ad primum illud membrum accedet hoc alterum: *Exponam vobis breviter consilium & profectio- nis & reversionis meæ*.

Quid est Incisum?

R. Incisum, siue Comma est pars membri; quemadmodum enim in Periodo membrum, sic in membro continetur Incisum: v. g. (c) *Nihil est, mihi crede, virtute formosius, nihil pulchrius, nihil ama-*
bi.

(a) λέγω δὲ περίοδον λέξιν ἔχουσαν ἀρχὴν καὶ τελευτὴν, κατ' αὐτὴν, καὶ μέγεθος εὐσυνόπικον.

(b) Κόλα, κόμματα. (c) *Philipp. 1.* (d) *Cic.*

Bilius; ex tribus hisce incisiss membrum unum effici-
tur . Itaque dicere incisum est crebris id genus inci-
sis , & articulis suam orationem distinguere .

*Quandonam potissimum usurpanda sunt crebra illa
Incisa ?*

R. Incisa , mirum in modum valere , cum ad-
versario vehementius & acrius instat orator . Ita Ci-
cero per Incisa Pisonem increpat , illumque (a) ez-
sim , ac punctum , ut ita loquar , objurgat & ferit :
*Non enim nos color iste servilis , non pilosæ genæ , non
dentes putridi deceperunt ; oculi , supercilia , frons ,
vultus denique totus , qui sermo quidam tacitus men-
tis est , hic in fraudem homines impulit : hic eos , qui-
bus eras ignotus , decipit , fefellit , in fraudem indu-
xit . Pauci tua ista lutulenta vitia noveramus ; pauci
tarditatem ingenii , stuporem , debilitatemque lingue.*

§. II. De variis Periodorum generibus .

Uot sunt genera Periodorum ?

R. Tria . Alia est Periodus bimembris , si-
ve dicolos ; alia trimembris , siue tricolos ; a-
lia quadrimembris , siue tetracos . Plura enim ,
vel pauciora membra , aut vix , aut nullo modo pa-
titur germana sinceraque Periodus . Singula porro
hæc membra si vel paria sint , vel non valde dispa-
ria , multo gratior & venustior est oratio .

Periodus bimembris .

*Ergo & mihi meæ pristinae vitæ consuetudinem , C.
Cæsar , interclusam aperuisti (b) * & his omnibus ad
bene de republica sperandum , quasi signum aliquod su-
stulisti .*

Trimembris exemplum eximium esse potest illa
Ciceronis Periodus , numeris , ut mihi videtur , o-
mnibus absoluta , in exordio Manilianæ ,

*Nam cum antea per ætatem hujus auctoritatem loci
contingere non auderem : * Statueremque nihil huc nisi*

E s

per :

(a) Ital. *Di punta , e di taglio .*

(b) Cic. pro Marcello .

Quid sibi vult celebris illa Aristotelis definitio lib. 3. Rhetoricæ, ubi ait (a), *Periodum esse orationem, quæ habeat principium, & finem, & magnitudinem, quæ uno quasi aspectu perlustrari facile possit?*

R. Hanc Definitionem in nostram perbelle quadrare. Principium enim illud, de quo loquitur Aristoteles, nihil aliud est, nisi primum Periodi membrum, quod ita suspensum ferri debet, ut aliud quidpiam subsequi omnino debeat; unde etiam vocatur principium. Medium vero ac finis sunt reliqua periodi membra, quæ brevi quodam contractoque verborum ambitu debent illam circumscribere. Unde verè dicitur, illam uno conspectu facile cerni debere, unoque spiritu pronuntiari.

§. I. De partibus Periodi.

Quænam sunt Periodi partes?

R. Periodus constat certis quibusdam partibus, quarum majores appellantur *Membra* (b), Græce *Cola*; minores vero appellantur *Incisa*, Græce *Commata*.

Qui est membrum Periodi?

R. Membrum, sive Colon est pars Periodi, continens sensum aliquem, sed suspensum ac imperfectum: v. gr. (c) *Antequam de republica; Patres conscripti, dicam ea, quæ dicenda hoc tempore arbitror*, ecce tibi Periodi membrum; neque enim hic sensus orationis conquiescit. Habebis Periodum absolutam, si ad primum illud membrum accedet hoc alterum: *Exponam vobis breviter consilium & professionis & reversionis meæ*.

Quid est Incisum?

R. Incisum, sive Comma est pars membri; quemadmodum enim in Periodo membrum, sic in membro continetur Incisum: v. g. (c) *Nihil est, mihi erede, virtute formosius, nihil pulchrius, nihil amabili*.

(a) Λέγω δὲ περίοδον λέξιν ἔχουσαν ἀρχὴν καὶ τελευτὴν, κατ' αὐτήν, καὶ μέγεθος εὐσυνόπκον.

(b) Κόλα, κόμματα. (c) Philipp. 1. (d) Cic.

bilis; ex tribus hisce incisiss membrum unum efficiatur . Itaque dicere incisiss est crebris id genus incisiss , & articulis suam orationem distinguere .

Quandonam potissimum usurpanda sunt crebra illa Incisa ?

R. Incisa , mirum in modum valere , cum adversario vehementius & acrius instat orator . Ita Cicerone per Incisa Pisonem increpat , illumque (a) celsissim , ac punctissim , ut ita loquar , objurgat & ferit : *Non enim nos color iste servilis , non pilosæ genæ , non dentes putridi deceperunt ; oculi , supercilia , frons , vultus denique totus , qui sermo quidam tacitus mentis est , hic in fraudem homines impulit : hic eos , quibus eras ignotus , decipit , fefellit , in fraudem induxit . Pauci tua ista lutulenta vitia noveramus ; pauci tarditatem ingenii , stuporem , debilitatemque lingue .*

§. II. De variis Periodorum generibus .

Quot sunt genera Periodorum ?

R. Tria . Alia est Periodus bimembris , sive dicolos ; alia trimembris , sive tricolos ; alia quadrimembris , sive tetracos . Plura enim , vel pauciora membra , aut vix , aut nullo modo patitur germana sinceraque Periodus . Singula porro hæc membra si vel paria sint , vel non valde disparia , multo gratior & venustior est oratio .

Periodus bimembris .

*Ergo & mihi mea pristina vitæ consuetudinem , C. Caesar , interclusam aperuisti (b) * & his omnibus ad bene de republica sperandum , quasi signum aliquod sustulisti .*

Trimembris exemplum eximium esse potest illa Ciceronis Periodus , numeris , ut mihi videtur , omnibus absoluta , in exordio Manilianæ ,

*Nam cum antea per ætatem hujus auctoritatem loci contingere non auderem : * Statueremque nihil huc nisi*

E 5

per :

(a) Ital. *Di punta , e di taglio .*

(b) Cic. pro Marcello .

perfectum ingenio, elaboratum industria afferri oportere * *Omne meum tempus amicorum temporibus transmittendum putavi.*

Periodi quâdrimembris, quæ & quadrata dici solet, absolutissimum exemplum habes in orat. pro A. Cæcina: *Si quantum in agro, locisque desertis audacia potest, * tantum in foro atque judiciis impudentia valeret, * non minus in causa cederet A. Cæcina Sex. Aebutii impudentiæ, * quam tu in vi faciendâ esset audaciæ.*

§. III. De legibus ac regulis Periodi:

Quamnam sunt Periodi leges?
 R. Tres præcipuæ. Prima est, ut illius membra nexibus quibusdam inter se quam aptissime cohæreant, alioqui enim jam non esset Periodus, sed oratio dissipata dissolutaque, & , ut ajunt, *Arena sine calce.* 2. Regula est, ut sensus non sit nisi in omnium membrorum fine perfectus. 3. Ut plenior verborum ambitu & circulo Periodus concludatur.

Possit ne fieri Periodus quæ contineret membra, vel minus quam duo, vel plura quam quatuor?

R. Possit fieri Periodus unius membri; atque hæc est illa, quæ vocatur ab Aristotele Periodus (a) *simplex*, sive *monocolos*. Possit etiam omnino usque ad quinque, aut sex, vel plura etiam membra produci. Verum perfecta, de qua hic tantum sermo est, Periodus, nec ultra quatuor membra procurrat, nec infra duo contrahitur. Atque est unanimis sententia Demetrii Phalerei, (b) Hermogenis, ac Terentiani quoque Mauri, cum ait:

Quatuor e membris plenum formare videbis

Rhetora circuitum, sive ambitus ille vocetur.

Atque in primis nobiscum ita sentit ipse Tullius, cum ait in Oratore: *Constat ille ambitus, Et plena*
 com-

(a) Α'φελής, μονόκωλος. (b) *Hermogenes Tarsensis* anno ætatis 15 Rhetor nobilissimus, rerum omnium obliviscitur ante annum 24. & in extrema infecitâ con-
 fenescit.

comprehensio a quatuor fere partibus, quæ membra dicuntur, ut & aures impleat, & ne brevior, sit, quem satis sit, nec longior.

Quod si, ut aliquando contingit, ultra quatuor procedatur, ac nihilo tamen minus orbe quodam, circuituque conclusa feratur oratio, vocabitur *Ambitus*, sive *Oratio periodica*. Ita Cicero pro (a) *Archia Poeta*:

Si quid est in me ingenii, judices; quod sentio quam sit exiguum; aut si qua exercitatio dicendi, in qua me non inficior mediocriter esse versatum; aut si hujusce rei ratio aliqua ab optimarum artium studiis & disciplina profecta, a qua ego confiteor nullum ætatis meæ tempus adhorruisse: eorum rerum omnium vel in primis hic (b) *A. Licinius* fructum a me repetere prope suo jure debet.

IV. De artificio Periodi amplificandæ.

Quænam est prima ratio amplificandæ Periodi?
 & Tyrones nullo negotio Periodos fundent, si habeant ad manum, & in promptu particulas, vel locutiones quasdam conficiendis Periodis mirum in modum idoneas, cujusmodi sunt voces illæ omnes, quæ necessariam quamdam habent cum aliis subsequenter affinitatem: v. gr. *Et si*, *quamvis*, *quamquam*, *quemadmodum*, *sicut*, *cum*, *quoties*, *quantum*, *qualis*, *quo*, non minus: quibus respondent, *tamen*, *veruntamen*, *nilominus*, *ita*, *tum*, *toties*, *tantum*, *talis*, *eo*, *quam*.

2. In quavis enim Periodo partes duæ sunt, Protasis nimirum & Apodosis. Est autem Protasis prima Periodi pars, ex qua secunda pendet, & in qua oratio crescit quodammodo & attollitur. Apodosis vero est altera periodi pars, in qua oratio perfecta conquiescit. Illæ porro, de quibus loquimur, particulae, suspensæque locutiones mirum in modum

E 6

ido.

(a) *Archia Poeta Antiocherus*, Ciceronis olim præceptor, ob ingenium & eloquentiam civitate donatus a Romanis. (b) *Aulus*.

idoneæ sunt ad Protasim cum Apodosi connectendam, ut videre est in allatis exemplis, illo præsertim pro Cæcina supra §. II.

Quenam est secunda & tertia ratio amplificandæ Periodi?

R. Periodus pulcherrime dilatatur, cum brevis quædam sententia in suas quasi partes distribuitur: Ita Tullius paucula hæc verba (*Omnes lugent Clodium*) amplificat per enumerationem partium, cum ait, ironice nimirum, Clodium defleri a Senatu, ab Equestri ordine, a (a) Municipiis, a (b) Colonis, ab Agris denique ipsis.

3. Facile dilatatur Periodus per definitiones, quas vocant conglobatas, per circumlocutionem & per interpretationem, quæ fit cum res eadem aliis atque aliis elegantioribus verbis exprimitur. Vide quæ supra in Elementis diximus de Amplificatione.

§. V. De numero & ceteris virtutibus Periodi.

Quid est numerus Periodicus?

R. Numerus Periodi, de quo hic agitur, non est numerus arithmeticus; sed est numerus ille in harmonia & concentu positus, de quo Virgilius in Ecloga 4.

Numeros memini, si verba tenerem.

Et rursum in Ecloga 6.

Tum vero in numerum Faunosque ferasque videres
Ludere

Numerus autem Oratorius est harmonia quædam non exquisita, neque canora, qualis est in poematibus & canticis; sed ita dissimulata latensque, ut tamen sentiat, & aures mirifica quadam voluptate permulceat.

At

(a) Municipia erant civitates, quæ muneribus fungebantur & honoribus populi Romani Gaudebant.

(b) Colonia oppida, in quæ populus ex urbe Roma deducebatur ad incolendum. Coloniae fiebant etiam privilegio, sine soli mutatione.

Atque ut exemplo res illustretur, suavis admodum est auribusque pergratus verborum numerus in hac Tullii sententia pro Marcello: *Nulla est tanta vis, tantaque copia quæ non ferro ac viribus debilitari frangique possit*. Peribit funditus omnis venustas, si inverso numero dicas: *Nulla est vis tanta, Et copia tanta, quæ non possit debilitari frangique viribus ac ferro*. Quid item suavius hac altera Ciceronis sententia in Philippica 2. *Te miror, Antoni, quorum facta imitare, eorum exitus non perhorrescere?* Quæ quidem verba tam apte mihi videntur constructa, ut præclari cujusdam numeri absolutissimum exemplar esse possint. Abibit vero decor omnis, si sublato tam eleganti numero, dixeris; *Te miro, Antoni, non perhorrescere exitus eorum, quorum imiteris facta*. Tanti nimirum est certa quadam moderatione numerorum explere sententias: ideoque ut optime notat Quintilianus: *Neque Demosthenes fulmina vibrasse diceretur, nisi numeris vibrata fuissent*.

§. VI. Regulæ sex, quibus reddi potest numerosa Periodus.

QUæ de varia collocatione pedum ac mensurarum, & de optima ratione miscendi inter sese Dactylos, Spondæos, Anapæstos, Jambos, Creticos, Molossos, Choræos & Dichoræos tradunt Aristoteles, Tullius, Quintilianus, cæterique artis magistri, sunt egregia illa quidem, & Oratori perfecto numquam satis commendanda. Verumtamen, ut aperte & ingenuè loquar, animadverti jamdudum difficilioribus hisce & salebrosis, ut ita dicam, præceptionibus valde defatigari tyronum animos, & illorum industriam retardari solere potius, quam adjuvari.

Quapropter, ut animorum satietari fastidioque occurratur, operæ pretium me facturum existimaui, si ex laboriosis illis præceptionibus quemdam quasi succum exprimerem, & faciliores aliquot, brevæque regulas ad omnium captum, & quotidianum usum accommodatas hoc loco proponerem.

Quæ-

*Quanam est Prima regula Periodi numerosæ red-
dendæ?*

R. Numerosa fiet Periodus, si syllabæ breves ac longæ sic temperentur alternenturque quodammodo, ut neque copia brevium incitatio ac celerior feratur oratio, neque longarum multitudine retardata languescat. Concinnam hanc brevium & longarum syllabarum temperationem vides in illis Tullii verbis ad Cæsarem: *Domuisti gentes immanitate barbaras, multitudine innumerabiles, locis infinitas, omni copiarum genere ambudantes, &c.*

Aliquando tamen, ex arte & industria, syllabæ breves, vel longæ, sine illa, quam dixi, mixtura coæservantur, ad rei, de qua agitur, vel celeritatem, vel tarditatem exprimendam, & oculis quodammodo subjiciendam. Ita Virgilius *Æneid.* 5. remigantium nautarum impetum, naviumque velocitatem, Dactylorum crebritate depingit: Inde ubi clara dedit sonitum tuba, finibus omnes, Haud mora, profluere suis: ferit æthera clamor Nauticus. . . .

Itemque celeritatem equorum in hoc versu etiam pueris noto:

. It clamor, & agmine facto,
Quadrupedante putrem sonitu quatit ungula campum (a).

Tarditatem contra egregie imitatur hic versus lib. 1.

Luctantes ventos, tempestatesque furoras.

Quanam est secunda regula numerosam efficiendi Periodum?

R. Voces unius, duarum, aut plurium syllabarum si commisceantur, nascetur inde oratio valde numerosa: v. g. *Vivis, & vivis, non ad deponendam, sed ad confirmandam audaciam.* Contra vero crebriore monosyllabarum iteratione quasi exilit atque subsultat oratio: v. g. *Hac in re nos hic non ferret.*

Quanam est tertia regula?

R. Ca.

(a) *Æneid.* 8.

R. Cadet numerosa Periodus, si magnificis & bene sonantibus verbis terminetur; ut in hisce exemplis ex Cicerone desumptis: *Quos amisimus cives, eos Martis vis perculit, non ira victoriae. Nam qui locus quietis ac tranquillitatis plenissimus fore videbatur, in eo maxima moles molestiarum, turbulentissimæque tempestates extiterunt.*

Quænam est quarta regula?

R. Nulla res magis facit ad numerum oratorium, quam verborum splendor, non solum in periodi clausula, sed etiam in toto illius quasi contextu. Ita Tullius in Pisonem: *Obrepfisti ad honores errore hominum, commendatione fumosarum imaginum, quarum simile nihil habes præter colorem.* Et in eloquentissima illa peroratione pro Fontejo: *Nolite pati, judicet, ares (a) Deorum immortalium, Vestaque Matris, quotidianis Virginis lamentationibus, de vestro judicio commoveri.* Et in 4. Catil. *Id est initum consilium, ut interfectis omnibus, nemo ne ad deplo- randum quidem populi R. nomen & ad lamentandam tanti imperii calamitatem relinquatur.*

Cedo quintam regulam.

R. Ut leniter, æquabiliterque fluat Periodus, fugiendus est asperior litterarum & vocabulorum concursus, quod est in oratione vitium vel maximum. Incurritur autem in illud vitium multis modis.

1. Cum durius ac crebrius concurrunt inter se consonantes, quæ fridorem efficiunt, ut *Ars studiorum Rex Xerxes.*

2. Cum verbi prioris ultimæ syllabæ sunt primæ sequentis, ut vel ipsi Ciceroni aliquando excidit, cum ait: *Res mihi invisæ visæ sunt.* Itemque cum dixit in carmine:

O fortunatam natam me Consule Romam!

3. Cum eadem littera, vel etiam, quod pejus est, eadem syllaba crebrius iteratur; quale est illud Ennii Poetæ:

Afri-

(a) Fonteji Soror una ex Virginibus Væstalibus, quæ Jovis ignem custodiebant.

Africa terribili tremuit horrida terra tumultu.

Itemque illud adeo tritum :

O Tite tute (a) Tati tibi tanta tyranne tulisti !

4. Cum similiter cadentibus ac desinentibus frequenter utimur, ut *Amatrices*, *adjutrices*, *prestigiatrices fuerunt*.

Tria tamen sunt, quæ Tyrones etiam atque etiam cavere debent. Primum, ne, dum numerose loqui volunt, inserciant, ut persæpe fit, inania quædam complementa & (b) ramenta numerorum, quasi si rimas explere vellent. Alterum est, ne, dum oratorium numerum quæruunt, incidant in metricum, & periodi finis sit finis alicujus versus, præsertim Heroici, vel elegiaci : quod non semel Cicconi ipsi excidisse Hieronymus Lagomarsinus in opusculo, quod sic inscribitur : *Risposta di Goltmario Pepugies Masigliano*, allatis locis ipsis, præclare docet n. 19. pag. 45.

Tertium est, ne dum numero serviunt diligentius & aurium voluptati morigerantur, omnis interea retardetur impetus visque orationis, & animus ab iis, quæ potiora sunt, penitus avertatur. Quapropter hæc aliaque hujusmodi in numero vitia, non ut ingens crimen expavescenda sunt ; ac nescio hac in re negligentia ne, an nimia sollicitudo sit peior.

Quæ est ultima numerosæ Periodi regula ?

R. Caput illud est, non in periodo solum, sed etiam in omni oratione, ut Latina constructio quam maxime distet a vernacula ; hoc est, ut verba per inverlam, quam vocant, constructionem ita trajiciantur, ut quod reipsa prius est, fiat artificiosa quadam verborum collocatione posterius.

Et quoniam trajectory illa constructio ita est propria Latinæ Lingux, ut omnis illius vis atque elegantia, ac quasi natura & indoles in eo potissimum sita esse videatur ; visum est aliquot illustria illius exempla hac loco ab imitandum proponere.

Exem-

(a) *Tati* est vocativus a *Tatius*, ii.

(b) Italice, *riempiture*, *rasure*, *ritagli*, *zeppo*.

Exempla selecta constructionis trajecitæ .

1. *Quos amisimus vives , eos Martis vis perculit , non ira victoriæ . Cic.*

2. *Habet magnum dolorem , unde cum honore discesseris , eodem cum ignominia reverti . Cic.*

3. *Frater tuus quanti me faciat , semperque fecerit , esse hominem qui ignoret arbitror neminem . Cic.*

4. *Quod cuique temporis datum est ad vivendum , sobere utatur .*

5. *Mea lenitas si cui solutior visa est , hoc expectabat , ut id , quod latebat , erumperet . Cic.*

6. *Quam quisque novit artem , in hac se exerceat .*

7. *Fac quæso , qui ego sum , esse te .*

8. *Quæ res in civitate duæ plurimum possunt , hæc contra nos ambæ faciunt in hoc tempore , summa gratia & eloquentia . Cic.*

9. *Fere quem quisque locum pugnando ceperat , eum , amissa anima , corpore tegebat . Sallust.*

10. *Id sibi negotii credidit solum dari , populo ut placerent , quas fecisset fabulas . Terent.*

11. *Quas credis esse has , non sunt veræ nuptiæ . Terent.*

12. *Quam rem vitio dent , quæso , animum advertite .*

§. VII. Quomodo parari possit facultas
numerosæ dicendi .

QUæ de Periodis numerisque , post Aristotelem , Ciceronem & Fabium accurate præcepimus hætenus , non eo dicta sunt a nobis , quo tyro in dinumerandis pedibus syllabisque dimetiendis confesceat : quod sane nec magni nec felicitis foret ingenii . Verum hæc apte numerosæque dicendi facultas non est profecto tanti laboris , quanti prima fronte videtur esse . Nihil est enim tam flexibile , & quod tam facile sequatur quocumque ducas , quam oratio : atque ut mollissimam ceram ad nostrum arbitrium formamus ac fugimus , sic plane dictionis genus ad omnem rationem & ad aurium voluptatem motumque animorum facile mutatur ac vertitur .

Qua

Qua ratione viæque numeroſe ſcribendi facultas parabitur?

℞. Duplici potiffimum. Si Tyro numeroſas aliquot & volubiles Tullii ſententias non legere modo, ſed elata etiam voce pronuntiare aſueſcat: cujuſmodi ſunt illæ, quas ſupra attulimus, vel illæ, quas aſſert Quintilianus: *Omnes prope civitates virtute, gloria, dignitate ſuperabat*. Intemque iſta: *Patris dictum ſapiens temeritas filii comprobavit*; qui numerus ita placuit populo, inquit idem Tullius, ut hac audita periodi clauſula clamorem ingentem ſuſtulerit.

2. Parabiter numeroſe dicendi facultas, ſi numerum illum & quaſi concentum imitatione ac ſtylo coneris exprimere; quod quidem exercitatione atque uſu, qui eſt optimus dicendi magiſter, non ita difficulter conſequeris. *Ut enim qui in ſole ambulat, ſenſim coloratur*, inquit Tullius; *ita cum iſtos libros lego, ſentio orationem meam illorum quaſi cantu colorari*. Sed de Periodo ſatis hæcenus dictum. Nunc ad majora veniamus.

C A P U T V I I.

De Stylo oratorio.

OMnem hanc de Stylo doctrinam hauſimus in primis ex aureolo illo libello Demetrii (a), cui vulgo Phalerei cognomen tribuitur, & ex egregia Longini (b) commentatione de Stylo magnifico. Quod utrumque opusculum Tyrones, ſi me audiant, nocturna, ut cum Horatio loquar, diurna quoque manu verſabunt. Verum quæ illi præcepta, quamvis egre;

(a) Demetrius Phalereus. ſicundia nobilis annos decem præfuit Athenis, & ſtatuis 360. æreis fuit honoratus; poſtea vero ejeſtus, fugit in Ægyptum ad Ptolemæum Regem. (b) Longinus Zenobiae Palmyrenorum Reginae magiſter & Conſiliarius, ab Imperatore Aureliano necatus, quod audaces Zenobiae ad ipſum Aureliani litteras ſcripſiſſet.

egregia, confuse tamen ac permixte tradunt, ea nos faciliiori ac commodiori ordine digesta sic disposuimus, ut ad omnium captum & communem intelligentiam sint accommodata.

Quid est Stylus?

R. Stylus, si primam vocis vim & originem spectes, est acus, seu instrumentum, quo in ceratis tabulis scribebatur antiquitus. Hinc factum est, ut Stylus pro ipsa scriptione, seu dictione & sermonis conformatione usurparetur.

Quot sunt Styloꝝ genera?

R. Stylus, seu orationis Character, triplex est. 1. Magnus, sive sublimis: 2. Humilis, sive tenuis, qui etiam infimus dicitur: 3. Mediocris, sive æquabilis.

§. I. De Stylo sublimi.

Quid est Stylus sublimis?

R. Stylus sublimis ille est, qui constet verbis splendidis magnificisque sententiis, quique sua nobilitate rapit quodammodo extra se audientium animos, & admirationem extorquet etiam ab invitis; quale est illud morientis Didonis (a):

Exorare aliquis nostris ex ossibus ultor,

Qui face Dardanios, ferroque sequare colonos.

Id genus sunt etiam verba illa ejusdem Didonis in Æneam (b):

Nec tibi Diva parens, generis nec Dardanus au-

Perfide: sed duris genuit te cautibus horrens

Caucasus, Hyrcanæque admorunt ubera tigres.

Vel, ut ait Ovidius in eandem sententiam:

Te lapis & montes, innataque rupibus altis

Robora, te sævæ progenere feræ,

Laudatur plurimum in hoc genere celebris illa Alexandri magni responsio, cum suam illi filiam, cum decem talentorum millibus & Asiæ mediæ parte, Persarum Rex Darius oblulisset: *Ego vero,*
in-

(a) *Lib. 2.*

(b) *Dido Æneæ.*

inquit (a) Parmenio, acciperem, si Alexander essem: Et ego, inquit Alexander, si Parmenio essem.

Tale illud ejusdem Alexandri ad Darii legatos: *Nunciate Dario, gratiarum actionem apud hostem supervacaneam esse; me, quæ fecerim clementer & liberaliter, non amicitia ejus tribuisse, sed naturæ meæ. Bellum cum captivis & fæminis gerere non soleo. Armatus si oportet, quem oderim.*

Eodem pertinent egregia illa ejusdem Alexandri verba ad suos milites: *Nondum (b) Fæminam æquavimus gloria, & jam nos laudis satietas tenet.*

Magnificæ locutionis exempla passim apud Tullium reperies, ut cum ait: *Fasces lictores janus Possidonii submisit Pompejus, cui se Oriens Occidensque submisserat.* Habes etiam in paucis hisce Ovidii verbis, aliisque similibus non paucis.

Jam seges est, ubi Troja fuit. . . .

§. II. De Arte comparandi Styli sublimis.

O Unam pacto conciliari poterit?

& Duobus potissimum modis. 1. Si nobilissima quæque rei, de qua loqueris, adjuncta, seu circumstantias consideres, illamque inspicias, qua parte illustrior est atque speciosior, cetera vero fileas, atque diffimules: ut olim Apelles, teste Plinio, imaginem amici sui Antigoni latere tantum altero (c) ostendit, ut amissi oculi deformitas lateret. Sic etiam Homerus tempestatem admodum magnifice pingit, illustrissima illius adjuncta mira quadam arte seligendo. Eadem arte Neptunum curru invecum, parambulantem maria, soloque nutu fluctus iratos placantem, describit Virgilius Æn. 1.

Sic ait, & dicto citus tumida æquora placat;
Collectasque fugat nubes, solemque reducit:

.....

At.

(a) Parmenio unus e fortissimis Alexandri Ducibus, & amicis, postea ab illo occisus. (b) Semiramis Ninivæ Assyriorum regis uxor Ægyptum, Æthiopiam, Indiam; &c. subegit. (c) Ital. In profilo.

Atque rotis summas levibus perlabitur undas :

2. Metaphoræ , præsertim ex rebus illustribus desumptæ , mirum in modum faciunt ad styli granditatem atque magnificentiam ; ut cum Virgilius (a) ait de Augusto Cæsare :

----- Cæsar dum magnus ad altum
Fulminat Euphratem bello .

Et cum ait Cicero pro Marcello : *Nullius est tantum flumen ingenii , nulla dicendi , aut scribendi tantæ vis , tantæque copia , quæ , non dicam exornare , sed enarrare , Cæsar , res tuas gestas possit .* Aut cum ait Horatius : *Curas laqueata circum tecta volantes .*

3. Styli magnificentiam facile consequeris , si legas assidue auctores eos , qui grandiloqui , ut ita dicam , fuere , cum ampla sententiarum gravitate , & majestate verborum : cujusmodi sunt Cicero Catilinaria secunda , secunda Philippica , in Verrem , in Pisonem , pro Milone , præcipue sub finem : Virgilius , præsertim Æneid. lib. 2. 4. & 6. Lucanus , Cornelius in Gallicis Tragædiis , &c.

§. III. De Stylo simplici .

Quid est Stylus simplex ?

R. Stylus simplex , qui etiam nuncupatur tenuis & infimus , ille est , qui in rebus tenuioribus & exilibus , cujusmodi sunt epistolæ , dialogi , præceptiones , & sermo familiaris , solet usurpari .

Quenam sunt dotes Styli simplicis ?

R. Præcipue illius dotes sunt perspicuitas ; nitor atque munditia . Verecundus ac parvus in illo debet esse Troporum ac Schematum usus : vehementiores vero figuras , cujusmodi sunt Apostrophe , Prosopopœia , aliæque id genus , omnino repudiat . Selectissima Styli simplicis exempla passim invenies in Phædri Fabellis , & in Virgilii Bucolicis , ut cum ait Ecloga 1.

Urbem , quam dicunt Romam , Melibæe , putavi
Stultus ego huic nostræ similem , quo sæpe sole-
mus

Pa.

Pastores ovium teneros depellere fœtus :

Sic canibus catulos similes , sic matribus hædos
Noram , sic parvis componere magna solebam .

§. IV. De Stylo mediocri .

Quid est *Stylus mediocris* ?

R. Ille est , qui medium quemdam locum obtinet sublimem inter & infimum . Hoc dicendi genus neque majestatem verborum habet , aut gravitatem illam sententiarum , quæ in sublimi est ; neque est subtili , ac pressa oratione limatum , quemadmodum genus infimum ac simplex : sed , ut ait Tullius : *Est Stylus quidem interjectus , intermedius , & quasi temperatus , nec acumine inferioris , nec fulmine utens superioris , vicinus amborum , in neutro excellens , utriusque particeps .*

Vocatur autem ab eodem Tullio , *Stylus floridus atque politus* , quod nimirum in hunc præcipue mediocrem Stylum omnes verborum vices ac venustates , omnes sermonis deliciae soleant illigari . Absolutum hujusce Styli mediocris exemplum habes in Virgilii Georgicis : v. g. cum ait lib. 1.

Sæpe etiam steriles incendere profuit agros .

Atque levem stipulam crepitantibus urere flammis :

Sive inde occultas vires & pabula terræ

Pingua concipiunt ; sive illis omne per ignem

Excoquitur vitium , atque exsudat inutilis humor ;

Seu plures calor ille vias , & cæca relaxat

Spiramenta , novas veniat qua succus in herbas ,

Seu durat magis , & venas adstringit hiantes ,

Ne tenues pluviae rapideve potentia solis

Acrior , aut Boreæ penetrabile frigus adurat .

§. V. De usu triplicis Styli , seu Characteris .

Quandonam utendum Stylo simplici , aut mediocri , aut sublimi ?

R. Cum tria sint Oratoris Officia , docere , de-
le-

lectare , & movere ; Stylo simplici utetur ad docendum , mediocri ad delectandum , magnifico vero ad movendum , & ad affectus concitandos .

Præterea Stylus simplex , seu infimus convenit comœdiis ; magnificus aptus est tragœdiis , mediocri vero in historia est adhibendus ; quamquam Cæsar simplicem potius , quam mediocrem Stylum usurpavit , quod nempe Commentarios potius scripserit quam Historiam , ut notat Tullius in Libro de Claris Oratoribus .

Item Bucolicis , & Eclogis accomodatus est Stylus simplex ; Georgicis convenit Stylus mediocri ; Epico vero poemati , cujusmodi est Maronis *Æneis* , aptus est Stylus magnificus ; quod triplex discrimen in Virgilio licet animadvertere . Quamquam hæc omnia genera non raro miscet in ipsa *Æneide* , & simplicem Stylum adhibet in libro quinto , ubi de ludis agit , & mediocrem in libro primo . Idem plane dicito de Comœdiis , quæ altius assurgunt aliquando , ut monet Horatius in arte Poetica :

Iterdum tamen & vocem comœdia tollit ,

Iratusque Chremes tumido delitigat ore .

Quinam Stylus ceteris duobus est anteponendus ?

R. Stylum illum esse ceteris anteponendum , non qui sublimis sit , aut cujuslibet alterius generis ; sed qui ad rem , de qua agitur , maxime sit aptus ; ita ut , quemadmodum loquitur Tullius , *Magna graviter , mediocria temperate , humilia subtiliter offerat* .

§. VI. De Stylo vitioso .

O Uenam sunt præcipua vitia in Stylo vitanda ?

R. Vitiosum esse Stylum : 1. Tumidum & inflatum : 2. Puerilem ac frigidum : 3. Fluctuantem & dissolutum : 4. Denique siccum & exanguem .

Quid est Stylus tumidus , et inflatus ?

R. Ille est , qui verbis ac sententiis supra modum intumescit . Id genus sunt illi Imperatoris (a) Ne-

ro-

(a) Næse malus poeta , Bæthas scripsit & saltavit .

ronis inepti versiculi , quorum tamorem jure ridet

(a) *Perfius Satyra 1.*

Torva (b) *Mimalloneis* implerunt cornua bombis,

Et raptum vitulo caput ablatura superbo
Bassaris , & lyncem *Mænas* flexura corymbis

(c) *Evion* ingeminat : reparabilis adsonat echo .

Quid est Stylus frigidus ?

Stylus frigidus ac puerilis (sunt enim valde affinia hæc duo vitia) ille est , qui puerilia quædam ornamenta , frigidos lepores , ineptas allusiones , affectatas ac luxuriantes descriptiones , frivolaque hujusmodi crepundia putidius aucupatur ; cujusmodi sunt istæ sententiæ , quæ merito repudiantur a magistris artis : *Centaurus se ipsum equitans*

... *Auro magis aurea &c.*

Potest autem vitium illud esse vel in verbis , vel in sententiis . Erit in verbis , si sint vel molliora , quale est illud *Mæcenatis* : (d) *Femina cirro crispas* , & *labris columbatur* , incipitque *supirans* , ut *cervice laxa feratur* ; vel si sint indecore translata , qualia sunt ista , quæ damnat (e) *Cornificius* : *Montes bellifabricatus est* . *Campos sustulit pacis* : vel si juncta fuerint more *dithyramborum* , ut in illo *Publii* (f) *Syri de ciconia* :

Pietatis cultrix , *gracilipes* , (g) *crotalistria*
Avis , *exul hiemis* .

Erit vitium in sententiis , si nimis tumidæ sint & hyperbolicæ , qualis est ista *lippis* ac *conforibus* nota , quam referunt *Plutarchus* , & *Cassius* ; *Minime mirandum est* , *si Dianæ Ephesiæ templum confla-*

(a) Consule ipsum *Perfium* . (b) *Bacchæ mulieres* dicebantur *Mimalloneæ* , vel *Bassarides* , vel *Menades* , hoc est , *Infanz* . (c) *Evos* , *evion* , *Bæochantium* furentium voces . (d) *Femen* , *inis colcia* .

(e) *Auctor libri ad Herennium* . (f) *Publius Syrus* minorum scriptor elegantissimus , vixit ante *Virgilium* tempore *Julii Cæsaris* . (g) *Quasi Crotalum* voce imitans . *Crotalus* autem est *Italis Naccara* .

flagraverit , qua nocte natus est Alexander . Quippe Dea in ipso Olympiæ matris Alexandri partu , obstetricandi laboribus & curis distracta , ignem non valuit resingere .

Sic etiam nimis frigide ac pueriliter dictum fuit in Plauto , de sene avaro , in Aulularia :

Suam rem periisse , seque eradicarier :

Quin Divum , atque hominum clamat continuo fidem ,

De suo tigillo fumus si qua exit foras .

Quid est Stylus fluctuans , ac dissolutus ?

R. Ille est , qui sine articulis , sine numero , sine arte fluctuat huc illuc , neque sibi ullo pacto coherere , quod sane vitium Tyronibus est valde familiare . Hujusmodi affert Cornificius : Socii nostri cum belligerare nobiscum vellent , profecto ratiocinati essent etiam atque etiam quod possent facere , siquidem sua sponte facerent , & non haberent hinc adjuutores multos , & malos homines , & audaces . Solent enim diu cogitare omnes , qui magna negotia volunt gerere .

Quid est Stylus siccus , & exanguis , sive aridus ?

R. Ille est , qui nihil ferme habet neque oramenti , neque succi . Hoc styli genus vulgo (a) Frontoni tribuitur .

§. VII. De Stylo Laconico , & Asiatico .

Quid est Stylus Laconicus ?

R. Est Stylus argutus , perbrevis & percutus , quo multa paucis dicuntur . Nomen porro traxit a Laconibus , qui etiam Spartani dicebantur , ac Lacedæmonii , quibus Stylus ille erat in deliciis , & quibus proliza loquacitate nihil erat odiosius .

Profer selecta aliquot exempla Styli Laconici .

R. 1. Hosti aliquando per atroces ac longiores litteras ferrum flammamque minitanti , hac una

F

fil-

(2) Fronto magister Marci Aurelii , qui illi statum a Senatu decerni curavit

syllaba Græca responderunt Spartani *εἰ, σὶ*, hoc est, *Si potes, si per nos tibi licet.*

2. Philippo Regi Macedonum injustum nescio quid flagitanti responderunt hac unica littera: *ὄ*, non.

3. Eiusdem generis est responsum Cleomenis Spartanorum Ducis ad Samios: *Eorum quæ dixistis prima non memini; media non intelligo; ultima non probo.*

His adde Laconicam illam epistolam Archidami ad Eleos bellum parantes: *Archidamus Eleis: Bonum est quiescere.*

Itemque illam (a) Philostrati litteram ad amicum: *Mitte ad te ficus hibernas: Mirare in illis vel quod jam sunt, vel quod adhuc sunt.*

Laconicam illam breviloquentiam mirifice expressit Cæsar in laureatis suis ad Senatum litteris, victo Pharnace Ponti rege, Mithridatis filio; **VENI, VIDI, VICI.**

Porro brevitās illa loquendi imperiosum quiddam habet, ideoque aptissima est minantibus, mirificeque prodest ad animos perterrefaciendos. Nam ut in tenebris magis timentur omnia, quam in luce; sic illæ orationis quasi tenebræ terribiliora reddunt ea, quæ proponuntur, inquit Muretus in variis lectionibus. Idque, ut opinor, secuti sunt Lacedæmonii, cum ad Philippum, interposita nescio qua offensione, bellum minaciter intentarent ita scripserunt: *Lacedæmonii Philippo: Dionysius Corinthi.* Multo enim fortior, & ut Lucretii verbo utar, penetratior illa brevitās fuit, quam si ita dixissent: *Memento Dionysium Tyrannum, tui prorsus similem, regno fuisse pulsum ob ambitionem ac turbulentum ingenium, & nunc privatam vitam agere Corinthi. Videto ne tibi quoque contingat idem, dum aliorum libertatem studes opprimere.*

Neque dissimile illud Demetrii ad Locrenses: *Faxo, cicadæ apud vos humi canant: cum significare vel.*

(a) *Philostratus Philosophus, qui Apollonii Thyanæ vitam Græce scripsit, sed elegantius quam verius.*

vellet totam illorum regionem a se devastatam iri ?

Quid est Stylus Asiaticus ?

R. Ille est , qui fusiori quodam orationis ambitu circumscribitur , multisque verbis pauca dicit . Asiatici nomen traxit ab Asiæ populis , qui diffusorem illum Srylum habebant in deliciis . Illius exemplum quotidie vides in verbosis illis hominibus , qui tam multis tam pauca dicunt . Hunc porro Srylum Asiaticum tu fugies , si sapias . Quid enim tam insulsum est , quam verborum vel optimorum sonitus inanis , nulla subiecta sententia ?

De ratione Styli comparandi ?

Stylus , qui aliud nihil est , quam certa quædam scribendi ratio cujusque propria , ex duabus maxime rebus coalescit : 1. Ex sententia : 2. Ex sententiæ conformatione , seu , quod idem est , ex verbis , quibus ornatur & quodammodo vestitur sententia

De sententia id generatim & universe dici potest , in ea spectandum esse primum , ut sit vera ; deinde ut sit perspicua ; postremo ut sit argumento idonea , & ad rem , de qua agitur , accommodata . In conformatione vero sententiæ , qua una maxime Stylus continetur , quatuor sunt observanda : 1. Verborum proprietas : 2. Eorumdem elegantia : 3. Nexus : 4. Collocatio .

Quomodo cognosci & comparari poterit verborum proprietas , & elegantia ?

Ad verborum Proprietatem & Elegantiam penitus cognoscendam , adjumenti multum afferent . 1. Aureus(a) Hadriani Cardinalis Liber , *De sermone Latino , & modis latine loquendi* . 2. Apparatus latinæ locut. Barr. Riccii Lugien . 3. Alius a Manutio scriptus , quem *Elegantias Latinæ locutionis* appellat . 4. Liber a Laurentio Valla elaboratus , *De latini sermonis elegantia* . 5. *Delectus Latinitatis* Mureti , & *Flos Latinitatis* Pomey . 6. Non omnittendus Liber ab Henrico Stephano editus , *De latinitate falso suspes*

F 2

aa :

(a) Hadrianus Cardinalis floruit initio Sæc. 16,

ſa : nec opus poſthumam Vavaſſoris , *De vi & uſu quorundam verborum* .

Præcipue vero & ſupra cetera omnia adhibendus erit laudatiſſimus Nizolii Apparatus in Ciceronem , cum Franciſci Sylvii Progymnaſmatis ad illius calcem editis .

Sunt autem Sylvii Progymnaſmata trecentæ obſervationes eximix , de incorrupta Latini ſermonis integritate , quas ego Tyronibus pernecceſſarias ſemper exiſtimavi .

Quo pacto intelligi poterit & ediſci verborum nexus & apta eorundem collocatio ?

R. Verborum nexus , & Ciceroniana collocatio continentur particulis quibuſdam , ſeu commiſſuris , quæ vim habent huiusmodi , ut nihil ſit abruptum in Stylo , nihil hians & abſonum , nihil diſſolutum & fluctuans , hoc eſt , quod ſine nervis , articuliſque fluctuet huc illuc : ſed ut omnes ſententiæ , ſingulæque earum partes , certo inter ſe modo numeroque cohæreant .

Valde profuerit in eam rem legere aureum Horatii Turſellini libellum , *De particulis Latinæ locutionis* . Habebit etiam utilitatem aliquam *Flos latinæ* in tertia parte , quæ eſt *de Particulis* ; ſed Turſellino longe multumque inferior .

Denique ad verborum collocationem Ciceronianam facilius noſcendam , conſulenda erunt Sylvii Progymnaſmata , de quibus ſupra dictum . Vides etiam quæ paulo ante diximus de regulis , quibus reddi poterit numeroſa periodus .

Quibus rebus comparari facile poterit Stylus optimus ?

R. Duabus maxime rebus : primo , diligenti bonorum librorum lectione : 2. aſſidua eorundem imitatione . Diximus in Clementis de Imitatione : nunc vero ſupereſt , ut de Lectione & Librorum delectu videamus .

De Scriptorum Latinorum delectu.

Quæcumque diximus hæcenus , & poſthæc dicturi

ri fumus, vel nullam, vel perexiguam habebunt utilitatem, nisi exquisitissimum quemdam delectum in Latinis auctoribus legendis, & imitandis adhibeamus.

Sunt autem Scriptorum Latinorum ætates quatuor, nempe uri hominum apud Poetas. Sed Poetis, ut verbis ipsorum utar,

Aurea prima nata est ætas

----- Subiitque argentea proles,

Auro deterior, fulvo pretiosior ære.

Tertia post illam successit aenea proles.

----- De duro est ultima ferro.

Latinae vero linguae ætates ordine contrario procedunt. Nam a ferrea, deinde ab ænea ad argenteam, & mox ad auream ventum est.

Quanam nuncupanda est ferrea Linguae Latinae ætas?

R. Ad ferream ætatem refer Leges duodecim tabularum, & Columnam rostratam C. Duilii, quæ hodieque visitur Romæ, itemque Saliarum hymnos Numæ Pompilii, vix tandem sacerdotibus suis intellectos, cujusmodi est v. g. racidulum illud fragmentum, quod a Varrone citatur. *Omnia dapatilia comisse Jani custiones*. . . . *Duonus Ceruses Deivos Janos venit*. (a) Porro *dapatilia comisse* significat, si quæris, opipara comedisse; *Jan*i vero *Custiones* sunt curiones seu sacerdotes Jani; *Duonus Ceruses* est bonus creator: *Deivos* adhibetur pro *Divus*, ut nemo non videt, & *Venet* pro venit.

Eodem refer vetustissimum illam versum de Saliorum exultationibus:

Præsul ut amputruat, & volgu' redamptruat olli

Hoc est, cum Saliorum antistes & magister saltans, atque tripudians motum aliquem edidit, eundem omnino motum de compacto referat Saliorum chorus omnis:

F 3

Et

(a) *Lautissimæ erant Saliorum cænæ, unde Horatius; Nunc saliaribus ornare pulvinar Deorum Tem-
us erat dapibus, sodales.*

Et vulgu' redamptuat olli -

Amptuare enim erat olim motum aliquem falsando edere. Porro ferream illam Latinæ Linguæ ætatem jure poteris illius quasi pueritiam appellare.

Quenam est ænea Linguæ Latinæ ætas?

R. Ænea ætas incipit a Livio Andronico, qui omnium primus Latinos versus scripsit. Ad eandem ætatem pertinet.

Ennius ingenio maximus, arte rudis,

Unde illo scribit Naso: itemque Cæcilius, *Mælus Latinitatis auctor*, inquit Tullius. Totum porro tempus illud, quo florere Andronicus, Ennius, Nævius, Cæcilius, Pacuvius, &c. quasi crescentem Latinæ Linguæ ætatem poteris nuncupare.

Quenam est ætas argentea?

R. Ad ætatem argenteam pertinent Plautus in suis Comædiis, & Cato de re rustica. Terentium vero ad auream ætatem omnino referendum esse judicamus: quamquam nonnullis, ob illius *Archaismos*, secus visum fuerit; sed immerito. Hanc vero argenteam ætatem quasi adolescentiam Latinæ Linguæ possumus appellare.

Quenam demum est aurea Latinæ Linguæ ætas?

R. Auream ætatem appello tempus illud annorum ferme centum, quod vulgo Augusti ætas dicitur, estque magni Ciceronis ortum inter & ejusdem Imperatoris Augusti mortem interjectum. Hac aurea ætate floruerunt inter Oratores ac Rhetores, Cicero & Cornificius, auctor, ut verissimum est, quatuor librorum ad Herennium, qui vulgo adscribantur Ciceroni: inter Historicos Julius Cæsar; A. Hirtius, qui scripsit Commentarios de bello Alexandrino, de bello Africano, & de bello Hispaniensi; Sallustius, (a) Vellejus vulgo dictum Paterculus, Cornelius Nepos, & Quintus Curtius. Inter Poetas Virgilius, Horatius, Catullus, Tibullus, Propertius, Phædrus, Ovidius, Lucretius & Pu-

(a) *Vellejus Paterculus* fuit prætor in Africa. Hinc errore Librariorum dictus Paterculus pro Pater cujus.

Publius Syrus, quorum postremi duo ceteros ætatis aureæ Poetas aliquantum ætate antecessere. Inter Medicos Philosophos, reique rusticæ, aut architectonicæ Scriptores, Varro, Columella, Cornelius Celsus, & Vitruvius. Aureum vero illud tempus quasi virilem latinæ linguæ ætatem vocare jure poterimus.

Eos igitur maxime legere & imitari oportet, qui hac aurea ætate vixerunt, ac ante omnes Tullium, *Cælestem in dicendo virum*, ut eum Fabius appellat, *quique*, ut ait idem Fabius, *apud posteros id consecutus est, ut Cicero jam non hominis nomen, sed eloquentiæ habeatur*. Hunc igitur spectemus; hoc propositum sit exemplum. Ille se profecisse sciat, cui Cicero valde placuerit.

Quanta vero cura ac religione sermonis proprietatem observaverit Cicero, satis magno argumento erit quod dicam. Fuit cum existimaret *inhibere remos* idem esse ac retinere; & ut auriga equos inhibet, ut cursum sistat, sic etiam remos inhiberi, dum sustinentur. Postea vero ex nautis didicit inhiberi remos, cum remiges alio navigantes modo, navim ad puppim convertunt. Quod edoctus, minime cessandum putavit, donec Atticus & Varro monerentur, ut in primo de Oratore libro, quem jam transmisserat, locus ille emendaretur. Hoc ita esse indicant hæc Tullii verba ad Atticum (a): *Inhibere illud tuum, quod mihi arriserat, vehementer displicet: est enim verbum totum nauticum: quamquam id quidem sciebam: sed arbitrabar sustineri remos, cum inhibere essent remiges jussi. Id non esse ejusmodi didici heri; cum ad villam nostram navis appelleretur: non enim sustinent, sed alio modo remigant. Id ah (b) ἐπὶ τοῦ ἵππου remotissimum est. Quare facies, ut ita sit in libro, quemadmodum fuit. Dices idem Varroni, nisi forte mutavit.*

Quod si de vocula una ita laboravit Tullius, nihil mirum si viro, ut omnium eloquentissimo; ita

etiam propietatis adeo amanti, omnium doctissimus Varro mitteret libros suos de Lingua latina; Et item omnium fortissimus Julius Cæsar, nec vel eloquentia, vel doctrina illi minor futurus, si totum his se studiis tradidisset, eidem dicaret libros suos de Analogia. Qua de re sic Tullius in Bruto: *In maximis occupationibus ad me ipsum de ratione Latine loquendi accuratissime scripsit Cæsar.*

Quisnam Ciceronis proximus est incorrupta Latini sermonis integritate & elegantia?

R. Primum post Ciceronem damus locum Cæsari, atque Terentio. Sane quam præclare de utroque senserit Tullius, liquet ex his, quæ de utroque scripsit. Ac de Terentio quidem sic loquitur ad Atticum: *Secutus sum, non dico Cæcilium (malus enim auctor Latinitatis est) sed Terentium, cujus fabellæ propter elegantiam putabantur a C. Lælio scribi.*

De Cæsare vero sic idem in Bruto: *Etiâ Commentarios quosdam scripsit rerum suarum valde quidem probandos: nudi enim sunt, recti, & venusti, omnî ornatu orationis, tamquam veste detracta: sed dum voluit alios habere parata unde sumerent, qui vellent scribere historiam; ineptis gratum fortasse fecit, quæ volunt illa (a) calamistris inurere, sanos quidem homines a scribendo deterruit.*

Quinam latinitatis auctores, post tres hos legendi sunt?

R. Cum Fabio. *Ut quisque erit Ciceroni simillimus; quales sunt Phædrus, Cornelius Nepos, Livius, Curtius, & alii quos recensuimus, qui vel Ciceronis ævo vivere, vel non ita magno distant intervallo.*

Degustari etiam poterunt, sed parce, & sero recentiores nonnulli, qui Ciceronem diligenter sunt imi-

(a) *Calamistrum* est ferrum illud teres, quo candente capilli intorquentur, in cincinnosque crispantur. *Inurere* vero *calamistris* metaphorice dicitur pro *vanum atque immodicum ornatum adhibere*: Ital. *Infrascare, imbellettare, &c.*

imitati ; & quomodo sit imitandus , ipsi exemplo esse poterunt . Quales sunt Muretus , Manutius in epistolis illis , quas ante senium scripsit , nam ceteræ frigidam sapiunt ætatem ; Sadoletus , Bembus , Riccius , Maffeus pictus atque politus , Bunellus , Turfellinus , Longolius , Perpinianus , Vavassor , Petavius .

Post obitum Augusti , incorrupta illa , quam dixi , latini sermonis integritas sensim adulterari cœpta est , & quasi ex auro in argentum iterum commutari , ut ex Senecæ , Fabiique , & aliorum querimoniis liquet . In decrescente illa ætate sunt inter Oratores ac Rhetores , Fabius Quintilianus . Plinius Junior , &c. Inter Historicos Suetonius , Tacitus , Justinus , &c. Inter Poetas , Lucanus , Petrus , Silius , Juvenalis , Statius , Martialis , Seneca . Inter Philosophos vero Seneca , Plinius Veronensis ; inter Grammaticos denique Alconius , Agellius , &c.

Denique a temporibus Severi auspicari licet æneam ætatem , quæ tandem in ferream desit , postquam variarum gentium irruptione ipsi Romani facti sunt barbari , & in hac ætate decrepita sunt Symmachus , Capella , Sidonius Apollinaris ; quos omnes tu vitabis summopere , si sapias .

Finis Libri Primi .

A R T I S R H E T O R I C Æ

LIBER SECUNDUS.

D E I N V E N T I O N E.

EGimus hæcenus de Figuris ac Tropis, de Periodo & de Stylo. Postulat nunc instituti nostri ratio, ut agamus de Inventionem, sine qua, teste Tullio, frivola erit & puerilis omnis locutio.

Quid est Inventio?

R. Est excogitatio argumentorum, quæ valeant tum ad fidem faciendam, tum ad motus excitandos. Primum igitur agendum nobis erit de argumentis; deinde de motibus, seu affectibus excitandis.

De argumentis, & locis oratoriis.

Quid est argumentum?

R. Est probabile inventum ad faciendam fidem, ut, si probare velis expetendam esse Rhetoricam, invenies, quod sit ars bene dicendi.

Undenam sumuntur Argumenta, sive rationes ad aliquid probandum?

R. Sumuntur ex locis oratoriis, quos Tullius appellat *Argumentorum sedes*, in quibus latent, & ex quibus sunt depromenda. Quapropter, si vis Orator esse, in promptu tibi esse debent loci illi, & ut ita loquar, ad manum; ut in illis uberrimam Argumentorum segetem facile possis invenire.

Quot sunt genera locorum?

R. Duo. Alii enim petuntur ab ipsa re, & idcirco vocantur *Intrinsicæ*, seu *Insiti*: alii sunt extra ipsam rem, de qua quæstio est; unde etiam vocantur *Extrinsicæ*, seu *Remoti*. De utroque illo genere, ac de primo præsertim, quod majus quoddam momentum habet ad eloquentiam, accuratissime nobis est hoc loco tractandum.

CAPUT PRIMUM.

De Locis intrinsecis.

Q Uot sunt Loci oratorii intrinseci?

R. Sexdecim: Definitio, Enumeratio partium, Notatio, Conjugata, Genus, Forma, Similitudo, Dissimilitudo, Contraria, Repugnantia, Adjuncta, Antecedentia, Consequentia, Causæ, Effecta, Comparatio.

§. I. Definitio.

Q Uid est Definitio?

R. Est brevis, & circumscripta rei explicatio, inquit Tullius; vel, ut Philosophi malunt, Definitio est oratio, quæ rei naturam explicat.

Quomodo fit recta Definitio?

R. 1. Accipito aliquid rei, quæ definitur, commune cum aliis; deinde addito aliquid illi unice proprium ac peculiare, & tum demum habebis optimam definitionem; v. g. *Rhetorica est ars bene dicendi*: quod si ars, hoc illi commune est cum aliis artibus; quod vero sit ars bene dicendi, hoc est illi omnino proprium. Quod si manca sit, & mutila tua definitio, jure ac merito poterit tibi contingere quod olim Platoni contigit. Definierat aliquando Plato hominem, *Animal bipes, & implume*. Diogenes Cynicus, homo dicax & Academicorum irrisor, gallum implumem ac nudum in mediam Platonis scholam projiciens, *En, inquit, hominem Platonis?*

Etne eadem definiendi ratio Logicis & Oratoribus?

R. Longe diversa. Logici enim jejune, breviter, ac sicce rem definiunt per genus, & differentiam; v. gr. *Homo est animal rationale*: Orator vero liberius & ornatus hominem ita definit per locos Rhetoricos: *Homo est eximium opus a Deo efformatum, rationis particeps, ad Dei imaginem conditum, atque ad immortalitatem natum*. Hoc autem Oratorium definiendi genus, si recte appellare velimus, De-

scriptio potius appellari debet, quam accurata *Definitio*.

Quot modis fieri solet Descriptio, seu oratoria Definitio?

R. Sex potissimum modis fieri solet. 1. Per partes, ex quibus res ipsa constat; ut si dicas: *Ars oratoria est ars, quæ constat inventione, dispositione, elocutione, & pronuntiatione.*

2. Fit per effectus, ut cum dicitur: *Peccatum est pestis animæ, conscientiæ labes, vitæ perniciēs, naturæ dedecus, orbis ruina, odium Dei, &c.*

3. Definitio fit per negationem & affirmationem; cum nempe primum dicimus quid non sit res, ut deinde melius intelligatur quid sit; & hæc definitioni ratio Ciceroni persamiliaris fuit. Ita Pisonem probat non fuisse Consulem. *Tu in lictoribus, in toga, & prætexta esse consulatum putas? Quæ ornamenta etiam in Sex. Clodio, te Consule, esse voluisti. Hujus tu Clodiani canis insignibus consulatum declarari putas? Animo consulem esse oportet, consilio, fide, gravitate, vigilantia, toto denique munere consulatus. Et pro domo sua: An tu Populum Rom. esse illum putas, qui constat ex iis, qui mercede conducuntur, qui compelluntur, ut vim afferant magistratibus? ut obsideant senatum? optent quotidianæ cædem, incendia, rapinas? O speciem dignitatemque Populi Rom. quam nationes extræ, quam gentes ultimæ pessimescant! Multitudinem hominum ex servis conductis, ex facinorosis, ex egentibus congregatam. Illa fuit pulchritudo Populi Rom. illa forma, quam in campo vidisti, tum cum etiam tibi, contra Senatus, totiusque Italiæ auctoritatem & studium, dicendi potestas fuit.*

4. Definitio fit ab adjunctis. Ita Chymicam artem non minus vere, quam lepide defines; *Chymia est ars sine arte, cujus principium est mentiri; medium laborare; finis mendicare.* Ita Virgilius famam describit ab adjunctis (a):

Fa-

(a) *Æneid.* 4.

Fama malum, quo non aliud velocius ullum;
 Mobilitate viget, viresque acquirit eundo.
 Parva metu primo, mox sese tollit in auras,
 Ingrediturque solo, & caput inter nubila condit.

Monstrum horrendum, ingens, cui quot sunt corpore plumæ,

Tot vigiles oculi subter (mirabile dictu!)

Tot linguæ; totidem ora sonant, tot subrigit aures;

Tam ficti pravique tenax, quam nuntia veri.

5. *Definitio fit venuste per similitudinem atque metaphoras, ut si dicas cum (a) Petrarcha: Pulchritudinem esse blandum hostem, dulcem raptorem, tortorem fraudulentum, laqueum pedibus, oculis velum, &c.* Observa tamen, metaphoricis id genus definitionibus caute admodum utendum esse, & cum mica salis, ut ait Catullus.

§. II. Enumeratio partium.

Q. *Vid est Enumeratio partium?*

R. Est oratio, qua totum in suas partes distribuitur; unde locus ille vocatur etiam *Distributio*: ut si distribuas, ac dividas vitam humanam in pueritiam, adolescentiam, virilem aetatem, & senectutem.

Quæ sunt regulæ, ac leges Enumerationis partium?

R. Tres præcipuæ. 1. Regula hæc est: affirmatis omnibus partibus, affirmatur totum. Ita Tullius probat Pompejum esse summum Imperatorem, omnes & singulas optimi Imperatoris virtutes sic enumerando; *Ego enim existimo, in summo Imperatore quatuor has res inesse oportere, scientiam rei militaris, virtutem, auctoritatem, felicitatem.* Pergit deinde, & quatuor hæc in suo Pompejo summa esse sic pro-

(a) *De remediis utriusque fortunæ. Petrarcha Patria Florentinus, Arete natus, ingenio, eloquentia, & poetica facultate sui sæculi facile princeps floruit sæculo 14.*

probat : *Quis igitur hoc homine scientior unquam aut fuit , aut esse debuit , qui e ludo atque pueritiæ disciplina , bello maximo atque acerrimis hostibus , ad patris exercitum , atque in militiæ disciplinam profectus est ?* Deinde de ejus justitia : *Cujus legiones sic in Asia pervenerunt , ut non modo manus tanti exercitus , sed ne vestigium quidem cuiquam pacato nocuisse dicatur .* Et de temperantia sic loquitur : *Non avaritia ab instituto cursu ad prædam revocavit , non libido ad voluptatem , non amantitas ad delectationem , non nobilitas urbis ad cognitionem , non denique labor ipse ad quietem , &c.*

Ita etiam (a) Lactantius Dominicæ mortis acerbiter , singularium partium cruciatu , pie æque ac eleganter probat ;

Compressos speculari oculos , & luce carentes
Affixasque genas , arentem suspice linguam
Felle venenatam , & pallentes funere vultus ;
Cerne manus clavis fixas , tractosque lacertos ,
Atque ingens lateri vulnus ; cerne inde cruorem
Purpureum , fossosque pedes , artusque cruentos ,
Flecte genu , lignumque Crucis venerabile adora .

Sic Juvenalis Sat. 5. per Partium enumerationem ridet quemdam , qui se omnia scire profitebatur :

Grammaticus , Rhetor , Geometres , Pictor , (b)
Aliptes ,

Augur , (c) Schoenobates , Medicus , Magus ; omnia novit

Gizculus esuriens ; in cælum , jusseris , ibit ,

Quænam est secunda regula ?

Æ. 2. Regula hæc est , ut negatis omnibus & singulis partibus , negetur totum . Sic probat Tullius Antonium non esse Consulem : *Negat hoc (d) D. Brutus Imperator ; negat Gallia ; negat cuncta Italia ; negat Senatus ; negatis vos .* Qui igitur illum consulem , nisi latrones , putant ? Ce-

(a) Lactantius Firmianus , eloquentia , & eruditione clarus , Crispi , Constantini Magni filii , præceptor.

(b) Aliptes , qui Athletas unguit . (c) Schoenobates , funambulus , Ballatore sulla corda . (d) Decius Brutus .

Cedo ultimam regulam enumerationis partium .

R. Ut negatis partibus recte negetur totum , nulla tibi erit prætermittenda pars , quoad ejus fieri poterit . Ita Martialis vetulam quamdam probat esse edentulam :

Si memini , fuerant tibi quatuor , Ælia , dentes :

Expuit una duos tussis , & una duos .

Jam secura potes totis tussire diebus :

Nil istic , quod agat , tertia tussis habet .

§. III. Notatio Nominis & Conjugata .

AD unum & idem caput duos hosce locos propter affinitatem revocamus . Quamvis porro uterque ille locus , propter levitatem , non adeo valere videatur ad persuadendum ; quia tamen non parum valet ad delectandum & ad orationem lepore aliquo ac sale condiendam , idcirco ab Oratoribus interdum summis adhibetur .

Quid est Notatio ?

R. Notatio , seu Etymologia , est locus , qui verborum originem , & significationem inquirat , ut *Senatus* nomen traxit a *Senibus* : *Consul* vocatur is , qui *consult* patriæ : ergo *Piso* nihil minus quam consul est : & *Ovidius* in *Fastis* *Victimam* sic appellari dicit a *vincendo* , & *hostiam* ab *hoste* :

Victima , quæ dextra cecidit victrice vocatur :

Hostibus a domitis *hostia* nomen habet .

Quandonam potissimum utendum est Notatione nominis ?

R. Quando in nomine aliquo laudem , vel dedecus , aut jocum aliquem , non scurrilem ac mimicum , sed liberalem & urbanum invenit Orator . Sic in nomine (a) *Verris* jocosè ludit *Cicero* , quasi ita dictus fuisset , quod omnia *verreret* , hoc est omnia raperet homo furacissimus : *Quam tu* , inquit , *domum* , quod *fanum* *adisti* , quod non *eversum* , atque

ex-

(a) *Verris* homo libidinosus & avarus , cum in *Sicilia* triennium *Prætor* fuisset , *repetundarum* accusatur fuit a *Siculis* .

extersum reliqueris? Sic etiam Chrysogonum in avaritiæ suspicionem vocavit ab ipsius nomine, quod aureum significat, aut quasi auro genitum.

Ad notationem nominis pertinent Anagrammata cujusmodi sunt ista: *Amor*, Roma, Maro: *Logica*, Caligo: *Ursula*, Laurus; *Prudentia*, tarde puni: *Maria Virgo*, mira Virago: *Divus Alexius*, diu exul a suis: *Quid est veritas*, est vir qui adest: *Maria Magdalena*, grandia mala mea; *Sacramentum Eucharistiæ*, chara Ceres mutata in Jesum, &c.

Quamquam, ut ingenue dicam quod sentio, perpusilli ingenii est, frivolis hujusmodi nugis immorari, quæ scilicet laborantis magis sunt, quam elegantis ingenii partus. Et, si me audis, vana hæc crepundia relinques Judæis, qui multi sunt in observandis exilibus litterulis, & apud quos nata opinor Anagrammata, & ab illis ad nos usque, infelici contagione, derivata.

Quid sunt Conjugata?

R. Sunt ea, quæ ab uno orto vocabulo varie conjugantur, seu commutantur, ut *Sapiens*, *sapientia*, *sapienter*; *Imperium*, *imperator*, *imperare*. Ex hoc Conjugatorum loco Cæsarem ingeniose admodum ita laudat (a) Tullius: *Cæteros quidem omnes victores bellorum civilium, jam ante æquitate & misericordia vicerat: hodierno vero die te ipsum viciisti Nam cum ipsius victoriæ conditione jure omnes victi occidissimus, clementiæ tuæ judicio conservati sumus. Recte igitur unus invictus es, a quo ipse etiam victoriæ conditio, visque devicta est:*

Ex hac verborum Conjugatione sic etiam argumentatur Propertius.

Aurea nunc vere sunt sæcula. Plurimus auro

Venit honos: auro conciliatur amor.

In hoc idem genus facere lussit Martialis Epigr. lib. 2.

Hostem cum fugeret, se (b) Fannius ipse premit,
Hic.

(a) *Pro Marcello*. (b) *Fannius Cæpio proscriptus*,

Hic (rogo) non furor est ; ne moriari , mori ?

Ad eundem locum pertinet illud in Pisonem :
Cum enim esset omnis causa illa mea Consularis & Senatoria , auxilio mihi opus erat & Consulis & Senatus .

Est illud (a) Terentianum elegans in primis in hoc eodem genere : Homo sum ; humani nihil a me alienum puto .

Eodem quoque pertinet venustissimum illud Epigramma inscriptum Ludovici M. Statuz in hortulo Simplicium Collegii Parisiensis olim S. J.

Vitales inter succos , herbasque salubres

Quam bene stat populi vita salusque sui !

§. IV. Genus , & Species , seu Forma .

Q. Vid est Genus ?

R. Genus apud Rhetores dicitur illud , quod est commune multis , & quod multa sub se complectitur , ut virtus sub se continet iustitiam , temperantiam , fortitudinem , prudentiam .

Facito , sodes , argumentum a genere .

R. Præsto est : Temperantia est virtus , ergo est amanda .

Qua potissimum ratione tractatur ille locus ?

R. Tractatur in primis , cum a specie fit transitus ad genus , seu ut vulgo loquuntur , cum hypothesis revocatur ad thesım . Hujusce loci luculentum habes exemplum in Oratione pro Archia Poeta , ubi Cicero cum laudandum Archiam Magistrum suscepisset (quod est hypothesis) rem ad thesım revocavit , hoc est , poesim & studia humanitatis generatim & universe laudavit , ut latiorẽ orationi suæ campum aperiret . Adverte igitur quo artificio ab hypothesi transit ad thesım .

Laus Archiæ Poetæ a genere .

Sit igitur sanctum apud vos humanissimos homines hoc Poetæ nomen , quod nulla unquam barbaries violavit

tus , quod in Augustum conjurasset , cum fugeret percussores , se ipse interemit , Sic mori vinci est , inquit de illo Seneca . (a) In Heautonti morumeno .

vit. Saxa, & solitudines voci respondent: bestię saxa immanes cantu flectuntur, atque consistunt: nos instituti rebus optimis non Poetarum voce moveamur? (a) Homerum Colophonii civem esse dicunt suum, Chii suum vindicant, Salaminii repetunt, Smyrnæi vero suum esse confirmant. Itaque etiam delubrum ejus in oppido dedicaverunt. Permulti alii præterea pugnant inter se atque contendunt. Ergo illi alienum, quia Poeta fuit, post mortem etiam expetunt: nos hunc vivum, qui & voluntate, & legibus noster est, repudiabimus?

Quod vitium in genere tractando vitandum est?

R. Hoc loco solent intemperantius abuti Tyrones, dum thesım longius trahunt, quod nempe res sit communior faciliorque, & multorum trita vestigiis: v. gr. si de Justitia, vel de Charitate sermo sit, illi se se in virtutis laudes universe ac generatim effundent, & miseram crambem, ut ajunt, tædio affectis auribus ad fastidium usque ac satietatem ingerent. Tu igitur, si sapis, hoc vulgare vitium fugies:

Nec circa vilem, patulumque moraberis orbem (b):

Ne in te jure cadat lepidum illud Martialis dictum:

Jam dic, Posthume (c), de tribus capellis.

Ubi nam præcipue locum habet argumentum a genere?

R. Locum habet præcipuum in orationis exordio, ubi præmitti solet aliquod universale principium, a quo ad hypothesim, hoc est ad singularem propositionem descenditur.

Quid est Species, seu Forma?

R. Ex his, quæ dicta sunt de genere, facile intelliges speciem esse id, quod minus late paret; seu esse rem particularem, quæ sub universali continetur.

(a) *Homerus poetarum Græcorum princeps, quem suum esse civem septem oppida certatim asserunt.*

(b) *In Arte poetica.* (c) *Insprus causidicus, qui ad alia omnia abibat, quam causa postulat.*

netur . Vocatur autem apud Rhetores , *Hypothesis* ,
v. g. *Virtus est amanda* , est Genus , sive Thesis :
Temperantia hic & nunc est in convivio servanda , est
Species , sive Hypothesis .

§. V. Similitudo , & Dissimilitudo .

Q. *Uid est Similitudo ?*

R. Similitudo est rerum ceteroqui disparium
collatio , atque convenientia in aliqua re ; v. gr.
est similitudo inter avarum & hydropem ; quia
licet avarus & hydrops sint duæ res longe diversissi-
mæ , in eo tamen conveniunt , quod neuter satia-
ri possit . Item homo iratus dicitur esse similis Leo-
ni rugienti ; quia homo iratus & Leo rugiens sunt
duæ res valde inter se se dispares , quæ tamen in a-
liqua re conveniunt , nempe in furore . Sic etiam
umbra & gloria sunt res diversissimæ : in hoc ta-
men conveniunt , quod umbra corpus , gloria vir-
tutem comitetur . Unde ait Cicero : *Gloria est um-
bra virtutis* .

Quomodo fit argumentum a similitudine ?

R. Facies in hunc fere modum cum Tullio : *Qui-
dam morbo , aut sensus stupore cibi suavitatem non
sentiunt ; sic libidinosi , avari , facinorosi veræ lau-
dis gustum non habent* . Sic etiam argumentari pote-
ris a simili cum Ovidio (a) :

Scilicet ut fulvum spectatur in ignibus aurum ,

Tempore sic duro est inspicienda fides .

*Quid est discriminis inter similitudinem & compara-
tionem ?*

R. Similitudinem proprie pertinere ad id , quod
qualitatem vocant ; comparisonem vero pertinere
ad *quantitatem* . Fit enim comparatio vel a pari ,
vel a majore ad minus , vel a minori ad majus , ut
dicetur postea : in similitudine vero nulla fit mentio
neque paris , neque majoris , neque minoris .

Quomodo facile poterit inveniri argumentum a simili ?

R. Quæres statim , quænam res sit similis & e-
jus-

(a) *Trist. lib. 1.*

jusdem naturæ cum ea , quam explicandum sumis .
Ita si agatur de constantia , quæres quid vel maxi-
me resistat , & occurreret tibi *rupes* , *adamus* , dices
que cum Virgilio de rege Latino (a) :

Ille , velut pelagi rupes immota , resistit .
Vel ut idem Virgilius de Didone lib. 6.

Illa solo fixos oculos averſa tenebat .

Nec magis incæpto vultus sermone movetur ,

Quam si dura filæ , aut ſlet Marpeſia cautes .

Quid eſt diſſimilitudo ?

R. Eſt oratio , quæ ex re diſſimili diſſimile colli-
git ; ut cum ait Tullius : *Si barbarorum eſt in diem*
vivere , noſtra conſilia ſempiternum tempus ſpectare de-
bent . Et lib. 2. de Oratore : *Artes reliquæ ab eloquen-*
tia diſſerunt , quod hæc non habeat definitam aliquam
regionem . *cujus terminis ſepa teneatur* : cæteræ vero
artes ſuis ſe certis quibusdam finibus contineant . Hunc
locum a Diſſimili lepidiſſime tractat Catullus , cum
ait Carmine 5.

Soles occidere & redire poſſunt :

Nobis , cum ſenſel occidit brevis lux ,

Nox eſt perperua una dormienda .

Ad hunc eundem locum pertinet hæc Horatiana
ſententiâ :

Damna tamen celeres reparant cœleſtis lunæ ;

Nos ubi decidimus ,

Quo pius Æneas , quo (b) Tullus dives , & Ancus ?

Pulvis & umbra ſumus .

§ VI. Contraria & Repugnantia .

Quid ſunt Contraria , ſeu oppoſita ?

R. Sunt ea , quæ in eodem ſubjecto eſſe non
poſſunt ; vel ſi fuerint in eodem , neceſſario inter
ſe pugnant .

Quot ſunt Contrariorum genera ?

R. Quatuor omnino numerantur , nimirum Ad-
verſa , Relata , Privantia & Contradicientia .

Quid

(a) Lib. 7. (b) Tullus , cognomento Hoſtilius ,
tertius Romanorum Rex : illi ſucceſſit Ancus Martius .

Quid sunt Adversa ?

R. Sunt ea, quæ in eodem plurimum inter se differunt, ut *virtus*, & *vitium*; *bellum*, & *pax*; *sapientia*, & *stultitia*; Cicero Philip. 2. *Attende paulisper*, cogitationemque sobrii hominis punctum temporis suscipe *Nego quidquam esse medium*: *Confiteor*, eos, nisi *liberatores Populi Rom.* conservatoresque *Reip.* sint, plus quam *ficarios*, plus quam *homicidas*, plus etiam quam *parricidas* esse. *Siquidem est atrocius Patriæ parentem*, quam suum occidere. *Tu*, homo sapiens & considerate, quid dicis? Si *parricidæ*, cur honoris causa a te sunt & in hoc ordine, & apud *Populum Rom.* semper appellati? cur *M. Brutus*, te referente, legibus est solutus, si ab urbe plus quam decem dies abfuisset? cur provinciae *Cassio* & *Bruto* datae, &c. *Non igitur homicidæ*. Sequitur, ut *liberatores* tuo iudicio sint.

Quid sunt Relata ?

R. Sunt ea, quæ se invicem ita respectant, ut alterum sine altero esse non possit, ut *Pater*, & *filius*; *dux*, & *miles*; *Magister*, & *Discipulus*; *dominus*, & *servus*, qui dat, & qui accipit. Ita *Martialis* lib. 1. ex hoc *Relatorum* loco tacete iocatur in *Sossibianum* quemdam, qui suum patrem *Dominum* inepte omnino vocitabat :

R (a) servo scis te genitum, blandeque fateris,
Dum dicis dominum, Sossibiane, patrem.

Ex hoc eodem loco *Cæsarem* ita laudat Cicero, in oratione pro *Marcello* : *Ex quo profecto intelligi debet*, quanta in dato beneficio sit laus, cum in accepto tanta sit gloria. Huc denique pertinent hæc verba *Veneris*, arma pro filio suo *Ænea* poscentis a *Vulcano* :

Arma rogo genitrix nato.

Quid sunt Privantia ?

R. Sunt habitus & ejus privatio, ut *vita* & *mors*:
lux

(a) *Sossibianus* ex adulterio nobilis *Matronæ* cum servo natus, illius *matronæ* virum, cujus filius putabatur dominum blandiendo vocitabat.

lux & tenebræ ; scientia & inscitia ; pauperies & divitiæ . Ex privantibus ingeniose argumentatur Martialis in quemdam :

Ebrius es : nec eam faceres id sobrius unquam .
Hinc etiam ingeniosum illud ejusdem Poetæ lib. 5.
Semper eris pauper si pauper es , Æmiliane .

Dantur opes nullis nunc , nisi divitibus .

Quid sunt Contradictoria ?

℞. Sunt ea , quorum alterum negat , alterum affirmat idem de eodem : Ut , *Milo infidiatus est Clodio , Milo non est infidiatus Clodio .*

§. VII. Adjuncta .

Quid sunt Adjuncta ?

℞. Sunt ea , quæ cum re , de qua agitur , non necessario , sed probabiliter conjuncta sunt .

Quot sunt Adjunctorum genera ?

℞. Tria vulgo numerantur : 1. Adjuncta rei , ut *locus , tempus , &c.* 2. Adjuncta animi , ut *vitia , virtutes .* 3. Adjuncta corporis : ut *pulchritudo , deformitas , robur , vestis , habitus .* Uno verbo omnia quæ rem quoquo modo circumstant , sive præcedant , sive comitentur , sive consequantur , appellantur Adjuncta , seu res circumstantes . Uode liquet quam longe lateque pateat locus ille , & quam uberem dicendi segetem Oratori suppeditet .

Quomodo sumi potest argumentum ab Adjunctis ?

℞. Cum ex loco , tempore , facultate , aliisque id genus , quæ rem circumstant , persuadendi occasionem idoneam capiat Orator . Sic (a) Hannibal Italian ingressus , militibus suis eloquenter admodum facit animos ex loco , unde fugere non liceat .

Oratio Hannibalis milites suos ad pugnam
Adhortantis . *Liv. lib. 21.*

*Dextra lævaque duo maria claudunt . Nullam ne ad
effugium quidem navem habemus . Circa Padus amnis
major ac violentior Rhodano : a tergo Alpes urgent ,*
vix

(a) *Hannibal Amilcais filius , Carthaginensium Dux ,
qui sæpius Romanos vicit .*

vix integris vobis ac vigentibus transitæ . Hic vobis vincendum aut moriendum, *Milites*, est Nihil usquam nobis relictum est , nisi quod armis vindicaverimus . Illis timidis & ignavis licet esset , qui receptum habent , quos ager suus , quos sua terra , per tuta ac pacata itinera fugientes accipient . Vobis necesse est fortibus viris esse , & omnibus inter victoriam mortemque certa desperatione abruptis , aut vincere , aut , si , fortuna dubitabit , in prælio potius quam in fuga mortem oppetere . Si hoc bene fixum omnibus destinatumque in animo est , iterum dicam , vicistis . Nullum incitamentum ad vincendum homini a Diis immortalibus acrius datum est .

Cicero autem ab adjunctis Antonii levitatem ac turpitudinem exagitat : Sed hæc , quæ robustioris improbitatis sunt , omittamus : loquamur potius de iniquissimo genere levitatis . Tu istis faucibus , istis lateribus , ista gladiatoria totius corporis firmitate , tantum vini in Hippiae nuptiis exhauseras , ut tibi necesse esset in Populi Rom. conspectu vomere possidere . Orem non modo visu fædam , sed etiam auditu ! Si inter cænam , in tuis immanibus illis poculis , hoc tibi accidisset , quis non turpe diceret ? In cætu vero Populi Rom. negotium publicum gerens , Magister equitum , cui ructare turpe esset , is vomens , frustis esculentis vinum redolentibus , gremium suum & totum tribunal implevit .

Porro memoriz juvande causa , præcipua octo Adjunctorum genera hoc vulgari versiculo fuere comprehensa :

Quis , quid , ubi , per (a) quos , quoties , cur , quomodo , quando .

Quis significat personam , & quæ ad illam pertinent , cujusmodi sunt genus , educatio , indoles , ætas , sexus , patria , cognatio , fama , virtus , ingenium , &c.

Quid negotium designat , sive rem , de qua agitur . Ubi locum demonstrat . Per quos indicat adjuutores & socios , quorum opera facta res est . Quoties docet quain

(a) Alii dicunt, quibus auxiliis sed minus commode.

quam sæpe res facta fuerit . Cur causam & finem designat . Quomodo modum ac seriem ostendit rei gestæ . Denique Quando denotat tempus , quo gesta res est .

§. VIII. Antecedentia , & Consequentia .

Quid sunt Antecedentia ?

R. Sunt ea , quibus positis , necesse est alia consequi ; ut , Ortus est sol , ergo dies est . Tu natus es homo ; ergo dubio procul morieris . Ille gravissimi sceleris reus est ; ergo gravissime plectetur a justo iudice .

Quid sunt Consequentia ?

R. Sunt ea , quæ rem necessarie consequuntur . Sic autem argumentum duces a consequentibus : *Est copia fructuum ; ergo & florum fuit . Cicatricem gerit ; ergo plagam accepit .* Cicatrix enim & fructus plagam & flores consequuntur . Quia vero locus ab Antecedentibus & Consequentibus non maximopere differt ab Adjunctis , ideo diutius in illo immorari non est operæ pretium .

§. IX. Causæ .

Quid est Causa ?

R. Est id , unde aliquid est , vel id , vi cuius aliquid fit ; ut vulnus est causa mortis ; cruditas est causa morbi , &c.

Quotuplex est Causa ?

R. Quadruplex numeratur a Philosophis , efficiens , materialis , formalis , & finalis .

Quid est Causa efficiens ?

R. Est ea , a qua aliquid efficitur , ut ignis est causa efficiens caloris ; nempe is a quo calor efficitur . Intemperantia est causa efficiens morbi ; nempe ea , a qua efficitur morbus .

Quid est Causa materialis ?

R. Ea est , ex qua aliquid fit , aut componitur : ut marmor est materia , seu causa materialis statuarum , lapides sunt materia domus , corpus est hominis quasi materia .

Quid

Quid est causa formalis?

R. Est ratio rei ac nota, per quam res est id, quod est, & a rebus aliis distinguitur; unde anima est forma hominis, quia per animam fit rationalis; & a ceteris animantibus distinguitur.

Quid est causa finalis?

R. Est id, cujus gratia aliquid fit; ut finis belli est victoria & pax, cum propter victoriam & pacem bellum suscipiatur. Beata in Cælo vita est causa finalis hominis, quandoquidem homo agit omnia, vel agere debet certe quidem, ut beatam in cælo vitam tandem aliquando consequatur.

Quomodo argumentari debemus a causa efficiente?

R. Sic argumentaberis cum Tullio: *Intemperantia effectum corpus tradit senectuti; ergo diligenter vitanda est.* Ab hoc loco senectutem contra vituperatores ita defendit idem Tullius: *Caret epulis, ajunt, extru-ctisque mensis; & frequentibus poculis; caret ergo vinolentia, cruditate, & insomniis.* Ita Ovidius *Ægypti* adulterium culpatur a causa efficiente; nempe ab otio: *Quæritur (a) Ægyptus quare sit factus adulter?*

In promptu causa est: desidiosus erat.

Sic etiam & felicem inter mortales vitam eleganter commendat Martialis lib. 10. a causis præcipuis, quæ illam efficiunt.

Vitam quæ faciunt beatiorē,

Jucundissime Martialis, hæc sunt:

Res non parva labore, sed relictæ;

Non ingratus ager; focus perennis;

Lis numquam; (b) toga rara: mens quieta;

Vires ingenue; salubre corpus;

Prudens simplicitas; pares amici;

Convictus facilis; sine arte mensa;

Nox non ebria, sed soluta curis:

G

Non

(a) *Ægyptus*, *Thyestis* filius, stuprata *Clytemnestra*, ejus maritum *Agamemnonem* interfecit, & ipse ab *Oreste* illius filio fuit occisus. (b) Rara urbana officia, salutationes, obsequia, ad quæ obsunda togia utebantur.

Non tristis thorus, attramen pudicus;
 Somnus qui faciat breves tenebras:
 Quod sis, esse velis, nihilque malis;
 Summum nec metuas diem, nec optes.

Quomodo argumentamur a materia?

R. Ita ferme dices: corpus hominis est mortale;
 ergo æquum est, ut illi dominetur animus immor-
 talis. Ita Ovidius Solis regiam commendat a ma-
 teria, Metamorph. lib. 2.

Regia Solis erat sublimibus alta columnis,
 Clara micante auro, flammæque imitante (a)
 Pyropo:

Cujus ebur nitidum fastigia summa tegebat:
 Argentij bifores radiabant lumine valvæ.
 Materiam superabat opus.

Quomodo sumitur argumentum a causa formali?

R. Sic dices: animus hominis est immortalis;
 ergo mors non est timenda. Excellens est animi na-
 tura; ergo voluptatibus servire non debet. Ita Ci-
 cero: *Si considerare volumus, quæ sit in hominis na-
 turæ excellentia & dignitas, intelligemus quam sit
 turps diffuere luxurie, & delicate ac molliter vivere;
 quamque honestum parce, continenter, severe, sobrie.*

Quomodo denique argumentandum est a causa finali?

R. Ita probabis cum Tullio, insidias Miloni streu-
 xisse Clodium, quod nempe multas ex illius interi-
 tu sibi polliceretur utilitates: *Quonam igitur pacto
 probari potest, insidias Miloni fecisse Clodium? Satis
 est quidem in illa tam audaci, tam nefaria bellua do-
 cere magnam ei causam, magnam spem in Milonis
 morte propositum. magnas utilitates fuisse. Itaque
 illud Cassianum. Cui bono fuerit in his personis va-
 leat; & si boni nullo emolumento impelluntur in frau-
 dem, improbi sæpe parvo. Atqui Milone interfecto
 Clodius hoc assequabatur, non modo ut Prætor esset,
 non eo Consule, quo sceleris nihil facere posset; sed e-
 tiam*

(a) Pyropus non est gemma, aut carbunculus, tu
 vulgo male creditur, sed genus æris ductilis, cui ad-
 mixta est quarta pars auri.

tiam ut his Consulibus Prætor esset, quibus, si non adjuvantibus, at conniventibus certe, sperasset se posse rempublicam eludere in illis suis cogitatis furoribus, &c.

Denique ex quatuor illis causis simul junctis commendare poteris celeberrimum templum Jerosolymitanum. Causa efficiens erit Salomon, sapientissimus idem atque ditissimus, & alii peritissimi artifices, qui in illo elaborarunt. Causa materialis erunt pretiosi lapides, ligna cedrina, aureæ laminæ, &c. Causa formalis erit ipsa structura, & pulchritudo templi. Finalis erit summi Dei cultus, in cujus honorem fuit extructum.

§. X. Effecta.

Quid sunt Effecta?

R. Effecta, seu effectus, sunt ea, quæ oriuntur ex causis. Hunc locum mirifice tractat Tullius libro de Senectute, ubi funestos voluptatis effectus ita describit:

Voluptatis incommoda ab Effectis.

Accipite, optimi adolescentes, veterem orationem.

(a) Architæ Tarentini, magni in primis & præclari viri, quæ mihi tradita est, cum essem adolescens (b) Tarenti cum Quinto Maximo. Nullam capitaliorem pestem, quam voluptatem corporis hominibus dicebat a natura datam; cujus voluptaris avidæ libidines temere & effrægate ad potiundum incitarentur.

Hinc patriæ proditiones, hinc rerum publicarum everfiones, hinc cum hostibus clandestina colloquia nasci dicebat; nullum denique scelus, nullum magnum facinus esse, ad quod suscipiendum non libido voluptatis impelleret. Stupra vero & adulteria & omne tale flagitium, nullis aliis illecebris excitari, nisi voluptate. Cumque homini sive natura, sive quis Deus, nihil mente præstabilius dedit.

G 2

dit-

(a) Architas Philosophus Pythagoricus, vixit tempore Platonis. (b) Tarentum urbs magnæ Græciæ, a Tarante Neptuni filio condita.

diffet; huic divino muneri ac dono nihil tam esse iniunicum, quam voluptatem. Nec enim libidine dominante, temperantiæ locum esse omnino, nec in voluptatis regno virtutem posse consistere. . . . Quocirca nihil esse tam detestabile, tamque pestiferum, quam voluptatem.

§. XI. Comparatio.

Quid est Comparatio?

R. Est (a) oratio, qua duo, vel plura in tercio aliquo conferuntur, quod illis commune est; ut, *Catoni licuit sequi bellum civile; igitur & Cicero-
ni licebit.* Commune est enim ambobus sequi bellum civile.

Quot sunt Comparationum genera?

R. Tria. Primum est a majori ad minus. Secundum est a minori ad majus. Tertium est a pari.

Quomodo arguantur a Comparatione majoris ad minus?

R. Cum contendimus, ut id, quod valet in majori, valeat etiam in minori: ut cum ait Cicero in Antonium: *Quid faceres domi tuæ, cum alienæ tam sis insolens?* Sic etiam Terentius:

Quem feret, si parentem non fert suum?

Ex hoc eodem loco probat Ovidius leniri posse Augustum, quod vel ipsi Dii leniantur:

Cur ego posse negem leniri Cæsaris iras,

Cum videam mites hostibus esse Deos?

Quomodo fit argumentum a Comparatione minoris ad majus?

R. Quando contendimus, ut quod valet in minori, valeat etiam in majori: ut Cicero pro Lege Manilia: *Majores nostri sæpe, mercatoribus ac naviculatoribus injuriosius tractatis, bella gesserunt: vos tot Civium Romanorum millibus uno nuntio, atque uno tempore necatis, quo tandem animo esse debetis?* Huc pertinet etiam Horatianum illud Epist. 2.

Ut jugulent homines, surgunt de nocte latrones,
Ut

(a) Cie. in Topicis.

Ut te ipsum serves , non expergisceris ?

Quomodo fit argumentum a comparatione partium ?

& Fit , cum contendimus , id , quod valet in una re , valere etiam debere in alia pari : ut , lex est , qui occiderit patrem , insutus in (a) culeum de- jiciatur in profluentem : ergo & qui matrem occi- derit , eodem supplicio dignus est . Ita Cicero lice- re sibi Syllam defendere , qui fuerat ante ab Horten- sio defensus , probat orat. pro L. Sylla . Si conjuratio patefacta per me est , tam patet Hortensio , quam mi- hi . Quem quum videas honore hoc , auctoritate , virtu- te , consilio præditum non dubitasse quin innocentem Syllam defenderet , quæro , cur , qui aditus ad causam Hortensio patuerit , mihi interclusus esse debuerit ? Quæro illud etiam , si me , qui defendo , reprehenden- dum putas esse , quid tandem existimes de his summis viris : & clarissimis civibus , quorum studio & dignita- te celebrari hoc judicium & ornari , causamque defen- dendi hujus innocentis vides ?

C A P U T I I .

De Locis extrinsecis , seu remotis .

① Uinam sunt Loci extrinseci ?

R. Loci extrinseci , qui etiam vocantur re- moti & assumpti , sunt ii , qui nullo modo pendent ab arte ingenioque Oratoris , ut excogitentur , qui- que extra rem ipsam positi sunt ; quapropter ab Aristotele recte vocantur (b) : *Argumenta inartificiosa* , seu *arte carentia* ; non quod artis omnino sint expertia , cum potius illorum tractatio summum requirat artificium , sed quod non eruantur ex re- bus ipsis & ex causæ visceribus ; quippe quæ foris eruantur ; & auctoritate sola nituntur ; itaque sunt inartificiosa quod attinet ad Inventionem , non vero quod spectat ad usum atque tractationem .

G 3

Quot

(a) Ital. Otre , sacco di cuojo .

(b) Ὑπὸ δὲ πείσῳ , αἱ μὲν ἀτεχνολογῆσαι εἰσιν .
Rhet. lib. 1. cap. 2.

Quot sunt Loci extrinseci ?

R. Sex assignantur a Quintiliano : *Leges , seu Præjudicia , Fama , Tabulæ , Jusjurandum , Tormenta , Testes .*

Quomodo argumentandum est a Legibus , ac Præjudiciis ?

R. 1. Dices , præjudicia ac leges esse vincula reipublicæ , regnorum fundamenta , justitiæ nervos , omnis æquitatis fontem , libertatis asyllum , sapientiorum virorum oracula . 2. Commendabis eos , a quibus latæ sunt leges . 3. Recensebis damna , quæ consequentur , si leges impune violentur . Juvabit interdum afferre ipsa legis verba , conceptamque ac solemnem formulam : v. gr. *Si quis hominem , dolo malo , morti (a) duit , parricida Esto .*

Si lex tibi adversetur , illam ita refutabis , & infringes : Dices 1. vel antiquatam fuisse legem , & amplius non valere . Ita Cicero pro Rabirio : *Tunc mihi etiam legis (b) Porciæ mentionem facies ?* 2. Vel legem Legi oppones . 3. Vel dices standum esse non legi litteræ , quæ nimirum occidit , sed ipsius legislatoris menti . 4. Dices , majoris cujuscumque utilitatis gratia licere interdum a legibus discedere . Sic olim cum Virgilius moriens testamento jussisset suum poema comburi , supremæ huic illius voluntati (quamquam id leges jubent) noluit tamen obtemperare Imperator Augustus , ut ipsemet testatur hæc versiculis :

*Frangatur potius legum veneranda potestas ,
Quam tot congestos noctesque diesque labores
Hæuserit una dies .*

Quid est Fama , seu Rumor ?

R. Fama , ut hic accipitur , est sermo vulgi , siue ullo auctore ac capite dispersus ; seu , ut ait Quintilianus , est *Sermo multitudinis , qui habet auctoritatem , nisi irrepserit malitia , vel nimia quædam , ut sit credulitas .*

Quo-

(a) *Vox obsoleta pro det.*

(b) *Lex Porcia a M. Porcio lata contra eos , qui civem Romanum necabant aut virgis cadebant .*

Quomodo tractandus est locus a Fama ?

R. Si tibi causæque tuæ faveat fama , dices magnam esse vim atque auctoritatem Famæ , cui optimus quisque tam impense studet . Dices populi vocem esse quoddam quasi oraculum , quod vix unquam fallere possit . Usurpabis in primis aureum illud Plinii dictum ad Trajanum : *Singuli decipere , ac decipi possunt ; nemo omnes , neminem omnes fefellerunt .*

Contra vero , si tibi , causæque tuæ rumor adverteretur , erit amplificanda verbis Famæ levitas atque inconstantia , quæ sæpe viris integerrimis maculas amet aspergere . Dices , ex opinione magis , quam ex veritate res æstimari solere . Usurpabis auream Senecæ , opinor , sententiam : *Pessimi argumentum turba est .* Dices cum Juvenali Sat. 1.

Dat veniam corvis , vexat censura columbas .

Addere denique poteris de fama cum Virgilio *Æneid.* 4. & cum Tertulliano etiam in Apologético , quod vimirum sit .

Tam ficti pravique tenax , quam nuntia veri .

Ita Tullius pro Flancio iudices obsecrat , ne diffeminatis rumusculis fidem habeant : *Illud utrum vos magnopere oro atque obsecro , cum hujus , quem defendo , tum communis periculi causa , ne fictis auditionibus , ne disseminato dispersoque sermone fortunas innocentium subjiciendas putetis Nihil est tam volucre , quam mendacium ; nihil facilius emittitur ; nihil citius excipitur ; nihil latius dissipatur .*

Quid sunt Tabulæ ?

R. Nomine Tabularum intelliguntur omnia testimonia scripto exarata , quibus pacta conventa , contractus , codicilli , stipulationes , testamenta , & alia id genus continentur .

Quid est Jusjurandum ?

R. Est affirmatio , vel negatio rei alicujus , ritu religioso facta , & Deo Optimo Maximo in testem appellato . Sic olim Scipio apud Livium , lib. 23. *Si sciens fallo , tu me Jupiter Opt. Max. domum , fa-*

miliam, remque meam pessimo (a) loco afficias. Quod si forte juramenti fidem velis infirmare, dices cum eloquentissimo illo (b) Massiliæ Sacerdote Salviano: *Plures invenias qui sæpius pejerent, quam qui omnino non jurent.* Et rursus idem Salvianus libro 4. *Si pejerat Francus, quid novi facit? Qui perjurium ipsum sermonis genus putat esse, non criminis.*

Quid sunt Tormenta, sive quæstio?

R. Sunt cruciatus, vi quorum veritas extorquetur a Reis. Valet autem plurimum locus ille ad faciendam fidem, si post quæstionem reus in facti confessione perseveret. Facit item maximopere ad probandam ejus, qui accusatur, innocentiam, si tormentis adduci non potuit, ut crimen fateretur.

Quomodo infirmari poterit locus ille?

R. Dices periculosam esse fallacemque confessionem, quæ tormentorum vi exprimitur; quandoquidem compertum est, bene multos innocentes, vi tormentorum ac metu doloris, ad falsa dicenda persæpe fuisse adactos; poterisque hoc loco usurpare sapientissimam illam viri clarissimi Hugonis (c) Grótii sententiam: *MENTIETUR, qui ferre poterit; MENTIETUR, qui fere non poterit.* Ita etiam Cicero pro Sylla: *Quæstiones, inquit, servorum, ac tormenta nobis accusator minitatur, in quibus quamquam nihil periculi suspicamur. tamen illa tormenta gubernat dolor, moderatur natura cujusque cum animi, tum corporis, regit quæstitor, flectit libido, corrumpit spes, infirmat metus, ut in tantis rerum angustiis nihil veritati loci relinquatur.*

Quid sunt Testes?

R. Sunt qui de re, quæ vocatur in controversiam, voce, vel scripto testimonium ferunt. Accedit huic testificationi majus pondus atque auctoritas: 1. Si
te-

(a) Letho, ita lapides antiqui. (b) Salvianus scriptor eloquentissimus, Treveris natus, floruit Massiliæ sæculo quinto. (c) Hugo Gratius Batavus, vir summæ, & æquissimæ literaturæ, obiit anno 1645.

testes sint oculati : 2. Si sint jurati : 3. Si sint viri probi atque integerrimi ; 4. Si sint viri illustres ac primarii : 5. Si nulla nec spe , nec cupiditate impulsu testimonium dicant .

Porro Testimonium potest esse vel humanum , vel divinum . Humanum est illud , de quo supra dictum est . Ad divinum referebantur olim Oracula , seu voces Dei ipsius ; Auspicia , seu Auguria , quæ erant testimonia ex avium volatu , cantu , pastuque duci solita ; Vaticinationes , quæ erant responsa Vatum ; Responsa denique Sacerdotum & Haruspicum , qui vel interpretabantur somnia , vel ex extorum inspectione futura conjiciebant ; unde vocabantur *Conjectores* . Ad divinum humanumque Testimonium spectat vulgaris illa , sed egregia Lucani sententia de Cæsare ac Pompejo :

... Quis justius induit arma ,
Scire nefas : magno se judice quisque tuetur :
Victrix causa Diis placuit ; sed victa Catoni .
Quomodo infirmatur locus a Testibus ?

&c. Infirmabitur locus ille , si dicas , Testas esse homines vel infames , vel levas ac futiles , vel servos domesticos , amicos , aut quomodocumque suspectos . 2. Si ostendas , illos non secum ipsis coherere , sed pugnantia loqui . 3. Si graviores Testes illis opponas . 4. Si conjecturis & argumentis illorum testimonii futilitatem demonstres . 5. Denique si dicas , Testes illos esse homines infimæ fortis , atque egentissimos , qui facile subornari poterint .

C A P U T III.

De secunda Inventionis parte , seu de motibus excitandis .

O Ratoris munus ac partes sunt primum , ut persuadeat , doceatque audientium animos : deinde ut eosdem moveat , inflammet ac flectat . Diximus in prima hujusce libri parte de argumentis ad

docendum & ad fidem facendam idoneis. Postulat nunc instituti nostri ratio, ut motuum, sive affectuum concitandorum fontes aperiamus; dicamusque qua ratione faces ac stimuli sint auditorum animis subjiçendi, quod est in Oratore præcipuum. Siquidem homines affectu magis, quam ratione ducuntur, & quod approbant bonum, non semper amplectuntur, exemplo Medæ illius Ovidianæ (a):

. . . Viden meliora, proboque;

Deteriora sequor. . .

Sed antequam affectus omnes sigillatim persequamur, pauca quædam, ut sit, de illorum natura numeroque præmittamus.

Quid est Affectus?

R. Est animæ sentientis, ex opinione boni, vel mali, nata commotio. Vel, ut clarius dicam, est quidam animi impetus, quo impellimur vehementius ad aliquid vel appetendum, vel averfandum.

Quot sunt Affectus?

R. Sunt, qui cum Stoicis quatuor tantum statuunt affectus; duos circa bonum, nempe *spem* & *gaudium*: & duos circa malum, scilicet *tristitiam* & *metum*. Quatuor hosce motus eleganter expressit Virgilius *Æneid.* 6. cum ait: *Hinc metuunt cupiuntque, dolent gaudentque*. Eosdem (b) Boetius hisce quatuor versiculis est complexus:

Gaudia pelle,

Pelle timorem:

Spemque fugato;

Nec dolor adlit.

Philosophi vero longe plures statuunt affectus, de quibus ita dicemus, ut primo illorum definitionem afferamus, deinde, quomodo sint excitandi, quam accuratissime præcipiamus.

§. I.

(a) *Metamor. Lib. 7.* (b) *Severinus Boetius, ingenio, eruditione & poesi nobilis, capite truncatus a rege Theodorico anno 626.*

§. I. De Amore, & Odio.

Quid est Amor?

R. Est affectus, quo alicui bene volumus, ei-
que benefacimus, non nostra, sed illius causa.
Ubi vides tres omnino esse germani amoris condi-
tiones ac dotes. 1. Est ut ei, quem amamus, op-
temus bona, vel saltem quæ bona esse arbitramur.
2. Condicio est, ut quæ bona judicamus, non opte-
mus illi dumtaxat, sed etiam pro virili parte pro-
curemus. Ut enim ait Julius Scaliger:

Tu si ex animo forte velis (a) cui benefactum,
Addas operam: sola cadaver est voluntas.

3. Condicio est, ut ita simus animari non propter
propriam utilitatem, sed illius causa, quem diligi-
mus. Nam, ut ait (b) Cicero, si ad fructum no-
strum referemus, non ad illius commoda, quem dili-
gimus; non erit ista amicitia, sed mercatura quædam
utilitatum suarum.

Quid differt Amor ab Amicitia?

R. Differt, quod sit verus amor, etsi qui amat,
non redametur; in amicitia vero requiritur amor
mutuus. Unde Aristoteles rogatus quid esset ami-
cus, pulchre respondit: (c) *Anima una in duobus
habitans corporibus.*

Quo pacto conciliandus est Amor?

R. Amoris conciliandi causæ ac viæ præcipuæ sunt:
1. Excellens quædam & rara virtus. Ita Ilioneus
Trojanorum Otator præclaram Æneæ virtutem col-
laudando, Didonem illi conciliare conatur, Æneid. 4.

Rex erat Æneas nobis, quo justior alter

Nec pietate fuit, nec bello major, & armis,

2. Utilitas, & collata beneficia. Ita Cicero Mi-
loni benevolos mirifice facit judices ab ejus in pa-
triam beneficentia: *Hecine vir patriæ natus, us-
quam nisi in patria morietur?* &c. Sic etiam ventu-
rum rex Æolus, commemoratis Junonis erga se be-

G 6

ne.

(a) Cui pro alicui. (b) l. De Natura Deorum.

(c) Μία ψυχή δύο σώματι ενωμένη.

neficiis, suum erga illam gratum ac memorem animum testatur (a).

Tu mihi quodcumque hoc regni, tu sceptrum,
Jovemque

Concilias, ut das epulis accumbere Divum,
Nimborumque facis, tempestatumque potentem,

3. Nulla re magis comparatur amor, quam amore mutuo, ut monet pervulgata illa Senecæ vox: *Si vis amari, ama.* 4. Denique conciliatur amor oris ac corporis dignitate, si sit cum virtute conjuncta; unde Rex Evander apud Virg. lib. 8.

... Sed cunctis altior ibat

Anchises. Mihi mens juvenili ardebat amore
Compellare virum, & dextræ conjungere dextram.
Quid est Odium?

It. Est affectus animi averfantis id, quod malum esse putatur.

Quænam arte concitandum erit Odium?

It. Ex iis quæ de amore diximus, facile cuivis patebunt Odii fontes, quod erit a contrariis capitibus excitandum, nimirum ab insignibus vitiis, ab improbitate superbiaque, ab illatis injuriis. Cujus rei mirificum habes exemplum apud Cornelium Tacitum in Agricolæ vita, ubi magnanimus ille Galgacus suorum Britannorum animos adversus Romanos hac eximia oratione irritare conatur.

*Galgaci oratio contra Romanos
apud Tacitum.*

Raptores orbis, postquam cuncta vastantibus defuere terræ, & mare scrutantur. Si locuples hostis est, avari: si pauper, ambitiosi, quos non Oriens, non Occidens satiaverit. Soli omnium opes atque inopiam pari affectu concupiscunt. Auferre, trucidare, rapere falsis nominibus Imperium; atque ubi solitudinem faciunt, Pacem appellant. Liberos cuique ac propinquos suos natura carissimos esse voluit. Hi per delectum alibi servituri auferuntur. Conjuges sororesque, etsi hostilem libidinem effugiant,
no-

nomine amicorum atque hospitem polluuntur . Bona fortunaſque in tributum coegerunt , in annonam frumentum : Corpora ipſa ac manus ſilvis ac paludibus emuniendis , verbera inter ac contumelias conterunt . Nata ſervituti manicipia ſemel veneunt , atque ultro a dominis aluntur . Britannia ſervitutum ſuam quotidie emit , quotidie paſcit , &c.

§. II. De Metu , Spe , & Audacia .

Quid eſt Metus , ſive Timor ?

R. Eſt perturbatio nata ex opinione mali impendentis .

Quenam ſunt artes & induſtriæ concitandi metus ?

R. Tres ſunt potiſſimum . Prima eſt , ſi denuncietur malum aliquod magnum ac grave, ut bellum, peſtilentia , pauperies , infamia , infelix æternitas . 2. Si offendatur mali vicinitas , imminensque periculum ; neque enim ſolent homines metuere vel ipſam mortem , ſi longe remotam arbitrentur ; at illius horrore concutiuntur , ubi urget morbus , peſtilentia , vel naufragium (a) :

Præſentemque viris intentant omnia mortem .

Hac arte mirabiliter , ſuo more , utitur Tullius in 2. Catilin. ubi funeſta Catilinæ conſilia & impendentes urbi calamitates ita deſcribit : *Videor mihi hanc urbem videre , lucem orbis terrarum atque arcem omnium gentium , ſubito uno incendio concidentem . Cerno animo ſepultam patriam , miſeros atque inſepultos acervos civium . Verſatur mihi ante oculos, aſpectus* (b) *Cethegi in veſtra cæde bacchantis . Quapropter de ſumma ſalute veſtra , Populiſque R. de veſtris conjugibus ac liberis , de fanis ac templis, de libertate ac ſalutæ Italiæ, deque univerſa republica decernite diligenter, ut inſtituiſtis , ac fortiter .*

Eadem arte Æneas Anchifeſem patrem humeris geſtans apud Virgilium lib. 2. timorem ſuum ſic exponit ab imminentis calamitatis magnitudine :

Suc-

(a) *Æneid* 1. (b) *Cethegus unus e principibus conjurationis Catilinariæ ,*

Succedoque oneri : dextræ se parvus Iulus
 Implicuit, sequiturque patrem non passibus æquis
 Pone subit conjux. Ferimur per opaca locorum ;
 Et me, quem dudum non ulla injecta movebant
 Tela, neque adverso glomerati ex agmine Graji,
 Nunc omnes terrent auræ, sonus excitat omnis
 Suspensum, & paritet comitique onerique ti-
 mentem.

3. Concitandi metus industria, & ars hæc est, si
 propouatur malum, non publicum duntaxat &
 commune, sed privatum & proprium. Solent enim
 nos privata multo magis tangere, & acrioris doloris
 sensu ferire quam publica: etsi homines vulgo vi-
 deri malint publico potius dolore moveri, quam suo.

Hoc probe intellexerat olim nobilis ille Græcus
 histrio, nomine Polus, qui Athenis acturus fabulam
 Sophoclis, cum repræsentandus esset dolor Electræ
 gestantis cineres Orestis, clanculum eruit e sepul-
 chro cineres, ossaque filii, quem amaverat unice,
 urnamque detulit in scenam, & cum lugere videretur
 aliena mala, dessebat sua. Ita A. Gellius lib. 7:

Quid est Spes?

R. Est gaudium ex opinione imminentis boni.

*Quenam sunt incitamenta, animum ad Spem eri-
 gentia?*

R. Hæc duo numerantur. 1. Honestas, & magni-
 tudo boni: 2. præsidia certa ad illud comparandum,
 qualia sunt opes, vires, industria, prudentia, ami-
 ci, adversariorum imbecillitas, & favor divinus.
 Hinc Tullius Romanos ad certam victoriæ spe'm ex-
 citat sane luculenter, 2. Catilin. *Instruite nunc,
 Quirites, contra has tam præclaras Catilinæ copias,
 vestra præsidia, vestrosque exercitus; Et primum gla-
 diatori illi confecto & saucio, Consules, Imperatores-
 que vestros opponite; deinde contra illam naufragorum
 ejectam ad debilitatam manum, florem totius Italiæ,
 & robur educite.* Hinc etiam Æneas suorum animos
 mirum in modum erigit, & bene sperare jubet.
Æneid. 1.

O passi graviores, dabit Deus his quoque finem.

Vos.

Vos & (a) Scyllzam rabiem, penitusque sonantes
 (b) Accessitis scopulus, vos & Cyclopea saxa
 Experti; revocate animos, mœstumque timorem
 Mittite: forsan & hæc olim meminisse juvabit.
 Per varios casus, per tot discrimina rerum
 Tendimus in Latinum, sedes ubi fata quietas
 Ostendunt; illic fas regna resurgere Trojæ.
 Durate, & vosmet rebus servate secundis.

Ad Spem pertinet Audacia, seu confidentia. quæ
 est affectus quidam animi adversus futurum malum,
 quamvis arduum ac difficile, quod tamen vinci
 possit, consurgentis.

Quomodo concitatur Audacia?

R. Iisdem ferme artibus, quibus Spes. Ita magnanimus Hannibal, trajecto Rhodano, Italiam recta petens, suos milites hortatur, apud Livium Decade 3 ut obstructarum nivibus Alpium difficultates superent, Romanorumque vires contemnant, *Quid aliud Alpes esse creditis quam montium altitudines? Fingitis altiores Pireneis: Anterras aliquas Cælum contingere, & inexpugnabiles humano generi esse creditis? & alio loco: Cum eo nimirum hoste res est nobis, qui nec bonam, nec malum ferre fortunam potest: seu vicit, ferociter instant victis, seu victus est instaurat cum victis certamen.*

Hac eadem ratione audax Turnus suorum Latinorum animos ad pugnam accendit, *Æneid. 10.*

In inanibus Mars ipse, viri; nunc conjugis esto
 Quisque suæ tecique memor: nunc magna referto
 Facta patrum, laudesque: ultro occurramus ad
 undam,

Dum trepidi, egressisque labant vestigia prima.
 AUDENTES fortuna juvat.

Multum etiam addit fiduciæ persuasio de favore divino. Hinc illa Tolumnii Auguris audacia, *Æneid. 12.*

Tum vero augurium Rutili clamore salutant,
 Ex-

(a) Siciliam, aut Æthnam.

(b) Accessitis pro accessistis per syncopen.

Expediuntque manus : primusque Tolumnius
augur ,

Hoc erat , hoc votis , inquit , quod sæpe petivi .
Accipio , agnoscoque Deos , me me duce , ferrum
Corripite , o Rutuli

§. III. De Misericordia .

Q *uid est Misericordia ?*

R. Est dolor animi & ægritudo quædam ex malo alterius , præsertim immerito laborantis . In hoc excitando commiserationis affectu triumphare solet magni Oratoris industria . Siquidem , ut vulgo dicitur , *Lacrymæ auditorum sunt laus Oratoris vel maxima .*

Quænam sunt artes ad misericordiam concitandam idoneæ ?

R. Varie ac multiplices sunt artes . Prima est , si qui malum patitur , eo plane indignus esse dicatur . Unde ad ciendam misericordiam valet hoc Virgilii (a):

Nec te tua plurima , Panthæ ,
Labentem pietas , nec Apollinis insula texit .

2. Est , si de patria , vel de nobis privatim bene meritus fuisse ostendatur . Hoc artificio mire usus est senior Horatius apud Livium , ut filium , ob interfectam sororem , parricidii reum , ab imminenti morte liberaret .

*Oratio P. Horatii ad populum pro Filio
parricidii reo . Livius lib. 1.*

Huncceine , quem modo decoratum ovantemque victoria , incedentem vidistis , Quirites , eum sub furca victum , inter verbera & cruciatus videre potestis ? Quod vix Albanorum oculi tam deformis spectaculum ferre possent . I , licet , colliga manus , quæ paulo ante armatæ Imperium populo Romano pepererunt . I , caput obnube liberatoris hujus urbis : Arbori infelici suspende : Verbera , vel intra
(a) Pom.

(a) Pomœrium, modo inter illa pila, & spolia hostium: vel extra Pomœrium, modo inter sepulchra Curiaiorum. Quo enim ducere hunc juvenem potestis, ubi non sua decora eum à tanta foeditate supplicii vindicent?

3. Ars est, si calamitatis magnitudo, vel diuturnitas, ceteræque hujusmodi circumstantiæ luculenter exponantur.

4. Ars hæc est, si tristitia quædam recentis miseræ signa, monumentaque ob oculos auditorum ponantur, ut cruentæ vestes, vel ipsum mortui cadaver, aut imago. Nam ut monet Horatius ad Pisones:

Segnius irritant animos demissa per aures,

Quam quæ sunt oculis subjecta fidelibus

Sic M. Antonius, qui postea Triumvir fuit, prolata Julii Cæsaris veste pugionibus ac gladiis perforata, sanguineque cruentata, Romanam plebem ita accendit, ut ad conjuratorum ædes inflammandas e vestigio provolaverit. Sic Clotildis Clodovæ filia dure & inclementer habita a marito Almarico Visigothorum rege, cum sudarium suo imbutum sanguine ad fratres suos Francorum reges misisset, (b) immane illud bellum excitavit, quos res Visigothorum penitus attrixit, deletæque fuerunt. Sic olim summus ille orator Antonius, cum defenderet Aquilium, in causa peroranda, tunicam ejus diloricavit, ac discidit e pectore, & adversas senis cicatrices judicibus ostendit.

Sic etiam Æneam flectere Dido conatur apud Ovidium in Heroide, hac lamentabili sui imagine ac pictura:

Aspicias utinam, quæ sit scribentis imago!

Scribimus, & gremio Troicus ensis adest.

Perque genas lacrimæ strictum labuntur in ensen,

Qui jam, pro lacrymis, sanguine tinctus erit.

§. IV.

(a) Ital. Spazio tra le mura. e l'abitato.

(b) Gregorius Turonensis, lib. 3. cap. 10.

§. IV. De Ira & Indignatione.

Quid est Ira?

R. Dicere possem cum Horatio: *Ira brevis furor est*: sed malo cum Aristotele sic illam definire: *Ira est sui, propter contemptum, ulciscendi cupiditas, cum dolore conjuncta*. Unde non maximo pere differt ab odio, quod est *Ira quædam inveterata*.

Quomodo excitatur & incenditur Ira?

R. Accenditur commemoratione illatz injuriæ, si præsertim injuria sit cum contempu conjuncta. Hinc nimirum apud Virgilium *Æneidos* 1. taotopere effervesceit Junonis ira contra Trojanos, ob spretam a Paride Trojano formam suam, & Hebem filiam Ganymedi Trojano postpositam:

Manet alta mente repositum

Judicium Paridis, spretæque injuria formæ.

Et genus invisum, & rapti Ganymedis honores.

Et rursus in eodem libro suam iram sic exsuscitat eadem Juno:

Ast ego, quæ Divum incedo Regina, Jovisque

Et soror & conjux, una cum gente tot annos

Bella gero? Et quisquam numen Junonis adoret

Præterea? aut supplex artis imponat honorem?

Quo quis vero est gloriæ appetentior, vel dignitate illustrior, hoc ob sui contemptum vehementius solet irasci. Cujus rei memorabile in primis est exemplum *Narfetis Eunuchi* rei militaris gloria præstantissimi. Is enim post res fortiter gestas adversus *Totilam Gothorum regem*, cum, invidia quorundam, a *Justino Imperatore Italix* Præfectura fuisset exutus, atque etiam ab Imperatrice *Sophia* impotentis animi foemina. virulento hujusmodi fuisset impetitus convitio: *Narfetem Eunuchum ad pensa lanæque cum feminis esse relegandum*: illud adeo acerbè tulit, ut se telam brevi orsurum dixerit, quam Imperator & Conjux, dum viverent, nulla vi industriaque retexere possent. Ac paulo post, evocatis in Italiam *Longobardis*, Imperatori magnam Italix partem ademitt.

Quid

Quid est Indignatio?

R. Est dolor perceptus ob secundas res bonaque alterius , qui hac felicitate judicatur indignus ; ut apud Maronem Eclog. 1.

Impius hæc tam culta novalia miles habebit?

Barbarus has segetes?

Ejusmodi est etiam illud Eclogæ 8.

Mopso Nisa datur ! quid non speremus amantes ?

Jungentur jam (a) gryphes equis , ævoque sequenti

Cum canibus timidi venient ad pocula damæ .

Quomodo ab invidia differt indignatio?

R. Hoc differt , quod indignatio sit tantum in indignos eo , quo fruuntur bono , ut vel ex ipso nomine liquet , Unde indignatio præsertim suscipitur ab his , qui sunt viri probi , & honoris cupidi ; quia boni ferunt indigne malos florere : & honoris studiosi indignatur , immerentes anteferri sibi . Invidia vero est erga bonos , & suæ felicitate dignos ,

Quomodo concitatur indignatio?

R. Excitatur duplici modo . 1. Si vitæ prioris sordes , & vilitas cum præsentis temporis opibus , potentia , arrogantia præsertim conferantur . 2. Si hominis , in quem indignamur , vitia cum viri , cui antefertur , virtutibus comparentur . Ex primo capite Tullius indignationem ita movet in Vatinius : *Atque illud tenebrosissimum tempus ineuntis ætatis tuæ patior latere ,* Deinde commemorat , ut homo vilis & obscurus paulatim ad honores accesserit , tandemque illa subjungit : *Te cognati respuunt , (b) tribules execrantur , vicini metuunt , affines erubescunt , (c) strumæ denique ab ore improbo demigrarunt . Et aliis jam se locis collocarunt .* Quasi nempe adeo sit impurus , ut vel ipsæ strumæ scdum hominem averterentur .

Similiter Horatius indignationem concitat adversus Menam Pompeji Magni libertum in hac Oda cedro linenda :

Li-

(a) Gryphes genus ferarum omnino fabulosum , cum alis . Et capite aquilæ , & reliquo corpore leonino , vulgo Grifo . (b) Ex eadem tribu . (c) Ital. Scrofola .

Licet superbus (a) ambules pecunia ,

Fortuna non mutat genus .

Videsne , sacram (b) metiente te viam

Cum bis ter ulnarum toga ,

Ut ora vertat huc & huc euntium

Liberrima indignatio ?

Sectus flagellis hic (c) triumviralibus ,

Præconis ad fastidium ,

Arat Falerni mille fundi jugera .

Et (d) Appiam (e) mannis terit :

Sedilibusque magnus in primis eques ,

Othone contempto , sedet .

Ex secundo capite vehementer indignatur Ajax
apud Ovidium , quod Ulysses secum auit de Achil-
lis armis contendere :

... Agimus , proh Jupiter , inquit ,

Ante rates causam , & mecum confertur Ulysses !

Præmia magna peti fateor : sed deinit honorem

Æmulus Ajaci . Non est tenuisse superbum ,

(Sit licet hoc ingens) quidquid speravit Ulysses .

§. V. De Mansuetudine .

Quid est Mansuetudo ?

R. Mansuetudo , seu lenitas , ac clementia , est
motus oppositus iræ : neque aliter definitur ,
quam *iræ remissio , atque mitigatio* .

R. Mitigabitur ira , & conciliabitur mansuetudo ,
primo ingenua quadam culpæ confessione ac dolore .
Ita Cicero Cælares , iratissimum licer , tamen Li-
gario placavit : *Ad judicem sic agi solet . sed ego ad
patrem loquor , erravi , temere feci , pœnitet ; ad cle-*
men-

(a) Menas , cum ab hero Pompejo defecisset ad Au-
gustum , ab illo Tribunus militum fuit creatus .

(b) Via sacra sic dicta , quod ad Jovis templum & Ca-
pitolum recta duceret . (c) Judicia de servis , ac furi-
bus exercebant tres judices , qui triumviri capitales di-
cebantur . Via Appia Roma Brundisium usque per-
tingebat , nomen traxerat a Claudio Appio Cæco , qui
eam muniverat . (e) Ital. Barberetti .

mentiam tuam confugio ; delicti veniam peto : ut ignoscas , oro ; si nemo impetravit , arroganter : si plurimi , tu idem fer opem , qui spem dedisti .

2. Facit ad placandam iram humilitas , & supplicis animi demissio , præsertim apud hostem magnanimum . Ut enim pulchre ait Ovidius lib. 3. *Tristium* .

Corpora magnanimo satis est prostrasse Leoni .

Pugna suum finem , dum jacet hostis , habet .

Addere poteris cum Virgilio tritum illud lib. 6.

. . . . Romane , memento

Parcere subjectis & debellare superbos .

3. Ad declinandam iram maxime sunt adhibendi qui minus habent roboris , & quos de vi inferenda cogitare nulla est suspicio , cujusmodi sunt pueri , scemine , senes , sacrorum antistites . Ita legimus in sacris paginis , Davidis iram ab Abigail , iram (a) Artaxerxis ab Esthere fuisse repente mitigatam . Romana quoque historia testatur , Sabinarum interuentu , Romulum inter & Tatium scdus ictum fuisse . Item Volumnia & Veturia Maritum Coriolanum , patriæ funestum bellum inferentem , a noxio proposito dimoverunt .

4. Facit plurimum ad iram molliendam , si scias & captes molles aditus , & commoda fandi tempora ; quale est tempus convivii , ludi , fausti alicujus successus , victoriæ , festivitatis ac lætitiæ publicæ : quo tempore solent homines ad mansuetudinem esse propensiores .

5. Si prudenter offendas , quantum præstet mansuetudo cupiditati vindictæ : ut recte monet Juvenalis hisce versibus aureis Sætyræ 13.

. . . . Quippe minuti

Semper & infirmi est animi , exiguique voluptas
Ultio ; continuo sic collige , quod vindicta

NEMO magis gaudet , quam scemina .

6. Denique valet plurimum ad clementiam , si dicat qui peccavit , non dedita opera , non dolo

ma-

(a) *Artaxerxes in sacris codicibus dictus Assuerus*

malo peccasse, nec id egisse, ut eum contemneret, quem habet iratum: sed vel incautum, vel errore humano deceptum, vel necessitate adactum peccavisse. Vide qua dexteritate locum hunc tractet Tullius ad Cæsarem M. Marcello placandum: *Atque hoc C. Cæsaris judicium, P. C. quam late pateat attendite. Omnes enim, qui ad illa arma fato sumus nescio quo, reipublicæ misero funestoque compulsi, est aliqua culpa tenemur erroris humani, scelere certe liberati sumus. Nam cum M. Marcellum deprecantibus vobis, reipublicæ conservavit, memet mihi, Et item reipublicæ, nullo deprecante, reliquos amplissimos viros Et sibi ipsis, Et patriæ reddidit; quorum Et frequentiam Et dignitatem hoc ipso in confesso videtis. Non ille hostes induxit in curiam, sed judicavit a plerisque ignoratione potius, Et falso atque inani metu, quam cupiditate aut crudelitate civile bellum esse susceptum.*

§. VI. De Æmulatione.

Quid est Æmulatio?

R. Est dolor ex aliena felicitate susceptus, non quod illi contigerit, sed quod nos illa careamus. Hinc liquet, Æmulationem esse in laude ponendam, & ad perdiscendum bonas artes plurimum valere. Sunt enim Æmulationi obnoxia, quæ maxime præclara, ut virtus, honores, opes, doctrina, gloria, &c.

Quid interest Æmulationem inter Et Invidiam?

R. Æmulationem bonam esse, laudabilem, & honestam, quia, nos excitat, ut ipsi quoque bona consequamur. Contra vero Invidia vitiosa est turpisque, quia id agit, ne alter bonis potiatur, ut ait Horatius:

Invidus alterius rebus macrescit opimis.

Quomodo excitari potest Æmulatio?

R. Excitatur majorum exemplo, nominis gloria, & propositis illustrium virorum egregiis facinoribus; Ita Andromache Æneidos 3.

Quid puer Ascanius? superatue, & vescitur aura?

.....

*Ecquid in antiquam virtutem, animosque viriles
Et pater Æneas & avunculus excitat Hector?*

Ita

Ita magnus ille Alexander cum ad Achillis tumulum addicisset, ejus gloriam & felicitatem æmulatus: *O fortunate, inquit, adolescens, qui tuæ virtutis Homerum præconem inveneris!* Et ille historicorum princeps Thucydides, adhuc adolescentulus, cum forte suam historiam Herodotus legeret, ita gloriæ stimulis agebatur, ut lacrymas tenere non posset. Quo animo verso, Herodotus ejus patri dixit: *Næ tu sane beatus es, qui filium habeas sic avidum gloriæ, & laudis appetentem.*

Concluditur doctrina de Affectibus.

generali præcepto.

Hactenus de Affectibus dictum est; in quibus illud generatim est observandum, quod apud Ciceronem (a) monet Antonius: Ut omnes motus, quos Orator adhibere volet judici, in ipso Oratore impressi, atque inusti esset videantur. Neque enim facile est perficere, ut irascatur, cui tu velis judex, si tu ipse id lente ferre videare: neque ut oderit eum, quem tu velis, nisi te ipsum flagrantem odio ante viderit: neque ad misericordiam adducetur, nisi ei tu signa doloris tui, verbis, sententiis, voce, vultu, collacrymatione denique ostenderis. Ut enim nulla materies tam facilis ad exardescendum est, quæ, nisi admoto igne, ignem concipere possit; sic nulla est mens tam ad comprehendendam vim Oratoris parata, quæ possit incendi, nisi inflammatus ipse ad eam, & ardens accesseris.

Optime igitur monet Horatius in arte poetica:

. . . Si vis me flere, dolendum est

Primum ipsi tibi: tunc tua me infortunia lædent.

(a) *Lib. 2. Orat.*

Finis Libri Secundi.



R H E T O R I C Æ

LIBER TERTIUS.

D E D I S P O S I T I O N E .

Quid est Dispositio?*R.* Dispositio definitur a Cicerone, *Rerum inventarum in ordinem distributio.**Quanam est Dispositionis utilitas?**R.* Non minus necessaria est Dispositio ad fidem faciendam & ad motus excitandos, quam instructio exercitus ad pugnam ac victoriam; quam in humano corpore conformatio membrorum, ad gratiam & venustatem; quam in ædificio lapidum cæmentique apta compositio, ad ædium opportunitatem, & elegantiam. Unde merito præcipit Horatius in arte poetica:

Singula quæque locum teneant fortita decenter.

Sane ordo ubi adest, res audiuntur libentius, audita intelliguntur facilius, & intellecta diutius in hærent. Si vero negligatur dispositio, sit nimirum monstrum illud ex variis animantibus conflatum, quod artis iuitio scite pingit idem Horatius.

Fit, quod eodem loco reprehenditur:

Velunt ægri somnia, vanæ

Fingentur species, ut nec pes, nec capat uni

Reddatur formæ

Quin nullum mihi videtur certius argumentum infœritæ, habetique ac pinguis ingenii, quam cum ita incondita est oratio, ita perturbata, nihil ut sit primum, nihil secundum. Contra vero nullum majus indicium artis & induffritæ, quam ordo. Quamobrem cum hætenus actum sit de Elocutione, & de Inventionem, in quibus opus est in primis lepore atque ingenio; deinceps videndum de Dispositione;

ne;

ne; in qua una magis elucet Oratoris iudicium atque prudentia.

Quisnam ordo servandus est in orationis dispositione, seu quænam sunt orationis partes?

R. Orationis partes vulgo quatuor assignantur: Exordium, Narratio, Confirmatio, seu Contentio, & Peroratio.

Hæc artificiosa dispositio videtur omnino naturæ consentanea. Satis enim novimus, vel ipsa duce natura, ubi quidpiam volumus impetrare: 1. Conciliandos esse animos eorum, quibuscum agimus, & hoc est Exordii munus: 2. Exponendum esse illud, quod petimus, & hoc est Narrationis; 3. Afferendas esse rationes, quibus ostendatur illud concedendum nobis esse, & hoc efficit Confirmatio: 4. Denique preces addendas, aut alios motus adhibendos, quibus impelli vehementius auditorum animi possint, & hoc Peroratione consequimur.

Sunt qui non quatuor dumtaxat, sed sex omnino velint esse partes orationis, nempe Exordium, Divisionem, Narrationem, Confirmationem, Confutationem, & Perorationem: quas etiam ajunt indicari pervagatissimo versiculo:

Exorsus, narro, fero, firmo, refuto, peroro.

Verum, si recte res æstimare velimus, Partitio cum Propositione revocatur ad Exordium, Confutatio vero redit ad Confirmationem. Unde liquet, quatuor tantum esse statuendas orationis partes, quarum duæ valent ad faciendam fidem, scilicet Narratio, & Confirmatio: reliquæ vero faciunt ad motus excitandos, videlicet Exordium & Peroratio. Nunc vero de partibus orationis singulatim videamus.

CAPUT PRIMUM.

De Exordio.

Quid est Exordium?

R. Exordium definitur a Tullio: *Partis orationis, auditorum animos idonee comparans ad reliquam dictionem.* Unde quod in humano corpore caput est, quod in ædibus vestibulum, hoc est Ex-

ordinum in oratione . Atque adeo præcipua quadam cura diligentiaque præ ceteris orationis partibus, est elaborandum, naturæ ipsius instar, quæ in fingendo atque ornando capite potissimum desudare consuevit. Unde etiam Exordium *difficillima pars orationis* vocatur a Tullio .

Undenam sumpta est Exordii vox ?

R. Est Metaphora a textoribus sumpta, qui proprie telam ordiri dicuntur, cum certa quadam lege fila collocant, & ordine illa componunt .

§. I. De variis Exordiorum generibus .

Quotuplex est Exordium ?

R. Duplex . Aliud est justum ac legitimum, quod etiam temperatum appellatur : aliud est vehemens & abruptum, sive ex abrupto .

Quid est Exordium justum ac legitimum ?

R. Illud est, quo auditorum animi artificiosa quadam verborum conciliatione præparantur .

Quid est Exordium ex abrupto ?

R. Illud est, quo Orator, quasi quodam abruptus impetu, auditores repentino & inopinato motu percellit . Tale est celebratissimum illud Ciceronis Exordium in Catilinam : *Quousque tandem abutere, Catilina, patientia nostra, &c.*

Quomodo fit Exordium ex abrupto ?

R. Fit primo per licentiam, seu per liberiorema quemdam loquendi modum . Sicut apud Livium lib. 23. Mucius Sævola deprehensus in Porsenæ castris, ita illum alloquitur ex abrupto . *Romanus sum civis : C. Mutium vocant . Hostis hostem occidere volui ; nec ad mortem minus animi est, quam ad necem fuit . Et facere & pati fortia Romanum est . Nec unus ego in te hos animos gessi . Longus post me ordo est idem petentium decus . Proinde in hoc discrimen, si juvat, accingere, ut in singulas horas de capite dimices tuo . Ferrum hostemque in vestibulo habes Regiæ . Hoc tibi juvenis Romana bellum indicimus . Nullam aciem, nulum prælium timueris : uni tibi & cum singulis res erit .*

2. Fit

2. Fit per indignationem & increpationem , ut cum apud Livium lib. 2. cap. 21. Veturia filium (a) Coriolanum sic alloquitur : *Sine priusquam completum accipio , sciam , ad hostem , an ad filium venerim ; captiva , mater ne in castris tuis sis . In hoc me longa vita , Et infelix senecta traxit , ut exulem te , deinde hostem viderem ! Potuisti populari hanc terram , quæ te genuit , atque aluit ? Non tibi , quamvis infesto animo Et minaci perveneras , ingredienti fines ira cecidit ? Non cum in conspectu Roma fuit , succurrit : Intra ista mœnia domus , ac penates mei sunt , mater , conjux , liberique ? Ergo ego , nisi peperissem , Roma non oppugnaretur ! nisi filium haberem , libera in libera patria mortua essem !*

Quandonam usurpandum est Exordium ex abrupto ?

R. Usurpatur potissimum vel in summa aliqua gratulatione & lætitia ; vel in summa quapiam offensione , aut indignatione : quibus scilicet omnibus Orator extra se rapi videtur quodammodo .

§. II. De virtutibus ac vitiis Exordii .

Quæ sunt Exordii dotes ac virtutes ?

R. Quatuor vulgo recensentur : *Proprietas , cura , vetecundia , brevitās .*

In quo posita est proprietas Exordii ?

R. In eo posita est , ut Exordium sit cum reliqua oratione conjunctum , tamquam caput cum corpore . 2. Ut sit ex re quasi natum , & ex ipsis causæ vicibus ita depromptum , ut ex illius natura quodammodo videatur efflorescere . Contra vero vitiosum erit , si sit vulgare ac commune , hoc est , si causis aliis , & fortasse etiam contrariis , possit accommodari : cujusmodi Exordia lepide comparantur (b) ephippio , quod equis bene multis accommodaretur , vel gladio Delphico , qui ad hunc modum factus fuit , ut eodem & sacras mactarent victimas , & supplicio nocentes afficerent .

H 2

2. Vi-

(a) *Martius Coriolanus plebis odio in exilium actus , patriæ bellum intulit .* (b) *Ital. sella .*

2. Vitiosum erit Exordium, si sit commutabile; hoc est, si leviter mutatum, ab adversario possit usurpari. Si sit procul accersitum, longiusque petitum, vel si nihil ad rem pertineat. Quæ Exordia similiter se habent, ac

Humano capiti cervicem pictor equinam
Jungere si velit.

Quale etiam fuit Exordium inepti illius causidici, qui de lite inter duos vicinos acturus, Exordium petivit ab Adamo, vixque ad diluvii tempora tandem pervenit.

In quo posita est Exordii cura?

R. In eo posita est, ut Exordium sit plenum dignitatis, sit accuratum & acutum, sit aptum verbis & instructum sententiis, & quod periti solent Architecti, *vestibula, aditusque ad causam faciat illustres*, inquit Tullius. Prima quippe Oratoris commendatio proficiscitur ab Exordio: quod si negligentius tractatum fuerit, reliqua omnia fastidiet & nauseabit auditor. Ut enim optime monet Fabius, pessimus sane videtur gubernator ille, qui e portu solvens, statim ad scopulos navem appellit. Caveat tamen Orator, ne, quod sæpe contingit, Exordii nimis picti & nimis artificiosi splendore ac concinnitate, (a) præstigiis ac fraudis suspicionem præbeat.

In quo consistit Exordii verecundia?

R. In eo consistit, quod Orator dicere incipiens, præferat ingenuum illum pudorem, quem in Oratore summo L. Crasso tantopere laudabat Cicero: *Fuit enim, inquit, in L. Crasso pudor quidam, qui non modo non obesset ejus orationi, sed etiam probitatis commendatione prodesset*. Et ipse etiam L. Crassus de se sic confitetur lib. 1. de Oratore: *In principiis dicendi, tota mente, atque omnibus artibus contremisco*. Sciebat enim summus ille dicendi artifex & doctus, offendi solere auditorum animos, si Orator velut exultans sibi que præsidens, ad dicendum accedat.

In

(a) Ital. *travaggole*, *gabbamento*.

In quo posita est brevis Exordii?

Ex. In eo posita est, ut Exordium reliquæ orationis magnitudini sit accommodatum, & ut inani verborum circuitione non producat longius, quam par sit. Neque enim profecto cubitali pygmæi corpori caput giganteum, aut humili tugurio valvæ prægrandes ingensque vestibulum affigi debent. Quod si fiat, bellissime sane quadrabit in enormia id genus procæmia factum illud Diogenis dictum ad (a) Myndios, qui suo oppidulo grandes & magnificas fores affixerant: *Viri Myndii, portas claudite, ne urbs exeat.*

Nolim tamen orationi nullum jungatur Exordium, ut olim in Areopago fieri solitum accepi-
mus, ubi dicebant Oratores (b) *sine Exordio, sine affectibus, sine epilogo*, inquit Julius Pollux; & ut etiam a Xenophonte factitatum legimus, qui sic exorditur: *Darius, & Parisatis duos habuere filios.*

Nolim etiam orationi, ceteroqui longuæ, ore-
vissimum, ut nonnulli solent, affigatur Exortium: neque enim ingentem Basilicam decent exiguæ fores; aut giganteo corpori pygmæi caput, vel ingedi-
ci colosso globulus imponitur.

§. III. De variis Exordiorum fontibus.

Varii sunt fontes, unde derivari solet Exordium
justum ac legitimum. Nos hic præcipuos in-
dicabimus.

1. Exordium recte ducitur ab adjunctis personæ,
rei, loci, ac temporis: atque hic erat fons notus
ac familiaris Tullio, qui hinc ferme solebat exor-
diri. In oratione pro M. Cælio exorditur a tempo-
ris insolentia; quippe die festo, contra quam fieri
soleret, causam dicere cogebatur. Exordium Milo-
nianæ ducitur: 1. a persona adversariorum, qui ar-
mati forum obsidebant: 2. a persona Pompeji judi-
cis:

H 3

(a) *Myndus oppidulum Carie, in Asia minori.*

(b) *Ἄνδρες προνομίαις, καὶ πατρὶν, καὶ ἐπιλόγῃς.*

cis: 3. ab insolita iudicii forma. Pro Rege (a) Dejotaro, ducit exordium ab angustiis loci, in quo habita fuit hæc oratio; *Moveor etiam ipsius loci insolentia* (inquit Tullius), *quod tantam causam, quantam nulla unquam in disceptatione versata est, (b) dico intra domesticos parietes, dico extra conventum et eam frequentiam, in qua oratorum studia niti solent; in tuis oculis, in tuo ore vultuque acquiesco.*

Hanc enim, C. Cæsar, causam si in foro dicerem, eodem audiente et disceptante te, quantam mihi alacritatem populi Rom. concursus afferret? Quis enim civis ei regi non faveret cujus omnem ætatem in populi Rom. bellis consumptam esse meminisset? Spectarem curiam, intuerer forum, cælum denique testarer ipsum. Quæ quoniam angustiora faciunt parietes actioque causæ maxime debilitatur loco, tuum est, Cæsar, qui pro multis sæpe dixisti, quid nunc mihi animi sit, ad te ipsum referre; quo facilius tum æquitas tua, tum audiendi diligentia minuat hanc perturbationem meam.

2. Ducitur Exordium a rotunda simplici que rei expositione, sine fuco & calamistris, & sine ullo in speciem artificio. Ita Cicero pro Ligario; *Novum crimen, C. Cæsar, et ante hunc diem inauditum, propinquus meus ad te Q. Tubero detulit: Q. Ligarium in Africa fuisse.*

3. Ducitur Exordium a contrario, cum prima fronte ea videmur dicere, quæ causæ nostræ sint omnino contraria, & adversariis faveant, ut scilicet eos sensim in nostram sententiam nihil minus cogitantes pertrahamus; in quo sane est artis & industriæ plurimum. Ita Alexander apud Curtium milites suos cohortaturus, ut secum audacter pergant ad extremas Indiæ partes, primo videtur probare illorum studia, qui reditum in patriam cogitabant: *Magnitu-*

(a) Hæc oratio privatim habita fuit in ædibus Cæsaris.

(b) Dejotarus Gallogræciæ rex, in bello civili Pompeji partes secutus, victorem Cæsarem cum excepisset et hospitio, fuit accusatus, quod ei struxisset insidias.

tudinem rerum, inquit, *quas gessistis, milites, intuentibus vobis minime mirum est & desiderium quietis & satietatem gloriæ occurrere, &c.* Deinde mutata sensim velificatione, in contrariam sententiam callidissime descendit.

4. Ducitur Exordium ab insigni quopiam effato, & dicto, vel ab illustri exemplo. Ita Catilina suos conjuratos ad impium bellum adhortatur apud Sallustium hoc effato: *Compertum habeo, milites, verba virtutem non addere; neque ex ignavo strenuum, neque fortem ex timido exercitum Imperatoris oratione fieri.* Ita etiam Cæsar, dum in Senatu pro Catilina loquitur, apud eundem Sallustium ab insigni effato sic exorditur: *Omnes homines (P. C.) qui de rebus dubiis consultant, ab odio, amentia, ira, atque misericordia vacuos esse decet.*

5. Duci potest Exordium, ab insigni aliqua questione. Ita Tullius suum de Inventione Rhetorica librum auspicatur: *Sæpe & multum hoc mecum cogitavi, boni ne, an mali plus attulerit hominibus & civitatibus copia dicendi, ac summum eloquentiæ studium.*

Eodem ex fonte suum in (a) Rufinum carmen ducit Claudianus:

*Sæpe mihi dubiam traxit sententia mentem,
Curarent Superi terras, an nullus ineffet
Rector, & incerto fluereut mortalia casu.*

.....
*Abstulit hunc nobis Rufini pœna tumultum,
Absolvitque Deos. Jam non ad culmina rerum
Injustos crevisse queror. Tulluntur in altum,
Ut lapsu graviore ruant.*

6. Præclare admodum trahitur Exordium a suspensione, quæ mirifice præparat auditorum animos, magnæ alicujus rei expectatione: & illos acuit vehementi cupiditate sciendi quid demum sit illud, quod pollicetur Orator. Ita Cicero Verrina 1. *Quod erat optandum maxime, judices, & quod unum ad invidiam*

H 4

diam

(a) Rufinus Arcadii tutor affectat imperium, & a militibus occiditur.

diam vestri ordinis, infamiamque judiciorum secundam maxime pertinebat; id non humano consilio, sed præpe divinitus datum atque oblatum vobis summo Reip. tempore videtur. Inveteravit enim jam opinio perniciofa Reip. vobisque periculosa, quæ non modo Romæ, sed & apud exterarum nationum omnium sermone percrebuit, his judiciis quæ nunc fiunt, **PECUNIOSUM** hominem, quamvis sit nocens, nullum posse damnari.

Denique Exordium ab ipsis causæ visceribus, hoc est ab intimis causæ principiis trahendum est, & in illo solerter jacienda sunt argumentorum & affectuum omnia semina, quæ deinde retractata, fufius explicentur. Id vero non difficulter efficies, si ex Fabii Quintiliani præcepto diligenter intuearis, apud quos, pro quibus, contra quos, quo loco, quo tempore, quo rerum statu dicendum sit tibi; quid auditores ac judices sentire credibile sit; quis sit orationis tuæ scopus; quid petas, quid consequi velis. Hæc omnia ubi perspecta mature fuerint tibi, ipsa te magistra natura facile docebit, unde sit tibi capiendum orationis Exordium.

§. IV. De Officio, ac munere Exordii.

Quodnam est officium ac munus Exordii?

R. Triplex; ut nempe reddat auditorem benevolum, attentum, & docilem.

Unde reddet auditorem benevolum?

R. Ex quadruplici capite: 1. a persona Oratoris ipsius; 2. a persona adversariorum; 3. a persona auditorum vel judicum; 4. ab illius, pro quo dicitur, persona.

Quomodo reddet auditorem benevolum a persona Oratoris ipsius?

R. Si Orator modestiam, pudorem, probitatem, & ingenuum quendam candorem ore potius & re ipsa præ se ferat, quam verbis ostentet. Poterit tamen interdum sua merita, suum officium, suas virtutes, sed parce omnino ac sine arrogantia commendare; quod mirifice facit Tullius in oratione pro Archia, suo quondam magistro: *Si quid est in me ingenii,*

judices , quod sentio quam si exiguum , aut si qua exercitatio dicendi , in qua me non inficior mediocriter esse versatum , aut si hujusce rei ratio aliqua ab optimarum artium studiis ac disciplina profecta , a qua ego nullum confiteor ætatis meæ tempus abhoruisse ; earum omnium rerum vel in primis hic A. Licinus fructum a me repetere prope suo jure debet . Nam quoad longissime potest mens mea respicere spatium præteriti temporis , Et pueritiæ memoriam recordari ultimam , inde usque repetens , hunc video mihi principem & ad suscipiendam , Et ad ingrediendam rationem horum studiorum extitisse . Quod si hæc vox hujus hortatu præceptisque conformata nonnullis aliquando saluti fuit : a quo id accepimus , quo cæteris opitulari , Et alios servare possemus , huic profecto ipsi , quantum est situm in nobis , Et opem & salutem ferre debemus .

Quomodo colligetur benevolentia ab adversariorum persona ?

R. 1. Si dicamus, nos nimiam illorum eloquentiam , aut gratiam revereri , unde illa reddatur suspecta judicibus ; quod pulchre admodum facit Cicero pro Quintio : *Quæ res in civitate dux plurimum possunt , hæc contra nos ambæ faciunt in hoc tempore , summa gratia & eloquentia ; quarum alteram , C. Aquili , vereor , alteram metuo .*

2. Si illos in odium & in invidiam adduceres vitiorum , quibus laborant , commemoratione conemur : ut pro Dejotaro : *Crudelem (a) Castorem , ne dicam sceleratum & impium ; qui nepos avum in discrimen capitis adduxerit , adolescentiæque suæ terrorem intulerit ei , cujus senectutem tueri , Et tegere debebat .*

Quod si adversarius si vir bonus notæque probitatis ac fidei , Tullium imitaberis , qui cum pro Muræna diceret , Catonemque virum antiquæ virtutis haberet adversarium , non quidem in ejus vita moribusque quidquam culpavit ; sed tamen , ut illi quomodocumque fidem detraheret , sectam Stoicorum , cui se Cato totum addixerat , irridere cœpit :

H 5

id.

(a) Castor Dejotari nepos ex filia .

idque tam falsè , tamque facete , ut iudicium risu dissolveretur , & Cato ipse dixerit : *Quam (a) ridiculum habemus Consulem !*

Quomodo captabitur benevolentia a persona vel auditorum , vel iudicum ?

R. 1. Si eis confidere videatur Orator, ut pro Roscio Amerino . 2. Si suam causam cum eorum utilitate conjungat , ut passim in Philippicis . 3. Si eorum iustitiam , fidem , auctoritatem & dotes ceteras modeste commendet , ut in Exordio Milonianæ , ubi Tullius Pompejum laudat a sapientia iustitiaque , cum ait : *Sed me recreat Et reficit Cn. Pompeji sapientissimi Et iustissimi viri consilium , qui profecto nec iustitiæ suæ putaret esse , quem reum sententiis iudicum tradidisset , eundem telis militum dedere : nec sapientiæ , temeritatem concitatæ multitudinis auctoritate publica armare .*

Imo ne ipse quidem Paulus Apostolus hoc sibi negligendum putavit , cum pro se ipse diceret apud regem Agrippam , Actuum capite 25. *De his omnibus , quibus accusor a Judæis , rex (b) Agrippa , astimo me beatam , apud te cum sim defenjurus me hodie , maxime te sciente omnia , Et quæ apud Judæos sunt consuetudines , Et quæstiones . Propter quod obsecro patienter me audias .*

Quomodo paratur benevolentia a persona clientis , sive illius , cujus causa agitur ?

R. Si illius innocentiam virtutemque commendes : si illius calamitatem , amicorum inopiam & solitudinem conqueraris , ut Cicero pro Roscio Amerino .

Semperne laborandum est in exordio , ut captetur auditorum benevolentia ?

R. De captanda benevolentia non valde laborandum esse in causis illis , quæ per se sunt honestæ , sed tantum in iis , quæ sunt vel paradoxæ , vel dubiæ ,

(a) Plutarchus in vita Catonis .

(b) Agrippa ultimus Judæorum Rex , filius illius Herodis Agrippæ qui ab Angelo percutsus fuit .

biz , vel humiles . Quatuor enim causarum genera distinguit Divus Augustinus in eximio suo libro de Rhetoricæ principiis : *Honestas , incredibiles , dubias , & humiles* , quæ ab illo vocantur *ἠνδοξαί , παραδοξαί , ἀμφοδοξαί , ἄδοξαί* .

In humili quidem argumento se se maxima nonnunquam exercuerunt & ostentarunt ingenia ; ut olim Polycrates , qui murium panegyricum celebravit , & Lucianus , qui muscam laudavit . Inter juniores vero Majoragius scripsit encomium luti ; Calcagninus , post Psellum , ipsum *nihil* laudandum suscepit ; Umbram Janus Douza præconio celebravit : & nostræ ætate vir Cl. Daniel Heinsius asinum pediculumque laudavit .

In his vero , aliisque id genus humilibus causis , itemque in illis , quæ minus gratæ sunt auditoribus , opus est insinuatione , seu exquisitiore quadam arte , qua Orator subdole & latenter in auditorum animos irrepit .

§. V. De paranda attentione .

Undenam conciliatur attentio ?

℞. Conciliatur partim promissione , partim petitione : promissione quidem , si polliceamur nos esse dicturos de rebus vel novis , vel magnis , vel utilibus , vel jucundis . Ita Horatius Od. 1. lib. 3.

Carmina , non prius

Audita , Musarum Sacerdos ,

Virginibus puerisque canto .

Sic etiam in primis Cicero pro Rabirio : *Sic enim existimare debetis , Quirites , post hominum memoriam , rem nullam magis periculosam , magis ab omnibus vobis providendam , nec a Tribuno plebis susceptam , neque a Consule defensam , neque ad populum R. esse delatam* . Hoc etiam egregie præstitit Marco , quando de apibus dicturus , ita cecinit 4. Georg.

Protinus aerii mellis cœlestia dona

Exequar . Hanc etiam , (a) Mæcenat , aspice partem .

H 6

Ad-

(a) Mæcenat apud Augustum gratiosissimus , postarum patronus munificus .

Admiranda tibi levium spectacula rerum ,
 Magnanimosque Duces , totiusque ordine gentis
 Mores , & studia , & populos , & prælia dicam .
 In tenui labor , at tenuis non gloria

Nolim tamen montes , ut ajunt , aureos in ipso
 dicendi initio semper polliceatur Orator : nec sic
 incipiet , ut (a) Mævius ille , quem ridet Horatius :
 Fortunam Priami cantabo & nobile bellum .

Multoque sane cautius mihi videtur facere , qui
 cum Homero simpliciter & verecunde sic exorditur :

Die mihi , Musa , virum captæ post tempora
 Trojæ ,

Qui mores hominum multorum vidit , & urbes :

Quam si magnificentius sic incipias cum Lu-
 cano :

Bella per Emathios plusquam civilia campos . .

Aut si tumidum illum turgidumque imiteris
 Claudiani procœmium *de raptu Proserpinæ* :

Inferni raptoris equos , afflataque curru

Sidera Tænario , caligantesque profundæ

Junonis thalamos audaci promere cantu

Mens congesta jubet .

Quod si satis apparet , rem , de qua agitur , esse
 abjectam & exilem , plus efficiet Orator ; si rotun-
 dæ statim & ingenue profiteatur , se se in re omni-
 no tenui laborare , quam si grandia nequidquam pol-
 liceatur ; sed causæ tenuitatem æquitate , vel ne-
 cessitate , vel aliunde compensare conabitur ; ut
 Cic. Philippica 7. *Parvis de rebus , sed fortasse ne-
 cessariis consulimur , P. C. de Appia via & de (b)
 moesta .*

2. Conciliandæ attentionis ratio est *petitio* ; cum
 scilicet auditores rogamus , ut studiose ac diligenter
 velint attendere , ut Cicero pro Sexto Roscio : *Qua-
 propter vos oro atque obsecro , judices attente bona-
 que cum venia verba mea audiat .* Quam-

(a) *Hic est ille Mævius , quem carpit Virg. Qui
 Bavium non odit , amet tua carmina , Mævi .*

(b) *Vel de templo Junonis Monetæ reficiendo , vel
 de pecunia eudenda .*

Quamvis autem sub ipsum Exordium postulari soleat attentio, satius tamen erit interdum illam in ipso orationis decursu postulare, cum scilicet auditoris animus, initio arrectus & alacer, languescere incipit, & defatigatz illius aures incipiunt peregrinari, ut solet. Hoc egregie præstitit Tullius pro Cluentio, dum sic ait: *Vos, quæso, ut adhuc me attente audistis, item, quæ reliqua sunt audiat. Profecto nihil a me dicetur, quod non dignum hoc conventu & silentio, dignum vestris studiis atque auribus esse videatur.*

Quomodo comparabitur docilitas?

R. Tribus maxime rebus. 1. Si brevem te fore promittas, flesque promissis. Ut enim eleganter & ingeniose monet Tullius, multo satius est, ut Orator desinat, quam si deficiat; & Auditor cum desiderio, quam si cum fastidio ac satietate recedat. Atque in Oratores nimis longos belle omnino quadrant ultima hæc artis poeticæ verba:

Indoctum doctumque fugat recitator acerbus.

Quem vero arripuit, tenet occiditque legendo,
Non missura cutem, nisi plena cruoris (a) Hirudo.

2. Comparabitur docilitas, si breviter, dilucide, simpliciterque proponas, qua de re dicturus sis.

3. Fiet docilis auditor, si tuam orationem in duo, vel tria ad summum capita perspicue partiaris; ut cum ait Tullius Philippica 7. *Cur pacem nolo? quia turpis est, quia periculosa, quia esse non potest. Quæ tria dum explico, peto vobis, P. C. ut eadem benignitate, qua solatis, verba mea audiat.* Sed quoniam permagni interest ad eloquentiam, quemadmodum proponat, & orationem suam partiatur Orator, & quia hic locus est in tota Rhetorica longe difficillimus, tyronibus præsertim; de utroque illo capite accuratius nobis esse disputandum arbitramur.

§. VI.

(a) *Hirudo*, Ital. sanguisuga, est pisciculus instar exigui serpentis, qui ad sugendum vitiosum sanguinem cuti solet applicari, nec avelli, nisi sanguine oppletus potest.

§. VI. De Propositione.

Quænam sunt Propositionis virtutes, ac dotes?

R. Quinque vulgo assignantur propositionis dotes. 1. est, ut simplex sit unaque, non vero multiplex. Ex illius enim unitate omnino pendet orationis unitas; semperque meminisse debet Orator eximii illius, numquamque satis inculcandi Horatiani præcepti:

Denique sit quodvis simplex dumtaxat & unum.

Quid est porro una simplexque propositio?

R. Una simplexque dicitur illa propositio, quæ constat una simplicique sententia, v. g. *Pax est conficienda. Injuriae sunt condonandæ*, &c.

2. Propositionis dos est, ut sit ita clara, ut non modo nullo labore intelligatur, sed etiam ut non possit non intelligi; quemadmodum ista: *Optimum est fugiendum*. 3. dos est, ut omnia totius orationis argumenta, partesque omnes in illam velut in scopum metantque colliment. 4. dos est, uti tractari copiose & ornari facile possit, & amplam dicendi segetem suppeditet. Recte enim monet Horatius, ne jejenum dicendi sumas argumentum, & quæ desperas tractata nitescere posse, relinquant. 5. dos est, ut propositio vel ipsa novitate percellat, vel insigni aliqua utilitate placeat, quæ duo vel maxime conciliare solent attentionem atque benevolentiam.

Quomodo novitatem habebit propositio?

R. Si argumentum ita proponatur, ut ex trito vulgarique fiat inusitatum, & auditorum animos statim erigat seriatque; v. g. trita est vulgarisque hæc propositio: *Homo multorum sibi malorum auctor est*, nihilque admodum dignum habet attentione. Fiet vero nova & admirabilis, si dicas cum Chrysostomo: *Nemo læditur, nisi a seipso*; vel, *Nemo miser, nisi qui velit*. Item vulgaris est hæc propositio: *Mali aliquando sunt utiles virtuti*; itemque ista: *Mors minus dura accidit miseris, quam felici-bus*. Fiet autem illico utraque nova mirificaque,

si di-

si dicas , *Virtutem plus interdum improbis debere , quam probis : & Felicitatis genus esse infelicem mori.*

Quomodo utilitatem habebit propositio?

℞. Utilitatem habere solent propositiones illæ , quæ contemplativæ non sunt , sed activæ (si duobus illis Senecæ vocibus nobis uti fas est) . Contemplativæ porro dicuntur illæ , quæ in sola cognitione versantur , quemadmodum ista : *Stultorum infinitus est numerus* . Activæ contra dicuntur propositiones illæ , quarum finis est aliquid efficere , ut , *Ferenda sunt amicorum vitia* .

§. VII. De Divisione .

Cur adhiberi solet in oratione Divisio , sive Partitio ?

℞. Tribus potissimum de causis . 1. Quia lumen affert orationi . 2. Quia juvat memoriam Oratoris , & auditorum . 3. Quia levat audiendi fastidium ; recreatur enim animus admonitione singularum partium orationis : quemadmodum viatorem reficiunt spacia certis lapidibus & intervallis distincta , ut ait (a) Rutilius in Itinerario :

Intervalla viæ fessis præstare videtur

Qui notat inscriptus millia multa lapis .

Quenam sunt leges Divisionis .

℞. Quatuor . 1. est , ut Divisio sit plena ; hoc est , ut partes illius , sive membra omnino complectantur & adæquent propositionem , quæ dividitur . 2. est , ut membra illa sint opposita , neque unum in altero contineatur . 3. est , ut Divisio habeat partes duas , tresve ad summum , vix plures . Si enim nimium concisa sit , & , ut loquitur Fabius , nimium articulosa , offundet orationi tenebras , parietque obscuritatem illam , contra quam fuit inducta . 4. dos est , ut sit plana , simplex & quasi obvia , non vero ad artis & ingenii ostentationem longius accersita .

De

(a) Rutilius natione Gallus , floruit sæculo quarto . Scripsit Itinerarium versu supra hanc ætatem eleganti .

De Narratione, quæ est secunda orationis pars, fusius & uberius dictum est in secundo capite Elementorum Rhetoricæ.

C A P U T II.

De Confirmatione.

Quid est Confirmatio?

R. Et pars orationis, in qua firmamenta, seu robora causæ afferuntur.

Quot sunt partes Confirmationis?

R. Dux. 1. est Confirmatio proprie dicta, in qua ea, quæ pro nobis sunt, firmamus ac stabilimus. 2. est Confutatio, in qua contrarias adversariorum rationes refellimus. Hinc liquet, Confirmationem esse præcipuam ac potissimam Orationis partem, quæ quasi viscera, vitamque illius contineat, totamque persuadendi spem in ea maxime parte sitam esse, unde πείσσις, seu fides jure nuncupatur ab Aristotele.

§. I. De Confirmatione proprie dicta.

Quomodo tractanda est Confirmatio proprie dicta?

R. Per Argumenta & per Argumentationes.

Quid est Argumentum?

R. Est probabile inventum ad faciendam fidem.

Quid est Argumentatio?

R. Et argumenti fusior & artificiosa dilatio.

Quid differt inter Argumenta, & Argumentationes?

R. Hoc interest, quod Argumentatio sit modus, sive ratio, qua argumentum tractatur: Argumentum vero sit ipsa argumentationis materia. Unde argumenta ex se jejuna sunt & imbecilla, nisi accedat artificiosa illorum explicatio.

Unde petuntur argumenta ad Confirmandum idonea?

R. Petuntur a locis tum intrinsicis, tum extrinsecis, de quibus accurate dictum est a nobis lib. 1.

Quo ordine collocanda sunt argumenta in Confirmatione?

R. Fir-

& Firmiora partim in principio collocanda sunt, quia tunc vel maxime attendit auditor : partim in fine , quia , quæ postremo dicuntur , alius inherrent : imbecilliora vero collocanda sunt in medio , ubi magis latebit eorum infirmitas : quemadmodum imbecilliores milites, qui fugam , audita buccina , circumspiciunt , in medium agmen cogi solent , ut qui per se parum possunt , turba valeant . At si causa duobus tantum argumentis nitatur, quorum alteram validius sit , alterum infirmius , tunc imbecillius subjicietur quidem validiori , sed mox ad validius recurretur .

Quot sunt argumentationum species , seu quot modis tractari possunt argumenta ?

& Quatuor sunt præcipue species argumentationis: *Syllogismus*, seu *Ratiocinatio*, *Enthymema*, *Inductio* , & *Exemplum* . His adde *Soritem* , & *Epichærema* .

§. II. De Syllogismo .

Quid est Syllogismus .

& Duplex distinguitur Syllogismus , seu Ratiocinatio . Alius est Philosophicus , alius Oratorius . Syllogismus Philosophicus est argumentatio constans tribus propositionibus distinctis & explicatis , quæ sic inter se connectuntur , ut concessis duabus primis . quarum altera *major* , altera *minor* , quia minus late patet , appellatur , necessario concedenda sit tertia , quæ *consequentia* dicitur ; v. gr.

Omnis ars honesta est amplectenda :

Rhetorica est ars honesta :

Ergo Rhetorica est amplectenda .

Syllogismus Oratorius est ratiocinatio constans quinque partibus , certo inter se ordine connexis ; unde etiam vocatur *Syllogismus perfectissimus* .

Quænam sunt partes Syllogismi Oratorii ?

& Quinque numerantur . 1. est *Propositio* . 2. *Propositionis probatio* . 3. *Assumptio* . 4. *Assumptionis probatio* . 5. *Conclusio* . Habes insigne quoddam Syl-

Syl

Syllogismi Oratorii exemplum in libro 1. de Inventione, ubi luculenter demonstrat Cicero, Divina Providentia mundum gubernari. Sed quod exiliter & jejune dixisset Philosophus in hunc ferme modum: *Illud Divina providentia administratur, quod optime administratur: sed mundus optime administratur; igitur mundus divina providentia administratur*, idipsum Tullius oratorio more ita pertractat:

Melius accurantur quæ consilio geruntur quam quæ sine consilio administrantur. Et hæc est Propositio.

Domus ea, quæ ratione regitur, omnibus instructior est rebus & apparatus, quam ea, quæ temere & nullo consilio administratur. Exercitus is, cui præpositus est sapiens & callidus Imperator, omnibus partibus commodius regitur, quam is, qui stultitia & temeritate alicujus administratur. Eadem navigii ratio est. Nam navis optime cursum conficit ea, quæ scientissimo gubernatore utitur. Et hæc est Propositionis probatio.

Nihil autem omnium rerum melius, quam mundus administratur. Et hæc est Assumptio.

Nam & signorum ortus & obitus definitum quemdam ordinem servant; & annuæ commutationes non modo quadam ex necessitate semper eodem moto sunt, verum ad utilitates quoque rerum omnium sunt accommodatæ, & diurnæ nocturnæque vicissitudines nulla in re unquam mutatae quidquam nocuerunt. Et hæc est Assumptionis probatio.

Quæ signa sunt omnia non mediocri quodam consilio naturam mundi administrari. Quæ est Complexio, sive Conclusio.

Semperne constat quinque illis partibus Syllogismus oratorius?

R. Nequaquam. Si enim perspicua sit vel Propositio, vel Assumptio, tunc omittitur illius Probatio; & ita fit Syllogismus quadripartitus. Quod si etiam perspicua videatur utraque, tunc probatione nihil opus erit; & ita tripartitus fiet Syllogismus.

Quid vero intererit inter Rhetorem & Philosophum; si uterque tripartitum Syllogismum adhibeat?

R. Hoc

R. Hoc intererit , primo quod Philosophus ea maxime querat argumenta , quæ possint scientiam aut certam opinionem efficere : Rhetori vero sufficiant , ut plurimum , probabilia . Alterum discrimen est in argumenti tractandi ratione positum . Philosophus enim tres propositiones ordine collocat , quem ordinem *formam* appellant : Rhetoris vero industria in eo posita est , ut propositiones illas invertat , amplificet , verbis ornet , figuris illuminet , artem denique totam diligenter tegat . Hinc acute admodum agebat (a) Zeno Philosophus , *Logicam , seu dialecticam similem esse pugno , seu manui complicatæ ; Rhetoricam vero palmæ seu manui explicatæ , atque exporrectæ similem esse .*

Numquamne logicus & naturalis servatur ordo in Syllogismis oratoriis ?

R. Servatur aliquando non solum ab Oratoribus , verum etiam , quod mirum sane videatur , ab ipsis Poetis , ut in illo Persii exemplo , Satyra 5.

An quisquam est (b) alius liber , nisi ducere vitam Cui licet ; ut voluit ? Licet , ut volo , vivere ; non sum Liberior Bruto ?

Qui profecto integer est Syllogismus , & ordinem eum plane servat , qui tradi solet a Logicis . Sic enim hoc loco dialecticum prorsus in morem argumentatur Persius :

Nemo magis liber est quam is , cui licet ducere vitam , ut vult :

Atqui mihi licet ducere vitam , ut volo :

Ergo liber sum , & ipso etiam Bruto liberior .

§. III. De Enthymemate .

Quid est Enthymema ?

R. Est pars Syllogismi , seu Syllogismus imperfectus .

Quot partes habet Enthymema ?

R. Duas ,

(a) Zeno Stoicorum inventor , & princeps , floruit post Alexandri M. mortem . (b) Perfectus in Poeta Syllogismus .

R. Dux, quarum prima vocatur a Logicis *Antecedens*, altera *Consequens*: v. g. *Omnes artes sunt expetendæ. Ergo eloquentia est expetenda.*

Hinc est quod Enthymema jure optimo *curtum* vocatur a Juvenali Sat. 6. in mulieres:

Non habeat matrona, tibi quæ juncta recumbit,
(a) Dicendi genus, aut curtum sermone rotato
Torqueat Enthymema, nec Historias-sciat omnes.

Vocatur, inquam, *curtum*, quod sit argumentatio quasi mutila, & una propositione veluti truncata; quæ si addatur, fiet integer Syllogismus.

Quomodo fit Enthymema?

R. Fit omittendo vel propositionem, vel assumptionem, seu ut Logici loquuntur omittendo *majorem*, vel *minorem*; v. gr. *Clodius infidias struxit Miloni: ergo Clodius jure fuit occisus: vel, Quicumque alteri struit infidias, jure ab illo occiditur; ergo Clodius jure fuit occisus a Milone.*

Unde nomen suum traxit Enthymema?

R. Ἀπὸ τοῦ ἐνδυµῆσθαι, quod est mente concipere, cogitare, quod scilicet tertia propositio, quæ verbis non effertur, mente retineatur.

Quodnam est optimum Enthymematis genus?

R. Illud est, quod fit a contrariis, cujusmodi est apud Sallustium illud (b) Micipsæ ad (c) Jugurtham: *Quem alienum fidum invenies, si tuis hostis fueris?* Erat etiam acutius ac validius Enthymema, si fiat per interrogationem. Tale est illud Medæ apud Senecam:

Servare potui: Perdere num possim, rogas?

Cui Enthymemate magis gaudere vulgo dicitur Orator, quam Syllogismo?

R. Tribus de causis. 1. Ut occultet artificium, quod scilicet agnitum, causæ magis obest, quam prodest. Hinc etiam cum utitur Syllogismo, partes ejus

(a) Non loquatur ex arte & secundum præcepta Rhetoricæ. (b) Micipsa patruus Jugurthæ, & Massinissæ filius. (c) Jugurtha Numidarum rex a Pompejo victus.

ejus fere traſponit . 2. Ne videatur auditorum ingenuis diffidere , quaſi neceſſe ſit , omnes Syllogiſmi partes ſigillatim exprimi . 3. Quia Enthymema validius percellit adverſarios , illoſque (a) punctim , ut ajunt , caſumque ferit , unde *jaculum ac telum* Oratoris vocari ſolet . Vide , quo modo Tullius Enthymemate ferit Antonium : *Pacem vult Antonius? arma ponat : quaſi diceret : Non arma ponit Antonius? ergo non vult pacem .*

§ IV. De Inductione .

*Q*uid eſt Inductio ?

R. Eſt argumentatio , quæ ex multis ſingularibus enumeratis aliquid concludit . Ita Seneca variarum rerum enumeratione magnifica , concludi : ſolam in homine virtutem eſſe laudandam : *Navis bona dicitur , non quæ pretioſis coloribus picta eſt , nec cui argenteum , aut aureum roſtrum eſt , ſed quæ ſtabiliseſt , firma , velox & conſentiens vento . Gladium bonum dices , non cui deauratus eſt (b) baltheus , nec cui vagina gemmis diſtinguitur ; ſed cui ad ſecundum ſubtilis eſt acies . (c) Regula non quam formoſa , ſed quam recta ſit , quaeritur . Ergo in homine quoque nihil ad rem pertinet , quantum aret , a quam multis ſalutetur , ſed quam bonus ſit .*

Inductio non ſolum Oratoribus perſamiliaris eſt , ſed etiam Poetis , in primis Ovidio , qui illa majorem in modum delectabatur . Unum hic exemplum afferemus exemplum , quo infelix ille Poeta , dum exularet in Scythia , uxoris ſuz dolorem conſolatur Triftium libi 4. probando per inductionem , aſperas res gloriæ ſegetem & materiam eſſe :

Materiamque tuis triſtem virtutibus imple :

Ardua per præceps gloria vadit iter .

Hæcſora quis noſſet , felix ſi Troja fuiſſet ?

Publica virtutis per mala facta via eſt .

Ars

(a) Ital. *Di punta , e di taglio .*

(b) Ital. *Cingolo , pendone .* (c) Ital. *Riga .*

Ars tua , (a) Tiphys , jacet , si non sit in æquore flu-
sus :

Si valeant homines , (b) ars tua , Phœbe , jacet .

Sic etiam apud Virgilium , Æneas probat per in-
ductionem , viventi sibi iter ad inferos nequaquam
interclusum esse debere :

Si potuit manes arceffere conjugis Orpheus

Threicia fretus cithara , fidibusque canoris :

Si fratrem Pollux alterna morte redemit ,

Itque reditque viam torques . Quid Thesea magnum ,
Quid memorem Alciden ? & mi genus ab Jove
summo .

Quid observandum est in Inductione ?

℞. Duo diligenter cavenda sunt . 1. Ut quæ su-
muntur , certissima sint . 2. Ut id , cujus confirman-
di causa sit inductio , iis , quæ sumuntur , simile sit .

§. V. De Exemplo .

Quid est Exemplum ?

℞. Est Inductio imperfecta , qua ab uno simili
argumentamur ad aliud . Cujusmodi exemplum ha-
bes in Miloniana ubi probat Tullius , non esse con-
demnandum Milonem , quod Clodium occiderit ,
cum nec Horatius ob sororem necatam fuerit con-
demnatus . Sed vide quomodo exemplum illud
illustret Cicero : *Negant intueri lucem esse fas ei ,
qui a se hominem esse occisum fateatur . In qua tandem
urbe hoc homines stultissimi disputant ? Nempe in ea ,
quæ primum judicium de capite vidit M. Horatii for-
tissimi viri , qui nondum libera civitate , tamen populi
R. Comitibus liberatus est , cum sua manu sororem esse
interfectam fateretur . Similiter apud Virgilium Æ-
neid. 1. Juno furore percita concludit ab exemplo ,
licere sibi omnino in Æneam , & Trojanos , quod
Palladi licuit in Ajacem & Argivos .*

Pallas ne exurere classem

Argivum , atque ipsos potuit submergere ponto
Unius

(a) *Tiphys Argonautarum navis in expeditione Col-
chica gubernator .* (b) *Apollo medicinæ inventor .* 6

Unius ob noxam & furias Ajacis Oilei (a) ?

.....
 Ast ego, quæ Divum incedo regina, Jovisque
 Et soror & conjux, una cum gente tot annos
 Bella gero?

§. VI. De Dilemmate.

Q *Uid est Dilemma?*

R. Est argumentum constans duabus partibus contrariis, quæ utrinque adversarium capiunt. Unde etiam Syllogismus cornutus appellatur, quod nempe illius cornus sicut ita disposita, ut qui unum effugerit, in alterum incurrat. Sic belle omnino probabis Dilemmate, quemvis dolorem æquo animo esse tolerandum: *Nam omnis dolor aut est vehemens, aut levis: si levis, facile feretur; si vehemens, certe brevis futurus est.* Ita Cic. Philip. 5. probat hoc Dilemmate non esse mittendos legatos ad Antonium: *Legatos decernitis. Si ut deprecantur, contemnet; si ut imperetis, non audiet.*

Hoc eodem argumentandi modo recte damnatur Lucretia illa, quæ a Sexto Tarquinio vi oppressa, sibi mortem intulit;

(b) Si fuit ille tibi, Lucretia, gratus adulter;

Immerita ex meritis præmia morte capis.

Sin potius casto vis est allata pudori;

Quis furor est, hostis crimine velle mori?

Frustra igitur laudem captas, Lucretia; namque

Vel furiosa tuis, vel scelerata cadis.

Unde nomen suum traxit Dilemma?

R. Ad adverbio Græco δις, bis & a voce (c)

λήμμα, sumptio, captio, quod nimirum utrinque capiat adversarium.

Qua ratione solvi potest Dilemma?

R. Du.

(a) Ob violatam Cassandram in Palladis templo ab Ajace Oilei filio. Alter erat Ajax filius Telamonis. Uterque fortis et furens. (b) Renatus Laurentius in Comm. Tertull. (c) A verbo λαμβάνω, capio,

¶. Duplici . 1. Si universum Dilemma torqueas in ipsum auctorem : cujusmodi exemplum affert Aristoteles lib. 2. Rhetoricorum : *Sacerdos quidam maximopere dissuadebat filio , ne ad populum verba faceret ; nam si injusta suaseris , inquit , habebis Deus iratos : si vero justa iratos habebis homines .* Hoc Dilemma sic in matrem ipsam torfit ingeniosus adolescens : *Immo , inquit , expedit ad populum verba facere . Nam si justa dixero , Dii me amabunt : si injusta , homines .*

Ejusmodi fuit etiam celeberrimum illud Dilemma , unde se expedire nunquam potuerunt (a) Areopagitæ , qui licet mortalium sapientissimi vulgo haberentur , ortam tamen ex illo Dilemmate litem prorsus injudicatam reliquerunt . Cum enim in Protagoræ Rhetoris disciplinam se quidam adolescens tradidisset , grandemque pecuniæ summam illi ex pactione fuisset pollicitus ea lege , ut primam omnium , quam esset habiturus , litem obtineret ; jam plene ac perfecte præceptis intimæ artis eruditus , mercedem omnino negat . Litem intencat illi magister : *Et debes , inquit , omnino mercedem , quo res cumque vertat . Si enim vicerò , debes , ut condemnatus : si viceris , debes ex pacto . Immo , inquit versipellis discipulus , quo res cumque vertant , nihil habebis . Si enim causam vicerò , ex judicium sententia nihil debeo : si vero causa cado , jam tibi ex pactis debeo nihil .*

2. Solvitur Dilemma , si alterutram illius partem infirmare possis , vel si ostendas aliquid medium inter duas propositiones intercedere . Sic cum servus ab hero forte percussus , illum hoc repentino Dilemmate petisset : *Si sum improbus , cur mea literis opera ? si probus , cur , aut quorsum tandem me percutis ?* Hoc Dilemma sic in servum acute retorfit herus : *Non te percutio , quia probus es ; sed ut ex improbo fias aliquando probus .*

§. VII.

(a) Areopagitæ judices austeri & incorrupti , qui Athenis in templo Martis judices erant causarum capitalium .

§. VII. De Crocodilo, & de Argumento insolubili.

Huc referri potest Crocodilus, de quo pauca sunt hoc loco delibanda.

Quid est Crocodilus?

℞. Est argumentationis species captiosa & fallax, quæ incautos, quibuscumque quasi vinculis irretitos, inducit in fraudem. Vocatur autem *Crocodilus*, ob hanc, quam Poetæ finxere, causam.

Crocodilus oranti mulierculæ, ut filium, dum forte juxta flumen ambularet, abreptum, sibi redderet, respondit redditurum utique, si ad propositam quæstionem verum diceret. Hæc autem fuit quæstio: *Filium reddam tibi, necne?* Ad hæc mulier anxia, fraudemque suspicata, respondit: *Non reddes; Et ob eam causam reddi debere, quod nempe verum dixisset.* Mentiris, inquit vaser Crocodilus: *si enim reddidero, verum non eris locuta. Reddere ergo non possum, quin falsa dixeris.*

Huc etiam revocantur propositiones, quas vocant *mentientes*, sive *insolubiles*, quæ se omnino destruant: cujusmodi est hæc Cretensis cujusdam Poetæ: *Omnes ad unum Creteneses semper mentiuntur.* Ergo non mentitur certe quidem Poeta Cretensis, dum illos semper mentiri asseverat: Unde non sunt omnes semper mendaces.

§. VIII. De Sorite & Epicheremate.

Quid est Sorites?

℞. Est argumentatio, qua ex multis propositionibus gradatim, minutatim, & velut acervatim congestis aliquid infertur. Unde *Syllogismus acervalis* vocatur a Tullio. Hoc acervali captiosoque argumentandi genere utebatur olim Themistocles, dum per risum jocumque dictitabat, filium suum, licet nondum triennem, toti tamen terrarum orbi imperare. Sic enim lepide agebat: *Meus filius imperat matri, illo mihi, ego Atheniensibus, Athenienses Græciæ, Græciæ Europæ, Europa toti orbi. Ergo filiolus meus imperat toti terrarum orbi.*

In hoc disputandi genere frequentes erant (a) Stoici, & illorum princeps Zeno. Sed maxime omnium illo delectatus dicitur (b) Chrysippus, ut Socrates Inductione, & Ironia. Sed hoc genus argumenti sæpe solet esse captiosum & fallax. Quam enim sensim & minutatim multa coacervantur, facile est injicere respondententi laqueos, & periculosam illi telam texere. Retexere igitur oportebit & seorsim singula considerare, sicque facilius universa frangentur.

Cedo denique etymon illius vocis Sorites.

R. Habes germanissimum etymon in hac voce Græca σωρίτης, cumulus, acervus, unde σωρίτης sorites argumentum acervale.

Quid est Epicherema?

R. Est Enthymema contractum, cujus duæ propositiones in unam conferuntur; ut, *Sine causa dominum servus accuset?* In hac enim una propositione continentur hæ duæ: *Non debet servus temere & sine causa dominum incusare; ergo servus & medicus regis Dejotari non debet illum temere apud Casarem incusare.*

De his omnibus argumentationum generibus habes splendidam atque uberem tractationem in Acroasibus Cl. Viri Jacobi Facciolati.

C A P U T I I I.

De Confutatione.

⑤ *Uid est Confutatio?*

R. Est pars orationis, in qua rationes contra nos pugnantes refellimus.

Quomodo fit Confutatio?

R. Fit primo negatione mera, cum scilicet rem allatam ab adversario falsam omnino esse dicimus; aut illam absurdam, incredibilem, repugnantem

(a) Stoici Philosophi, qui summum bonum in virtute ponebant, sic dicti a σῶα, id est, porticus. inquam convenire solebant. (b) Chrysippus Stoicus Philosophus, Zenonis auditor.

tem esse demonstramus . Ita Cic. pro Quintio rem negat aperte . *Negamus, te bona Quintii, Sexte Navi, possedisse ex edicto Prætoris* . Sic etiam pro Roscio perspicue demonstrat parricidii crimen , cuius insinuat Roscius , ab illius vita moribusque prorsus alienum esse : quem locum , quia longior est , omitto .

2. Fit Confutatio, cum factum non negamus, sed excusamus , & jure factum fuisse contendimus . Sic Tullius pro Rabirio (a) Saturnini mortem , quæ illi objiciebatur , adeo non expavescit ut scelus , ut potius illius auctorem exoptet fuisse Rabirium : *Arguis occisum esse à C. Rabirio L. Saturninum, & id C. Rabirius multorum testimoniis, Q. Hortensio copiosissime defendente, antea falsum esse docuit. Ego autem, (b) si mihi esset integrum, susceperem hoc crimen, agnoscerem, confiterer. Utinam hanc mihi facultatem causa concederet, ut possem hoc prædicare, C. Rabirii manu, L. Saturninum hostem populi R. interfectum.*

3. Fit Confutatio , cum adversarios pari , vel etiam majori re objecta , vicissim laceessimus , ut periti duces solent , qui hostium vires distrahunt , & alio avertunt . Talis est apud Virgilium disputatio pastorum , in qua sic prior incipit Damœtas :

(c) Dic quibus in terris (& eris mihi magnus Apollo)

Tres pateat cœli spatium non amplius ulnas?

Mopsus impar respondendo , nova quæstione conatur irretire Damœtam :

Dic quibus in terris inscripti nomina regum.

Nascantur flores (d) : & Phillida solus habeto .

I 2

4. Con.

(a) Saturninus Tribunus plebis seditiosus , qui cum res novas moliretur a ferro occisus fuit in ipso Capitolio . (b) Ital. Se fossi più a tempo , se fesse in mia mano . (c) Vide Interpretes : quorum nonnulli hæc ad Cælii cujusdam sepulcrum referunt . (d) Nummi Augusti , in quorum aversa parte erant flores , cum hac

in-

4. Confutatio fit per indignationem atque contemptum; cum nempe generosa quadam fiducia, quæ nobis obijciuntur, spernere ac dedignari videmur. Hujusmodi singulare omnino, nobileque in primis habes exemplam in 37. Livii libro, ubi magnus ille Scipio Africanus, post tot res præclare gestas, invidorum, ut fit, calumniis appetitus, & in jus ad causam dicendam vocatus: *Silentio facto: Hoc, inquit, die, (a) Tribuni plebis, vosque Quirites, cum Hannibale, & Carthaginiensibus, signis collatis in Africa, bene ac feliciter pugnavi. Itaque cum hodie litibus, & jurgiis supersederi æquum sit, ego hinc extemplo in Capitolium, ad Jovem Optimum Maximum, Junonemque, & Minervam, ceterosque Deos, qui Capitolio, atque Arci præsident, salutandos ibo: iisque gratias agam, quod mihi & hoc ipso die, & sæpe alias egregie Reipublicæ gerendæ mentem facultatemque dederunt. Vestrum quoque, quibus commodum est, ite mecum, Quirites, & orate Deos, ut mei similes Principes habeatis.*

Aliquando etiam valde utile erit in confutatione jocos, sales & facetias, etiam in rebus seriis adhibere; quæ si nec in nimiam scurrilitatem degenerent, nec in atrocius maledictum, nec in nimiam dicacitatem, mirum quantum cautæ proficiat, & animos auditorum exhilarent.

Postremus denique refutandi modus fit per compensationem; cum scilicet neque factum negamus, neque jure factum contendimus; sed alio quodam præclaro facto abunde compensari ostendimus. Sic Horatius, qui sororem interfecerat, judicio populi Rom. fuit absolutus, magis admiratione virtutis, quam jure causæ, inquit Livius.

CA-

inscriptione: L. Aquilius Florus III. vir. Sunt qui de flores hyacinthi interpretantur cum vulgo.

(a) Tribuni plebis erant Magistratus, Populi defensores & custodes.

CAPUT IV.

De Peroratione .

*Q*uid est Peroratio?

R. Peroratio, sive Epilogus, est ultima orationis pars, in qua id, quod tota oratione expetebat Orator, majori vehementia evincere & obtinere contendit. Ita Quintilianus.

Quot partibus constat Peroratio?

R. Duabus: Enumeratione & Motu, seu Affectuum commotione.

§. I. De Enumeratione .

*Q*uomodo fit Enumeratio in Peroratione?

R. Fit, cum ea, quæ per totam orationem varie sparsa sunt, summam colligimus, & sub uno veluti aspectu ponimus, per Anacephalæosim, seu recapitulationem, quæ est rerum fuse dictarum brevis & artificiosa repetitio,

Cedo illustre aliquod exemplum Enumerationis per Anacephalæosim.

R. Exemplo esse poterit Epilogus iste in Maniliana, qui tamen partis tantum est, non vero totius Orationis: *Quare videte, num dubitandum vobis sit omni studio ad id bellum incumbere, in quo gloria nominis vestri, salus sociorum, vestigia maxima, fortunæ plurimorum civium cum republica defenduntur. Et rursus in eadem Orat. Quare cum bellum ita necessarium sit, ut negligi non possit; ita magnum, ut accuratissime sit administrandum; Et cum si Imperatorem præficere possitis, in quo sit eximia belli scientia, singularis virtus, clarissima auctoritas, egregia fortuna: dubitabitis, Quirites; quin hoc tantum boni, quod a Diis immortalibus oblatum & datum est, in rempublicam conservandam, atque amplificandam conferatis?*

Quid observandum est in Enumeratione, seu Anacephalæosi?

R. Duo maximopere sunt observanda. 1. Ut cursum, & raptim repetas ea dumtaxat, in quibus cau-

sa potissimum consistit, & quæ maxime velis auditorum animis inhzrere. Si enim omnia minutatim repetas, non erit *Peroratio*, sed nova quædam *Oratio* inquit Fabius.

2. Quæ disperse diffuseque dicta sunt, ita summam enumerabis, ut ea cum novo aliquo pondere dicantur, figurisque illuminentur, & ornentur sententiis; ne scilicet videatur (a) *crambe repetita*, inquit Satyricus, si nimis jejuna sit, nudaque repetitio. Vide quam sententiosa sit, quam referta rebus & verbis Anacephalæosis illa, qua Ajax apud Ovidium, suam contra Ulysssem & pro se orationem ita concludit:

Nec Clypeus vasti (b) cælatus imagine mundi

Conveniet timidæ, natæque ad furta sinistræ.

Debilitaturum quid te petis, improbe, munus?

Quod tibi si populi donaverit error Achivi,

Cur spolieris, erit, non cur metuaris ab hoste,

Et fuga, qua sola cunctos, timidissime, vincis,

Tarda futura tibi est, gestamina tanta trahenti.

Adde quod iste tuus tam raro prælia passus,

Integer est Clypeus nostro, qui tela ferendo

Mille patet plagis, novus est successor habendus.

Denique quid verbis opus est? Spectemur agendo:

Arma viri fortis medios mittantur iu hostes:

Inde jubete peti, & referentem oruate relatis.

§. II. De Affectuum Commotione.

Altera Perorationis pars, munusque alterum est affectuum concitatio: quod quidem ita proprium est illius, ut propterea Peroratio *Sedes affectuum* a magistris artis appelletur; quod nempe in eo potissimum loco debeat orator omnia orationis vela pandere, omnes eloquentiæ fontes aperire, & auditorum animis quasi faces stimulosque subicere.

Quomodo concitari possunt affectus in Peroratione?

¶ Concitantur per amplificationem, quæ est gravior

(a) *Spezie di cavolo*. (b) *Orbem terrarum in Achillis Clypeo fuisse cælatum narrat Homerus*.

vior quædam ac vehementior affirmatio , ad per-
movendum valde idonea . Vide quæ supra fufe præ-
cepimus de Amplificatione .

Quinam Præcipue motus ciendi sunt in Peroratione?

R. Varii pro variis dicendi generibus . In Pau-
gyrico ciendi sunt motus amoris , admirationis , æ-
mulationis , lætitiæ . In vituperatione excitandum
est odium , invidia , contemptus . In deliberationi-
bus spem , confidentiam , timorem commovebis . In
judiciis vero omnia concurrunt , amor , odium ,
indignatio , misericordia .

In hac potissimum parte incredibilem quamdam
admirationem habuit eloquentia Ciceronis , qui
dum peroraret , non incendebat modo iudices , &
auditores ; sed ardere ipse quodammodo videbatur ,
ac præsertim quando concitata erat erga reos com-
miseratio , ita ut non raro , quamadmodum ipse de
se loquitur , *plangore & lamentatione forum peroran-
do compleverit* . Quapropter si forte aliquando plu-
res Oratores pro eodem homine dicerent , Ciceroni
Peroratio relinqui solebat , ut ipse ita testatur libro
de Oratore : *Quid ego de miserationibus loquar ? Qui-
bus eo sum usus pluribus , quod , etiam si plures diceba-
mus , perorationem tamen mihi omnes relinquebant , in
qua ut viderer excellere , non ingenio , sed dolore af-
sequebar* .

Satis hoc indicat Peroratio Milonianæ ; ubi sic
ait : *Sed finis fit , neque enim præ lacrymis jam loqui
possum , & hic se lacrymis defendi vetat Et in
eadem oratione : Me quidem , iudices , exanimant
& interimunt hæ voces Milonis , quas audio assidue , &
quibus intersum quotidie* . Itemque pro Rabirio (a)
Posthumo : *Sed jam , quoniam ut spero , fidem quam
potui tibi præstiti , Posthume , reddam etiam lacry-
mas , quas debeo Jam indicat tot hominum fle-
tus quam sis carus tuis , & me dolor debilitat , includit
que vocem* .

(a) Postumus sine aspiratione contra et ymologiam ,
ita Aldus & lapides antiqui .

Eadem concitandæ commiserationis arte perfidus ille Sinon *Æneid.* 1. suam ad Priamum & Trojanos veteratoriam orationem ita concludit :

Quod te per Superos , & conscia numina veri ,
Per, si qua est, quæ restat adhuc, mortalibus usquam
Intemerata fides , oro : miserere laborum

Tantum , miserere animi non digna ferentis .

Vide etiam quam plena sit affectum, quamque, ut ita loquar, flexanima apud Ovidium Ulyssis peroratio, qua Achillis arma tandem impetravit, & Ajacē, doloris ac repulsæ impatientem, ad mortem adēgit:

At vos , o proceres , vigili date præmia vestro ,
Proque tot annorum curis , quos anxius egi .

Hunc titulum meritis pensandum reddite nostris ,

Jam labor in fine est , (a) obstantia fata removi ,

Altaque posse capi (b) faciendo , Pergama cepi ,

Per spes nunc socias , casuraque mœnia Troum ,

Perque Deos oro , quos hosti nuper ademi ,

Per si quid superest quod sit sapienter agendum ,

.....

Esse mei memores ; aut si mihi non datis arma ,

Huic date : & ostendit signum fatale Minervæ ,

Quanam sunt præcipuæ virtutes Perorationis ?

h. Dux 1. Ut sit vehemens ad permovendos animos . 2. Ut sit brevis ; quia ut observat Tullius , lacrymæ cito arcescunt , & animorum incendia celeriter restinguuntur .

Finis Libri Tertii .

AR.

(a) *Palladium* , hoc est *Palladis simulacrum* , in arce Trojana capiendo . (b) *Dum feci* , ut Troja capi posset , eam censendus sum cepisse .

R H E T O R I C Æ

L I B E R Q U A R T U S .

D E D I V E R S I S O R A T I O N U M
G E N E R I B U S .

T Ametſi quæ de Inventionẽ , Diſpoſitionẽ , & Elocutionẽ ſuſius diſputata ſunt a nobis hæcenus , ad quodlibet argumenti genus facile poſſint accommodari ; tamen quo res ſit expeditior & cui-libet magis in promptu , de variis Orationum generibus particulatim tradenda nobis eſſe præcepta iudicavimus . Neque vero ſatis eſſe cenſuimus , generatim atque univerſe indicare fontes , unde manat omnis oratio ; niſi etiam ſingula itinera , ſingulaſque vias indicare ſigillatim aggrederemur .

Omnes itaque , quæ haberi poſſunt orationes ad tria dicendi genera revocantur ; nempe ad demonſtrativum , deliberativum , & iudiciale . Ad genus demonſtrativum pertinet . 1. Oratio Panegyrica : 2. Oratio natalitia , ſeu Genethliacon ; 3. Epithalamium , ſeu Oratio nuptialis ; 4. Oratio funebris ; 5. Gratiarum actio ; 6. Epinicion , & Oratio gratulatoria . Ad genus deliberativum revocantur ſuaſio , diſſuaſio , hortatio , commendatio . De duobus hiſce orationum generibus enucleate videamus ; nam Iudiciale minus eſt noſtra ætate uſitatum .

C A P U T P R I M U M .

De Orationibus , quæ pertinent ad genus demonſtrativum .

§. I. De Oratione Panegyrica .

U Ndenam nomen ſuum traxit Panegyricus ?
& . Panegyricæ orationes proprie dicebantur

illæ, quæ magno apparatu habebantur olim in panegyri (a) hoc est in publico solemnique Græcorum undique convolantium cœtu, sive ad ludos faciendos, sive ad sacra, (b) mundinasve in aliquo emporio celebrandas. Harum porro orationum initium quo splendidius esset, sumi solebat a laude Numinis illius, quod ludis præesse credebatur, ut Olympii Jovis in ludis Olympicis, Apollinis in certamine Pythico. Deinde sequebatur laus gentis, vel urbis, ubi ludi celebrabantur. Denique Principes, vel Magistratus, qui certamini præerant, pugiles, qui decertaverant, ac præsertim victores qui præmia tulerant, plena manu laudabantur.

Hæc erat ratio veterum illarum orationum, quæ habebantur in panegyri. Sed posterioribus temporibus non illæ solum vocatæ sunt Panegyricæ, quæ solemnibus in ludis dicerentur; sed illæ etiam, quæ in nobili quopiam confessu, qualis est Senatus, in Principum laudem habebantur.

§. II. De inventionibus & fontibus Panegyrici.

Quam series servari solet in Panegyrico?

§. Duplex, artificialis nempe & naturalis. Servatur series artificialis, cum indiscriminatum confuso temporis ordine, omnia ad certa quædam capita ex arte revocantur; v. gr. si quis veteris, seu majoris Cætonis laudes ad tria hæc referat capita, quod fuerit optimus Senator, optimus Orator, optimus Imperator. Simili ratione Tullius in Maniliana, Pompeji laudes refert ad scientiam rei militaris, ad virtutem, ad auctoritatem, & ad felicitatem. Sic etiam Q. Curtius Alexandrum M. laudat ex hoc duplici capite, virtute scilicet & fortuna. *Fatendum est*, inquit, *cum plurimum virtuti debuerit, plus debuisse fortunæ, quam solus omnium mortalium in potestate habuit.* Hic porro artificialis ordo longe plus habet artis & ingenii, quam ordo naturalis.

Quæ-

(a) Ἀγῶνις cœtus, πανηγῶνις, cœtus universalis.

(b) Ital. *Fiere, mercati.*

Quenam est series naturalis ?

&c. Series naturalis ea dicitur , in qua historiarum , ac temporis ordo servatur . Hæc autem series dividitur in tria tempora ; illud quod vitam antecessit ; illud quo quis vixit ; & si naturæ concesserit illud quod mortem est consecutum .

Hunc præsepe adhibuerunt Isocrates & Tullius , Hunc ferme usurpavit Plinius in nobili illo Trajani Panegyrico . Nam illius laudationem orditur ab adoptione , temporis ordinem fere servans , & ad tertium usque Consulatum perducit . Utinam verò terius habita fuisset pulcherrima illa laudatio , ut reliquam etiam optimi Imperatoris vitam haberemus ! Cum enim in tertio , ut diximus , Trajani Consulatu sistat Plinius , nihil prorsus in illo legas de (a) Decebalo victo , unde Dacici nomen retulit Trajanus , quod quarto Consulatu contigit ; nihil de tot aliis rebus præclare ab eo gestis . Quæ vero Plinius refert , etiamsi non magnum belli ducem ostendant Trajanum , quia nondum ejus ductu bellum fuerat gestum ; tamen signa sunt , ex quibus magnum olim belli ducem fore liquido conjici poterat . Verum qua parte nos distituit Plinius , alii Panegyristæ , sed aliis in Imperatoribus , exemplo esse poterunt : ut e Latinis Mamertinus , alique , qui cum eo pariter solent excudi . Nec plane aspernandus Ennodii (b) Ticinensis Episcopi Panegyricus dictus Theodorico Gothorum regi .

E Græcis adeundus est Julianus , orationibus duobus in laudem Constantii Imp. Juvabunt quoque plurimum Latinorum Poetarum Panegyrici ; ut ille Tibulli ad Messalam libro 4. item seu Ovidii , seu Lucani ad Calpurnium Pilouem . Quibus adde panegyricos Claudiani , Sidonii & aliorum .

Hic naturalis ordo perfacilis est , sed vulgaris ac plerumque languidus , nisi verborum sententiarumque floribus aspergatur , & acutis exciteretur sen-

(a) *Decebalus fortis & industrius Dacorum rex , qui diu fuit Romanorum terror.* (b) *di Pavia.*

tentiis ; uti factum a Plinio in suo illo eximio Pannegyriceo , in quem , tamquam in eximium exemplar , intueri poterimus .

§. III. De tempore , quod ortum antecessit .

Quid laudare poterit Orator in illo primo tempore?
 R. Tria , nempe genus , patriam , & auguriam , si qua forte pueri natalem horam præcesserint .

Quomodo laudari quis poterit a genere?

R. Si genus sit illustre , laudabis a splendore natalium , majorumque rebus gestis , quæ sunt quædam virtutis quasi semina , in nobilium animis insita . Dices , majorum virtutem in eum , quem laudas , cum sanguine pariter fuisse transmissam , juxta decantatum illud Horatii verbum: *Fortes creantur fortibus* . Dices , filios impressis majorum vestigiis insistere solere . Hinc illud Claudiani :

. Nobilitas cunctis exordia pandit

Laudibus , atque omnes redeunt in semina causas .

Hinc Maro magnifice laudat Camertem *Æn.* 12.

Cui genus a proavis ingens , clarumque patrum
 Nomen erat virtutis , & ipse acerrimus armis .

Quid factum est opus , si is qui laudatur , obscuro genere natus sit?

R. Locum habere poterit illud Minutii Felicis in Octavio : *Omnes pari sorte nascimur , sola virtute distinguimur* . Vel illud Velleji Paterculi : *Optimus quisque nobilissimus* . Dices quoque cum Seneca : *Non facit nobilem Atrium plenum fumosæ imaginibus* . *Nemo in nostram gloriam vixit : nec quod ante nos fuit , nostrum est* . *Animus facit nobilem , cui ex quacumque conditione supra conditionem licet surgere* . Usurpabis tritum illud alterius Senecæ : *Qui genus laudat suum , aliena laudat* . Nihil etiam magis pervulgatum quam effatum illud Ulyssis in certamine cum Ajace (a) :

Et

(a) *Metam.* 13.

Et genus, & proavos, & quæ non fecimus ipsi,
Vix ea nostra voco.

Cui plane simillimum est quod ait Juvenalis Sat. 8.
Malo pater tibi sit (a) Therſites, dummodo tu sis
(b) Æacidæ similis, Vulcaniaque arma capeſſas;
Quam te Therſitæ ſimilem producat Achilles.

Majorum primus quisquis fuit ille tuorum,
Aut paſtor fuit, aut illud, quod dicere nolo.

Denique ne generis humilitas quidquam de lau-
dibus deterat, erunt in promptu communia hæc
exempla. 1. Auguſtum patre avoque (c) argenta-
rio natum eſſe, ut nonnulli voluere: proavum
vero habuiſſe libertinum: avum autem maternum
fuiſſe piſtorem Ariciæ, quod illi non ſemel expro-
bravit Antonius, teſte Svetonio. 2. Agathoclem
Siciliæ regem patre figulo natum, teſte Juſtino. 3.
Ptolomæum primum Ægypti regem, a quo ſucceſ-
ſores omnes dicti ſunt *Ptolomæi*, e (d) gregario mi-
lite nomine *Lago* fuiſſe prognatum.

4. Magnum illium Arſacem, primum Partho-
rum regem, unde item *Arſacidæ* dicti ſunt, obſcu-
ris omnino natalibus ortum fuiſſe.

5. Demotheſis patrem, gladiatorum fabrum fuiſ-
ſe.

Quo alludit Juvenalis, cum ait Satyra 10.

Dis ille (e) adverſis genitus, ſatoque ſiniſtro,

Quem pater ardentis maſſæ fulgine lippus

A carbone, & torcipibus, gladioſque parante

Incude & (f) luteo Vulcano ad rhetora miſit.

Erit etiam in promptu magnifica illa Fulli
vox,

(a) *Therſites*: omnium, qui ad obſidionem Trojæ
navigaverant, animo & corpore deformiſſimus.

(b) *Achilli* qui fuit, *Æaci* nepos, & qui armis a Vul-
cano fabricatis mira edidit facinora. (c) Ital. *Ban-*
chista. (d) Ital. *Fantaccino*. (e) *Demotheſes*,
qui ſibi veneno mortem inferre coactus eſt, ne in ho-
ſtium manus incideret. (f) *A lutoſa & fuliginosa fa-*
bri officina.

vox, cum contemptum novus *Arpinas* appellaretur: *Ego*, inquit, *meis majoribus virtute mea præluxi*. Denique poterit usurpari quoque ingeniosum illud dictum Iphicratis, qui ex futoris filio, ob summam rei militaris peritiam, factus Atheniensium exercitus Imperator, invido cuidam generis ignobilitatem exprobandi false respondit: *Meum genus a me incipit, tuum in te desinit, Meorum primus ego sum; tu tuorum ultimus*.

Quomodo ducitur laus a patria?

R. Si ea illustris fuerit, virisque insignibus nobilitata, hoc ipsum in laude poni solet. Hunc laudationis fontem non iguoravit Virgilius, cum ait de Didone: *Multa (a) viri virtus animo, multusque recurvat Gentis honos*.

Quid facto est opus, si patria sit ignobilis, & obscura, vel etiam infamis?

R. 1. Usurpabis memorabile illud Anacharsis verbum, qui cum natus esset in Scythia, & a Græco nescio quo *Barbarus*, & *Scyta* per contemptum appellaretur, perquam ingeniose respondit. *Mihi quidem patria probro est, tu vero patriæ*.

2. Dices cum Juvenale, tamentum adeo pervulgata esset Abderitarum stupiditas, ut etiam in communi proverbio versaretur: unde Martialis; *Abderitanæ pectora plebis habes*: tamen Abderitam fuisse Democritum, Physicum illum subtilissimum, naturæque venatorem acerrimum:

. Cujus prudentia monstrat

Summos posse viros, & magna exempla duros,
Verecun (b) in patria, crassoque sub aere nasci.

3. Juvabit etiam illud Claudiani, de laudibus Stiliconis (c):

(d) Lectos ex omnibus oris

Evehis, & meritum, nunquam cunabula gazris,
Et qualis, non unde satus.

4. Fa-

(a) *Æneæ*.

(b) *Vervex*, Ital. *Becco*.

(c) *Lib. 2.* (d) *Personne scelte da ogni paese*.

4. Faciet quoque mirum in modum illa Aufonii sententia de Severo Imperator, qui natus erat in Africa:

Punica origo illi; sed qui virtute probaret

Non obitare locum, dum valet ingenium.

Quomodo laudari quis poterit ab auguriis, & signis quæ illius ortum antecesserunt?

R. Si quid forte singulare contigerit, quo pueri futura claritas & amplitudo quomodocumque portendi videatur, id solerter in laude ponendum erit. Cujusmodi est sax illa, quam Hecuba prægnans utero gestare se somniavit. Ejusmodi est etiam vitis illa, quam in somnio vidit Aftyages, quæ palmilibus Asiam obumbraret: unde Cyri magnitudinem prælagiri ab (a) ariolis responsum est. Id genus est etiam illud (b) examen apum, quod in nascentis vel vagientis Ambrosii labris confedisse dicitur. His adde quod de mirabili S. Joannis Baptiste ortu narrant Sacræ Paginæ. Nec omittenda est orbicularis illa flamma, quæ nascente Joanne Pico Mirandulano, qui postea eruditionis quoddam portentum fuit, supra caput matris parientis visa est, & mox evanuit.

§. IV. De iis, quæ in vita ipsa laudari possunt.

Quam in hominis vita laudem præcipuam merentur?

R. Tria hæc in primis, virtutes, scientiæ, & artes.

Quænam virtutes sunt vel maxime celebrandæ?

R. Primum, ut par est, locum obtinet Religio, pietasque in Deum, in Parentes & Patriam. Ex hoc capite suam ipsius commendationem exorditur Æneas, l. Æn.

Sum pius Æneas, raptos qui ex hoste Penates
Classe veho mecum.

Secundum locum sibi jure vindicant clementia,
mo-

(a) Ital. *Indovini*.

(b) Ital. *Sciame*.

moderatio, atque iustitia. Ex primo capite Cæsarem mirifice commendat Tullius pro Marcello: *Animum vincere, iracundiam cohibere, victoriam temperare, adversarium nobilitate, ingenio, virtute præstantem, non modo extollere jacentem, sed etiam amplificare ejus pristinam dignitatem; hæc qui faciat, non ego cum summis viris comparo, sed simillimum Deo judico.* De hac eadem clementia sic Antoninus Imperator ad Faustina conjugem: *Non enim quidquam est, quod Imperatorem Romanum melius commendet gentibus, quam clementia. Hæc Cæsarem Deum fecit: Hæc consecravit Augustum.*

3. Laudabitur liberalitas atque beneficentia, qua nimirum una reges ac principes propius ad Deum possunt accedere. Commendabitur aurea illa Scytharum legati ad Alexandrum vox: (a) *Si Deus es, tribuere hominibus beneficia debes, non sua eripere.* Celebrari quoque poterit facilitas ac liberalitas Imperatoris Titi, qui nihil cuiquam, quod concedi fas esset, abnucebat: *negans, inquit Svetonius, oportere quemquam a Principe tristem discedere.* Cum vero aliquando, inter cœnandum, diem illum beneficio vacuum abiisse meminisset, conversus ad amicos: *Amici, inquit, diem peridi.* Adeo scilicet Principibus vitam ad benemerendum de mortalibus datam existimabat: proindeque summis æque, ac infimis carus adeo fuit, ut *humani generis delictis merito diceretur.*

Usurpari etiam poterit aurea illa Virgilii sententia, *Æneid. 6.* sepositum quemdam in Elysii esse locum iis omnibus, qui erga alios fuere benefici:

Quique sui memores alios facere merendo.

Denique celebrabitur fortitudo in adeundis periculis & in laboribus sufferendis; magnitudo animi excelsi & invicti nihil extimescentis; constantia fidelque in promissis; prudentia in consiliis capiendis, celeritas in exequendis; in adversis vero æquanimitas, & robur mentis semper imperterritæ,

Quo-

(a) *Q. Curtius lib. 7.*

Quomodo laudari quis potest a scientia, & artibus?

℞. Ex duplici capite. 1. Si liberalium artium disciplinis sit instructus is, qui laudatur. 2. Si saltem litteris & artibus faveat & patrocinetur. Ex hoc posteriori capite Imperatorem Trajanum magnifice celebrat Juvenalis Satyra 7.

Et spes & ratio studiorum in Cæsare tantum :
Solut enim tristes hac tempestate Camœnas ;
Respexit .

6. V. De corporis & fortunæ laudibus .

Q *Uenam res laudantur in corpore ?*

℞. Laudantur in corpore pulchritudo, robur, sanitas, & his similia . Qui hæc habuerit, laudabitur, quod bene sit illis usus : Qui non habuerit, quod sapienter caruerit : Qui amiserit, quod tulerit moderate .

℞. *Cur caduca hæc, & plerumque etiam noxia corporis bona laudantur in homine ?*

℞. Laudantur . 1. Quia licet in se veram laudem non habeant, quæ debetur uiri virtuti, tamen virtus in eorum usu atque moderatione vel maxime cernitur . 2. Quia formæ dignitas est optimæ mentis indicium, & simulacrum quoddam, ac flos quadammodo virtutis . Ude non infite dictum est ab Eumenio in Panegyrico Constantini M. *Naturam ipsam magnis mentibus domicilia magna metari, & ex vultu hominis decoreque membrorum colligi posse, quantus cælestis spiritus intravit habitator.* 3. Quia corporis decor est muta quædam commendatio, & ut eleganter agebat Carneades . *Regnum (a) absque satellitio.*

Gratior, & pulchro veniens in corpore virtus
Adjuvat

inquit Maro . Hinc est quod olim populi bene multi, & in primis Æthiopes Indique, in dandis Imperiis, proceritatem ac pulchritudinem spectare solebant, ut narrat Aristoteles ; graviterque multa-

cta-

(a) Ἀδρανὸρῆτος ζασιλεία .

status fuit olim a Lacedæmoniis Archidamus rex , quod exiguam duxisset uxorem . Querebantur enim , non (a) *reges* , sed *regulos* ex hoc conjugio procreatum iri . 4. Quia pulchritudo est veritatis non solum indicium , sed etiam adjumentum . 5. Denique cum vel in ipsis sacris litteris prædicetur David , ut , *pulcher aspectu , & facie decora* ; quid sane mirum , si a Cornelio Nepote laudetur Alcibiades , ut *ætatis suæ formosissimus* ? Si ex hoc eodem capite commendetur a Plutarcho Scipio Africanus , & si de Theodosio M. dixerit Pacatus : *Virtus tua meruit Imperium ; sed virtuti addixit forma suffragium . Illa præstitit , ut oporteret te Principem fieri : hæc , ut deceret .*

Quod si subturpiculus forte fuerit vel deformis is , qui laudatur , tunc sane corporis vitium egregiis animi dotibus solerter compensabis . Confugies ad illud Ovidianum :

(b) Si mihi difficilis formam natura negavit ;
Ingenio formæ damna rependo meæ .

Dices deformem fuisse Socratem , cæcum Homerum , coclitem seu altero oculo captum Philippum Alexandri magni patrem , itemque Hannibalem . Unde Juvenalis :

(c) Cum Getula Ducem portaret bellua luscum .
Fluxam & caducam formæ fragilitatem , quæ propediem deflorescit , verbis exaggerabis : unde Socrates ingeniose ajebat , illam esse *brevem tyrannidem* . Neque fragilem modo dices , sed etiam rem esse plerumque perniciosam , præcipitem , lubricam & periculosa alex plenam docebis . Unde festive Petrarcha vocat illam *velum oculis , pedibus laqueum , viscum alis* . Postremo addere poteris cum Petronio : *Rarâ facit mixturam cum sapientia forma ; & cum Ovidio , primo Fastorum .*

Fastus inest pulchris , sequiturque superbia formam :

Cum

(a) ὁ βασιλεὺς ἀλλὰ ζασιλίσκος . (b) Soppho ad Phæonem . (c) Elephas , e Getulia Libiæ parte .

Cum Martiali, lasciviam esse persæpe illius comitem.

Insignis forma nequitiaque puer.

Cum vanissimo illo milite apud Plautum: *Nimia est miseria pulchrum esse hominem nimis*. Sed in primis dices cum Juvenali Sat. 10.

Sed vetat optari faciem, Lucretia qualem
Ipsa habuit: cuperet Rutilæ (a) Virginia gibbum
Accipere, atque suam Rutilæ dare. Filius autem
Corporis egregii miseros trepidosque parentes
Semper habet: rara est adeo concordia formæ
Atque pudicitæ.

Quænam sunt fortunæ bona?

R. Honores & divitiæ.

Quomodo commendari quis poterit ab honoribus?

R. Bisariam; si nempe illos promeritus fuerit, beneque illis fuerit usus. Hinc acute omnino suum Trajanum laudat Plinius, quod meruerit honores, antequam fuisset illos adeptus: *Soli, inquit, contigit tibi, ut pater patriæ esses, antequam feres*. Si & meruerit simul & spreverit, quemadmodum magnanimus ille Frontinus, quem cum Rufo ita comparat Plinius in Epistolis: *Uterque, inquit, ad gloriam pari cupiditate, diverso itinera contendit*. Alter (Rufus) cum expetit debitos titulos; alter (Frontinus) cum mavult videri contempsisse.

Quomodo commendari quis potest a divitiis?

R. 1. Si possideat, non possideatur. 2. Sint honestis laboribus partæ, 3. Si iis utatur, non ad perfruendas voluptates, sed vel ad usus vitæ honestos, vel ad juvandos amicos, vel ad egenorum inopiam sublevandam, ut Trajanus, de quo ita Plinius, *Nihil magis tuum credis, quam quod per amicos habes*: Non vero quemadmodum aut luxuriosi perditique (b) nepotes, aut avari:

Aut qui divitiis soli incubuere repertis,

Nec

(a) Virginia virgo formosissima, ne in potestatem veniret Appii Claudii Decemviri, a patre fuit interempta. (b) Ital. Scialacquatori.

Nec partem posuere suis : quæ maxima turba est (a) .

Quod si fortunæ bonis caruerit is , quem laudas , confugies ad tritos illos communesque locos , blandientis fortunæ munera potius esse in malis , quam in bonis numeranda , caduca semper hæc esse , non virtutis & ingenii , sed incertæ fortis & temporum munera ; infelicitatis genus esse semper esse felicem . Usurpabis aurum illud verbum : *Nescio quomodo bonæ mentis soror est paupertas* (b) . Amplificabis Horatianum illud : *Aurum irreperitum , & sic melius situm , cum terra celat* . Dices denique cum Juvenali .

Si fortuna volet , fies de Rhetore Consul :

Si volet hæc eadem , fies de Consule Rhetor .

§. VI. De tempore illo , quod mortem subsequitur .

Superest nunc tempus ultimum , cuius in primis habenda est ratio . Ut enim docet D. Ambrosius : *Ante mortem nulla est perfecta laudatio ; neque quisquam in hac vita potest definito præconio prædicari , cum posteriora ejus incerta sint* .

Quænam res in ultimo tempore laudari possunt ?

R. Dux . 1. Quæ in ipsa morte . 2. Quæ sub ipsum mortis tempus contingere .

Quid in ipsa morte considerare potissimum debet Orator ?

R. Duo : genus nimirum , & causam mortis . Genus , si quis pie ac fortiter obierit , ut sapientem ac probum decet . Causa vero laudabitur , si nempe vel pro patria pugnans occuberit ; *Dulce enim ac decorum est pro patria mori* , inquit Horatius , vel si pro tuenda religione mortem occubuerit , ut Christi Martyres sanctissimi : vel denique si honestis animi corporisve laboribus & curis sibi ipse mortem acceleraverit .

Quænam post mortem considerata sunt ?

R. Tria hæc spectari solent . 1. Pompa funebris ,

(a) *Æn.* 6. (b) *Petron.*

bris, & honores habiti mortuo; ut quod Aristote-
li statua fuerit erecta cum inscriptione hujusmodi:
Aristoteles Philosophorum optimus: vel quod uni De-
metrio Phalereo statua trecenta & sexaginta fuerint
Athenis posita; vel quod Gorgias Leontino, non
aurata, ut ceteris, sed aurea statua fuerit erecta. 2.
Spectatur bonorum moeror & luctus. Quo refer il-
la Mopsi apud Maronem Ecl. 5.

Non ulli passus illis egere diebus

Frigida, Daphni, boves ad flumina; nulla ne-
que amnem.

Libavit quadrupes, nec graminis attingit her-
bam,

Daphni; tuum Pœnos etiam ingemisse leones
Interitum, montesque feri, (a) silvaeque loquun-
tur.

Sed nihil in hoc genere comparandum cum in-
credibili insolitoque omnium ordinum luctu & a-
cerbissima militum comploratione post Alexandri
mortem; quod eloquentissime ita describit Curtius
lib. 10. Suprema hæc vox regis fuit, & paulo post
extinguitur. Ac primo ploratu lamentisque, &
placibus tota regia personabat; mox velut in va-
sta solitudine omnia tristi silentio muta torpebant,
ad cogitationes quid deinde futurum esset, dolore
converso. Nobiles pueri custodiam corporis ejus assue-
ri, nec doloris magnitudinem capere, nec se ipsos
intra vestibulum regiae retinere potuerant; vagi-
que ac furentibus similes totam urbem luctu ac mæ-
rore compleverant, nullis questibus omissis, quos
in tali casu dolor suggerit. . . . Nec poterant victi-
a victoribus in communi dolore discerni. Perire
jussissimum ac mitissimum dominum; Macedo-
nes optimum ac fortissimum regem invocantes,
certamen quoddam mæroris edebant. Nec mæsto-
rum solum, sed etiam indignantium voces exau-
diebantur; tam viridem, & in flore ætatis (b) for-
tu-

(a) *Silva cum I, non cum Y, ita veteres omnes lapides & libri.* (b) *Anno ætatis 33.*

Nec partem posuere suis : quæ maxima turba est (a).

Quod si fortunæ bonis caruerit is, quem laudas, confugies ad tritos illos communesque locos, blandientis fortunæ munera potius esse in malis, quam in bonis numeranda, caduca semper hæc esse, non virtutis & ingenii, sed incertæ sortis & temporum munera; infelicitatis genus esse semper esse felicem. Usurpabis aureum illud verbum: *Nescio quomodo bonæ mentis soror est paupertas* (b). Amplificabis Horatianum illud: *Aurum irrepertum, Et sic melius situm, cum terra celat*. Dices denique cum Juvenali.

Si fortuna volet, fies de Rhetore Consul:

Si volet hæc eadem, fies de Consule Rhetor.

§. VI. De tempore illo, quod mortem subsequitur.

Superest nunc tempus ultimum, cujus in primis habenda est ratio. Ut enim docet D. Ambrosius: *Ante mortem nulla est perfecta laudatio; neque quisquam in hac vita potest definito præconio prædicari, cum posteriora ejus incerta sint.*

Quanam res in ultimo tempore laudari possunt?

R. Dux. 1. Quæ in ipsa morte. 2. Quæ sub ipsum mortis tempus contingere.

Quid in ipsa morte considerare potissimum debet Orator?

R. Duo: genus nimirum, & causam mortis. Genus, si quis pie ac fortiter obierit, ut sapientem ac probum decet. Causa vero laudabitur, si nempe vel pro patria pugnans occuberit; *Dulce enim ac decorum est pro patria mori*, inquit Horatius, vel si pro tuenda religione mortem occubuerit, ut Christi Martyres sanctissimi: vel denique si honestis animi corporisve laboribus & curis sibi ipse mortem acceleraverit.

Quanam post mortem considerata sunt?

R. Tria hæc spectari solent. 1. Pompa funebris,

bris, & honores habiti mortuo; ut quod Aristote-
li statua fuerit erecta cum inscriptione hujusmodi:
Aristoteles Philosophorum optimus: vel quod uni De-
metrio Phalereo statuae trecentae & sexaginta fuerint
Athenis positae; vel quod Gorgiae Lcontino, non
aurata, ut ceteris, sed aurea statua fuerit erecta. 2.
Spectatur bonorum moeror & luctus. Quo refert il-
la Mopsi apud Maronem Ecl. 5.

Non ulli pastos illis egere diebus

Frigida, Daphni, boves ad flumina; nulla ne-
que amnem.

Libavit quadrupes, nec grauminis attingit hera-
bam,

Daphni; tuum Pœnos etiam ingemuisse leones
Interitum, montesque feri, (a) silvaeque loquan-
tur.

Sed nihil in hoc genere comparandum cum in-
credibili insolitoque omnium ordinum luctu & a-
cerbissima militum comploratione post Alexandri
mortem; quod eloquentissime ita describit Curtius
lib. 10. Suprema hæc vox regis fuit, & paulo post
extinguitur. Ac primo ploratu lamentisque, &
placibus tota regia personabat; mox velut in va-
sta solitudine omnia tristi silentio muta torpebant,
ad cogitationes quid deinde futurum esset, dolore
converso. Nobiles pueri custodiarum corporis ejus affue-
ti, nec doloris magnitudinem capere, nec se ipsos
intra vestibulum regiae retinere potuerant; vagi-
que ac furentibus similes totam urbem luctu ac mæ-
rore compleverant, nullis questibus omissis, quos
in tali casu dolor suggerit. . . . Nec poterant victi-
a victoribus in communi dolore discerni. Perierat
justissimum ac mitissimum dominum; Macedo-
nes optimum ac fortissimum regem invocantes,
certamen quoddam maioris edebant. Nec mæsto-
rum solum, sed etiam indignantium voces exau-
diebantur; tam viridem, & in flore ætatis (b) for-
tu-

(a) *Silva cum I, non cum Y, ita veteres omnes
lapides & libri.* (b) *Anno ætatis 33.*

tanæque, invidia Deorum ereptum esse rebus humanis. Vigor ejus & vultus educantis in prælium milites, obsidentis urbes, evadentis in muros, fortes viros pro concione donantis, occurrebant oculis.

Periæ, comis more suo detonsis, in lugebri veste cum conjugibus ac liberis, non ut victorem, & modo hostem, sed ut gentis suæ justissimum regem, vero desiderio lugebatur. . . . Ad Darii quoque (a) matrem celeriter fama perlata est. Abcissa ergo veste, qua induta erat, lugubrem sumpsit, laceratisque crinibus, humi corpus abjecit. . . . ad ultimum dolori succumbit, obvolutoque capite, accidentes genibus suis neptem nepotemque averfata, cibo pariter abstinuit & luce; quinto, postquam mori statuerat, die extincta.

3. Denique spectantur filii superstites relictæ, unde levare mortis incæror, damnumque aliquo prædicto sarciri possit. Ita D. Ambrosius in funere (b) Theodosii Magni. *Ergo, inquit, tantus Imperator recessit a nobis? Sed non totus recessit. Reliquit enim liberos, in quibus eum debemus agnoscere, & in quibus eum cernimus & tenemus. Intelligit autem, Honorium, & Arcadium, qui patri in Imperio succedere.*

§. VII. Animadversiones quædam circa personarum laudationem.

Q *Vanam observanda sunt in personarum laudatione?*

R. Tria hæc. 1. Ne ad eumentitas fictitiasque laudes recurramus, quæ scilicet non splendorem asferunt orationi, sed veris etiam fidem omnino derogare solent; ut olim contigit imprudentibus hisce Poëtis, qui versibus celebrare veriti non sunt hyacinthinas (c) Stratonices comas, quam non deformem modo, sed calvam prorsus esse nemo nescie-

(a) *Sisygambim*. (b) *Obiit anno Christi 395.*

(c) *Stratonice, Seleuci Syriæ regis uxor.*

sciebat . Hoc etiam illustrare poteris exemplo Lysippi , qui Alexandrum sapienter effinxit hastam manu tenentem , Apellem reprehendens , quod eundem fulminantem depinxisset , & ita spoliasset veris ac propriis insignibus , & ornaret falsis , quæ nullum apud posteros fidem essent habitura .

2. Cavendum est , ne in meliorum copia , res consecremur viles , & facta leviora . Ut enim scite agebat (a) Phavorinus , turpius est exigue frigideque laudari , quam graviter vituperari . In magnis tamen viris aliquando etiam res minuscule commendare operæ pretium est . Fecit hoc olim Damis in Apollonio suo Thyanzo : eoque nomine reprehensus , argute respondit : *De mensis Deorum* (a) *analesta quoque colligi sedulo debere , ne de illorum ambrosia quidquam depereat .*

3. Denique erit hoc observandum diligenter , ut non communes ac pervagatas , sed proprias cujusque , vel saltem cum paucis communes laudes præcipue consecremur . Quapropter plane ac perfecte perspecta tibi esse debent quæ propria sunt illius , de quo agitur .

De personarum laudatione satis superque dictum a nobis hætenus . Unde intelligi facile potest , quomodo debeat institui vituperatio , quippe ubi omnia prorsus debent inverti .

§. VIII. De Oratione natalitia , seu Genethliaca .

Q *Uid est oratio Genethliaca ?*

R. Oratio Genethliaca , quæ etiam Genethliacum , vel Genethliacus appellatur , est oratio , qua alicujus dies natalis celebratur .

Quas partes , seu capita continet oratio Genethliaca ?

R. Qua-

(a) *Phavorinus insignis Philosophus , Arelate in Gallia natus tempore Hadriani , cui fuit infensissimus .*

(b) *Analesta , cænarum quisquiliæ sub mensam cadentes .*

℞. Quatuor. 1. Continet laudes parentum, atque majorum, quæ jure quodam hæreditario pertinere videntur ad prolem. 2. Spem, quam præbet puer, vitæ aliquando cum laude peragendæ. 3. Lætitiam & gratulationem de prole feliciter parentibus nata. 4. Vota & preces ad Deum O. M. ut infanti fauste, feliciter, prospereque eveniant omnia, utque in patriæ decus, & ornamentum adolescat. Hujusmodi vota pro Domitiani filio, licet nondum nato, facit Martialis lib. 6.

Nascere Dardanio promissum nomen Iulo,

Vera Deum soboles, nascere magne puer;

Cui pater æternas, post sæcula, tradat habenas,

Quique regas orbem cum seniore seuer.

Undenam excitari potest spes illa, atque expectatio de futura prolis virtute ac gloria?

℞. Ex variis circumstantiis; 1. ex genere; 2. ex facie; 3. ex futura educatione; 4. ex signis, ex portentis, ex victoriis, prosperisque aliis eventis, si qua forte id genus pueri ortum vel antecesserint, vel comitata fuerint, aut subsecuta; qualia de Augusto narrantur, itemque de Pyrrho rege, qui maternis uberibus appensus dixit: *Βάλοιμαι*, volo, quæ vox transiit in omen futuræ audaciæ. Si quis parentum enixe efflagitantium precibus, ac votis concessus a Deo fuerit, habebis uberem bene augurandi campum, ut de Scipione memorat A. Gellius, & ut Ludovico Magno contigisse vidit ætas nostra.

Quænam est dispositio Genethliaci?

℞. Exordium erit lætitiae & gratulationis plenum & ductum ab aliqua temporis, loci, vel personæ circumstantia. Ita Maro eximium illud (a) Salonini, seu alterius Genethliacum exorditur ab apostrophe, quæ gesticulentem quamdam lætitiam exprimit:

Sicelides Musæ, paulo majora canamus.

Con-

(a) Saloninus sic vocatus, quod natus fuerit quo anno pater Asinius Pollio Salonam-Dalmatiæ civitatem expugnavit.

Confirmatio continebit parentum laudes, & varias causas, quæ omnia de infante sperare jubent. Vide quam magnifice locum hunc tractet Virgilius, quantaque non vereatur augurari de puero, ex patris virtute notissima:

Ille Deum vitam accipiet, Divisque videbit
Permissos heroas, & ipse videbitur illis,
Pacaturque reget patriis virtutibus orbem.

At simul heroum laudes & facta parentis
Jam legere, & quæ sit poteris cognoscere virtus;
Molli paulatim flavesceat campus arista.

Peroratio denique vota precesque pro filii & parentum incolumitate continebit. Ita Statius Silvarum libro 4.

Magnus te manet ordo sæculorum,
Natis longior, abnepotibusque,
Annos perpetua geres juvenia,
Quos fertur placidos obisse Nestor,
Quos (a) Tithonia computat senectus,
Et quantos ego Delium poposci.

Quid est oratio Lustrica?

R. Ea est, quæ a veteribus nonnullis habebatur, quando infanti nomen imponebatur. Vocabatur autem *Lustrica oratio*, quod dies ille *Lustricus*, seu *Lustralis* vulgo diceretur. Verum quoniam illud orationis genus penitus apud nos videtur obsolevisse, in illo tractando operam & oleum non perdemus.

§. IX. De Oratione nuptiali, sive Epithalamio.

Quid est Epithalamium, seu Oratio nuptialis?

R. Epithalamium, ut vox ipsa satis indicat, est oratio, qua alicujus nuptiæ celebrantur. Sic autem appellatur a voce Græca, *ἑπὶ θάλαμῳ*, quæ cubiculum nuptiale significat.

K

Quot

(a) Tithonus Laomedontis filius, Memnonis Pater, post longissimam vitam, ab Aurora conjuge versus in cicadam,

Quot sunt partes Epithalamii?

R. Quatuor. 1. Dicitur generatim & universale de nuptiarum laudibus & de bonis matrimonii, quo scilicet hominum societas primum cœpit, urbes conditæ sunt, genus humanum propagatur, vitæ levantur incommoda, & mutua charitas atque benevolentia cognationibus & affinitatibus serpit, atque diffunditur.

2. Pars, quæ præcipuam quamdam curam diligentiamque desiderat, continet laudes utriusque conjugis. Ducuntur autem laudes illæ a Parentibus, a Patria, ab honoribus, fortunisque, a corporis animique dotibus, & a cæteris illis capitibus, unde laudari homines solent, de quibus fusc diximus supra. Ita (a) Mariam Imperatoris Honorii novam conjugem laudibus in cœlum tollit Claudianus Epithal.

Salve sideræ proles augusta (b) Serenæ,
Magnorum soboles regum, parituraque reges,

Quæ propior sceptris facies, quis dignior aula,
Vultus erit? non labra rosæ, non colla pruinæ,
Non crines æquant violæ, non lumina flammæ,

Auroræ vincis digitos, humerosque Dianæ.

Tertio loco laudatur nuptiarum apparatus, atque celebritas; popularium & affioium prædicatur lætitia, & aliqua etiam laude solent aspergi qui ad nuptias convenere. 4. Denique præcipuis & faustis ominibus clauditur oratio, & vota Deo Superisque pro felici liberorum ortu, mutuaque conjugum concordia nuncupantur. Ita Statius in Epithal. Stelæ, & Violantillæ:

Eja age, præclaros Latio properate nepotes,
Qui leges, qui castra legant, qui carmina ludant.

Ac-

(a) *Maria Stiliconis filia nupsit Imperatori Honorio.* (b) *Serena filia fratris Theodosii magni, uxor Stiliconis.*

Accelèret partu decimum bona (a) Cynthia mem-
sem ;

Sed parcat Lucina , precor : tuque ipse Parenti
Parce puer : ne mollem uterum , ne stantia lædas
Pectora : cumque tuos tacito natura recessu
Formarit vultus , multum de matre decoris ,
Plus de patre feras .

Pro mutua conjugum concordia sic vota nuncu-
pat Martialis in Epith. Pudentis & Claudie lib. 4.

Diligat illa senem quondam : sed & ipsa marito,
Tunc quoque cum fuerit , non videatur anus .

§. X. De laudatione Funebris .

Quid est Oratio funebris ?

R. Ea est , quæ habetur vel in ipso funere ,
vel in anniversario funeris die , cujusmodi e-
rant orationes illæ , quas ad Mausoli sepulchrum
quotannis haberi iussit Artemisia ; itemque quæ A-
thenis habebantur in laudem eorum , qui in bello
pro patria cecidissent , qualis est oratio Periclis a-
pud Thucydidem .

Quanam est origo hujusmodi Funebrium orationum ?

R. Illarum inventor apud Græcos fuit Solon ,
unus e septem Sapientibus : apud Romanos vero
Valerius Publicola , qui collegam suum Junium
Brutum , in pugna contra Tarquinius cæsum , fu-
nebris oratione prosecutus est ; tantoque id populi
applausu fecit , ut exinde mos ille obtinuerit , pu-
blice laudandi Duces eos , qui in bello cecidissent ,
& a Romanis mos ille ad ceteras gentes , & ad ip-
sos etiam Christianos manaverit : Hujusmodi por-
ro laudationibus mendosam factam esse historiam ,
auctor est Tullius , & post illum Livius , quod nem-
pe supra modum res in illis augeri solerent , & be-
ne multa assentatorie magis quam vere dicerentur ,
ut fere sit .

Quot partibus constat Oratio Funebris ?

K 2

R. Ora-

(a) Cynthia nomen Dianæ a Cyntho monte in Delo
insula , ubi nata est .

R. Orationem funebrem tribus omnino partibus constare debere; nimirum Laude, Consolatione & Parænesi, sive adhortatione: Laude mortui; Consolatione Parentum, & affinium; Parænesi vero, seu adhortatione ad superstites, ut in mortui vitam atque virtutes, tamquam in exemplar, intueantur.

De artificio funebris orationis.

Quodnam esse debet, & undenam ducendum est illius Exordium?

R. Magnam quamdam mœroris luctusque significacionem præferre omnino debet. Duci autem poterit. 1. ab exclamacione. Tale est Exordium brevis illius, sed perlegantis orationis Tullianæ in morte Crassi Oratoris clarissimi: *O fallacem nostram spem fragilemque fortunam, & inanes nostras contentiones, quæ in medio spatio sæpe fraguntur & corruunt, & ante in ipso cursu obruuntur, quam portum conspiciere potuerunt!*

2. Duci potest Exordium a descriptione funebris apparatus, vel a mœsto audientium silentio, quæ res utraque sacrum quemdam horrorem audientibus incutiat. Ita nos olim sumus exorsi funebrem laudationem III. Ecclesiæ Principis Camilli de Neufville Archiepiscopi & Proregis Lugd. *Quod triste silentio tacitaque mœstittia defixos, & rerum a me dicendarum expectatione suspensos esse vos videam (Auditores) arguit illud quidem dolorem vestrum, cujus vim acerbissimam in vestris animis altius insedisse satis intelligo. At hic vester mœror, hæc expectatio tante mihi vobisque fraudi sit, est omnino quod verear. Habent hoc nempe magni dolores, ut superbissimus sit illorum sensus, delicatissimumque fastidium. Habent hoc, ut refricando facile recrudescant, neque se, nisi caute admodum ac molliter interpellari patientur. Verum opprimar ante licet officii pondere, quam illud deferam.*

3. Duci poterit Exordium a gravi aliquo (a) apophthegmate de fragili caducaque rerum humanarum.

(a) Ital. *Detto sentenzioso.*

rum forte, quæ nobis, cum maxime illius qui excelsit e vita cadaver est præsens, ante oculos obversatur.

4. Duci poterit ab adjunctis, quæ forte laudandi mortem circumstetere. Hinc Imperatoris Theodosii M. laudationem funebrem orditur D. Ambrosius: *Hoc nobis motus terrarum graves, hoc juges pluviae minabantur, Et ultra solitum caligo tenebrosior denuntiabat, quod clementissimus Imperator Theodosius recessurus esset a terris. Ipsa igitur recessum ejus elementa mœrebant. Cælum tenebris obductum, aer perpeti horrens caligine, terra quatiebatur motibus, replebatur aquarum alluvionibus. Quidni mundus ipse defleret eum Principem continuo esse rapiendum, per quem dura mundi istius temperari solerent?*

4. Denique abruptum exordium ad movendum commiserationem longe aptius esse videtur, quam temperatum ac lene. Vide quomodo M. Antonius Muretus in funere (a) Caroli Noni Galliarum Regis exordiat ex abrupto: *Hoc igitur restabat afflictis, ac pene prostratis infelicis Galliæ rebus, ut Carolus Rex, quo se illa recreabat ac solabatur uno, de quo cogitans, in quem intuens, omnium quas excipit acerbissimum memoriam deponeret, cum honorum animos ad aliquam spem quietis erigere cepisset, in ipso ineuntis adolescentiæ flore, acerba atque immatura morte reperetur? O fallaces hominum spes! O incerta vota! O lubrica & ancipitia humanæ vitæ curricula!*

Quid facto opus est in Confirmatione?

¶. Tribus illis, quæ supra memoratæ sunt, partibus constabit Confirmatio: Laude nimirum, Consolatione, atque Parænesi: laude mortui, consolatione propinquorum ac amicorum, & Parænesi ad adstantes. Quod attinet ad mortui laudes, videtur quæ diximus de Panegyrico, a quo nimirum hoc tantum differt oratio funebris, quod audientium voluptatem sequatur & capter Panegyricus; Funebris vero laudatio non nisi mœrori serviat atque tristitiæ; unde vitandum erit diligenter quidquid læti-

(a) Carolus IX. obiit anno 1574.

tiam gaudiumque posset animis ingenerate. Hoc artificium observare poteris in illo Horatii Carmine, ubi (a) Quintilii amici & affinis sui mortem lamentatur:

Ergo Quintilium perpetuus sopor

Urget? cui pudor & iustitiæ soror

Incorrupta fides, nudaque veritas,

Quando ullum invenient parem?

Mœrentium dolorem utcumque consolabitur. 1. Vitæ ab amico laudabiliter actæ felix recordatio. 2. Honores viventi mortuoque habiti, & omnia quæ virtutem illius testantur tum publica, tum privata monumenta. 3. Spes minime dubia de immortalitæ, quo ille inter felices animas in cœlo perfruitur, vel aliquando fruiturus est. 4. Filii nepotesque superstites, ad quos paternæ virtutis hæreditas transeat.

Quod si forte pro patria pugnans occubuerit is, qui laudatur, tunc enim vero poteris vagari liberius in hoc uberrimo dicendi campo, quem tibi aperit Tullius, cum Martiam Legionem, quæ in (b) prælio Mutinensi fortiter pugnans cecidit, magnificentissime laudat Philippica 13. *Illi impij, quos cæcidistis, etiam apud inferos pœnas parricidij luent; vos vero, qui extremum spiritum in victoria effudistis, piorum estis sedem et locum consecuti. Brevis autem vobis vita data est, at memoria bene reddita vitæ sempiterna, quæ si non esset longior, quam hæc vita, quis esset tam amens, qui maximis laboribus et periculis ad summam laudem gloriamque contenderet? Et post pauca: Sed quoniam, Patres Conscripti, gloriæ munus optimis et fortissimis civibus monumenti honore persolvitur, consolemur eorum proximos: quibus optima hæc est quidem consolatio, parentibus,*
quod

(a) Quintilius poeta non contemnendus, Cremonensis dictus a Patria, diversus ab illo Quintilio Varræ, qui Legiones amisit in Germania.

(b) In bello contra M. Antonium, in quo Hirtius et Pansa Consules cæsi.

quod tanta Reip. præsidia genuerunt, liberis quod habebunt domestica exempla virtutis; conjugibus, quod viris carebunt, quos laudare, quam lugere præstabit; fratribus, quod in se, ut corporum, sic virtutum similitudinem esse confident.

Denique adstantibus, earum, quas celebrasti, virtutum recordatione stimulos admoveere conaberis.

Quodnam esse debet Perorationis artificium?

R. Hæ sunt Perorationis partes. 1. Æternam apud Superos felicitatem apprecari mortuo. 2. Semipiternam eidem apud posteros exoptare ac polliceri memoriam. 3. Summum illius desiderium in auditorum animis excitare, his vel similibus Horatii verbis, de eodem Quintilio:

Quis desiderio sit pudor aut modus
Tarn cari capitis? Præcipe lugubres
Cantus, Melpomene, &c.

§. XI. De Oratione Eucharistica:

*Q*uid est Oratio Eucharistica, seu Eucharisticum?

R. Oratio Eucharistica dicitur ea, qua ob acceptum insigne aliquod beneficium gratias agimus alicui: cuiusmodi est luculenta illa oratio, qua Aufonius Orator & Poeta Gallus, Imperatori Gratiano discipulo quondam suo gratias egit pro Consulatu ab illo accepto. Traxit autem suum illud Eucharistici nomen a voce Græca *εὐχαριστήν*, gratias agere.

Quot sunt præcipuæ partes Eucharistici?

R. Tres. 1. Significamus lætitiâ obortam ex accepto beneficio. 2. Accepti beneficii magnitudinem amplificamus. 3. Gratum & memorem animum pollicemur.

Quodnam esse debet Exordium orationis Eucharisticae?

R. Exordium versari debet in aperto quodam, candidoque dicendi genere, & magnam grati animi, foras quodammodo erumpere gestientis, significa-

tionem continere. Duci autem poteris. 1. A beneficii magnitudine, cui, pro eo ac par est, verbis exornando, te imparem profitearis. Sic Tullius in oratione post reditum habita in Senatu: *Si, Patres Conscripti, pro vestris immortalibus in me fratremque meum liberosque nostros meritis, parum vobis cumulate gratias egero; quæso, obtestorque, ne meæ naturæ potius, quam magnitudini beneficiorum id tribuendum putetis. Quæ enim tanta potest existere ubertas ingenii, quæ tanta dicendi copia, quod tam divinum atque incredibile genus orationis, quo quisquam possit vestra in nos universa promerita, non dicam complecti orando, sed per censere numerando?*

2. Duci poterit Exordium ab excusatione diuturni silentii post acceptum beneficium. Hoc pacto Tullius exorditur suum illud eximium Eucharisticum ad Cæsarem pro impetrato M. Marcelli reditu: *Diuturni silentii, P. C. quo eram his temporibus usus, non timore aliquo, sed partim dolore, partim verecundia, finem hodiernus dies attulit; idemque initium quæ vellem, quæque sentirem, meo pristino more dicendi.*

Quid facto est opus in Eucharistici confirmatione?

℞. 1. Amplificanda est & in bono lumine collocanda beneficii magnitudo. 2. Laudanda est persona a qua profectum est beneficium.

Quomodo amplificanda est beneficii magnitudo?

℞. Amplificabitur quadrifariam. 1. A persona quæ gratificabitur, si rex, si in amplissimo dignitatis gradu collocata. Hinc enim augetur beneficii magnitudo. 2. A persona cui gratificatur, si beneficium sit egenti collatum, si non immerenti, si ad plures pertineat. 3. A re, qua gratificatur, si honesta, si opportuna, si exoptata, si difficilis. 4. A ratione & modo; si non ægre, sed libenti animo; si non rogatu alieno, sed sponte; si non redditum sit, sed datum beneficium; si non tarde, sed cito & opinione citius. Ut enim est in veteri Proverbio: *Bis dat, qui cito dat.* & interdum etiam beneficii loco ducitur, si cito negetur. Unde in laudatissi-

mo Epigrammate (a) auctoris incerti , sed veteris :
Cæsar ad valvas sedeo , hinc nocte dieque ,
Nec datur ingressus , quo mea facta loquar .
Ite , Deus faciles , & vestro numine saltem
Dicite divini Cæsar ante pedes :
Si nequeo placidas affari Cæsar aures ,
Saltem aliquis veniat , qui mihi dicat , Abi .
Quidnam in Peroratione servandum est ?

¶. Accepti beneficii memoriam nunquam interituram , & trabali , ut ita loquar , clavo figendam esse polliceberis . Ita Ausonius ait ubique sibi occurrere beneficia Gratiani , in templo , in foro , in curia , in palatio , domi . Sic etiam Mamertius ad Imperatorem Julianum : *In referenda gratia hoc tibi polliceor , semperque præstabo , mihi nec in suggerendis consiliis veritatem , nec in adsundis periculis animum , nec in laboribus perferendis industriam defuturam .* Sed nullum quod sciam , illustrius exemplum asserri potest , quam Eucharisticum *Æneæ* ad Didonem , *Æneid.* 1.

O sola infandos Trojæ miserata labores ,
Quæ nos reliquias Danaum , terræque marisque
Omnibus exhaustos jam casibus , omnium egenos
Urbe , domo socias ! Grates persolvere dignas
Non opis est nostræ , Dido : nec quidquid ubique est
Gentis Dardaniæ , magnum quæ sparsa per orbem .
Dii tibi (si qua pios respectant numina , si quid
Usquam justitiæ est , & mens sibi conscia recti)
Præmia digna ferant .

Vide etiam apud Livium lib. 28. orationem Sanguinorum gratias agentium Senatui Romæ quod eorum causa bellum adversus Hannibalem suscepisset . Vide in bello Jugurthino orationem Bocchi regis ad Syllam . Habes quoque lectissimam illam epistolam , qua Tullius agit gratias Marcello ob supplicationem sibi ejus opera decretam .

(a) *Apud Colomesium , & apud Barthium in Adversariis .*

§. XII. De Epinicio & Gratulatione.

Quid est Epiniciu?

R. Est gratulatio ob reportatam victoriam.
Sic autem nuncupatur a voce Græca, *vixn* victoria.

Quodnam esse debet illius artificium & dispositio?

R. Exordium, si umquam alias, erit splendidum floridumque, & hilaritatis plenum ac lætitiæ. Videtur autem abruptum magis esse debere, quam temperatum.

In confirmatione amplificabitur. 1. Belli necessitas. 2. Belli difficultas. 3. Æquitas in suscipiendo, diligentia in apparando, virtus in gerendo, celeritas in conficiendo. 4. Enumerabuntur commoda & utilitates victoriæ, quæ timore populos, direptione urbes, vastitate Provincias liberaverit. Laudabuntur fortissimi viri, qui in bello strenue pugnantes cecidere. Ita Virgilius Eucyalum Nisumque laudibus in cælum extollit, *Æneid.* 9.

Fortunati ambo: si quid mea carmina possunt,

Nulla dies unquam memori vox eximet ævo;

Dum domus Æneæ Capitolii immobile saxum

Accolet, imperiumque pater Romanus habebit.

Sua etiam laus tribuetur præfatis ducibusque præcipuis, qui in victoriæ partem aliquam venerunt. Ita Ruzus: (a) hisce inscriptionibus, Augusti sæculo dignis, consecravit nomen illorum, qui bellum Batavicum una cum Ludovico Magno administraverant.

LUDOVICO PRINCIPI CONDÆO
TRIBUS AD SENEFUM EXER.

CITIBUS FRACTIS

HENRICO PRINCIPI TURRENIO, SER-
VATIS REGNI FINIBUS, PULSIS UL-
TRA RHENUM GERMANIS
EORUM EXERCITU
QUATER CÆSO.

FRANCISCO MARESC. CREQUIO, DE-
LETIS INCRUENTA VICTORIA GER-
MANORUM COPIIS, &c.

Peroratio vota continebit pro victoris incolumi-
tate, gloria, felicitate, postquam Deo O. M. vi-
ctoriarum largitori & bonorum omnium fonti,
grates fuerint, ut par est, rite persolvantur.

Quod si non pro victoria, sed pro adepto insigni
quopiam honoris ac dignitatis gradu, fiat alicui
gratulatio; significabis. 1. Quantam ceperis ani-
mo voluptatem ex illius nova dignitate. 2. Quan-
ta sit, etiam publica hilaritas & iactitia. 3. Hono-
ris & gradus Amplitudinem verbis extolles. 4.
Non casu, non (a) prehensione & ambitu, non
precibus muneribusque, sed meritis rebusque gestis
fuisse comparatum hunc honorem, quem multi am-
bierint, perpauci obtinuerint.

Pertinet etiam ad demonstrativum genus Sote-
ria, Propempticon, Apobaterion, & Epibaterion.

Quid est Soteria?

R. Soteria vocamus orationis genus quoddam,
quo restitutam alicui sanitatem gratulamur, & pro
illius incolumitate & salute gentes agimus Superis.

Quid est Propempticon?

R. Est Oratio, qua discendentem aliquem fau-
stis ominibus votisque prosequimur; cujusmodi
loculentum habes exemplum in egregio Horatii
Propemptico ad Virgilium Athenas proficien-
tem.

K 6

Sic

(a) Valet fere idem ac, *Raccomandazione*.

Sic te Diva potens Cypri ,

Sic (a) fratres Helenæ , lucida sidera ,
Ventorumque regat pater ,

Obstrictis albis , præter (b) Iapyga ,
Navis , quæ tibi creditum

Debes Virgilium , finibus Atticis
Reddas incolumem , precor ,

Et serves animæ dimidium meæ .

Quid est Apobaterion ?

R. Est oratio , quam habemus discedentes ex patria , vel ex alio quodam loco , ubi cum singulari benevolentiae significatione sumus excepti . Huius generis est Æneæ discedentis oratio ad (c) Helenum & Andromachem Æn. 3.

Hos ego digrediens lacrymis affabar obortis ;

Vivite felices , quibus est fortuna peracta

Jam sua : nos alia ex aliis in fata vocamur .

Vobis parata quies : nullum maris æquor arandum ,

Arva neque Ausoniæ semper cedentia retro

Quærenda . Effigiem Xanti Trojamque videtis ,

Quam vestræ fecere manus : melioribus opto

Auspiciis , & quæ fuerit minus obvia Grajis .

Quid est Epibaterion ?

R. Est oratio , quæ habetur ab illo , qui post longam peregrinationem , domum incolumis rediit . Vide Scaligerum lib. 3. Poetices .

C A P U T I I.

De Orationibus , quæ pertinent ad genus deliberativum .

Quanam est materia generis deliberativi ?

R. Illius materia sunt res omnes in manu & arbitrio nostro positæ : Ut enim ait (d) Tullius ,

(a) *Castor & Pollux . (b) Iapyx ventus flans ab Apulia , quæ olim Iapygia dicebatur .*

(c) *Helenus Priami filius , vaticinio clarus , ex captivo factus Epiri Rex ab ipso Pirrho .*

(d) *In Partitionibus .*

lius , Tollitur omnis deliberatio , si intelligatur quidquam fieri non posse , aut imponatur necessitas . Neque enim quisquam deliberat , qua ratione perpetuo victurus sit , quoniam intelligit sibi moriendi necessitatem incumbere : neque quisquam deliberat quomodo volare possit : scit enim sibi alas non adesse .

Quisnam est finis generis deliberativi ?

R. Honestas , & utilitas .

Quanam orationes spectant ad genus deliberativum ?

R. Pertinent ad genus deliberativum suasio , dissuasio , hortatio , dehortatio , conciliatio , concitatio , commendatio , petitio , & consolatio .

§. I. De Suasione & Dissuasione .

Quid est Suasio ?

R. Est oratio deliberativa , qua ostenditur quid faciendum sit . Dissuasione vero contrarium suadetur .

Undenam ducuntur argumenta Suasioni , vel Dissuasioni propria ?

R. Ducuntur ab honesto , ab utili , a necessario , a facili , a jucundo , cum aliquid suadendum est ; & e contrariis capitibus , cum est aliquid dissuadendum .

Quid est honestum ?

R. Honestum id intelligimus , inquit Cicero , quod tale est , ut detracta omni utilitate , per se ipsum laudabile sit , & expetendum ; v. g. si quempiam hortemur , ut M. Attilii Reguli exemplo malit ad mortem vel ad vincula reverti , quam datam hostibus fidem fallere . Ita Tullius in Maniliana probat suscipiendum esse bellum Mithridaticum , ut deleatur ignominia , quam Populo R. Mithridates inussit , cum una hora tot civium Romanorum millia iussit occidi . Ex hoc eodem loco Cato apud Lucanum lib. 9. animos militum accendit sola gloriæ commendatione , ad aggrediendum iter periculosum ac difficile :

O quibus una salus placuit mea castra secutis
Indomita cervice mori , componite mentes

Ad

Ad magnum virtutis opus, summisque labores.
 Quam orationem claudit pulchra illa sententia:

----- Serpens, sitis, ardor, arena,

Dulcia virtuti: gaudet patientia duris.

Latius est, quoties magno sibi constat honestum.

Quid vocas Utile?

℞. Utile est, quod propter commodum expetitur
 siue adjunctam habeat honestatem, ut gloria, ho-
 nor, dignitas; siue non habeat, ut divitiæ, va-
 letudo, tranquillitas, malorum depulsio, &c. Ex
 his locis Catilina conjuratos hortatur, apud Sallu-
 stium, ad nefarium facinus, quod ille maximum
 atque pulcherrimum vocat: *Nobis, inquit, est
 domi inopia, foris æs alienum, mala res, spes multo
 asperior. Denique quid reliqui habemus, præter mise-
 ram animam? Quin igitur expurgiscimini? en illa, il-
 la, quam sæpe optastis, libertas: præterea divitiæ,
 decus, gloria in oculis sita sunt. Fortuna ea omnia
 victoribus præmia posuit.*

Curio (a) similiter, apud Lucanum lib. 1. specie
 utilitatis Julium Cæsarem ad bellum civile sic hor-
 tatur:

Bellantem geminis tenuit te Gallia lustris,

Pars quota terrarum! Facili si prælia pauca

Gesseris eventu, tibi Roma subegerit orbem.

Quid vocas necessarium?

℞. Necessarium dicitur id omne, sine quo salus,
 aut dignitas stare non potest. Seu majoris cum Sca-
 ligero, necessarium dicitur, quod ita utile est, ut
 sine eo res NEC ESSE possit, unde & nomen deri-
 vatum est. Hujusce porro loci magna vis est. Mul-
 ti enim sunt animis adeo segnibus, ut tum quoque
 cum aliquid honestum & utile esse norunt, tamen
 si res sit cum magno labore conjuncta, facile terre-
 antur: Apud tales ratio necessitatis est (b) compen-
 diosa via ad persuadendum. Ejusmodi est Ciceronis
 ar.

(a) Curio homo linguæ venalis, ut se ære alieno li-
 beraret, Cæsarem ad civile bellum impulit.

(b) Ital. Scorciatoja.

argumentum in 4. Philipp. *Agitur enim non qua conditione victuri , sed victuri ne simus , an cum supplicio ignominiaque perituri .* Ab hoc potissimum loco , itemque ab honesto Æneam Hector ad fugiendum hortatur , Æneid. 2.

Heu ! fuge nate Dea , teque his , ait , eripe flammis .

Hostis habet muros ; ruit alto a culmine Troja .
Sat Patriæ Priamoque datum : si Pergama dextra
Defendi possent : etiam hac defensa fuissent .

Quid vocas Facile ?

℞. Facile illud est , quod sine magno labore , sumptuve , aut molestia , brevi tempore fieri potest : quæ sane omnia maximo sunt ad persuadendum momento . Frustra enim suadetur illud , quod vix , aut ægre admodum fieri posse creditur , Ac propterea , si quis hac de re scrupulus hæreat auditoribus , is ante omnia ex illorum animis omnino erit eximendus . Ita Venerem in suam sententiam conatur allicere astuta Juno , Æneid. 4. (stat

Mecum erit iste labor : nunc qua ratione quod in-
(a) Confieri possit , paucis , adverte , docebo .

Quid vocas Jucundum ?

℞. Jucundum dicitur , quod honestam habet voluptatem vel animi , vel corporis ; sic nuncupatum , inquit Tullius , a *juvando* , quod nempe juvet vel utrumque , vel alterutrum . Hinc ducitur illud argumentum Tullii : *Hoc velim tibi persuadeas , si rationibus meis a te provisum esse intellixero , magnam te ex eo , & perpetuam voluptatem esse capturum ,*

Quænam in suadendo , vel dissuadendo præcipue spectanda sunt ?

℞. Tria . 1. Quid sit , de quo deliberetur . 2. Qui sint , qui deliberent . 3. Quis sit , qui suadeat , vel dissuadeat .

Quid spectandum est in re , de qua deliberatur ?

℞. Quinque illa , de quibus egimus enucleate :
An-

(a) Confieri pro confici , vox parum usitata .

An sit honesta, an utilis, an necessaria, an facilis, an jucunda.

Quid spectandum est in iis, qui deliberant?

R. Caput artis est nosse penitus animos eorum, qui deliberant, eorumque voluntates ac naturas festive odorari, ut possis ambiciosi splendida, avari utilia, voluptuosi jucunda proponere, & suo, quod ajunt, liamo quemque piscari.

Prudentis ergo Oratoris erit videre an agat cum regibus, aut viris principibus: apud quos, ut ajebat Parysatis illa, verbis byssinis opus est; an cum nobilibus, quos honesta ac laudabilia tangunt; an cum plebe, bellua multorum capitum, apud quam negotium tractare longe difficillimum est. Neque vero satis est dignitatem spectare: sed habenda est etiam ingenii, morum & ætatis ratio, ut rem facilius possis ad exitus optatos perducere. Jure igitur merito de variis variarum ætatum, conditionum & gentium moribus hic agi solet ab artis Magistris, & in primis ab Aristotele.

§. II. De variis variarum ætatum moribus.

Q. *Vinam sunt juvenum, virorum, ac senum mores?*

R. Ætatis cujusque mores graphice admodum ita pingit Horatius in Arte poetica:

Imberbis Juvenis tandem, custode remoto,
Gaudet equis canibusque & aprici gramine campi,
Cereus in vitium flecti, monitoribus asper,
Utilium tardus provisor, prodigus æris;
Sublimis, cupidusque, & amata relinquere pernix.
Conversis studiis, ætas animusque virilis;
Quærit opes & amicitias, inservit honori:
Commisisse cavet quod mox mutare laboret,
Multa senem circumveniunt incommoda: vel
quod

Quærit, & inventis miser abstinet, ac timet uti;
Vel quod res omnes timide gelideque ministrat;
Dilator, (a) spe longus, iners, avidusque futuri,
Dis.

(a) *Tardus ad bene sperandum ob timiditatem.*

Difficilis, querulus, laudator temporis acti,

Se puero: censor castigatque minorum.

Juvenes igitur flagrant cupiditatibus; facile & vehementer excandescunt, node adolescentia quidam quasi rationis æstus appellatur, honestum utili præferunt, aperti sunt, candidi & misericordes: sua enim innocentia ceteros metiuntur. Prodigii sunt & in sumptus effusi; nondum enim egestatem sunt experti: ad risum & dicacitatem sunt propensi.

At dispar omnino est senum ratio. Facile succensent illi quidem, sed non æque parent iræ; quia, ut scite Horatius, *Lenit albescent animos capillus, Litium, & rixæ cupidos protervæ*. Parum sperant, quia diu vixerunt; pauca moliuntur, præteritis gaudent, facetos ac ridiculos odere, solliciti sunt officiorum exactores, ad rem attentii, lenti, difficiles, suspiciosi; sæpe enim aut se, aut alios delusos meminerunt. Præterea queroli sunt morosique, ut ait Tullius, *in fragili corpore odiosa est omnis offensus*.

Denique verbosi sunt & loquaces, quia dicere amant. Unde non inscite Cornelius Gallus, seu potius Maximianus;

Deficit auditor, non deficit ipse loquendo.

O sola fortes garrulitate senes!

Sed facile hoc illorum ætati condonandum, ob egregias virtutes, quibus hoc vitium abunde compensant.

Virilis ætas senectutem inter & adolescentiam interjecta, ac in quodam quasi confinio posita, utriusque virtutum vitiorumque particeps est, & utriusque indolem, velut ex vicinia, trahit. Juventus fortis est, sed intemperans; senectus est temperans, sed timida; virilis ætas fortis est sobriaque. Juventus nimis credula est; senectus nimis suspiciosa, virilis ætas, pro rerum natura, vel confidit, vel diffidit: Juventus querit honestum potius quam utile:

le:

*tem. Αυσέλπις; ait Aristoteles; vel, ut alii malunt
spem vitæ longam habet.*

le : senectus utile magis quam honestum ; virilis ætas & honestum simul & utile .

Puerilis denique ætas effervescebat facile ; mutatur in horas ; magnam habet indolem ad virtutem ; gloriæ honorique mirum in modum velificatur . Audi Tullium lib. 5. de finibus : *Quanta sunt puerorum decertantium studia ! ut illi effervant lætitia , cum vicerint ! ut se accusari notunt ! quam cupiunt laudari ! quos illi labores non perferunt , ut æqualium principes sint !*

§. III. De moribus Nobilium , Divitum & Plebejorum .

Quinam sunt Nobilium mores ?

¶ Nobiles sunt honoris ac gloriæ vel maxime studiosi , & , si Apulejana voce uti fas est , sunt in primis *honoripetæ* . Solent autem non solum ignobiles aspernari , sed etiam homines novos , qui primi ex sua gente sunt honores consecuti . Ita Metellus contemnebat C. Marium , illique Consulatum invidebat . Unde sic de eo Sallustius : *Inerat contemptor animus Et superbia , commune nobilitatis malum .*

Quinam sunt Divitum mores ?

¶ Divites , si præsertim divitias sunt nuperime consecuti , contumeliosi ferme sunt ac superbi . Nempe facile sibi persuadent præstare se ceteris , quia divitias possident , quibus venalia sunt omnia . Præterea solent mollitia luxuque diffuere , ut notat Juvenalis Sat. 6.

Prima peregrinos obscæna pecunia mores
Intulit , & turpi fregerunt sæcula luxu
Divitiæ molles .

Hanc , quam memoravimus , novorum divitum arrogantiam , scite tangit Cicero , cum de T. Roscio ait , *Qui in sua re fuisset egentissimus , erat , ut fit , insolens in aliena ;* & Maro , cum ait de Numano .

Vociferans , tumidusque novo præcordia regno .

Qui

Qui sunt denique Plebejorum mores?

R. Germanos plebis mores suis coloribus scite pingunt Sallustius, Horatius, Tacitus, & Seneca, dum ajunt, *plebem esse belluam multorum capitum . . . pluma, & vento mobiliorem esse . . . opinionis duci magis quam veritate ire quo itur, non quo eundem est privatis commodis servire potius, quam publicæ vel honestati, vel cupiditati cupidam esse rerum novarum Denique pessimi argumentum turbam esse.*

De variis Reipublicæ formis.

Neque vero in deliberatione satis est ætatis & conditionis cujusque indolem ac studia diligenter spectare. Spectandi præterea sunt Reipublicæ mores, qui scilicet, pro varia (a) politix forma solent maximopere variare. Aliter igitur agendum apud Gallos Hispanosque & (b) Lusitanos, quibus Rex unus summo cum imperio præest; aliter apud (c) Helvetios, Batavosque ac Venetos, apud quos vel plebs, vel Optimates dominantur.

Quid est (d) Monarchia?

R. Est unius dominatus, communem utilitatem spectans.

Quid est (e) Aristocratia?

R. Est optimatum imperium, cujusmodi est apud Venetos. Quod si optimates illi pauci sint, & propriæ, non vero publicæ serviant utilitati, vocabitur (f) *Oligarchia*.

Quid est (g) Democratia?

R. Est imperium populi, cujusmodi ferme est apud Helvetios. Quod si plebs infima dominetur, vocabitur (h) *Ochlocratia*. Addi potest *Anarchia*, quæ solet ex turbulentissimis temporibus exurgere, cum

(a) *Reipublicas*. (b) *Portoghesi*. (c) *Svizzeri, ad Olandesi*. (d) *Μόνος, solus, & ἀρχός, princeps*.

(e) *Ἀριστοι, optimates, & κράτος, imperium*.

(f) *Ὀλίγοι, pauci, & ἀρχή, principatus*.

(g) *Δῆμος, populus, & κράτος, potentia*.

(h) *Ὀχλός, turba, & κρατέω, dominor*.

cum sine rege ceterisque magistratibus fluctuat labefactatum imperium.

De variis variarum gentium moribus.

Varios præterea gentium mores, ingeniumque accurate cognosces, & illorum germanam indolem perspectissimam habebis, ut possis ad illam sermonem accommodare, ut monet Horatius:

Intererit multum (a) Davusne loquatur, an
heros,

Colchus, an Assyrius, Thebis nutritus, an
Argis.

Quanam igitur est variarum Europæ Gentium indoles?

&c. Galli sunt humani, hospitales, candidi, urbani, lauti, audaces, bellicosi, mobiles, præcipientes, longæ spei impatientes, faciles ad obliviscendas injurias æque ac benefacta, acerbis iniuriis, injurioso sine, & ut ait Florus de veteribus Gallis, primo impetu plusquam viri, secundo non item; magni peregrinatores; unde jure dictum est, *Nulum bellum sine milite Gallo.*

Germani sunt simplices, aperti, fortes, animarum prodigi, veri amici, verique hostes, inquit Scaliger. (b) Belgæ Batavique medium ferme tenent Gallos inter atque Germanos. Hispani sunt constantes, sedati, lenti in consiliis, laboris ac disciplinæ tolerantes; vile ministerium, etiam si spes magna affulgeat, averfantes. Itali sunt cunctatores, ingeniosi, sapientes, mentis excelsæ ac reconditæ, & ad regendum omnino nati, ut ait Virgilius:

Tu regere imperio populos, Romane, memento:
Hæ tibi erunt artes.

Poloni sunt feroces, bellicosi, & quos arte magis, quam vi possis superare. Moscovitæ contra, fraudulentæ &c. Longum esset cetera persequi. Plura qui volet, adeat quæ ingeniose & eleganter de præcipuis gentibus differuit Joannes Barclajus in
(a) ico.

(a) Davus *persona comica, & nomen servi.*

(b) Ital. *Fiamminghi, ad Olandicæ*

(a) iconæ animorum cap. 3. & sex proximæ sequentibus. Adeat item (b) Calvidii Læri Callipædiam, ubi versibus elegantissimis diversarum Europæ gentium mores & ingenium diligenter expressit.

Quid denique spectandum est in illo, qui suadet vel dissuadet?

1. Tria maxime in illo spectanda sunt, prudentia, probitas, & benevolentia. Prudentia quidem, quia iis fidem habere solemus, inquit Tullius libro de Officiis, quos plus intelligere ac videre, quam nos, arbitramur. 2. Probitas, quia quo quis versutior, & callidior, hoc invisior & suspensior, detracta opinione probitatis, ait idem Tullius; Et si quem, licet peritum ac prudentem cæteroqui, fallacem tamen, & sui potius amantem credamus, quam nostri, ejus consilium penitus versabimur.

3. Spectatur in suadente benevolentia: quia ut vel maxime prudens & probus quis credatur, tamen si odisse nos, vel alteri parti melius velle existimetur, nequaquam nobis bene consulere velle judicabitur. Tria hæc complexus videtur Cicero, cum lib. 2. ad Atticum ait: *Nunc mihi & consiliis opus est tuis, & amore, & fide. Quare advola: expedita erunt omnia, si te habeo.* Nam consilium ad prudentiam pertinet, fides ad virtutem, amor ad benevolentiam.

§. IV. De Hortatione, & Dehortatione.

Quid differt Hortatio a Suasione?

1. Hoc differt, quod suadeamus ratione & consilio, hortemur vero motu atque impulsu. Unde Suasio proprie pertinet ad intellectum: Adhortatio vero pertinet ad affectum. Suasio docet, eoque plus habet argumentorum; Adhortatio vero inflammat, ac propterea plus habet caloris. Suasio

(a) Ital. *Pittura, Immagine.* (b) *Verum nomen Claudius Quilletus Medicus Gallus, qui vixit sæculo proximo elapso.*

fio facit, ut scias quid facto sit opus; Hortatio facit, ut velis & ausis, illiusque partes sunt, facere ac stimulos veluti subjicere auditorum animis, illosque ad rem bene gerendam inflammare. Denique Suasio pertinet ad confirmationem; Exhortatio vero conclusioni reservatur.

Quinam affectus sunt in hortatione concitandi?

R. Excitabis 1. Spem & fiduciam. 2. Amorem & desiderium rei, quæ suadetur. 3. Æmulationem alienæ gloriæ, quæ est potentissimum ad feriendos animos telum. 4. Laudabis virtutem illorum, quos hortaris, illosque hortatu nequaquam indigere dicere. Ut enim observat Tullius, in excitando & inacuendo, plurimum valet, si laudes eum, quem cohortaris. Ita socios recordatione virtutis inflamat Mnestheus apud Virg. *Æneid.* 5.

At media socios incedens nave per ipsos

Hortatur Mnestheus. Nunc nunc insurgite remis,

Heclorei socii, Trojæ quos sorte suprema

Delegi comites; nunc illas promite vires.

Nunc animos, quibus in Gætulis syrtibus usi,

Ionioque mari, (a) Maleæque sequacibus undis.

Non jam prima peto Mnestheus, neque vincere certo.

(Quamquam oh!) sed superent, quibus hoc, Neptune, dedisti.

Extremos pudeat redisse. Hoc vincite, cives,

Et prohibete nefas. . . .

Illustre adhortationis exemplum habes apud Curium, lib. 7. ubi Alexander trecentos juvenes adhortatur, ut invadant præruptam illam & undique abscissam Sogdianorum petram, quæ in triginta stadiorum altitudinem eminebat, & quam Arimazes cum triginta armatorum millibus obtinebat.

Alexandri hortatio ad trecentos milites.

Vobiscum, o juvenes & mei æquales, urbium invictarum ante munimenta superavi: montium ju-

ga

(a) Malea promontorium in mare procurrens; quod periculosam reddit navigationem.

ga perenni nive obruta emensus sum: angustias Ciliciæ intravi: Indiæ, sine lassitudine, vim frigoris sum perpessus: & mei documenta vobis dedi, & vestri habeo. Petra, quam videris, unum aditum habet, quem barbari obsident; cetera negligunt; nullæ vigiliæ sunt, nisi quæ castra nostra spectant. Invenietis viam, si solerter rimati fueritis aditus ferrentes ad cacumen. NIHIL tam alte natura constituit, quo virtus non possit eniti. Experiendo, quæ ceteri desperaverunt, Asiam habemus in potestate. Evadire in cacumen, quod cum ceperitis, candida velis signum mihi dabit: Ego copiis admotis, hostem in nos a vobis convertam. Præmium erit ei, qui primus occupaverit verticem, (a) talenta decem: uno minus accipiet, qui proximus ei venerit, eademque ad decem homines servabitur proportio. Certum autem habeo, vos non tam liberalitatem intueri meam, quam voluntatem.

Dehortationis vero luculentissimum exemplum habes apud Livium, lib. 23. in oratione Calavii civis Campani, qua filium suum Perollam ab Hannibalis cæde dehortatur.

Dehortatio.

Per ego te, fili, quæcumque jura liberos jungunt parentibus, precor quæsoque, ne ante oculos patris facere, & pati omnia infanda velis. Paucae horæ sunt, intra quas jurantes per quidquid Deorum est, dextræ dextræ jungentes fidem obstrinximus, ut sacratis de mensis (b) essemus. Digressi a colloquio, extemplo in eum armamur? Surgis ab hospitali mensa, ad quam tertius Campanorum adhibitus ab Hannibale es: eam ipsam mensam cruentare vis hospitis sanguine? Hannibalem modo pater filio meo potui placare; filium Hannibali non possum? Unus aggressurus es Hannibalem? Quid illa

tura.

(a) *Talentum Atticum respondet Realibus, seu Julii Romanis 6000.* (b) *Ita genuina lectio, pro ederebimus.*

turba tot (a) libertorum, servorumque? Quid in unum intenti omnium oculi? quid tot dextræ? torpescuntne in amentia illa? Vultum ipsius Hannibalis, quem armati exercitus tremunt, quem horret Populus Rom., tu sustinebis? Et si auxilia desint, me ipsum ferire, corpus meum opponentem pro corpore Hannibalis, sustinebis? Atqui per meum pectus petendus ille tibi, transfigendusque est. Deterreri hic sine te potius, quam illic vinci. Valeant preces apud te meæ, sicut pro te hodie valuerunt.

§. V. De Concitatione, & Conciliatione.

Q. *Uid est Concitatio?*

R. Est virulentum quoddam orationis genus, quo multitudinis præsertim animi, veluti quoddam seditionis flabello, concitantur. Exemplum unum afferam ex Tacito, lib. 1. Annalium, ubi ait fuisse in castris Percennium quemdam gregarium militem, hominem turbulentum & procacem, qui commilitonum seditionem conflare conatus est hac artificiosissima concicne: *Cur paucis Centurionibus, paucioribus Tribunis, in modum servorum obedirent? quando ausuros exposcere remedia, nisi novum & nutantem adhuc principem precibus, vel armis adirent? Satis per tot annos ignavia peccatum, quod tricena aut quadragena stipendia senes, & plerique truncato ex vulneribus corpore tolerant. Ne dimissis quidem finem esse militiæ, sed apud vexillum tentos, alio vocabulo eosdem labores perferre; & paulo post: Denis in diem assibus animam, & corpus æstuari. Hinc vestem, arma, tentoria, hinc javitiam Centurionum, & vacationes munerum redimi: at, Hercule, verba & vulnera, duram hyemem, exercitatus aestates, bellum atrox, aut sterilem pacem sempiternam.*

Concitationi opponitur conciliatio, qua vel nobis

(a) *Melius quam libertorum, ut vulgo legitur.*

bis amorem alicujus concilimus, vel dissidentes partes in concordiam gratiamque reducere conamur. Sic olim Germanicus Cæsar tumultuantes legiones prudenti oratione sedavit, & Julius Cæsar exercitum compefcuit, *Quirites* appellando, pro militibus; qua una voce obortam seditionem repente compressit.

§. VI. De Commendatione.

Quot sunt præcipua Commendationis capita?

R. Triâ. 1. Causas Commendationis exponemus, idque modeste & verecunde; ut quod bene quis de nobis, aut de nostris meritis sit, quod simus cum illo vel sanguine, vel affinitate, vel amicitia conjuncti: quod perspectissima nobis sit illius humanitas, fides, eruditio, virtus, &c. Addere poterimus, scire nos Horatianum illud Epist. lib. 1.

Qualem commendes etiam atque etiam aspice,
ne mox

Incutiant aliena tibi peccata pudorem.

Sed viri integritatem & præclaras animis dotes nobis exploratissimas esse. 2. Exponemus negotium, cujus causa commendatur a nobis quispiam. 3. Orabimus atque obtestabimur, vel dicemus, nos pluribus nolle contendere, ne de ejus, quem rogamus, humanitate diffidere videamur. 4. Denique tum nostro, tum ejus, quem commendamus, nomine omne grati ac memoris animi officium pollicebimur.

Est & obliquæ Commendationis genus, quo simulamus nos commendare nolle, quem interim vel maxime commendamus; ut si dicas non quidem commendare te alteri Sextium velle: sed orare solum, ut propius hominem noscere ne gravetur. Sperare enim futurum, ut, cum gratias agere soleant qui commendarunt, alter tibi gratias agat, per quam viri tantæ notitiam sit consecutus.

§. VII. De Petitione.

Quid est Petitio?

R. Petitio est oratio, qua aliquid postulamus vel pro nobis, vel pro alio. Posterior hæc vo-

eatur intercessio. Utriusque artificium paucis complexus est Servius, ubi Junonis ad Æolum orationem narrat.

Rhetorum, inquit, est in omni petitione hoc observare. 1. Ut facile præstari possit quod petitur. 2. Ut sit justa petitio. 3. Ut habeat modum, & adhibeatur in illa moderatio: hoc est, ut si majora dari non possint, minoribus certe contenti videamur. 4. Ut sequatur expedita remuneratio. Quatuor hæc observare licet in Junonis petitione. 1. Enim docet rem facili negotio fieri posse:

Æole (namque tibi Divum Pater, atque hominum Rex,

Et mulcere dedit fluctus, & tollere ventos).

2. Justam esse petitionem ostendit, dum inimicam gentem insectatur:

Gens inimica mihi Tyrrhenum navigat æquor.

3. Adhibet moderationem, dum alterutro contenta est:

*Incute vim ventis, submersasque obrue puppes:
Aut age diversas, & disjice corpora ponto.*

4. Beneficii præmium pollicetur.

*Sunt mihi bis septem præstanti corpore Nymphæ,
Quarum, quæ forma pulcherrima, Dejopejam
Connubio jungam stabili, propriamque dicabo.*

Quamplurima etiam petitionum exempla suppeditabunt epistolæ Ciceronis; quas inter, sideris instar, elucet elegantissima illa ad Lucejum, quæ est 12. lib. 5. ad familiares; qua Lucejum enixe rogat, ut quæ Consulatu suo gesserat Tullius, ea litteris quam primum velit consignare. Eam autem sic orditur: *Coram me tecum . . .*

§. VIII. De Consolatione.

Consolator, vel minor est, vel æqualis, vel major. Minori cautius & mollius erit agendum. Amorem suum in primis testabitur: & ne de suo plus altero sapere velle videatur; ea quæ dictu opus erunt, ex quopiam Philosopho, vel alio summæ prudentiæ viro se aliquando audisse, profitebitur,

Æqua-

Æqualis pro communis amicitiae jure facere dicet. Major aget liberius, adeo ut, si quis immoderatus dolorem ferat, audeat etiam increpitare, sed leniter & amice.

Scite omnino argumentum illud tractat Scaliger, libro 3. de *Arte Poetica*, cap. 123. *Consolator, inquit, aut est major, aut minor, aut æqualis. Magnitudinem intelligo aut imperio, aut dignitate, aut opibus, aut sapientia, aut ætate. Aliter enim consolabitur Nasonem Livia; aliter Liviam Naso. Hoc spectat ad Imperium. Dignitas autem etiam sine Imperio esse potest: veluti si pater filium, Cicero-nem Pompejus. Opibus, ut si e plebe quempiam clien-tem suum Crassus. Sapientia quemadmodum Luci-lium, aut matrem Seneca. De ætate, non opus est exemplis. Major interponet auctoritatem; etiam ob-jurgabit Sapiens; opponet etiam disputationem: Sen-ſentiae huic crebriores. Minor ostendet affectum: sese id a sapientibus accepisse. Æqualis testabitur amici-tiam, jus commune benevolentiae.*

Si mœrentis dolor sit adeo gravis, & adeo recens, ut medicinam videatur respuere, bipartita erit o-ratio. Priori parte affirmabimus parum idoneos es-se nos, qui solemur alium, cum vel ipsi quoque consolatione plurimam egeamus: simulque priva-ti nostri doloris causas afferemus. Addemus non nos modo, sed omnes etiam bonos dolere; quod ip-sum tamen quaecumque mœrenti solatium debet afferre: quia scilicet

(a) *Levius communia tangunt.*

Altera vero parte afferemus, quæ leniendo dolori sunt idonea: qualia sunt trita hæc & pervulgata. 1. Vitæ communis conditio, quæ multis malis sit ob-noxia. 2. Rjus, quem consolamur, doctrina, vir-tus, animi magnitudo. 3. Inutilitas & damnum unde dolor augeatur, non corrigatur. 4. Patientiæ vis, quæ mitiget omnia, juxta illud *Venusini Poetæ*.

L 2

Du-

Durum, sed levius fit patientia

Quidquid corrigere est nefas.

5. Quam sit honestum in altissimo divinæ voluntatis consilio semper acquiescere. 6. Quam sit sapiente dignum, quamque laudabile sit, ratione consilioque mitigare dolorem illum, qui die ipsa ac tempore tandem aliquando defervesceat.

Ad genus judiciale, quod *bellum togatum* jure vocare possumus, pertinent duæ orationum species, accusatio nimirum atque defensio; quæ non alia præcepta desiderant, quam quæ sunt hæcenus a nobis allata: cum præsertim veterum judiciorum ratio fuerit prorsus immutata.

Finis Libri Quarti.

A R T I S
R H E T O R I C Æ
L I B E R Q U I N T U S .
D E P R O N U N T I A T I O N E .

Supereſt Pronuntiatio, ſive actio; poſtrema quidem oratoriz facultatis pars, ſi ordinem in tractando conſideres: ſed tanti tamen momenti, ut primas, ſecundas, & tertias ei Demoſthenes merito & jure tribuerit.

Quid eſt Pronuntiatio?

Est vocis geſtuumque, pro rerum verborumque varietate, apta conformatio. Quanta porro ſit illius vis & utilitas docet Tullius, cum ait, infantes & indiſertos homines, actionis dignitate eloquentiz ſæpe fructum palmamque tuliffe: diſertos vero bene multos, actionis deformitate infantes fuiſſe judicatos. Hæc Pronuntiatio recte vocatur ab eodem Tullio, *Quædam corporis eloquentia*: & alibi, (a) *Sermo corporis* ad eodem etiam appellatur.

Quot res ſunt ad recte pronunciandum neceſſariæ?

Est. Tres, memoria, vox, & geſtus. Est, enim memoria quaſi fundamentum actionis, de cujus vi gratiaque multum depereat neceſſe eſt, ſi memoriter non pronuntiatur oratio, & ſi orator non poſſit a commentariis oculos & vultum avertere.

Viris tamen principibus, & in publica re vehementer occupatis vitio verti nequit, ſi recitent & commentario, ut olim Auguſtus, qui, ne memoriz ſubiret aleam, vel in ediscendo ſibi tempus abiret, ſere de ſcripto dicebat; ut auctores ſunt Suetonius, & Dio. Itemque Patrum noſtrorum memoria Carolus V. ad Belgii Proceres orationem e ſcri-

L 3

pro

(a) *Ad Brutum.*

pto recitavit, cum sese regno Bruxellis abdicaret, illudque Philippo filio traderet. Datur quoque eadem venia ægrotis senibusque; aliis vero nequaquam.

§. I. De Memoria.

Quid est Memoria?

℞. Memoria, ut est eloquentiæ pars, definitur a Tullio, *Firma rerum ac verborum recordatio*. Est autem duplex memoriæ genus, Alia est artificialis, alia naturalis.

Quid est artificialis memoria?

℞. Artificium memoriæ a veteribus traditum, constat locis & imaginibus. Loci se habent instar chartæ: imagines vero instar Scripturæ. Hanc artem primus apud veteres Simonides prodidisse, apud recentiores Raymundus Lullus illustrasse traditur. At vero iis, qui memoria valent, minime necessaria est; qui non valent, prorsus inutilis. Tu illam nodo exerceto, ediscendis ad verbum, ut ait L. Crassus apud Cic. lib. 1. de Orat. quamplurimis & tuis scriptis & alienis; quod facilius fortasse præstabis, si ante quam cubitum eas, attente ea, quæ mane voles ediscere, semel atque iterum legas, Nisi te hæc exercitatio juverit, nihil sane in arte, quo possis juvari, reperio.

§. II. De Voce.

Ad Actionis usum ac laudem, maximam sine dubio partem vox obtinet, inquit Tullius de Oratore; neque tam refert qualia sint quæ dicas, quam quomodo dicantur.

Quænam igitur circa vocem sunt observanda?

℞. Tres hæc potissimum leges diligenter observabis. Prima lex hæc est, ut dilucide. (a) articulatim & sincere pronuntietur, ita ut integra verba; syllabæque omnes proferantur. Nolim tamen syllabatim sic pronunties, quasi si litteras computando adnumerares; quod esset molestum ac putidum.

Ad eandem legem pertinet etiam, ne volubili quadam præcipitique celeritate dicendi incitata fer-

(a) Itah Spiccatamente.

ratur oratio ; sed vox respiratione recreetur , & spiritus inrer dicendum suspendatur identidem , & auditoribus spatium aliquod cogitandi relinquatur .

Secunda lex hæc esto , ut pro argumenti motuumque præsertim varietate , vox etiam opportune varietur , & utcumque se affectum videri volet Orator , & audientium animos moveri , ita etiam certum vocis sonum adhibeat . Iracundia postulat vocis genus acutum , incitatum , crebro incidens : miseria & mœror flexibile , plenum , flebile , interruptum : voluptas effusum , lenè ; tenerum , hilaratum : metus demissum , hæsitans , abjectum , &c.

Præterea mutanda tibi vox erit pro variis orationis partibus . Aliam enim vocem flagitat Exordium , aliam Narratio , aliam Confirmatio , aliam Peroratio .

In Exordio , nisi forte indignatione conflct , voce utendum submissa ac verecunda . Nec debet Orator , simul ac dicturus prodit , (a) perfricare frontem , & in verba statim erumpere . Ceteroqui futurum est , ut seroculum Oratorem jure omnes averfentur . Sed oportet , ut paululum cogitatione quasi defixus moretur : Idque tum quod auditores hæc Oratoris cura delectet , tum ut interea ipse se colligat , & ad dicendum componat . Ita Ulysses apud Nasonem paulisper consistit , oculis in terram defixis , priusquam suam eloquentiam torrentis instar effundat (b) :

. . . . Oculos paulum tellure moratos

Sustulit ad proceres , expectatoque resolvit

Ora sono , neque abest facundis gratia dictis .

Ab Exordio paulatim insurgit vox : ac in nar-
rando quidem voce utimur aperta simplici que , qua-
lis fere est in sermone familiari . In Confirmatione
& in argumentatione præsertim , voce utimur a-
criori . In Peroratione demum , quasi parva victo-
ria , vox solet esse excitatior , ut ita ostendat Ora-
tor , se niti bonitate causæ , magnamque si iaciam

L 4

in

(a) *Mostrarsi sfacciato* . (b) *Metamor. lib. 13.*

in auditorum probitate prudentiaque collocare.

§. III. De monotonia & cantu.

Gratæ huic varietati opponitur e diametro unus ille insulsusque vocis tenor, quem Græci *monotoniam* vocant, & qui non modo dicentem enecat, sed etiam audientes exanimat, & unde omnis orationis decor ac venustas deflorescit:

. . . Ut citharædus

Ridetur, chorda qui semper oberrat eadem, inquit Horatios.

Huic, quam tantopere commendamus, varietati opponitur etiam cantus, qui nihil aliud est, si quæris, quam clamosa quædam, & uno ferme tenore subsultans ænania.

Qua ratione huic vitio poterit occurrì?

℞. Huic incommodo remedium adhibebitur. 1. Si pueri rebus humilibus ac quotidianis æquabiliter & rotunde pronuntiandis assuescant; neque vero statim ad tragicam granditatem procurrant. 2. Si eorum, quæ pronuntiant, germanum sensum penitus animadvertant. 3. Si interdum vernacula, non illa inflata tragicaque, sed simplicia & quotidiana pronuntient.

4. Exerceantur aliquandiu in orationibus illis, quæ varios motus ac vocis inflexiones efflagitant; ut videant quid submisso ac leniter, quid festivo, quid atrociter, quid sedate, quid concitatus dicendum sit. 5. Denique ubi illa pronuntiationis quasi tyrocinia posuerint, poterunt citra periculum in rebus grandioribus tragicisque versari.

Tertia circa vocem lex hæc est, ut ea, pro amplitudine loci, & auditorum multitudine, vel intendatur, vel remittatur; sed tamen nec ascendat ad supremum, nec ad extremum descendat. Nam vox si ima sit, vim non habet; si vero nimium acuta sit contentaque, delicatas ac teretes urbanorum hominum aures offender.

Scio equidem hoc esse plebeculæ rudioris ingenium, ut vocalissimum quemque & valentissimum lateribus, ita optimum oratorem iudicet, nullamque

que putet egregiam, nisi quæ (a) *pontem indignetur*, actionem, in qua scilicet & clamosæ fauces, & vox ululans, & rigidi vultus torvitas, & pedum sup-
plosiones, & brachiorum remigatio, & totius cor-
poris dissoluta quædam intemperansque jactatio, &
ilia denique inflata rumpantur.

Ciceroni vero longe alia mens erat. Aiebat enim venustissime, clamosos hujusmodi *latratores* verius quam oratores, similes esse claudorum, qui cum ambulare non possint, ad equum confugiunt. Ita illi, in illa (b) *Stentorea* voce, tamquam in ju-
mento, suam omnem apud imperitos fiduciam re-
ponunt; nec magis hoc nomine possunt Oratores dici, quam bajulus possit dici citharædus.

§. IV. De Gestu.

Vocem subsequi debet Gestus, & varios animi sensus cum illa simul aperire. Qua de re col-
ligemus ex veteribus ea tantum, quæ sæculi no-
stri moribus sunt accommodata. Multa siquidem ex antiquorum gestificatione prorsus obsolevisse vi-
demus.

Quid est Gestus?

K. Gestus, inquit Valla, est actio quædam & quasi pronuntiatio corporis: seu major cum Quin-
tiliano, *Gestus est totius corporis motus & conformatio.*

Quid in gestu generatim & universe cavendum est?

K. r. Nihil in illo sit effæminatum & molle; ni-
hil nimis exquisitum, aut elegans; nihil quod af-
fectatam quandam diligentiam artemque redoleat. Monet enim Fabius, actionem non esse deliciis ni-
miaeque cura molliendam: & comptis illis delica-
tisque Oratoribus sæpe numero soler evenire, quod olim Sybaritarum equitatu contigit. Cum enim
gens effæminata, & chorearum ad insaniam avida,
suos etiam equos ad numerum symphoniamque sal-
tare docuisset; cum deinde ex umbraculis in solem

L 5

ac

(a) *Pontem indignatus Araxes. Vig.* (b) *Stentor* quin-
quaginta hominum clamorem magnitudine vocis adæqua-
bat. *Homero vocatur Χαλκίφρων, vocem aream habens.*

ac pulverem contra Crotoniatis hostes fuit illis prodeundum, histriones illi equi, tubarum & martis ignari, motibus compositis, saltibusque numerosis repente lascivientes, se & exercitum eorum misere perdidērunt. Ita umbratiles illi Oratores ab imis unguiculis ad verticem usque venuſtuli, quando ex domestica exercitatione in medium agmen, in pulverem, in clamorem, in castra atque aciem forensē prodierunt, & se & causas suas in magnum quoddam discrimen conjiciunt.

2. Nihil in gestu sit durum, aut agreste; ne dum molliem fugimus, in contrarium rusticitatis vitium videamur incidere. Quamquam, si in alterutro peccandum esset, facilius excusaretur rustica quzdam simplicitas, quam putidiuscula gestus, vocis & habitus affectatio.

Quid de totius corporis motu præcipiendum?

R. Præcipitur, 1. ut status corporis sit celsus, & erectus, & trunco magis toto virilique quadam laterum inflexiore se se Orator moderetur. 2. Ne in statuz morem obrigescat, quasi si veru deglutisset, ut facete agebat Epictetus. 3. Ne crebris & incompositis corporis commotionibus vehementius agitur, more furentis Sibyllæ:

. . . . Cui pectus anhelum

Et rabie fera corda tument

Vitiosum quippe est huc illuc curſitare: quod olim exprobratum fuit Domitio Afro, qui non agere, sed satagere, non illepide dicebatut. Et cum alius quidam non minus actuosus Orator multum concursasset in dicendo, facete rogavit eum adversarius Virginius, Quot demum passuum millia declamasset? Cassius quoque Severus adversus circumcurſitantes hujusmodi Oratores solebat poscere lineam, quæ immodicas illorum excursions prohiberet.

Quid in capitis, & oris totius conformatione servandum est?

R. 1. Vitiosa est frequentior capitis jaſtatio (a),

Mx

(a) Ital. *Baccanti*.

Mznadum instar, de quibus Catullus Carmine de Berecynthia & Athi: Capita Mznades vi jaciunt hederigeræ: aut instar famosæ illius Messalinæ, de qua Tacitus 11. Annalium: *Ipsa crine fluxo, Thyrsum quatens, juxtaque Silius hedera vincitur gerere cothurnos, jacere caput*. Non tamen dedecet aliquando vel annuendo confirmare, vel abnuendo negare, vel capitis in latus inclinatione languorem, & aversione indignationem, aut alio simili motu dubitationem, & ejusmodi affectus designare. Sed neque capite erimus immobili rigidoque, quod semibarbarum est; ut olim Rufus ille Rhetor, de quo ita Ausonius Epigrammate 50. (a)

Rhetoris hæc Rufi statua est; si saxea, Rufus.

Cur in ais? semper saxeus ipse fuit.

3. Capite utemur non dimisso, & (b) obstipo, vel in cervicem reflexo; sed recto porius celsoque: quam hic quoque modus servandus est, ne aulacia ac arrogantia videatur; & capitis demissio potest aliquando tristitiam, luctum, moerorem, poenitentiam, & iræ divinæ placandæ studium perbellè significare.

Sed in ore, vultuque & oculis sunt omnia. Quapropter pro rerum natura, vultum indues modo hilarem, modo mœstum, nunc blandum, nunc minacem. Ita Horatius:

Tristia mœstum

Vultum verba decent; iratum plena minarum:

Ludentem lasciva; severum seria dictu.

Frons exporrecta diffusaque hilaritatis indicium est: contra vero severitas indicatur fronte corrugata, (c) caperataque, & superciliis vel contractis, vel etiam inæqualibus. Unde Tullius in Pisonem. *Altero ad frontem sublato, altero ad mentum depresso supercilio respondit*. . . & pro Sextio: *Tanta erat gravitas in oculo, tanta frontis contractio, ut illo su-*

L 6

per-

(a) Italice sic verte: questa statua è di Ruffo Rettore, s'ella è di sasso, è lo stesso Ruffo. (b) Ital. Piegate, e cascante sul mento. (c) Ital. aggrinzita.

percilio, tamquam Rhadamanthus ille niti videretur.
Hinc etiam Petronius Arbitrator.

Quid me spectatis confixis fronte, Catones?

Et post illum Martialis lib. 1.

Contigeris nostros, Cæsar, si forte libellos,
Terrarum dominum pone supercilium.

Orantem, & aliquid a Deo poscentem indicant
oculi in cælum sublatis, ut res ipsa fatis loquitur.
Unde Cassandra:

Ad cælum tendes ardentia lumina frustra.

Oculos avertere averſantis est, vel fastidientis,
vel negantis. Sic misera Didonis umbra, conspecto
apud inferos Ænea:

Ille solo fixos oculos averſa tenebat.

Oculi clausi meditantem & cogitantem animum
produnt. Oculos in unum locum defixos habent,
qui præ admiratione stupent. Unde Æn. 1.

Dum stupet, obtutuque hæret defixus in uno.

Præterea demissi oculi modestiam pudoremque si-
gnificant. Sic Andromache Æn. 3.

Dejecit vultum, & demissa voce locuta est.

Quid in brachii moderatione servandum?

℞. Brachia nec deorsum incomposita pendeant,
nec immodice projiciantur, nisi in affectu vehemen-
tiori. Brachium extensum ac porrectum, potentiam,
auctoritatem, & robur arguit. Contra vero conti-
nere ac cohibere brachium, est pudoris ac verecun-
diæ. Unde Tullius pro Cælio: *Nobis olim annus erat
unus ad cohibendum brachium toga constitutus, ut exer-
citatione ludoque campestri tunicati (a) uterentur.*

Quid circa manus digitosque præcipitur?

℞. Manus, sine quibus trunca esset actio ac debi-
lis, vix dici potest quot motus habeant, inquit Fa-
bius. . . . Nam ceteræ partes loquentem adjuvant:
prope est ut dicam, ipsæ loquuntur. An non his po-
ſcimus? pollicemur? vocamus? dimittimus? mina-
mur? abominamur? timemus? interrogamus? nega-
mus? Gaudium, tristitiam, dubitationem, confessio-
nem,

(a) Alii legunt uteremur.

nem , penitentiam , modum , copiam , numerum .
tempus ostendimus? Circa manus autem certæ quædam sunt , ac definitæ leges , quas sequi oportebit .

1. Manus in Exordio non solet extendi . Ast ubi paulum effervesce cœpit oratio manus pariter ex-
rigitur cum illa , pariterque cum illa deponitur .

2. Pectori manus admovetur , cum de seipso quis loquitur ; at cum alloquitur alium , ad illum extenditur .

3. *Manus sinistra nunquam sola gestum facit* , inquit Fabius : *dextræ se frequenter accommodat* : siue in digitos argumenta digerimus , causamque , ut olim Hortensius consueverat , partim in digitis (quem morem hodieque nonnulli non infeliciter imitantur) siue aduersas palmas , quasi repellendo , & repudiando obijcimus .

4. Solocismus gestu committitur , cum aliud voce , aliud gestu monstramus : ut Rhetor ille , qui cœlum appellans , tellurem intuebatur , gestuque monstrabat .

5. Urgemus crebra manum impressione . Supplicamus manibus elatis junctisque . Confirmamus manibus pronis , gravi quodam & decenti motu depressis .

6. Admirantium est manus tollere . Unde Tullius in Academicis questionibus : *Hortensius autem vehementer admirans , quod quidem perpetuo Lucullo loquente fecerat , ut etiam manus sæpe tolleret . Et ad Cæsarem , Epistolarum libro septimo : Sustulimus manus ego & Kalbus .* Huc etiam pertinet illud Catulli , Carmine 53 .

Admirans ait hæc , manusque tollens :

Dii magni , (a) salapustium disertum !

7. Manu extenta facimus nobis audientiam , indicimusque silentium . Hinc Persius in Satyris ,
Fert animus calidæ fecisse silentia turbæ

Majestate manus

Lucanus etiam Libro primo de Cæsare : Tu

(a) *Salapustus* nomen compositum ex *sale* , & *pustus* siue *pusto* , quasi dicas *pusto* plenus *salis* & *facetiarum* , quod de *Calvo* dictum ob *pustillam* staturam .

..... Tumultum

Composuit vultu , dextraque silentia iussit .

8. Manus ori admota tacentis & silentium suadentis habitus est : *Digito compesce labellum* , inquit Juvenalis : quo etiam gestu simulacrum Harpocratis effingebant Ægyptii veteres .

9. Solebat Tullius antequam diceret barbam demulcere , quod hodieque nonnulli solent . Sunt etiam qui aut frontem fricent , aut lacunas intueantur , sed hæc vitiosa sunt . Vitiosum est quoque manus vel supra caput attollere , vel infra pectus demittere , præterquam in summis affectibus .

10. Pectus ferire , aut femur , prope scenicum est .

11. Manus optime a sinistro incipit latere , dextroque deponitur .

12. Hoc esse cavendum ait Cicero , ne nimis sit digitorum argutie , neve immodica sit illorum gesticulatio , quo vitio laboravit summus Orator Hortensius : *Cum enim* , inquit Agellius , *manus ejus inter agendum , essent argutæ admodum & gestuosæ , maledictis , compellationibusque probrosis jactatus est : multaque in eum quasi inhistrationem , in ipsis causis atque judiciis dicta sunt ?*

Hæc autem omnes , quas hæcenus diximus , Oratoris virtutes , cura & labore comparari posse liquet mirabili Demosthenis exemplo , qui cum (a) primam artis suæ litteram dicere nequireret , studio & exercitatione perfecit , ut planissime diceret , & balbutiem , inditis ori calculis , emendavit ; exilitatem vocis , ad fluctus maris declamando , illiusque fremitus voce vincendo , sustulit ; angustias spiritus , locorum arduorum inter declamandum ascensu , tandem aliquando superavit .

Atque hæc de Pronuntiatione monuisse sufficiat . Reliqua , quæ eodem pertinent , exercitationi relinquimus : cui scilicet plus multo , quam præceptis esse tribuendum existimavimus .

Finis Libri Quinti .


IN.

(a) *Litteram R.*

INSTITUTIONUM POETICARUM AUCTORE

R. D. JOSEPHO JUVENCYO.
LIBER PRIMUS.

DE POESI SPECTATA UNIVERSE.

M.  UM in omni re, quæ in quæstionem venit, debeat attendi primum quid sit, deinde quæ sint ejus affectiones; ideo Poeseos definitio proferenda: tum de materia illius, forma, ornatu, causa efficiente, fine, ac divisione disputandum.

CAPUT PRIMUM.

Definitio Poeseos.

D. *Quid est Poesis?*

M. *1.* Si vocis vim ac potestatem quæras, Poesis nomen habet ἀπὸ τῆ ποιήν; quod est facere seu fingere; unde ποιητής, ars faciendi seu fingendi, & ποιητής, Poeta, id est Fictor, seu Effector; quod Fabula, quam texit, ab ejus mente tota esse videatur.

2. Si rei significationem spectes, Poesis modo dicitur Ars Poetica: modo dicitur opus aliquod ex arte elaboratum. Juxta primam vocis acceptionem Poesis est *Ars rite conficiendi Poematis: sive*, Collectio præceptorum in unum & eundem finem certo tendentium, nimirum ad unum aliquod opus poeticum perficiendum. Juxta secundam vocis significationem intelligitur *Usus, & Praxis* illorum præceptorum; atque hoc sensu agimus hic de Poesi.

D. *Quomodo definitur hoc posteriori sensu accepta Poesis?*

M. *Definitur Ars imitandi actiones humanas, seu imitatio humanarum Actionum cum fictione.*

D. *Imitaturne re ipsa omnis Poesis humanas Actiones?*

M. *Imi*

M. Imitatur utique . De præcipuis Poematis non potest ambigi , Epico , Tragico , Comico . Minora quoque Poemata ad humanas Actiones suo modo referri primario & per se , suis locis patebit inferius :

D. Cur potius humanas Actiones imitatur Poësis , quam Mores ?

M. Ratio hæc petitur ex Philosopho(a) . Cum sit Poësis omnis Politicæ & Civilis Disciplinæ pars : civilis autem disciplina habeat pro fine Civium felicitatem ; hunc certe finem Poësi præstitutum esse necesse est . Jam vero tum felicitas sit in Actione , juxta Philosophos , non in Moribus , qui ad ipsas actiones , ut ad finem referuntur , plane sequitur , ut , quemadmodum Civilis Disciplina , sic & Poësis non tam ad mores referatur , quam ad Actiones . easque primario & per se imitetur .

D. Num Poësi tam necessario addicta est Fictio , seu Fabula , ut sine illa non possit esse Poësis ?

M. Plane dicendum est ; ita censet Aristoteles , (b) ejusque Interpretes , qui vim eandem ac dignitatem in poësi tribuunt Fictioni , quam Animæ concedunt in homine . Cum autem sublata anima nullus sit homo , sic nec sublata Fictione potest esse ulla Poësis . Ita sentiunt probatissimi Authores bene multi , Plato in Phædone , Plutarchus libro de audiendis Poëtis , &c. Non erit itaque Poëta dicendus is , qui sine Fictione , sicut qui sine Metro scripserit . Ratio patebit utriusque c. 3. ubi quid nomine Fictionis , seu Fabulæ veniat , exponetur .

C A P U T II.

De Materia Poëseos .

D. Uæ est Materia Poëseos ?

M. **Q** Est id omne , de quo tractat Poësis .

D. Quotuplex est illa Materia ?

M. Duplex , una remota , altera proxima .

D. Quænam est Materia remota ?

M. Tum longe lateque diffusam Poeticæ , quam Oratoriæ Facultati Materiam assignat Tullius (c) .

cui

(a) *Poët. cap. 4.* (b) *ibid.* (c) *L. de Orat.*

cui poeta cum Oratore in hoc idem est , nullis ut terminis uterque circumscribat , aut definias jus suum , adeoque possit uterque de rebus omnibus disputare .

D. Quænam est Materia proxima Poeseos ?

M. Sunt Actiones humanæ , prout potuere , vel debuerere geri .

D. Numquid debent esse vera , quæ in Poeseos materia assumuntur a Poeta ?

M. Tenetur aliquando Poeta ea dicere , quæ vere contigerint , aliquando non tenetur . Quamvis enim Poetis , & Poema , artem faciendi , effectumque significant ; non eo sensu tamen sunt accipiendæ illæ voces , ut suam sibi semper materiam procreare Poeta debeat ; immo in Epopœia , Tragœdia , atque etiam in aliis minoribus poematis , qualia sunt Genethliaca , Epicedia , Epinicia , &c. subesse debet quasi fundus historiarum , cui magnifice aliquid inædificetur . Potest autem suam sibi condere materiam in Comœdia , aliisque poematis bene multis , atque etiam debet materiarum , quæ vera sint , novam formam inducere , atque eatenus falsa referre . Curandum autem utrobique diligenter , ut quæ proferantur , sive vera , sive falsa , ea sint omnino verisimilia .

D. Quid vocas verisimile ?

M. Est id , quod naturali quodam rerum exitu debet , aut certe potest contingere in circumstantiis , in quibus dicitur contingere .

D. Itane sunt verisimilia quæ Virgilius narrat in discensu Æneæ ad inferos , de mutatione navium in Nymphas marinas , aliaque hujusmodi ?

M. Futre utique verisimilia , quod ab Heroibus , Diisque & fieri posse , & reipsa fieri aliquando putarentur .

C A P U T I I I .

De Forma Poeseos .

D. Q Uæ est forma Poeseos ?

M. Est Fictio , seu Fabula . Cum enim Poetia

ea sit ars fingendi, ut vox ipsa sonat, debet certe Fictio sic naturam poeseos constituere, ut eam ab omni alia re secernat atque distinguat: quomodo Forma, quæ vocatur in Physicis, uniuscujusque rei materiem sic perpolit ac perficit, ut ejus naturam plane dicatur constituere. Ita censet passim Aristoteles, qui Fabulam sic Poesi attribuit, ut sine illa Poetam esse nolit.

D. Quid est Fictio, seu Fabula?

M. Non una est, eademque vocis illius notio. 1. Significat sermonem quendam mere fictitium, qualia sunt Æsopica colloquia bestiarum, & inania quædam Æthnicorum commenta. 2. Usurpatur a Philosopho pro Actione ipsa & Materia Poematis, vel etiam pro toto Poemate. 3. Sumitur ab eodem Philosopho pro Structura quadam Poematis, sive, ut loquitur, pro Constitutione rerum, & Compositione in Poemate.

D. Quo sensu Fabula dicenda est Forma Poeseos?

M. Juxta postremam hanc vocis acceptionem. Nam eodem modo de Poetica videtur dicendum, ac de aliis Artibus, quæ imitatione perficiuntur: in quibus certa quædam Dispositio & Compositio universe dici debet earum Forma. Sic in statua aurea, aurum est materia, & artificiosa auri dispositio est ultima statuæ Forma in genere operis artificiosi. Et ut exemplum proferam, quo non semel usus est Aristoteles; Pingatur v. gr. Socrates. 1. Picturæ materies est Socrates, qui pingi debet; is materiam repræsentat poeseos. 2. Corporis descriptio cum apta membrorum omnium conformatione ac dispositione est Forma: & hæc Fabulæ comparatur. 3. Colorum varietas & contemperatio est ornatus picturæ, & cum Fabulæ ornamentis rite potest conferri. Recte itaque pronuntiavit Aristoteles (a):

Λέγω γὰρ τοῦτον τὸν μῦθον συνδέειν τῶν πραγ-
μάτων.

Dc.

(a) Lib. 6. cap. 4.

Definitio Fabulam esse Compositionem rerum.

1. Qualis debet esse illa Fictio, seu Constitutio & Structura Poematis?

M. 1. Exquisitam illam esse jubet universe Horatius (a), atque etiam in majoribus Poematis magnificam, nec vult Poetam dici posse illum, qui talem Formam Materiz non induxerit:

Neque enim concludere versum

Dixeris esse satis: neque si quis scribar, uti nos, Sermoni propiora, putes hunc esse Poetam.

Ingenium cui sit, cui mens divinior, atque os Magna sonaturum, des nominis hujus honorem.

2. Hæc Structura, ut de illa aliquid magis distincte, singillatimque statuamus, complectitur varia, quæ Philosophus appellat Fabulæ ornamenta, Peripetias, Agnitiones, Episodia, Machinas, graphicam Morum expressionem, Sententias, accuratam Dictionem, Numerum poeticum, aliaque omnia, unde mirabile dicendi genus efflorescat; adeo ut nulla sit Fictio, quæ aut omnibus his destituta sit, aut aliquibus saltem instructa non sit ornamentis.

D. Quæ poemata aut hæc omnia, aut aliqua saltem sibi vindicant Fabulæ ornamenta?

M. In sublimioribus Poematis frequentius, parcius in humilioribus sunt usurpanda. Sic Epicum poema, Tragicumve eo omni ornatu debet splendere: aliquo nitere debent minora poemata, vel quæ in genere heroico sunt posita, ut Adhortationes, Laudationes &c. vel quæ suapte natura simpliciorum, minusque figuratum dicendi habitum requirunt. Verum quæ Fictio cuique illorum, qui cultus ornatulque conveniat, exponetur commodius suis locis, cum de singulis ageretur poematum generibus.

D. Licetne in poesi adhibere F.ctionem, quatenus vox illa aliquid mere fictitium sonat?

M. Sane licet. 1. Nihil opus est in majoribus poematis esse usquequaque vera, quæ in Peripetiis;
Epi-

Episodiis, Machinis, &c. profueruntur.

2. Placent maxime quæ a veteribus sæpe recentioribusque Poetis in poemate Epico, Tragico, Comico, Bucolico etiam, & Satyrico Fictitiæ inducuntur personæ.

3. Non sine dignitate ac venustate rebus inanibus spiritus, mutis vox tribuitur; ut cum Roma, Gallia, Africa loquentes inducuntur; vel cum Scientiæ, Artes, in personas item conformantur.

4. Suus est etiam in sacris argumentis, neque angustior, quam in profanis, ejusmodi Fictionis locus, ut evicit manifestissime in suo Opere vere aureo de Poemate Frinzonius (a) cujus ex animadversione id unum maxime curandum est, ut moderentur prudentia Fisiones, ne quid vanum, insolens, aut a communi sensu alienum afferatur.

Ex dictis collige. 1. Poetæ perinde esse, vera ac falsa dicere, modo verisimilia dicat, nisi forte in aliquibus poematis, quæ supra attigimus, in quibus debet esse vera, quæ profertur, materia: quamvis falsi aliquid in eadem ornanda possit aspergi: quod tamen intra verisimilitudinis septa contineri debet.

Collige 2. quam male jubeantur e Parnasso exulare Poetæ, qui mera commenta in sua carmina non invexerunt, & eo nomine Fabulam non scripsisse dicuntur: quasi vero ipse Virgilius in suo opere absolutissimo Georgicon Poeta non sit appellandus, cum vera dixerit, sed splendide, sed artifice, sed poetice, adeoque non sine Fisione.

Collige 3. non esse illum proprie dicendum Poetam, qui tenuiter, ac jejune servata dumtaxat legitima syllabarum pedumque dimensione rem tractavit, eumque versificatorem appellandum, quod sine Fisione poetica scripserit: quæ ut minimum requirit habitum loquendi aliquem figuratum, floremque eloquentiæ leviter delibatum, versuque exornatum.

II. Quæ

(a) *Lib. 1.*

D. Quæ sunt jam ornamenta Fictionis seu fabulæ?

M. Septem numerantur ab Aristotele, Peripetia, Anagnorisis, Episodium, Machinæ, Mores, Sententia, Diction: de quibus omnibus singillatim agendum est.

C A P U T IV.

De Peripetia.

D. Quid est Peripetia?

M. **Q** Peripetia *περιπύκτω* incido, nihil aliud est, ut vox indicat, quam rerum in statum contrarium lapsus; quapropter definitur ab Aristotele (a): *Eorum, quæ aguntur, mutatio in contrarium, siue mutatio hæc prospera sit, siue adversa.*

D. Da Exemplum utriusque Peripetiae.

M. Exemplum esto prosperæ rerum conversionis. Josephus fratribus suis infelicem suam sortem lugentibus, qui tandem ipse sit, aperit, timoremque excutit; unde efficiuntur illi vere fortunati.

Adversæ vero mutationis exemplum sit istud: Nuntius Corintho missus Oedipum rogat Thebanorum regem, ut Corinthiorum quoque regnum communi omnium consensu post mortem Polybi regis ipsi delatum velit capeffere. Corinthum adire abnuit Oedipus, ne forte, quod oraculum præcinerat, incesto flagitio martis polluendæ, quam putabat esse Meropem Polybi demortui uxorem, periculum subiret. Dat operam Nuntius, ut hoc eum metu liberet; sed simul ea refert, unde cognoscit Oedipus impletum jam fuisse Oraculum, & matrem Jocastam eo flagitio pollutam; & patrem Lajum a se fuisse interfectum; atque hinc tantum concipit mœrorem, et vagus & exul, effossis sibi oculis; reliquam vitam transigere constituat, in summam proinde prolapsus calamitatem.

D. Quot sunt conditiones ad perfectam Peripetiae formam requisitæ?

M. Tres assignantur. Prima est, ut sit magna il-
la

(a) C. 9. Poet.

la mutatio rerum ferme omnium fortunarumque , sive ex felici statu ad infelicem , sive contra .

Altera , ut sit illa mutatio subita & inopinata , ut præter expectationem ea rerum oriatur perturbatio , ut metus ac terror repente lætitiæ , vel terrori lætitia succedat .

Tertia , ut sit verisimillsejusunodi rerum conversio . Contra quam præceptionem peccant in primis Romaniorum Auctores , qui nulla habita verisimilitudinis ratione rerum , dumtaxat captant delicias : nec fidem facere curant , modo lectorum animos admirabilitate rei teneant & delectent . Habes eximiam Peripetie formam apud Virgilium (a) , ubi Trojanis in Italiam appulsis cum fauste omnia , atque ex sententia cederent , dimissis a Latino rege cum bonis verbis , atque amplis muneribus Legatis , pactaque Æneæ Lavinia , Juno , irarum plena , omnia commutat perturbatque , summaque in rerum tranquillitate summum derepente bellum excitat .

C A P U T V.

De Anagnorisi .

D. Quid est Anagnorisis ?

M. Quid Anagnorisis , Latine Agnitio , dicitur ab Aristotele (b) . ex ignorantia in cognitionem mutatio : Id est , personarum Agnitio , ex quo amicitia oritur , vel inimicitia inter eos , qui felices esse debent , vel infelices . Unde colliges per hoc Fabulæ ornamentum . 1. Intelligi personarum inter se agnitionem . 2. Amicitiam vel inimicitiam . 3. Felicitatem , vel infelicitatem ex illa agnitione nasci .

D. Da Exemplum Agnitionis .

M. Orestes Iphigeniæ frater ad aram mactandus præsentem sororem , quam non Agnoscebat ; ait simili fato perire se , ac sororem , quam Dianæ immolatam fuisse credebat . His illa auditis fratrem agnoscit : inito deinde inter se consilio aufugiunt , & morti se Orestes , & sædo homines immolandi ministerio

(a) Æneid. lib. 7. (b) Cap. 9. Post.

110 Iphigenia se subducit.

D. Quotuplex est Agnitio?

M. Duplex: una dicitur simplex, duplex altera: ut si in allato modo exemplo Iphigenia tantum agnoscat Orestem, simplex erit, si Orestes quoque agnoscat Iphigeniam, duplex erit Agnitio.

D. Utra præstat alteri?

M. Sane duplex; atque illa in primis magni facienda est, quæ admixtam habet Peripetiam. Historia Joseph, de qua in superiori capite, duplicem continet Agnitionem, & mirabilem peripetiam.

Varias Agnitionum species, sive modos late prosequitur ex Philosopho Daniel Heinsius libro de Tragediæ constitutione (a).

C A P U T V I.

De Episodio.

D. Quid est Episodium?

M. 1. Si vocis etymon spectes, est insertum quiddam in Carminis Fabulam: cum idem sonet atque adjectum aliquid ad cantum.

2. Si definitionem quæras, est *Actio adjectitia apta & necessaria quodammodo connexionem cum Actione primaria conjuncta.*

D. Explica quæso singulas voces.

M. 1. Dicitur Actio; neque enim Descriptiones, Comparationes, & Narrationes aliquot dici debent Episodia. Sic tempestatis descriptio in 1. *Æneid.* v. gr. non est episodium: sed in 2. Trojæ excidium, & in 3. *Æneæ* peregrinatio ex omnium sententia sunt Episodia, quia habent suas Actiones.

2. Dicitur Actio adjectitia, qua voce secernitur ab Actione primaria, cujus ne pars quidem esse debet Episodium, sine quo potest esse Actio primaria. Sic potuit *Æneas* Italiæ applicare, Turnumque vincere, ommissa excidii Trojani narratione, item & præterita errorum suorum expositione, quæ duo sunt Episodia.

3. Du.

3. Dicitur ejusmodi Actio apte conjuncta cum actione primaria: ut neque petita longius, neque affectata studiosius, neque contorta violentius esse debere Episodia significetur.

4. Præcipitur, ut necessitate aliqua cum primaria Actione connectatur: ut indicetur, sic esse cum Actione illa committendum Episodium, ut sine aliqua culpa præteriri non posse videatur. Numquid debuit: v. gr. Virgilius qui *arma virumque canebat. Trojæ qui primus ab oris Italiam fato profugus, Lavinaque venit littora*, suo operi Trojæ incendium non intertere? num debuit hoc in aula Didonis silere, quod jam per totum orbem fama vulgaverat? qui potuit ipsa Dido de iis suum hospitem non interrogare, quorum pars magna fuerat? qui vero potuit Æneas Reginæ de se quam optime meritis, præsertim roganti, narrationem hanc deegere? Debet itaque semper subesse causa aliqua Episodia attexendi, quamquam non ubique par esse debeat.

D. Numquid Philosophus damnat Episodia cum ait (a) nihil esse insulsius Actionibus Epitodicis?

M. Appellat eo loci Episodia, quæ neque verisimiliter, neque necessario cum Fabula conjuncta sunt, quæ certe eo nomine sunt rejicienda, quamvis habeant aliunde admirabilitatis, quod parum ad rem, aut nihil faciant.

CAPUT VII.

De Machina.

D. Quid est Machina?

M. Si vim vocis quæras, Machina dicitur in Poesi quodcumque auxilium extraordinarie solatum. Nam cum Deos Tragœdi tamquam a cælo delapsos producebant; vel homines e theatro offerebant, adhibita Machina, auxilium illud aut a Diis præstitum, aut alio quovis modo, sed extraordinario, ut supra humanas vires exhibitum, Machinas solebat appellari.

2. Si

2. Si rei definitionem postulas, Machina dici potest *Actio*, vel *Actionis* modus quidam viribus humanis superior, qui nodo difficili solvendo adhibeatur.

D. Explica singulas voces.

M. 1. Dicitur *Actio*, Sic apud Homerum irato Achille, miles discessum parabat; retinendus tamen erat, & Minerva, Junonis impulsu, in terras lapsa, susceptum redeundi consilium discutit.

2. Dicitur vel *Actionis* modus, cum videlicet Deus latet, & occulta quadam efficientia juvat hominis actionem. Sic Juno Turnum, & Venus Æneam passim juvant apud Virgilium.

3. Dicitur *humanis viribus superior*. Ecquid enim Deus aliquis excitetur, si virtus humana sufficiat? Recte itaque monet Horatius (a):

Nec Deus interfit, nisi dignus vindice nodus
Inciderit.

Homerum certe reprehendit Aristoteles quod Minervam e cœlo deduxerit, milites ut moraretur: quod opera, consilioque viri prudentis effici potuisset.

D. Quandonam igitur adhibenda est Machina?

M. Cum opus est sciri aliquid v. gr. aut eorum, quæ præterita sunt, aut futura, quod sine Deorum ope sciri omnino non possit: aut aliquid est agendum quod suapte natura vires humanas excedat: tunc enim licet ad Superiorum auxilium confugere. De Machina recurret mentio in Carmine Epico & Tragico.

C A P U T VIII.

De Moribus.

D. Quid intelligis per Mores ornandæ Fabulæ servientes?

M. Quod Greci *ἥθος*, Latini Mores dixerunt, qua voce non tam mores, quam eorum proprietas, & uisusque indoles & ingenium designatur. Mores tamen diversi esse solent in singulis pro habituum, affectuum, nationum, ætatum, & fortunæ diversitate, v. gr. ex habitibus dicitur aliquis justus, mi-

M

tis,

tis, temperans; ex affectibus, amans, iratus; ex natione, Græcus, Romanus; ex ætate puer, juvenis, vir, senex; ex fortuna victor, vel victus. Ita morum voce usus est Horatius:

Ætatis cujusque notandi sunt tibi mores.

Itaque per mores Fabulæ intelligo ejusmodi morum graphicam expressionem.

D. Quales debent in Poesi Mores exhiberi?

M. Exhibendi sunt Boni, Convenientes, & Æquabilis tenoris.

D. Quomodo mores Bonos exprimet Poeta?

M. Si Mores illos effingat, qui virtutis amorem, & vitii odium ingenerent: eoque revocet pravos mores, si quos exhibere necesse sit (a). Ita fit mentio in Æneide Sinonidis, & Mezentii, quo majori sint odio execrationeque eorum mores pessimi. Cum enim sit ille præstitutus omni poesi finis, ut mores jucunde instituat; sane liquet a suo fine plane aberrare Poetam, qui malos mores in suum opus de industria velit inducere, ac celebrare. Non debent itaque mores pessimi in viro principe accurate depingi, minime vero omnium in Heroe.

D. Quomodo describit poeta mores convenientes?

M. Quando virtutem cuique tribuit, quæ ipsi convenit; & sic sceminæ non tribuet fortitudinem, quæ congruat Achilli, aut prudentiam, quæ sit propria Nestoris.

D. Quomodo Mores erunt æquabilis tenoris?

M. Si sic effingantur, ut non discrepet aliquis a seipso. Ajax certe discreparet v. gr. si mores primum Ajacis, ac post paulo Ulyssis referret. Ea de re sic præcipit Horatius;

*Si quid inexpertum scenæ committis, & audes
Personam formare novam; servetur ad inum
Qualis ab incepto processerit, & sibi constet.*

CA.

(a) *Arist. 1. cap. 2.*

D. Quid est Sententia?

M. Duplex hujus vocis notio est apud Philosophum, (a) cui 1. Sententia dicitur *Gnome*, estque pronunciatum aliquod de re aliqua universe. Dicitur *Dianema*, & eo sensu est vis animi, quæ explicat tum naturam rei, tum eas, quæ ipsi congruunt, affectiones; cujus est proinde demonstrare quæ latent, dissolvere quæ nexa sunt, motus animorum cingere, augere quæ sunt exigua, & quæ grandia minuire. Utroque modo ad Fabulæ ornamentum pertinet Sententia; nihil est tamen, quod de illa juxta secundam hanc vocis acceptionem hic agamus, cum tractentur hæc in Rhetoricis; sed satis fuerit juxta primam acceptionem in sententiam inquirere.

D. Quomodo definitur eo sensu accepta sententia?

M. Est simplex pronunciatum universe de vita recte informanda. Hinc patet triplicem esse Sententiæ dotem, 1. esse unam. 2. dici universe. 3. esse moratam.

D. Quomodo erit una simplexque Sententia?

M. Si non diffundatur in plura, quæ illam efficiant quodammodo multiplicem. Ita posset hæc Horatii Sententia, *pulvis & umbra sumus*, sic explicari ac dilatari, ut illius causæ afferrentur, quamplurimæ, adhiberentur similitudines comparationesque: unde non tam una aliqua, quam plures existerent Sententiæ.

D. Quomodo erit universe dicta?

M. Si libera sit ac soluta a loco, tempore, persona, aliisque adjunctis, quæ res afficiunt singulares. Talis est hæc Horatii, *dulce & decorum est pro patria mori*.

D. Quomodo erit morata?

M. Si vitam recte informet. Talis est allata jam Sententia, qua pietas erga patriam sic prædicatur, ut vitæ propriæ dicatur auteponenda.

D. Quodnam est discrimen Sententiam inter, & acute dictum?

M. Sententia pugna caret & conflictu; Acute di-

M 2

ctum

sum vero totum est in eo conflictu. Exempla sub-
jicio de Sententia pura; de acute dicto pure, & de
utroque mixto.

Sententia pura illa est, quæ dicti quidem amplifi-
rudinem habet ac majestatem, sed contentione ca-
ret; sic dicitur apud Senecam (a);

Cogi qui potest; nescit mori.

Acute dictum pure est contentio sine sententia,
tale est apud eundem Senecam illud Hecubæ (b);

Ille tot regum parens

Caret sepulchro Priamus; & flamma indiget,
Ardente Troja.

Sententia mixta est, cui annexa est contentio,
tale est illud: *Avaro tam deest quod habet, quam quod
non habet*. Seposita enim contentione, viget tamen
Sententiæ vis & dignitas; idemque est, ac si dice-
retur, *Avarus nemo dives*.

C A P U T X.

De Dictione.

D. Quid est Dictio?

M. Dictio (c) universe describi potest dicendi
ratio, quæ animi sensa declarat, quo demum
cumque modo id fiat. Atque hac latius petent.
notione Dictio omnis, sive Oratoria, sive Poeti-
ca, aut alia quæcumque attingitur.

D. Quenam est igitur Dictio poetica?

M. Est illa dicendi ratio, quæ soli Poeti conve-
nit: ac proinde quæ & communes omni Dictioni,
& proprias, sibi que uni addictas dotes vindicat.

D. Quæ sunt illæ dotes Dictionis poeticæ?

M. Tres vulgo assignantur, ad quas cæteræ o-
mnes facile revocantur. 1. Perspicuitas. 2. Maj-
estas. 3. Numerus.

D. Quomodo Dictio poetica erit perspicua?

M. Cum dictio poetica, ut quævis alia, ex ver-
bis constet, ac sententiis; ideo & in verbis, & in
verborum contextu querenda est illa perspicuitas.

D. In.

(a) *Her. fur.* (b) *Tro.* (c) *Aristot. c. 4. Post.*

D. In quo posita est verborum Perspicuitas?

M. In vocabulorum propriorum, & rei exprimendæ maxime accommodatorum usurpatione. Itaque fugienda sunt verba obsoleta, atque ex antiquitatis ruderibus effossa: adhibenda quæ versantur in sermone & consuetudine quotidiana, atque in primis quæ clarissimorum auctorum usu non trita minus, quam splendida, asserenda quæ ejus rei verba sunt, de qua loquemur.

D. Quomodo in sententiis, sive in verborum contextu perspicuitas elucebit?

M. Si neque abrupti pendentisque sensiculi, neque oblongæ, exitumque non inveniendes inducantur periodi, si neque, cum dicitur, vel incisim, vel membratim, vel periodice laboret intricata Dictionis: Nam & Poetis, ut Oratoribus, sua sunt incisa, sua membra, suæ verborum sententiarumque comprehensiones & clausulæ, tam aperte, quam concinne concludentes.

D. Jam vero qui cultus, qui splendor convenit poeticæ dictioni?

M. A proprio dicendi genere, vulgarique recedendum esse Poetæ statuit Aristoteles (a): cui consentit omnino Horatius: qui ait, (b) non satis esse ad Poetæ nomen pro dignitate sustinendum puris verbum præscribere verbis, & scribere sermoni propria si desit os magna sonaturum.

Quamobrem postea posuit.

Idcirco quidam Concedia, nec ne Poema

Effet, quæ vivere, quod aër spiritus, & vis

Nec verbis, nec rebus inest: nisi quod pede certo

Differt sermoni sermo merus.

D. An eadem semper, eaque sublimis dicendi ratio usurpatur a Poetis?

M. Cum tria sint apud Poetas, uti apud Oratores, genera dicendi, tenue, grande, medium, miscentur illa sæpe inter se, ac temperantur in pluribus poematis; distinguuntur tamen aliquando, ac

M 3

pla-

plane secernuntur; atque adeo non sublimem ex æquo dicendi formam omnia requirunt. Quæ tene, quæ grande, quæ medium dicendi genus postulent, notabitur inferius, cum varias poematum attingemus species. Nunc satis fuerit statuere universè haud vulgarem esse debere Poeticam Dictionem, sed sublimem, sed grandem, sed maiestate plenam.

D. Unde comparatur hujus Dictionis maiestas?

M. Præter ea quæ diximus, duo insuper ad eam maiestatem conferunt plurimum. 1. Si apposita, quæ vocant, nomina, sive Epitheta aliquid eximii præferant. 2. Si quæ occurrunt tritæ, ac vulgares loquendi formæ, mutantur in alias exquisitiores, ac reconditiores.

D. Quomodo apposita nomina, sive Epitheta aliquid eximii præferant?

M. Si adhibeantur ea, non ut impleatur dumtaxat, sed etiam ut ornentur versus; si contra quærantur ea, quæ vim ac dignitatem vocibus, quibus attribuuntur, adjiciant.

D. Qui numerus Poeticæ Dictioni convenit?

M. Numerum ab Oratorio longe diversum indicit Aristoteles, qui numerus μέτρον græce, latine dimensio appellatur.

D. Quid requiritur ad illum Numerum?

M. Duo requiruntur maxime. 1. Ut religiose servetur legitima pedum dimensio. 2. Ut numerus ille rebus ipsis, quæ celebrantur, sit in primis accommodatus.

D. Quomodo legitima servabitur pedum dimensio?

M. Servabitur. 1. Si prosodiæ syllabarum, ac pedum ratio habeatur, quæ omnis disciplina traditur a Grammaticis.

2. Si versus solutus non sit, & sine cæsura, qualis est hic Ennianus.

Sparsis hastis longis campus splendet & horret.

3. Si crebriora continenter in versu non subsulent monosyllaba, ut in hoc Ovidiano:

Si quis, qui, quid agam, forte requirat, erit.

Vel contra grandiorum vocabulorum continuatio

non

mon inducatur ; ut enim minutiores voculæ humilitatem , sic grandiora vocabula tumorem in versum inducunt .

D. Quomodo numerus rebus ipsis accommodabitur ?

M. Si pedes ita coagmententur , ut verba rebus ipsis quasi concinere videantur . Atque ideo observandum est qui numeri ad lætitiā & celeritatem , qui ad moram , difficultatem , molem & tristitiā , qui vero faciant ad lenitatem ; & exempla ponenda in versu omnium spectatissimo hexametro , locaque adducenda ex Poetarum principe Virgilio .

D. Qui numeri valent maxime ad lætitiā , & celeritatem ?

M. Valent ad id numeri fluentes ac liberi , cum ipsa Carmina decurrunt expedita perpetuis , aut frequentibus Daçylis , raris , aut molliusculis elisionibus . Inde ubi clara dedit sonitum tuba , finibus omnes , Haud mora , profluere suis ; ferit æthera clamor , Nauticus , adductis spumant fræta versa lacertis .
 . . . Trepidusque repente refugit . (pum .

Quadrupedante putrem sonitu quarit ungula cam .

D. Qui pedes ad moram , difficultatem , molem , tristitiā , & majestatem faciunt ?

M. Faciunt ad hoc crebri spondæi , elisiones , verba longiora :

Luçtantes ventos , tempestatesque sonoras .

Monstrum horrendum , informe , ingens , cui lumen ademptum .

Amissum Anchisen flebant , cunctique profundum Pontum aspectabant flentes .

Illi inter sese magna vi brachia tollunt

In numerum , versantque teuaci forcipe massam .

Item excurrit aliquando hypermetrum carmen , & rerum granditatem ipsa syllabarum redundantia demonstrat :

Et magnos membrorum artus , magna ossa laceratosque

Exiit .

Jamque iter emensi , turres ac recta Latinorum Ardua cernebant Juvenes .

Exit quoque versus in monosyllabam cum energia in sequentibus exemplis: *Procumbit humi bos . Mole sua stat . Tota nituntur opum vi . Subsedit aque mons .*

D. Qui pedes faciunt ad lenitatem carminis?

M. Lenissime fuit alternorum dactylorum & sponzorum contemperatione .

Flectit equos , curruque volans dat lora secundo .

Sidoniam picto clamydem circumdata limbo .

Neque pedum tantum , sed litterarum etiam ratio habenda est : cum alix suavitatem concilient , asperitatem inducant alix , quædam granditati serviant & amplitudini . Primum elementum A nescio qua mollitie carmen exhilarat : quare a sapientissimo Poeta libentissime frequentatur .

Mollia luteola pingit vaccinia caltha .

Vel , mista rubent ubi lilia multa

Alba rosa .

Potuisset *luteolis calthis* scribere , & *multis rosis* . E & I , sonum habent exilem ; V , vastitatem sonat : *Vastos volvunt ad litora fluctus . Vorat æquore vortex* . Littera O omnium lenissima , maximeque sonora est . R carmini affert asperitatem , ideoque dicitur littera canina : hanc sæpius usurpavit Virgilius agens de Cane inferorum :

Cerberus hæc ingens latratu Regna trifauci

Personat , adverso recubans immanis in antro

Quam apte dicitur ! *ergo ægre rastrois terram rimantur* . Sed hæc sufficiant , ex quibus capi possit conjectura cæterorum : est enim eadem ratio pedum in aliis carminum generibus , ubi metrum rebus aptari debet , ut in versu heroico .

C A P U T X I.

De causa efficiente Poëtos .

*D. Q*uæ est causa efficiens Poëseos ?

M. Mens Poëtæ certis imbuta præceptis , & arte instructa omnem efficit Poësim .

D. Igitur Poëtica appellanda est Ars?

M. Sane appellanda est . Quia poetica est facultas animi , quæ certis quibusdam , & non errantibus præ-

cepit ad finem suum tendit, opusque perficit: quæ est Artis notio.

D. Num Furor aliquis Poeticus, quod ajunt, requiritur ad efficiendam Poesim?

M. Requiritur utique, si modo bene intelligatur quid veniat furoris illius nomine.

D. Quid est ille Furor?

M. Est quidam impetus vehementior, quo cum impellitur animus, furere dicitur: oriturque ille impetus a variis animi perturbationibus, quæ undecim numerantur, Amor, Desiderium, Gaudium, Odium, Fuga, Dolor, Ira, Spes, Desperatio, Audacia, Timor. Neque existimandum est affari divinitus, ut fabulantur poetæ, hujusmodi Furorem; verum cum vehementius solito his agitur, quas appellavi, motibus, qui poetice scribit, & in rei cuiuspiam maxima contentione fertur contemplationem, calorem concipit, vi cuius sic loquitur, ut a sensibus alienatus esse videatur.

D. Quando nam opus est illo Furore?

M. Nihil opus est illo Furore, cum Poeta Fabulam instruit suis partibus: nihil, cum aliquid sedate ac considerate in primis canendum est; sed in aliquibus orationibus, narrationibus, descriptionibus, objurgationibus, querelis, &c. commodè aliquando accidit ille Furor.

D. Utra plus confert ad Poesin, ars, an Natura?

M. Parum certe sine Arte Natura, parum Ars sine Natura conferet. Ars enim sine Natura tristes est & exsucca; Natura sine Arte vasta est & inculta. Ita sentit Horatius, cum ait:

Natura fieret laudabile Carmen, an Arte,

*Quæsitum est. Ego nec studium sine divite vena,
Nec rude quid profer video ingenium: alterius sic
Altera poscit opem res, & conjurat amice.*

Qui studet optatam cursu contingere metam,

Multa tulit, fecitque puer, sudavit, & alit &c.

Quare quod vulgo dici solet, nasci poetas, sic intelligendum est, ut multæ dotes a natura requirantur ad poesin, quæ tamen arte debent perfici.

D. Qui fuerint poeseos inventores?

M. De hoc certi nihil afferri potest. Orpheus certe, Linus, Musæus, aut Homerus Inventores Poeseos dicendi non sunt; sed Illustratores, ante quos constat floruisse Poetas.

C A P U T X I I.

De fine Poeseos.

D. Quid est finis Poeseos?

M. Est jucunda morum institutio: Nam eo tendit Poeta, ut doceat delectando, juxta illud Horatii (a):

Aur prodesse volunt, aut delectare poetæ,
Aut simul & jucunda, & idonea dicere vitæ.

Es paucis interjectis versibus:

Omne tulit punctum, qui miscuit utile dulci,
Lectorem delectando, pariterque monendo.

D. Explica quæso singulas responsionis voces.

M. 1. Cum Finis sit id, cujus gratia aliquid fit; sitque alius Arti, alius Artifici propositus, non agitur hic de fine Artificis, qui est multiplex, cum possit Poeta scribere vel ut famam aucupetur, vel ut aliquem demereatur, vel ut gratiam alteri reponat, vel ut opes comparet: verum agitur de fine Artis, propter quem est illa instituta: ac proinde ad quem suapte natura collineat.

2. Dicitur ille Finis esse *morum institutio*: quia Civilis Facultas cum ad perfectum Civitatis statum, Civiumque felicitatem tota collimet, & Ars poetica ad Civilem illam Facultatem, ut pars illius eximia, pertineat; plane sequitur poesis omnem ad ejusmodi felicitatem referri. Cum autem ejusmodi felicitas per optimam morum informationem compareretur, ad eum finem instituta est poesis, ut hoc modo mores informer; atque etiam cum id commode obtineatur, actiones humanas celebrando, in quibus sita est felicitas, ut superius tradidimus; hinc factum est, ut actiones celebrando mores instituat.

3. Ju-

3. *Jucunda* appellatur *morum informatio*; propter naturam poeseos, cujus ornatus omnis miras habet delicias. Et sane debuit in hoc poesis, ut in multis aliis, a Philosophia, quæ ad mores pertinet, discrepare: ut austere & jejune Philosophia, jucunde vero, ac plane magnifice mores Poësis instituat.

D. Nonne Fines sibi propósitos peculiares, ac diversos habent singula poeseos genera? quomodo igitur poësis habere dicitur pro fine jucundam morum institutionem?

M. Habent utique suos diversos fines, ut dicetur inferius, sed huic primo Fini subjectos sic, ut singuli omnes ad eum demum referantur: v. gr. Epica Poësis ex fine suo ad id instituta est, ut Viros Principes admirabili dictione ad virtutes comparandas incitet; Tragica, ut quasdam animi perturbationes componat, ac perpurget; sed isthæc ad incedendam quoque motum Institutionem referuntur. Neque etiam alio tendunt Comœdiæ sales ac joci, quam ut derisa palam vitia, ludibrioque in scenis habita, evitentur diligentius; sicque suo modo ad hanc morum informationem alia Phœseos genera revocantur, ut patebit clarius ex dicendis inferius.

C A P U T X I I I.

De Divisione Poeseos.

D. Q. Uomodo dividitur Poësis?

M. Cum Poësis omnis, ut initio diximus, aut fere omnis in imitatione posita sit: optima erit illa Poeseos divisio, quæ a diverso genere imitationis petetur.

D. Quotuplex est imitandi genus?

M. Triplex vulgo assignatur. Nam in poematis vel Poeta per se ipse narrat aliquid, & sermonem alterius refert sine ullis personarum inter se colloquiis; vel non ipse narrat, sed alios tantum loquentes, & quasi negotiantes inducit; vel & ipse narrat aliquid, & alios inducit loquentes agentesve. Atque ex tribus his Imitationis generibus totidem petuntur genera poeseos.

D. Qui vocas primum genus?

M. 6

M. Nar.

M. Narrativum, vel Enunciativum; hoc genere continentur v. gr. tres primi libri Georgicorum, & prima pars quarti, ubi semper ipse narrat Virgilius.

D. Qui vocas secundum genus?

M. Dramaticum, sive Activum, quo genere comprehenduntur Tragicæ & Comicæ Fabulæ; item Eclogæ, ubi inducuntur agentes inter se Pastores.

D. Qui vocas tertium?

M. Mixtum appellatur, in quo Poeta ipse narrat, atque etiam personas inducit agentes. Ad hoc genus pertinet Ilias & Odyssæa Homeri, Æneis Virgilii, & alia id genus Poemata. Ad hæc tria genera facile revocantur, ut patet, omnes elegiæ, odæ, satyræ, aliaque poemata.

D. Nonne alia est divisio possetos?

M. Alia est maxime vulgaris in poemata multum aliunde inter se discrepantia. Celebrantur in primis Epopœja, Tragœdia, Comœdia, Satyra, Elegia, Oda, Epigramma, &c. Unde Poetæ Epici, Tragicæ, Comici, Satyrici, Elegiaci, Lyrici, Epigrammatici appellati: de quibus singulis, aliisque momenti alicujus poematis deinceps agendum erit.

INSTITUTIONUM

POETICARUM.

LIBER SECUNDUS.

De Epopœja.

M. **C**UM principem inter poemata locum obtineat Epopœja, de illa nobis modo agendum est. Illius naturam ac varias affectiones ut exponamus, definitio primum illius proferenda est, deinde examinanda Materia, quam statuemus esse Actionem, cujus dotes singulas prosequemur; tum Forma explicanda, & apta partium tradenda Dispositio, ubi de Propositione, Inventionem, Narrationem, Epilogo poematis Epici, quantum satis erit, disputabitur.

CAPUT PRIMUM.

D. *Quæ est vis, & potestas hujus vocis, Epopœja?*
M. *Q* Ut locutio omnis oratio est, antonomastice tamen Oratio appellatur ornatissima, qua utuntur Eloquentes; sic *Epos*, quod generatim Verbum significat, additum est speciatim Poësi; atque ab illa communi significatione contractum est ad Poemata quod vocatur Heroicum. Item ποιῶν Græce idem est ac latine *facere*, vel *figere*. Hinc fit, ut Epopœja secundum vim vocis sit quasi fictio, seu scriptio poematis Epici, quod Heroicum dicitur.

D. *Quomodo definitur Epopœja?*

M. *Definitur Imitatio Actionis unius, totius, veræ, verisimilis, illustris, felicitis, & a nobili persona profectæ, narratione dramatica, & versu hexametro, quæ Viros Principes ad primarias virtutes excitat, atque adhortatur.*

D. *Explica quæso; singulas voces.*

M. 1. Dicitur *Imitatio*, quia poësis omnis, aut quæ saltem spectatissima est, ut Epica, in imitatione posita est,

2. Dicitur *Actionis imitatio*, quia Actiones humanæ sunt materia poeseos, ut supra docuimus (a).

3. Dicitur *Actionis unius, totius, veræ, verisimilis, illustris, felicitis, & a nobili persona profectæ*: quibus verbis designatur materia Poematis epici: ratione cujus partim convenit cum aliis poematis, partim ab iisdem discrepat, puta a Comœdia, cujus materia est Actio vulgaris, & plerumque obscura.

4. Dicitur *Imitatio Actionis narratione dramatica insignis*, eo sensu, ut nec poeta semper ipse narret, sed personas loquentes; agentesse sæpe etiam inducat; quod jucundius multo vitæ rite instituendæ hoc pacto præcepta tradat.

5. Dicitur hæc imitatio *versu hexametro exornata* quod necessario illud requiratur ad Epicum Carmen, juxta illud Horatii:

Res

(a) *Lib. 6. cap. 2.*

Res gestæ Regumque , Ducumque & tristia bella,
Quo scribi possent numero , monstravit Homerus.

6. Dicitur *imitatio Actionis* ; quæ Viros Principes ad primarias virtutes incitet : quibus verbis attingitur Epopœjæ finis . Ad id enim illa instituta est , ut omnium animos, sed Principum præsertim, ad præclara facta accendat , ad eaque quasi viam sternat , ponendo ob oculos illustrem quandam actionem ; de qua in capite proxime consequenti .

C A P U T II.

De Materia Epopœjæ .

D. *Quæ est materia Epopœjæ ?*

M. *Est Actio personæ nobilis , una , tota , vera , verisimilis , illustris , ac felix .*

D. *Quare debet esse Actio personæ nobilis ?*

M. Quia cum finis ille sit Epopœjæ propositus , ut Viros Principes ad præclara facta accendat : debet certe proponi personæ actio , quam imitari sit gloriosum . Certum est autem sibi laudi vertere Principes non plebejas , aut obscuras personas , sed nobiles , atque illustres imitari . Sit itaque illa Actio insignis alicujus v. gr. Herois , qui Principum animos laudis studio incensos ad sui admirationem , imitationemque rapiat .

D. *Quem vocas Heroem ?*

M. Antiqui fabulantur Heroes esse quoddam genus Deos inter & homines ; natos illos vel ex Dea aliqua , & mortali viro , ut Achillem , & Æneam ; vel ex Deo , & muliere mortali : ut Herculem . Jam vero Heros virum extraordinarium sonat : in quem tria hæc maxime dicuntur confluere . 1. Corporis habitudo firma , ac laborum patiens . 2. Animus præsens , erectus , & robustus quodammodo , cui optima corporis temperatione accedat magnitudo . 3. Divina quædam vis , & efficientia : qua , qui affatur , supra hominem & sapere & posse videtur .

§. I. Actio Fœminæ in materia Epopœjæ .

D. *Itane Actio Epopœjæ debet esse Herois , ut non possit esse Fœminæ , quæ dicatur Heroïna ?*

M. A.

M. Actionem Fœminæ esse posse materiam Epopœjæ affirmant aliqui, negant alii. Utriusque partis rationes subjicio.

Qui affirmant, ajunt. 1. Non obesse Fœminæ animum, qui virili similis est, ejusdemque naturæ huic posse esse armorum usum: atque etiam Fœminas aliquando & corporis firmitate, & laborum patientia viris præcellere. 2. Fœminæ actionem esse sæpe materiam Tragœdiæ; quidni & Epopœjæ? 3. Fœminæ actione ad præclara facta accendi posse Viros Principes, quibus turpe sit ea non posse agere, quæ fœmina gesserit. 4. Fœminas a præstantissimis Poetis inductas esse in Epopœjas, & maximis celebratas laudibus propter fortitudinem bellicam, puta Clorindam a Tasso, a Virgilio Camillam. 5. Excitari a Deo posse Heroiuam quamdam, cui belli alicujus summa committatur: quæ habeat omnes Herois dotes, nullos habeat sexus defectus.

Qui vero negant actionem fœminæ esse posse materiam Epopœjæ, respondent, 1. Animorum quidem sexum esse nullum: ac fœmineum corpus esse imbellè, cujus contagione languet animus: neque rebus bellicis perfecte tractandis idoneas esse fœminas: quibus Aristoteles curam rei domesticæ attribuit: arma vero, & ea, quæ non modo extra civitatem, sed etiam extra privatos parietes fieri necesse est, viris concedit.

Reponunt 2. Actionem fœminæ convenire Tragœdiæ, non item Epopœjæ; quia finis hic est Tragœdiæ, ut excitentur purgenturque quidam animi affectus; qui finis tam facile obtinetur, siue viri, siue fœminæ celebretur actio; at Epopœjæ cum sit ille finis, ut ad ardua quæque & præclara facta, accendat viros Principes, huic rei imparem esse fœminæ actionem; unde.

Negant 3. Actionem fœminæ talem esse posse, quam velint viri Principes imitari. Ego possit illa fœminæ actio incitare viros Principes ad arduum aliquid suscipiendum: sed actione illi fœminea movebuntur tamquam argumento, quod vocant *a mino*.

vi ad majus : quod turpe sit viro , maxime Principi , illud non aggredi quod scœmina fortiter gesserit : at enim non erit hæc actio exemplaris loco , quod sibi proponant viri Principes imitandum .

Observant 4. Nullam unquam scœminæ actionem a præstantissimis poetis in materiam Epopœjæ fuisse assumptam ; celebratas quidem a Tasso , & Virgilio scœminas ; sed in Episodia quasi contritus illas fuisse ; atque etiam in pœnam temeritatis obscura morte fuisse mulctatas : ne fuso imbelli , indiguoque sanguine virum aliquem fortem contaminarent . Sic Clorinda de nocte , & ab imprudenti Tancredo perimitur apud Tassum ; ab ignobili viro occiditur Camilla apud Virgilium . Atque etiam scititæ illæ Heroinæ non stant ab Heroe Epopœjæ : immo ipsæ ad-versantur , ut Clorinda quæ Mahometanis , & Camilla , quæ Turno militabat . Adde quod unam Camillam uno in libro pugnantem adducit Virgilius , quæ Venatorem , & Sacerdotem interimat , Heroem nullum .

Notant 5. Actionem scœminæ a Deo excitatæ , quæ nullos habeat sexus defectus , non esse aptam Epopœjæ : quod solvatur hoc pacto Actio primaria per machinam , quod vitiosum in primis esse contendunt . Verum ne quid modo dicam de solutione per machinam , de qua postea in Forma Epopœjæ : belle reponunt hujus secundæ sententiæ patroni de Actione Heroinæ ordinariæ , at non extraordinariæ , & per miraculum a Deo excitatæ , procedere quæstionem . Atque hæ sunt utriusque partis rationes , quæ suum utrimque pondus , suamque , quamvis forte non ex æquo , videntur habere probabilitatem .

§. II. Actio Epopœjæ quomodo Una .

D. *Quo sensu actio Epopœjæ debet esse Una ?*

M. *Quo sensu , ut sit illa Actio per se simplex , nec dividi possit in plures Actiones primarias . Sic Virgilius Trojæ ruinam , & multiplicia sui Herois facta contexuit in Æneide , quæ sunt quidem variz per se Actiones ; sed habet tamen unam , simplicemque Actionem , eamque primariam , quæ est*

est in Italia Religionis, Regique per victoriam de Turno constitutio: unde pendet Herois felicitas, ad quam cæteras omnes retulit, tamquam Actiones secundarias.

D. Quare una debet esse Actio Epopæjæ?

M. Hanc affert rationem Aristoteles; quod omnes artes, quæ imitatione aliquid perficiunt, ad unum quid in primis absolvendum allaborent; cujus gratia aliæ esse videantur: talis v. gr. Pictura, quæ unum aliquid in unaquaque tabella sic perpolit, ut cætera ad id referri omnia satis intelligantur.

D. Qui Poetæ contra Epopæjæ peccant unitatem?

M. 1. Qui multas Actiones unius, ejusdemque Herois primarias uno poemate complectantur. Reprehendit certe Aristoteles eos, qui ab Hercule, vel Theseo res omnes præclare gestas uno eodemque opere definiri posse putaverunt. Vitio vertitur Statio quod in Achilleide Herois sui vitam persequi velit integram; canit enim initio poematis:

Magnanimum Æacidem, formidatamque Tonanti Progeniem, & patrio veritam succedere Cælo (cautu Diva, refer. Quamquam acta viri multum inclyta Mæonio, sed plura vacant. Nos ire per omnem Sic amor est, Heroa velis, Scyroque latentem Dulichia proferre tuba, nec in Hectore tracto Sistere, sed tota juvenem deducere Troja.

2. Qui duas diversas Actiones primarias, quod uno eodemque tempore contigerint, una Epopæja velit celebrare, esto id concedatur Historiæ, at Epopæjæ non licet.

3. Qui plures Heroas inducunt, quibus eandem ex æquo gloriam tribuant. Plures adstunt, esto, uno in poemate Heroes: modo unus cæteris videatur præcellere, cujus sit Actio primaria. Sic Pallas & Tarchon Æneæ nihil efficiunt gloriæ, quamvis fortiter pugnet uterque, atque unus multum conferat ad victoriam de Turno reportandam.

§. III. Actio Epopæjæ quomodo Tota.

D. Quo sensu Actio Epopæjæ debet esse Tota?

M. **Q**uo sensu vult esse Totam Aristoteles,

ut sit in illa Initium, Medium, & Finis.

D. Quid intelligis per Initium, Medium, & Finem Actionis?

M. Per Initium intelligo causas, & consilia Actionis suscipiendæ; per Medium, causarum illarum effectus omnes accipio, & effectuum difficultates ad felicem exitum perducendorum; per Finem vero illarum omnium difficultatum solutionem interpretor.

D. Rem pone in exemplo?

M. Exemplum esto in *Æneide* (a) *Æneas* incensa Troja in eam regionem, unde majores sui venerant, vocantibus fatis, collecta Trojanorum manu conferre se constituit: *Ecce initium*. Post multos terræ marique exantlatos labores Junone totam Trojanorum gentem dirissimis odiis ubique prosequente, in Italiam tandem appellit. Amice a Latino rege accipitur, atque etiam in generum assumitur. *Ægre* admodum id ferens Turnus, Dauni Rutulorum regis filius, qui jamdudum Lavinia Latini filiz nuptias ambiebat, grave bellum movet contra *Æneam* quocum sæpe pugnat, & atrociter: *en Medium*. Sed victor tandem *Æneas*, Turno occiso & Laviniam & regnum obtinet: *En Finis*. Reliqua sunt in Episodiis.

D. Quid itaque Maphæus Vegius librum adjecit Æneidi, in quo dolorem Rutulorum, Dauni fletum de morte filii, nuptias Lavinia, & Æneæ Apotheosin persecutus est?

M. Vitiose nimirum, & inepte egit: cum id satis intelligatur consecutum, & multa circa duo postrema insinuet Virgilius in suo opere absolutissime.

D. An ideo perfecta dicenda est, quod Tota sit Actio Epopæjæ?

M. Cum tota sit illa actio, cui nulla pars deest, perfecta ut sit, requiritur præterea, ut partes inter se apte cohæreant, accedatque rerum omnium perfectio & absolutio. Quare præcipit Philosophus, ut poeta, qui Fabulam recte velit constituere, non tantum eam non incipiat temere, aut finiat, sed etiam
for-

formis traditis insistat. Verum & hæc, & quæ ab eodem traduntur de magnitudine Actionis, commodius, cum agatur de Forma Epopœjæ, tractabuntur.

§. IV. Actio Epopœjæ quæ Vera, & Verisimilis.

D. Quo sensu debet esse Vera Actio Epopœjæ?

M. Eo sensu, ut Poeta teneatur proferre Actionem, quæ vere contigerit, quam tamen sic ornabit, ut in ornamentis studeat magis verisimilitudini, quam veritati.

D. Quare Actio Epopœjæ debet esse Vera?

M. Quia nemo ad præclare aliquid gerendum incitabitur proposito aliquo consimili facto, quod certe tamen cognoverit esse falsum; ac proinde sine suo excideret Epopœja, si falsa induceretur Actio primaria. Idem plane de Tragœdia dicendum est, cujus Actio illustris sic vera debet esse, ut moveat.

D. Quo sensu debet esse Verisimilis Actio Epopœjæ?

M. Eo sensu, ut, quod narratur, credi facile possit contigisse. Nihil præcipit studiosius Philosophus, quam ut verisimilitudinis habeatur ratio.

D. Quare debet esse illa Actio verisimilis?

M. Quia non satis est aliquid esse verum, nisi & illud idem verisimile sit, ut ad imitationem excitet. Nam qui fieri potest, ut si Actio proponatur, quæ quidem vera sit, sed vires tamen humanas longe superet, hominem illa ad simile quid suscipiendum, aut gerendum impellat?

§. V. Actio Epopœjæ quomodo Illustris, & Felix.

D. Quo sensu debet esse Illustris Actio Epopœjæ?

M. Debet esse Illustris vel ratione sui, vel ratione personarum. Illustris est ratione sui Actio Æneidos, ubi inter alia agitur de fundatione Imperii, & constitutione Religionis, juxta illud:

Dum conderet urbem

*Inferretque Deos Latio: genus unde Latinum,
Albanique Patres, atque altæ mœnia Romæ.*

Illustris est ratione personarum Actio Odyssæ, quæ Viris non admodum illustribus potest convenire; illa enim sic habet. Ulysses classe amissa, occisis sociis, multiplices iniquissimi maris tempestates

expertus, multos annos domo absuit; rem illius domesticam interea proci decoquebant; ejus uxoris nuptias ambiebant. Telemachum filium insidiis petebant. Reversus ille procos ex insidiis occupat, atque interficit. Quid hic illustre præter personas?

D. Quare illa Actio debet esse illustris?

M. Quia cum Epopœja viros Principes ad præclara facta debeat incitare, proponi debet illustris Actio, quam illi imitentur.

D. Quo sensu debet esse Felix illa Actio?

M. Eo sensu, ut felici semper terminetur exitu. Nam præterquam quod sæpe Actio tota non erit, quæ infelici claudetur exitu; si præterea Heros misere pereat, aut grandi aliqua calamitate sub finem excipiat, concitabit illa indignationem ac dolorem: verum ad imitationem sui minime commovebit: & sic Epopœjæ finis non comparabitur. Debet itaque Actio primaria felicem sortiri exitum: quamvis nihil opus sit Heroas inducere usquequaque, & in omnibus adjectitiis actionibus fortunatos.

C A P U T III.

De Forma Epopœjæ.

D. Q. Uæ est Forma Epopœjæ?

M. **Q** Cum Forma poetica universe sit fictio, seu constitutio, & compositio rerum, quæ tractantur in pœsi; sic Epopœjæ Forma erit earum rerum Compositio, quæ soli conveniat Epopœjæ; posita illa in quodam cultu, ornatuque Actionis, qualem in superiori capite descripsimus; adeo ut illa Forma nihil aliud sit, quam Actio suo modo composita, culta, orata.

D. Quid requiritur ad illam Formam, sive Actionis compositionem?

M. Requiritur ut Forma illa, Fabula, Compositio (eodem enim recidunt hæc vocabula) sit una, magna, splendida, in suas partes rite distributa, & certo quodam ordine disposita: quibus verbis attringuntur. 1. Fabulæ Epicæ dotes. 2. Partes. 3. Dispositio; de quibus omnibus breviter disputandum est.

§. I. *Fabulæ Epicæ Dotes.*

D. Q. Uæ sunt dotes Epicæ Fabulæ?

M. Tres in primis memorantur. Unitas, Magnitudo, Majestas.

D. Quomodo erit Una illa Fabula, quæ res adeo disparæ diversasque complectitur?

M. Erit illa Una, si tanta sit illarum rerum omnium inter se connexio, ut in unum aliquid videantur coalescere, si cum loco movetur aliquid, aut refecatur non bene sibi constet Fabula. Laudat Homerum Philosophus (a), quod sive natura duce, sive arte in Odyssæam non conclusit ea Ulyssis facta, quæ alia ex aliis non satis penderent. Ea certe laude florere dicenda est *Æneis*; cui si v. gr. Trojani excidii, vel *Æneæ* per septem annos peregrinationis narrationem detrahas, a Didone tam apposite expetitam, ut quis, ac quantus vir tenderet in Italiam, plane liqueret, vel si ludorum celebritatem, qui ad posteros transmitti deberent, subducas; vel si descensum ad inferos, ubi tam multa de Romano, quod fundaturus erat, Imperio didicit *Æneas*, silentio prætermittas; aliquid certe in ea Fabula desiderari sentias.

D. Quomodo Magna erit Fabula Epicæ?

M. Philosophus (b) Epopœjæ comparat cum animali, quod quamvis elegans, si pusillum est, bellum vocari potest, non pulchrum, si præter modum excreverit, monstrum fiat; debet videlicet naturali florere magnitudine. Ita se habet Poema, quod nec brevius, nec longius esse oportet: sed ita temperatum, ut oculos magnitudine impleat, non fugiat.

Quæ cum universe dicta sint, proprie magis ac definite aliquid de justa Epopœjæ magnitudine statuumdum est: monendumque in primis aliam esse Actionis, aliam Fabulæ magnitudinem: de prima non ago hoc loco, quæ in eo sita est, ut habeat Actio Initium, Medium, & Finem, ut supra docuimus (c); sed de altera influendam esse questionem, ac pro-

(a) *Cap. 5.* (b) *Cap. 5.* (c) *Cap. 2. §. 3.*

proinde videndum, quæ sit illa magnitudo Fabulæ. Duplicem igitur illam facit Philosophus; unam Actionis, quam vocat, non nudæ, aut suo carentis ornatu, sed compositæ, alteram quantitatis.

D. Quanam est magnitudo Actionis compositæ?

M. In eo posita est, ut uno circiter anno gesta fuerit, quæ est Actio primaria; sic Iliadi annum dedit Homerus ex animadversione Mambryni (a), Odyssæ tantum quinquaginta dies idem attribuit, Æneidi quatuor menses supra unum annum concessit Virgilius. Sed Episodia, aliisque adjectitia ornamenta nullis definiuntur temporis limitibus: cum Ilias novem annis, Odyssæ undeviginti res gestas comprehendat: & Æneis quidquid interfuxit ab Heroicis Æneæ temporibus ad ætatem Augusti Impera-

D. Quenam est magnitudo quantitatis? (toris.

M. Posita est hæc in numero versuum, qui ad dena fere millia excurret in Æneide; duodena excedit in Odyssæa: octo, vel novem Tragœdias vulgo dicitur æquare versuum numero Epopœja. Sed de hoc argumento redibit sermo inferius, cum de magnitudine dramatis disputabitur.

D. Unde arcessitur majestas Epicæ Fabulæ?

M. Ex triplici potissimum capite. 1. ex mirabili peripetiarum, agnitionum, episodiorum, machinarumque contextu 2. ex narratione dramatica, cum personas loquentes, agentesve adducet Poeta. 3. ex dictione illustri ac splendida, de qua diximus superius (b).

§. II. Fabulæ Epicæ Partes.

D. Quæ sunt partes Fabulæ Epicæ?

M. Dux assignantur, Nexus nimirum, & Solutio.

D. Quid est Nexus Fabulæ?

M. Est ea pars, quæ ab initio Fabulæ ad eam usque partem excurret, qua transit Poeta ab infelicitate ad felicitatem in Epopœja, vel contra a felicitate ad infelicitatem in Tragœdia.

D. Quid

(a) *Dissert. perip. q. 7. n. 7.*

(b) 1. 4. c. 10. §. 3.

D. Quid est Solutio?

M. Est altera pars Fabulæ, quæ ab illo transitu usque ad finem pertinet, v. gr. quidquid in Homeri Iliade certamen antecedit, quo decertavit cum Hectore Achilles, in Nexu ponitur: ipsum vero certamen est in Solutione; item in Æneide, quæcumque Æneæ & Turni monomachix præmittuntur, sunt in Nexu: ipsa monomachia in Solutione est.

D. Quid potissimum observandum est circa Nexum Fabulæ?

M. Ne varia sic texantur episodica, quæ in Nexum cadunt potissimum, ut animum auditoris delectando longius aberrant ab Actione primaria, aut a fide poematis sint prorsus aliena.

D. Quid observandum est circa Solutionem Fabulæ?

M. Primum, ut si qua sint in Solutione episodica, ne longius petantur illa, sed sponte quasi oblata, & e re nata esse videantur; alterum, ut ea sint brevissima in primis: quandoquidem in Solutione ad finem anhelat auditoris animus, quem proinde longioribus episodiis morari minime convenit.

D. Licetne adhibere Machinam in Solutione Fabulæ?

M. Alii negant, affirmant alii. Qui negant, suam 1. ex eo capite tuerentur sententiam, quod Solutio facta per machinam Epopœjæ fini maxime officiat. Nam qui poterit ad Actionis imitationem Vir Princeps impelli, cui se sentiat plane imparem, cum intelligat auxilio se plusquam humano ad simile aliquid suscipiendum indigere? 2. auctoritatem obtendunt Aristotelis, qui vult fieri Solutionem non per machinam, sed ex verisimili, id est, ratione naturali, qua res exire solet.

Qui vero affirmant, ajunt nihil ob stare quo minus per machinam solvatur Epopœjæ Fabula; 1. ad imitationem Actionis posse impelli Viros Principes, in qua externo quidem numinis alicujus auxilio adjuvatur Heros, dum otiosus ille Heros non remaneat, sed præstet per se plurimum, unde feliciter cedat præclare factum. 2. Sic clausisse Epopœjas præstantissimos Poetas; esse v. gr. machinam in Odyf.

difficili clausula, quæ Minervæ ope solvitur; esse in Æneide, ubi Turni exdes Jovis ductu & auspicio, atque etiam Furis ministerio conficitur. 5. Aristotelis præceptionem maxime locum habere in Tragœdia, in Epopœja non item: ratio est, quia in Epopœja cum lateat magis machina, quam in Tragœdia, ubi machina Dei e cælo delapsi in theatrum producebatur, magis certe animos feriebat subjecta oculis ea machina in Tragœdia, quam suscepta auribus in Epopœja, ac proinde minus erat ferenda in Tragœdia, quam in Epopœja. Vide Frizonium, qui tam fuscè, quam doctè eo de argumento agit in poetica in dissertatione de narratione (a).

§. III. Fabulæ Epicæ Dispositio.

D. Quenam est Fabulæ Epicæ Dispositio?

M. Duplex est illa Dispositio, una rerum, partium altera.

D. Quenam est Dispositio rerum?

M. Intelligitur illa Dispositio e celeberrima inter magni nominis in re poetica authores orta dudum contentione: quorum alii volunt rerum prout contingere, servari ordinem naturalem; alii contendunt eundem debere perturbari; unde questio existit, an Poeta ut historicus hunc servare debeat narrandi ordinem, ut quodcumque primum contigerit, narret primum, & in ultimum locum conjiciat quæ postremo facta sunt: vel contra, an debeat relicto naturali ordine pro arbitrato suo a mediis, aut etiam postremis auspicari.

D. Quid statuis ea de re sentiendum?

M. Eodem puto utramque recidere sententiam, ac proinde non tam de re hic quam de voce disputari; nimirum quo nomine appellanda sit ejusmodi narratio ambigitur, cum in id omnes consentiant optime fuisse institutum narrandi ordinem ab Homero, Virgilioque usurpatum, (b) rerumque pemixtionem perbelle cadere: verum alii contendunt non ideo perturbari ordinem dicendi naturalem
alii

(a) Lib. 2. (b) Lib. 2.

alii perturbari volunt. Quæ ut concilientur inter se dicendum videtur, non perturbate narrari, si spectetur sejuncta ab episodiiis Actio primaria: perturbate vero narrari, si omnia simul accipiantur, neque a primaria Actione secernantur Episodia.

D. Jam vero quis ordo Partium servandus in Fabula Epica?

M. Posteaquam Poeta Actionem, qualem descripsimus, animo informavit, personarum mores, & officia excogitavit, episodica, peripetias, agnitiones, & machinas commentus est, & suum cuique locum destinavit: ac opus tandem aggreditur: 1. proponendo quid canendum suscipiat. 2. invocando numen aliquod, cujus afflatu arduum opus perficiat. 3. rem totam narratione prosequendo. Denique epilogum aliquando, sive perorationem attexendo. Unde 4. Epopœjæ partes existunt, Propositio, Invocatio, Narratio, & aliquando Peroratio; de quibus omnibus modo nobis agendum est.

C A P U T I V.

De Propositione Epopœjæ.

D. Quid est Propositio Epopœjæ?

M. Est prima pars Poematis Epici, in qua Poeta breviter proponit, & summatim, quid in reliquo poemate sit dicturus.

D. Quæ sunt dotes illius Propositionis?

M. Quod Rhetores in Orationis Exordio præcipiunt, ut apposite, ut breviter, ut verecunde contextatur, idem omnino de Propositione Epopœjæ, quæ est ejus Exordium, dicendum est.

D. Quomodo apposite præmittetur Propositio?

M. Si non vage, sed proprie, congruenterque argumento prætexatur, id est, si rei caput designetur primis versibus; talis est Propositio Æneidos:

Arma, virumque cano, Trojæ qui primis ab oris
Italiam fato profugus, Lavinaque venit

Littora.

D. Quomodo brevis erit Propositio?

N

M. Si

M. Si non excurrat latius in iis, quæ parum ad rem faciunt: ea enim tantum adhibenda ſunt, quæ valeant ad docilitatem & attentionem comparandâ cum aliqua, ſi opus eſt, benevolentia. In legem brevitatis peccat Jovianus Pontanus in principio Uraniz:

Qui cœlo radient ignes, quæ ſidera mundo
Labantur tacito, ſtellis quibus emicet ingens
Signifer, &c.

Ubi vides crebram ejusdem rei expreſſionem; ignes, ſidera, ſtellas, cœlo, mundo tacito &c. quæ omnia eodem recidunt. Quanto aptius eſt initium Georgicon Virgilii!

Quid faciat lætas ſegetes, quo ſidere terram
Vertere, Mæcepas, ulmiſque adjungere vites
Conveniat: quæ cura boum, qui cultus habendo
Sit pecori, atque apibus quanta experientia parcis,
Hinc canere incipiam.

Hic nihil redundat, ſed libri Georgicon ſinguli ſingulis fere numeris, aut inciſis designantur.

Verum alia eſt prout ratio Panegyricorum, ubi exordium aliquando a deſcriptione; vel, propoſita quæſtione, latius excurrimus: ut videre eſt apud Claudianum in panegyricis.

D. Quomodo verecunde & modeſte ſit Propoſitio?

M. Si abſit omnis ingenii, doctrinæque jaſtatio, omnis granditas ac tumor, & exquisitior ornatus. Cyclicum Poetam, ſeu, circumforaneum, qui Carmen in Corona ad gloriam aucupandam recitabat, acriter reprehendit Horatius, quod ſic exorſus fuiſſet.

Fortunam Priami cantabo, & nobile bellum.

Adjungit mox:

Quid dignum tanto feret hic promiſſor hiatu?

Parturient montes, naſcetur ridiculus muſ.

Deinde prædicat Homerum, qui modeſtius Odyſſeam incipit, & paulatim aſſurgit magnificentius.

Quanto rectius hic, qui nil molitur inepte?

Dic mihi, muſa, virum, captæ poſt tempora Trojæ,

Qui mores hominum multorum vidit, & urbes,

Antiphatem, Scyllamque, & cum Cyclope Charibdim.

Initium Pharsaliæ affectatius videtur & tumidius;
 Bella per Æmathios plusquam civilia campos,
 Jusque datum sceleri canimus, populumque potentem
 In sua victrici conversum viscera dextra,
 Cognatasque acies, & rupto fœdere regni
 Certatum totis concussi viribus orbis
 In commune nefas, infestisque obvia signis
 Signa, pares aquilas, & pila minantia pilis.

Quæ carmina, ut nihil dicam de voce *plusquam*
 initio pœmatis usurpata, tam vasta sunt, sonantia,
 tumida, ut fateatur Scaliger se videri sibi audire Lu-
 canum, non tam canentem, quam latrantem. Nihil
 fuit verecundior Statius in principio Achilleidos:
 Magnanimum Æacidem, formidatamque Tonanti
 Progeniem, patrio vetitam succedere cælo,
 Diva, refer.

Ubi versu primo sexies literam a repetitam ha-
 bes, tres continuas voces tetrasyllabas, quæ nego-
 tium faciunt pronuncianti.

C A P U T V.

De Invocatione Epopœjæ.

D. Quid est invocatio in Poemate Epico?

M. Est ea pars Poematis Epici, in qua numen
 aliquod invocatur, cujus afflatu Carmen, quod per
 se arduum est, & humano ingenio majus habetur,
 tandem perficiatur. Quæ Invocatio attentionem &
 admirationem commoveret; atque etiam summam
 operi conciliat auctoritatem, ut quasi divinitus,
 quæ canuntur, postmodum efferantur.

D. Estne semper adhibenda Invocatio?

M. Cum grave aliquod scribitur poema, illa ad-
 hibetur, in minoribus vero poematis, maxime in
 panegyricis frequenter omittitur.

D. Sejungiturne Invocatio a Propositione?

M. Sejungitur aliquando, aliquando cum illa in-
 volvitur. Latini Epici ut plurimum sejungunt, sic
 apud Virgilium post hanc propositionem *Arma, Vi-
 rumque cano*, &c. sequitur Invocatio, *Musa, mihi
 causas memora*, &c. Græci vulgo Invocationi Propo-

sitionem implicant; sic Homeris orditur *Iliadem*: *Iram cane Dea Pelidæ Achilles, &c.* Sic *Odyssæam*, *Virum mihi dic, musa, &c.* Atque etiam apud Latinos Lucretius, Statius, Vida, & Virgilius ipse in eclogis Invocationem cum Propositione permiscet. Id autem fit opportune, cum opera principibus inscribuntur viris, quos honorifice statim appellamus.

D. Repetitur invocatio in decursu Poematis?

M. Repetitur, cum res gravior dicenda occurrit: ac comparatur attentio, cum significatur tantum rem esse, ut opus sit divino quodam afflatu ad eam pro dignitate exponendam.

D. Qui sunt invocandi in poemate?

M. Ethnico Poetæ profana, & commentitia numina liceat invocare; at Christiano Divinus Spiritus, Christus Servator, Virgo Deipara, Angelus Tutelaris, aut is, cujus res gestæ canuntur, Vir Sanctus implorandus est. Item si res præclare gestas Ducis alicujus, aut Principis scribimus, aut si illi opus dicamus, commode ille potest invocari, uti exemplo suo docuit Virgilius in 1. Georg. his luculentis carminibus:

Tuque adeo, quem mox quæ sint habitura Deorum
Concilia, incertum est, Urbesne inviscere, Cæsar,
Terrarumque velis curam; &c.

Sic Lucanus Neronem in *Pharsalia*, Valerius Flaccus initio *Argonauticon*, & Statius initio *Thebaidos* Domitianum invocant. Atque hic observandum est, licere Poetæ Christiano in Sacro poemate Musas usurpare pro poetica facultate, pro sacro impetu, atque enthusiasmo, Jovem pro cælo, Neptunum pro mari, pro bello Martem; adeoque hæc aliaque his similia hoc sensu accepta posse poematis de Christianis mysteriis scriptis inseri.

C A P U T V I.

De Narratione Epopæjæ.

D. Quid est Narratio Epopæjæ?

M. Est pars, seu potius corpus Poematis, cui Propositio, & Invocatio quasi faciem præferunt,
pa-

parantque attentionem & docilitatem. Cum autem non tam Verum, quam Verissimile poetæ sit propositum; sic non tam rei gestæ, quam velut gestæ, expositio dici debet hæc Narratio.

D. Quid est spectandum maxime in illa Narratione?

M. Cum tam late pateat, ut totum poema exhaustiat, cadunt in illam quæ hæcenus omnia de Epopœja, atque etiam de poesi univerte sumpta diximus. Quare addenda sunt aliqua dumtaxat circa proprias, quæ vulgo assignantur, illius dotes.

D. Quæ sunt illæ dotes?

M. Tot Epicæ, quot Oratoriæ Narrationis dotes tribuuntur: Brevitas, Perspicuitas, Probabilitas, & Suavitas.

D. Quo sensu narratio Epica debet esse brevis?

M. Eo sensu, ut crebriores prolixioresque digressiones ne adhibeantur, maxime si ad rem parum faciunt. Arguitur Catullus, quod dimidium Poematis de nuptiis Pelei, & Tethidos in descriptione vestis Ariadnæque fabula consumpserit. Fabulæ epicæ, qualem descripsimus, servetur magnitudo, quæ longior non erit, si nihil adducatur inane, quod recidi possit. Nam ut acute Martialis:

Non sunt longa, quibus nihil est, quod demere possis;

Sed tu, Costroni, disticha longa facis.

D. Quomodo debet esse perspicua Narratio?

M. Si alludatur quidem ad fabulas, & historias: si usurpentur hellenismi, seu formæ loquendi a Græcis desumptæ: sed ita tamen, ut a quovis non imperito facile intelligantur; si vocabula obsoleta, & ex altissimis antiquitatis rudibus effossa, ac proinde obscura, vitentur. Sane ut quisque disertissimus est, ita loquitur apertissime; sed sat multa eo de argumento tradidimus supra in Dictione poetica.

D. Quomodo debet esse Probabilis illa Narratio?

M. Eo sensu, ut sit verisimilis: nihil debet magis curare Poeta, ut jam sæpe docuimus. Itaque; quod recte monet Horatius:

Ficta voluptatis causa sint proxima veris,

Nec quodcumque volet , poscat sibi fabula credi .
In locis , temporibusque notandis , maxime vero
in effingendis personis , hujus verisimilitudinis ha-
benda est ratio .

Ætatis cujusque notandi sunt tibi mores .

Mobilibusque decor naturis dandus , & annis ,
inquit idem Horatius , qui varios hominum mores
luculenter ibidem describit ? Ubi tamen velim ad-
vertas , non tam arctis circumdari terminis proba-
bile , ut locus non sit Admirabili , quod in poema-
te spectatur in primis .

D. Quomodo suavis erit Narratio Epica ?

M. Si elegantia , & jucunditate verborum sonan-
tium leniumque floreat , quod de oratione monet
Tullius ; si neque asperos habeat concursus , neque
disjunctos atque hiantes : si sit circumscripta non
longo anfractu , sed ad spiritum vocis apto : si eo-
dem semper tenore non decurrant carmina . Item
suavis erit , si intexantur hypotyposes , suspensio-
nes , metaphoræ , exclamationes , & admirationes :
si interponantur motus animorum , mores & collo-
quia personarum , oblique orationes , exitus inopi-
nati , dolores , laticitæ , metus , cupiditates , ira-
cundiæ pro rerum varietate . Sed nihil ad suavitatem
accommodatius est , quam idonea rebusque ipsa
consentanea modulatio numerorum , de qua egimus
in Dictione poetica .

C A P U T VII.

De Epilogo Epopœjæ .

*D. Apponitur ne Epilogus , Et quasi peroratio E-
popœjæ ?*

M. Apponitur , non semper quidem , sed aliquan-
do tamen & Epopœjæ , & aliis Poematis : atque e-
tiam interdum in ipso decursu operis post aliquod
nobile factum . Ita Virgilius in 9. *Æneid.* narrata
Nisi , & Euryali celeberrimi paris amicorum cæde ,
rem hoc Epilogo , sive epiphonemate concludit :

Fortunati ambo . Si quid mea carmina possunt ,
Nulla dies unquam memori vos eximet ævo .

Dum domus *Æneæ* capitolii immobile saxum

Accolet, imperiumque pater Romanus habebit.
In fine sæpius suorum operum Epilogum usur-
pant Poetæ variis modis. Nam aliquando indicant
ea, quæ cecinerunt, & temporis, loci, ætatis, oc-
cupationum suarum aliquam mentionem attexunt;
ita Virgilius in fine *Georgic.*

Hæc super arborum cultu, pecorumque canebam,
Et super arboribus: Cæsar dum magnus ad altum
Fulminat Euphratem bello, victorque volentes
Per populos dat jura; viamque affectat Olympo.
Illo Virgilium me tempore dulcis alebat
Parthenope, studiis florentem ignobilis otii,
Carmina qui lusi pastorum, audaxque juvena,
Tityre, te patulæ cecini sub tegimine fagi.
Aliquando gratulantur, & immortalitatis spe si-
bi blandiuntur; sic Ovidius in fine *Metamorpho-*
seon canit.

Jamque opus exegi, quod nec Jovis ira, nec ignis.
Nec poterit ferrum, nec edax abulere vetustas.
Dum volet illa dies, quæ nil nisi corporis hujus
Jus habet, incerti spatium mihi finiat ævi;
Parte tamen meliore mei super alta perennis
Æstra ferar, nomenque erit indelebile nostrum,
In eundem sensum librum tertium carminum
claudit Horatius:

Exegi monumentum ære perennius,
Regalique situ Pyramidum altius:
Quod non imber edax, aut Aquilo impotens
Possit diruere, aut innumerabilis
Annorum series, & fuga temporum.
Non omnis moriar, &c.
Modestius suam Thebaidam affatur Statius in fine:
Durabisne procul, dominoque legere superstes,
O mihi bisseos multum vigilata per annos
Thebai? jam cœptæ præsens tibi fama benignum
Stravit iter, cœpitque novam monstrare futuris,
Jam te magnanimus dignatur noscere Cæsar,
Italia jam studio discit, memoratque juvenus,
Vive precor: nec tu divinam Æneida tenta,
Sed longe sequere, & vestigia semper adora.

Mox tibi si quis adhuc prætendit nubila livor ,
Occidit , & meriti post me referentur honores .

Epilogum Epopœjæ minime necessarium esse demonstrant Ilias , Odyssea & Æneis , quæ ipsa narrationis absolute conclusionem concluduntur .

INSTITUTIONUM

POETICARUM.

LIBER TERTIUS.

De Dramate .

M. **E** Picam Poesim excipit proxime Dramatica ; de qua sic disputabimus , ut in Poema Dramaticam universè primum , deinde in singulas ejus species inquiremus , ac pro instituto dicendi ordine , definitionem , materiam , formam , partes , finem , aliasque , quæ ipsum tum generatim , tum singulatim afficiunt , proprietates breviter exponamus .

CAPUT PRIMUM.

Definitio Poematis Dramatici .

D. **Q**uid est Poema Dramaticum ?

M. **1.** Si vocis etymon species , a voce græcæ *δράω* , latine *agere* , dicitur Poema Dramaticum , quod totum sit in actione : unde Actores vocantur ii , qui eo in Poemate colloquuntur .

3. Si rei definitionem quaeras , est *Imitatio Actionis* , unius , justæ magnitudinis , veræ , vel falsæ , verisimilis , insignis , vel vulgaris , felicitis , vel infelicitis : quæ metro et harmonia , non narrando , sed agendo , vel quosdam animi affectus excitat , et perpurgat , vel vitæ privatæ exemplum proponit .

D. *Explica quæso , singulas voces .*

M. **1.** Dicitur *Imitatio Actionis* , quia cum poesis in imitatione actionum humanarum sit posita , ut initio docuimus : species quoque illius singulæ ejusmodi actiones imitantur .

2. Dicitur *Actionis unius* , totius , justæ magnitudi-

dinis: veræ vel falsæ, verisimilis, insignis, vel vulgaris, felicitis, vel infelicitis: quibus verbis partim Dramatica Poësis cum Epica convenit, cujus Actio est una, tota, magna, vera, verisimilis, illustris, ac felix: partim ab eadem discrepat: cum Actio Dramatica possit esse falsa & vulgaris si scribatur Comœdia, infelix, si Tragœdia.

3. Dicitur Poema Dramaticum *imitari metro & harmonia*: quia inducuntur personæ colloquentes inter se, non soluta, sed vincta oratione: cui cantus in certis quibusdam locis adjicitur.

4. Dicitur *non narrando, sed agendo imitari*: quia nihil ipse Poeta exponit, aut commemorat ut in Epopœja: sed productis in scenam personis sermonem tribuit, easque inter se agentes, negotiantesque exhibet.

5. Dicitur *vel excitare ac purgare affectus, vel privatæ vitæ exemplum proponere*: quibus verbis; tum officium, tum finis poematis illius attingitur. Excitat enim, ac purgat affectus Tragœdia: vitæ privatæ proponit exemplum Comœdia; mores utraque, ut omnis poësis, recte instituit.

C A P U T II.

De Materia Poematis Dramatici.

D. Q. Uenam est materia Poematis Dramatici?

M. Q. Est Actio una, tota, magna, vera vel falsa, verisimilis, insignis, vel vulgaris, felix, vel infelix.

D. Quo sensu debet esse Una, & tota illa Actio?

M. Eo sensu, ut nec in plures actiones primarias dividatur, nec suo initio, medio ac fine careat, ut supra docuimus.

D. Quo sensu debet esse Magna?

M. Eo sensu, ut eo usque crescere possit ac debeat, donec tandem pro rerum natura, quæ aguntur necessario, vel commode mutatio inferatur in Fabula implexa; & in simplici juxta naturalem rerum exitum finis imponatur, qui supremus est actionis terminus; qualis sit ille, patebit ex dicendis inferius.

D. Quomodo erit Vera, vel Falsa?

N S M. Si

M. Si vere contigerit, aut non contigerit; quando autem, & quatenus veritas, vel falsitas Actioni Dramaticæ conveniat, dicetur postea, cum agetur de Tragedia, & Comœdia (a)

D. Quo sensu debet esse Verisimilis?

M. Eo sensu, ut nihil afferatur, quod sit præter naturalem rerum ordinem, spectatis circumstantiis in quibus dicitur illa actio contigisse.

D. Quomodo Actio illa insignis erit, vel Vulgaris?

M. Talis erit vel ratione sui, vel ratione agentium personarum. Quid conveniat Tragediæ, quid Comœdiæ, explicabitur inferius (b).

D. Quomodo erit Felix, vel Infelix illa Actio?

M. Ratione exitus felicitis, vel infelicitis solet hic appellari felix, vel infelix Actio; adeoque felix est, quæ licet multas contineat turbas, fortunato tamen exitu concluditur: e contra infelix illa est, quæ quamvis prospere admodum in decursu succedat, luctuoso tamen fine terminatur. Quatenus autem Actioni Tragicæ, vel Comicæ congruat felicitas, aut infelicitas, sula locis exponetur.

CAPUT III.

De Forma Poematis Dramatici.

D. Quæ est forma Poematis Dramatici?

M. Est Fabula, sive Compositio Actionis: in qua, ut in Epica, considerandæ sunt Dotes, Partes, & Dispositio,

D. Quæ sunt Dotes Fabulæ Dramaticæ?

M. Prima est Unitas, altera Simplicitas, tertia Magnitudo.

I. Unitas, & Simplicitas Fabulæ Dramaticæ.

D. In quo posita est Unitas Fabulæ Dramaticæ?

M. In tanta partium omnium, rerumque diversarum inter se connexionem, ut in unum aliquid videantur coalescere.

D. Quomodo simplex esse debet Fabula Dramatica?

M. Geminam tribuit huic voci notionem Philo-

so-

sophus (a), qui Fabulam simplicem modo duplici, modo opponit implexæ, Fabula simplex, quæ duplici opponitur, est ea, in qua oritur unus status eorum, de quibus est Fabula: qui e felicibus infelices, aut e contra ex infelicibus felices existunt. Duplex vero ea est, in qua alii felices, infelices alii evadunt, uti fit in *Odyssæa*, ubi felix *Ulysses*, *Proci* infelices, & in *Æneide* felix *Æneas*, *Turnus* infelix efficitur. Atque hoc sensu simplicem Fabulam esse vult *Aristoteles* (b) in *Dramate*, aut saltem longe anteponit duplici; quod multo magis valeat ad affectuum commotionem. Commoventur enim illi vehementius, cum grandi omnes, nullo excepto, excipiuntur calamitate in *Tragœdia*; in *Comœdia* vero placet magis, qui lætus est omnibus *Actori*bus, ac fortunatus exitus.

Fabula simplex, quatenus opponitur implexæ, ea est, quæ ex una continua fit, ut sine peripetia, id est sine manifesta in contrarium mutatione; aut agnitione ad finem deducatur. Fabula vero implexa ea est, quæ cum peripetia, sive mutatione, aut agnitione, aut utraque simul ad finem usque procedit.

D. Da exemplum utriusque Fabulæ simplicis, & implexæ.

M. Habes simplicem Fabulam in *Ajace Sophoclis*, & *Hercule furente Senecæ*, & alibi passim multis in locis. Ibi enim nihil accidit præter expectationem: v. gr. *Ajax* plenus animi, & contemptus impatiens furit; posteaquam vero ad se rediit, præ pudore sibi mortem consciscit, eodem fere modo *Hercules* se gerit, nisi quod superfit.

Fabulæ implexæ exemplum habes exemplum apud *Senecam* in *Oedipo*, ubi cum *Oedipum* missus *Corintho* senex adiisset, ut significaret, Regem ipsum a *Corinthiis* pronuntiatum esse, atque hac ratione gratissimum illi nuntium afferre se existimaret, contrarium effecit. Paulatim enim intellexit ille se & parricidam, & incestus *Jocastæ* matris implicatum

nuptiis; atque hinc subito, & præter omnium expectationem factus est infelicissimus. Ubi vides mirabilem peripetiam simul & agnitionem. Atque hæc Fabula, quæ implexa dicitur, longe præstat simplici, juxta mentem Philosophi, qui præcipit Fabulam Dramaticam esse simplicem, quatenus videlicet illa duplici, non vero quatenus implexæ opponitur.

§. II. Magnitudo Fabulæ Dramaticæ.

D. *Quænam est justa Magnitudo Fabulæ Dramaticæ?*

M. Quod oculis evenire solet, cum corpus videmus, idem plane accidit memoriæ, cum dramaticam Fabulam excipimus (a). Ut enim, quæ vastiora sunt, oculorum conspectum, sic memoriæ captum, quæ sunt longiora, facile excedunt; utriusque vero facultatis viam, quæ sunt minutiora, fugiunt. Atque hinc factum est, ut quemadmodum in omni corpore, sic qualibet in Fabula Dramatica justa quædam debeat esse magnitudo, quam uno quasi intuitu complecti possit auditor: ne distracto in plura, aut obruto rerum multitudine animo remittant ac frigeant qui concitabuntur affectus. Quæ lex pro Tragicis posita, valet etiam pro Comicis; ubi per affectuum commotionem privatæ vitæ rite instituendæ ratio quæritur.

D. *Quænam est igitur illa Magnitudo?*

M. Præter assignatum superius magnitudinem Actionis, quæ materiæ locum tenet, duplicem insuper facit illam Philosophus: unam Actionis compositæ, quæ Forma est, seu Fabula; alteram, quam vocat quantitatis.

D. *Quænam est magnitudo Actionis compositæ?*

M. In eo posita est quæ dicitur Actio primaria, ut uno Solis ambitu contineatur (b), id est, ut unum diem naturalem, vel nullo modo, vel parum certe excedat, atque etiam ut breviori temporis spatio, puta duabus, vel tribus horis possit definiri; imo eo perfectior, & convenientior erit illa Actio, quo

ma.

(a) *Arist. c. 5.* (b) *Arist. esp. 2.*

magis accedet ad tempus quo solet in scena exhiberi. Sed latius multo possunt exurrere quæ adhibentur Epifodia: quamvis & rariora, & breviora esse oportebit, quam quæ adjiciuntur in Epopœja, ne rerum multitudine, ac varietate animus distrahatur, atque obruatur: sic in dramate, ut ad primariam actionem non satis attendat, minusque concipiat, qui debent hic oriri potissimum affectus. Atque eo sensu accipienda sunt Philosophi verba, cum Tragœdiam inter & Epopœjam id quoque assignat discriminis; ut certo quodam tempore Tragœdia, nullo definiatur Epopœja.

D. Quenam est magnitudo Quantitatis?

M. Quantitas illa posita est in numero versuum: ad ducentos, trecentosve supra mille, atque etiam apud Recentiores ad duo millia recensentur; hæc autem lex optima fuerit, ut inter ternas & senas horas exhibeatur Drama: adeo ut nec brevius sit, nec longius: non brevius quidem, ne forte locus non detur concitandis, ut par est, affectibus; non etiam longius, ne possit usurpari illud Plautinum: *Lumbi sedendo, & oculi spectando dolent*. Jam vero quæ sint partes Fabulæ dramaticæ, aut quæ illarum dispositio, patebit ex dicendis capite proxime consequenti, & ex capite II.

C A P U T IV.

De Partibus Poematis Dramatici.

D. Qux sunt partes Poematis dramatici?

M. Cum Poema dramaticum ex materia consistet, quæ est Actio, quam descripsimus, & forma, quæ est Actio composita excultraque, de qua modo egimus; hinc factum est, ut modo materiz, modo formæ, modo utriusque simul habitatione, in suas partes varie soleant Auctores illud poema distribuere. Sex omnino Dramatis in suas partes reperio divisiones.

D. Affer, quæso, & explica illas omnes divisiones.

M. Prima divisio est in *Diverbium & Choricum*, quæ omnium maxime generalis est; nam quicquid est

est in *Dramate*, ad hæc duo genera revocatur, ut geratur, aut canatur. *Diverbium* itaque est ea pars *Dramatis*, in qua colloquuntur, aguntve inter se, qui dicuntur *Actores*. *Choricum* vero dicitur illa pars, in qua iidem *Actores*, vel alii concinunt aliquid cum *Dramate* connexum, de quo postea.

Altera divisio in *Nexum*, & *Solutionem* tam late patet, quam plurima: quamvis alio modo *Drama* partiatur. *Nexus* in *Dramate*, ut habet *Aristoteica* (a), est totum id, quod a principio ad ultimam usque pertinet partem, ex qua fit mutatio fortunæ: hac autem mutatione felicitati infelicitas in *Tragœdia*, & felicitas infelicitati succedit in *Comœdia*. *Solutio* vero a mutationis principio ad finem usque protenditur. Sic in *Œdipo* *Senecz* quidquid antecedit illum locum, ubi se tandem & partis interfectorem, & matris maritum agnoscit *Œdipus*, unde summa oritur infelicitas, est in *Nexu*, reliqua sunt in *Solutione*. Sed de *Nexu* & *Solutione*, quantum satis est, dictum superius (d) in *Fabula epica*.

Tertia divisio (c) fit in *Prologum*, *Episodium*, *Exodum*, & *Choricum*. *Prologus* præcedit primam cantum; diciturque ea pars continere quasi semina omnium, quæ dicenda sunt in reliquo *dramate*; adeo ut *Actorum* nemo producat in *Scenam*, qui non sit cognitus in *Prologo*, vel de vultu, vel de nomine, vel alio quovis modo. Quod tamen de illis debet intelligi, quorum res hic agitur præcipue; potest enim e domesticis amicisve de novo aliquis induci. *Episodium* hoc loco, juxta *Aristotelem*, continet tres *Actus* intermedios, adeoque tam primariam *Actionem*, quam secundarias, sive adjectitias comprehendit. Ubi notari velim, & *Actionem* illam primariam, & secundarias etiam esse *Actoris* primarii: quamvis hæc quoque actiones adjectitiæ possint esse illorum, qui sunt post primarium *Actorem* nobiliores, qui vocantur ideo *Actores Episodici*. *Exodus* est quin.

(a) *Cap. 16. Post.* (b) *Lib. 2. cap. 3. §. 2.*

(c) *Lib. 2. c. 3 §. 2.*

quintus Actus, ubi Catastrophe, de qua mox, sicuti & de Choro capite proxime consequenti.

Quare divisio fit in *Protasin*, *Epitasin*, *Catastasin*, & *Catastrophem*?

Protasis, quæ significat præstitutionem, & præordinationem, est Dramatis initium, in qua præponitur summa rei sine exitus declaratione, ut animus auditoris suspensus teneatur; nam si præscribitur Fabulæ exitus, non sic placent, quæ postea dicentur.

Epitasis, quæ rei constitutionem significat, vel ut alii interpretantur, exaggerationem; est pars, quæ *Protasin* proxime consequitur, & in qua turbæ excitantur, totaque rei negotiatio magis ac magis involvitur, diciturque Latinis nodus erroris.

Catastasis est ea pars, in qua continuatur rerum perturbatio; offenditur tamen quomodo possint illæ postea explicari, unde a multis *Catastasis* confunditur cum *Epitafi*.

Catastrophe, quæ subversionem sonat, est ea pars, in qua totum negotium dissolvitur; cum Actor primarius a felicitate transit ad infelicitatem; vel contra. Ad extremum drama, si ita fieri possit, illa est rejicienda, quæ magis auditoris animus suspendatur ac delectetur.

Quinta divisio fit in quinque Actus; qui sic appellantur ab actione, cujus sunt partes: quare tot sunt illi Actus, quot habet actio diversas partes, & præcipuas; quinque recensentur. Primus argumentum exponit, at non rei exitum; secundus rem proprie deducit in actum; tertius turbas ciet; quartus viam offendit, quæ res implicitæ dissolvantur; quintus impedita artificiose expedit. Quare nec plures, nec pauciores esse jubet Horatius.

Neve minor; neu sit quinto productior Actus Fabula, quæ posci vult, & spectata reponi.

D. Estne semper eadem Actuum magnitudo?

M. Augetur illa, vel minuitur pro ratione rerum, quæ tractantur, quæ possunt esse magis minusve graves, populoque jucundæ. Jam vero Actus in varias Scenas distribuuntur.

Quid

D. Quid vocas Scenam in actu?

M. Scena dicitur pars Actus, in qua una, vel plures personæ colloquuntur: designatur autem personarum vel adventu, vel interventu, vel abitu.

D. Quot sunt Scenæ in uno actu?

M. Plures sunt pro ratione rerum, quæ possunt esse graviores, vel jucundiores: pauciores olim adhibebantur; jam ad tredecim, & amplius numerantur.

D. Quot sunt Actores in Dramate?

M. Plures esse quam quatuordecim, vetant Artis Magistri: qui, si prodeant simul in Scenam, tres tantum, aut quatuor ad summum loqui permittuntur. Ita præcipit Horatius.

Nec quarta loqui persona laboret.

Sexta divisio (a) sit in *Fabulam*, *Mores*, *Sententiam*, *Dictionem*, *Melodiam*, & *Apparatum*. Fabula, quam diximus esse constitutionem rerum, & actionum compositam, instar animæ obtinet in dramate: & continet actiones, mores, affectus, peripetias, agnitiones, ac reliqua, quæ vocantur Fabulæ ornamenta: quare non tam pars Dramatis, quam ipsum Drama debet appellari.

D. Quomodo itaque *Mores*, *Sententia* & *Dictio* cum *Fabula* dicuntur Drama ex æquo partiri?

M. Quia inter Fabulæ partes sic eminent, ut Drama partiri cum ipsa dicantur ab Aristotele.

D. Quid hic intelligis per *Mores*, *Sententiam* & *Dictionem*?

M. Morum nomine docuimus intelligi indolem & ingenium cujusque; diximusque requiri bonos, convenientes, & æquabilis tenoris. Sententia significat sensus, qui genuini Morum partus esse solent, ac proinde debent esse illis imprimis accommodati. Dictio est dicendi ratio, quæ Dramati conveniet: de qua in Tragedia & Comœdia.

D. Quo sensu *Melodia*, & *Apparatus* dicuntur esse partes Dramatis?

M. Quia

M. Quia quamvis extrema esse censeantur, ad ejus tamen splendorem cum conferant plurimum (sicut ad commotionem affectuum) duæ quoque Dramatis partes vocantur a Philosopho (a). Quare de aliis cum egerimus superius, de his quoque modo agendum est.

CAPUT V.

De Choro in Dramate.

D. *Q*uid est Chorus in Dramate?

M. Est pars Fabulæ, quæ sequitur, vel etiam præcedit Actum cum concentu. Dicitur 1. pars Fabulæ eo sensu, quo dictum est jam in fine proxime superioris capituli. 2. Sequi Actum, aut etiam præcedere: quod Actui soleat postponi, raro præponi. 3. Cum concentu, quod, qui chorum agunt, concinere soleant, atque etiam aliquando loquantur.

D. Quid canitur a Choro?

M. Non canitur quilibet, sed aliquid cum Fabula conjunctum, & affine argumento, quod tractatur. Nam vel ferebant judicium de iis, quæ agerentur in Fabula, vel favebant bonis, & lugentibus, vel monebant iram esse frænandam, insanosque motus coercendos, vel lugebant cum miseris, vel Superos deprecabantur. Chori officia expressit Horatius his versibus.

Actoris partes Chorus, officiumque virile
Defendat: neu quid medios intercinat Actus,
Quod non proposito conducatur, & hæreat apte.
Ille bonis faveatque, & concilietur amicis.
Et regat iratos, & amet peccare timentes;
Ille dapas laudet mensæ brevis, ille salubrem
Justitiam, legesque, & apertis otia portis;
Ille tegat commissa, Deosque precetur & oret,
Ut redeat miseris, abeat fortuna superbis.

CA-

CAPUT VI.

De Scenico Apparatu.

D. Quid est Apparatus Dramatis?

M. In Fabulæ partibus reponitur a Philosopho Apparatus ille, qui recte dici potest ornatus ille omnis, quo & Scenæ & Personæ instruuntur ad exhibendam ex arte Fabulam.

D. Qualis debet esse Scenæ ornatus?

M. Per Scenam hic intelligitur locus, ubi exhibentur Dramata: de quo difficile est aliquid præcipere, ob multiplicem Dramatum varietatem. Agebantur ludi scenici in theatro, quod in modum hemicycli erat; in eo tria spectabantur maxime, Scena, Orchestra, Proscenium. Scena est frons theatri ab uno cornu ad alterum cum coopertura. Orchestra locus est, in quo spectatores Drama intuebantur. Proscenium item locus ante Scenam porrectus, in quem Actores dicturi prodibant. Scena itaque altior erat pulpito, pulpitum proscenio, proscenium orchestra.

D. Qualis debet esse Personarum ornatus?

M. A diverso vestium genere diversas quoque sortiebantur appellationes Dramata, sive Fabulæ: palliatæ vocabantur Græcorum Fabulæ, quod pallio Græci actores uterentur; Latinorum togatæ, quod togas illi adhiberent: dicebantur item apud eosdem Latinos prætextæ Fabulæ, quæ Regum, Principum, & Virorum illustrium actiones imitabantur, quod personarum istiusmodi esset prætextæ; togatæ tantum vocabatur, quæ actiones privatorum hominum exhibebant: quia toga erat vestis popularis, juxta illud Horatii, *vel qui prætextas, vel qui docuere togatas*. De vestium forma, ornatuque in Dramate nihil certi jam potest afferri, quod variantur vestes pro diversitate regionum, ac personarum, quæ in Scenam inducuntur.

Postquam ea protulimus, quæ ad Drama spectant univèrse, nunc de Tragœdia & Comœdia, quæ sunt ejus partes, videamus.

CAPUT VII.

Definitio Tragœdiæ.

D. **O**uid est Tragœdia?

M. 1. Secundum vim vocis Tragœdia est cantus ob hircum: deducitur enim a vocabulis *τραγὸν hircus*, & *ᾠή cantus*; quod Tragœdia prius fieret cantando in honorem Bacchi, cui hircus vinearum hostis mactabatur, sive quod hircus præmium esset certantibus, juxta illud Horatii:

Carminibus qui tragico vilem certavit ob hircum.

Deducitur etiam Tragœdiæ vox, juxta alios, a nomine *τρυγξ, fax*: quia ora facibus perlinebant Actores ante usum personarum ab Æschylo reperiuntur, juxta hæc Horatii carmina:

Ignotum Tragicæ genus invenisse camænam

Dicitur, & plaustris vexisse Poemata Thespis,

Quæ canerent, agerentve peruncti facibus ora.

1. Definitur (a); Tragœdia: *Imitatio Actionis unius, totius, veræ, verisimilis, & insignis, quæ metro, & harmonia, non narrando, sed agendo, misericordiam cist ac terrorem, ut affectuum expiationem, seu purificationem inducat.*

D. Explica, quæso, singulas definitionis partes.

M. 1. Dicitur *Imitatio Actionis* quia poësis, maxime Dramatica, actiones humanas imitatur, ut diximus superius.

2. Dicitur *Actionis unius, totius, veræ, verisimilis, insignis*; quibus verbis notatur materia Tragœdiæ, qua partim convenit cum Epopœia & Comœdia, partim ab iisdem discrepat. Num materia Epopœiæ est Actio, quæ habet quidem omnes illas doctes, sed debet insuper felici exitu terminari: quod in Tragœdiam non cadit, quæ sæpius infelicem, raro admodum felicem habet exitum; Comœdiæ vero Actio vulgaris est & obscura.

3. Dicitur *metro, & harmonia perfici Tragœdia*: quod sermonem non qualemcumque, sed metro ad-

fieri.

strictum, ut alia poeseos genera, requirat; item & harmoniam, seu cantum, qui ad affectuum commotionem faciat in primis.

4. Dicitur non narrando, sed agendo exhiberi Tragedia: quia, cum sit poema dramaticum, tota debet esse in Actione: quo pacto ab Epopœja discrepat, quæ partim in rerum narratione, partim in actione sita est, Poeta modo narrante per se, modo alios narrantes agentisque inducente.

5. Dicitur excitare misericordiam & terrorem, ut affectuum expiationem purgationemque inducat; quibus verbis Tragediæ finis attingitur: de quo postea pluribus.

CAPUT VIII.

De materia Tragediæ.

D. *Q*ua est materia Tragediæ?

M. Est Actio una, tota, vera, verisimilis, insignis, & infelix (a).

D. Quo sensu Actio Tragediæ debet esse una?

M. Eo sensu, 1. ut sit quædam Actio primaria, quæ in plures alias dividi non possit, 2. ut omnia, quæ sunt illius Actionis primariæ, in uno eodemque loco facta esse videantur, in eodem cubiculo, v. gr. in eadem domo, in eadem urbe, in iisdem castris: unde Tragediæ apponi solet: Scena est Romæ, vel Corinthi, vel Athenis, vel alibi, ubi res gesta est. Sed quomodo Actio debeat esse una & tota diximus alias (b).

D. Quomodo debet esse Vera & Verisimilis actio Tragediæ?

M. Eo sensu, ut vere contigerit Actio primaria: alioqui non multum moveret Tragedia, si falsa esse crederentur quæ referrentur in scena: crederentur autem esse falsa, si talia essent quia sunt Actionis insignis, quæ non solet ignorari. Non ita dicendum de Episodiis, quæ cum sint actiones adjectivæ, per se sæpe non adeo spectabiles, nihil opus est esse vera.

D. Pos.

(a) Arist. c. 5. (b) Lib. 2. c. 2. & §. 2. & 3.

D. Possunt ne esse falsa Actionis primariæ quæ dicuntur Adjuncta?

M. Duplex genus est hujusmodi Adjunctorum. Primum est eorum, quæ sunt per se spectatissima, atque illa tam vera esse debent, quam ipsa Actio, cujus Adjuncta sunt; non licet v. gr. fingere a patre filium, vel a filio matrem fuisse interfectam, nisi fide historiarum id constet; pro falso enim habetur, quod istiusmodi est, nisi consignetur Historiarum monumentis, quæ non debuit illud omittere. Alterum genus est eorum, quæ sunt minus spectabilia, adeoque non solent, aut certe non debent necessario in Historia notari: quæ si verosimilia sint, facile vera esse credentur. Peccabit itaque contra hanc præceptionem, qui Cæsarem naturali morte, non violenta extinctum induxerit; non peccabit qui eundem singulos interfectores alloquentem exhibuerit; quod primum, non item alterum Historia notare debuerit. Qua ratione debeat esse Verisimilis Actio Tragediarum, satis indicatum est superius cap. 3. in materia Dramatis universe spectata.

D. Quo sensu Insignis erit illa Actio?

M. Insignis erit non ratione tantum personarum, quæ inducuntur: sed etiam, & quidem præcipue, ratione sui. Nimirum id requirit propositus Tragediarum finis: cum melius multo ciantur affectus, purgenturque, quando illustriores inducuntur personæ, quæ a summa felicitate ad infelicitatem maximam deveniunt, ut inferius (a) docebitur. Insignem certe, notamque vult esse Horatius hanc Actionem:

Rectius Iliacum carmen deducis in Actus,

Quam si proferres ignota indiciaque primus.

Quamquam & suus sit in Tragedia, ut in Epopeja, locus personis ignobilioribus, seu iis, qui Actores-Episodici appellantur.

D. Quo sensu debet esse Actio Tragediarum infelix?

M. Eo sensu, 1. ut sit Actio illa plena luctus & terroris. 2. Ut infelici plerumque terminetur exitu: quia.

(a) Cap. 10.

strictum, ut alia poeseos genera, requirat; item & harmoniam, seu cantum, qui ad affectuum commotionem faciat in primis.

4. Dicitur non narrando, sed agendo exhiberi Tragedia: quia, cum sit poema dramaticum, tota debet esse in Actione: quo pacto ab Epopœja discrepat, quæ partim in rerum narratione, partim in actione sita est, Poeta modo narraute per se, modo alios narrantes agentesse inducente.

5. Dicitur excitare misericordiam & terrorem, ut affectuum expiationem purgationemque inducat; quibus verbis Tragediæ finis attingitur: de quo postea pluribus.

CAPUT VIII.

De materia Tragediæ.

D. Quid est materia Tragediæ?

M. Est Actio una, tota, vera, verisimilis, insignis, & infelix (a).

D. Quo sensu Actio Tragediæ debet esse una?

M. Eo sensu, 1. ut sit quædam Actio primaria, quæ in plures alias dividi non possit, 2. ut omnia, quæ sunt illius Actionis primariæ, in uno eodemque loco facta esse videantur, in eodem cubiculo, v. gr. in eadem domo, in eadem urbe, in iisdem castris: unde Tragediæ apponi solet: Scena est Romæ, vel Corinthi, vel Athenis, vel alibi, ubi res gesta est. Sed quomodo Actio debeat esse una & tota diximus alias (b).

D. Quomodo debet esse Vera & Verisimilis actio Tragediæ?

M. Eo sensu, ut vere contigerit Actio primaria: alioqui non multum moveret Tragedia, si falsa esse crederentur quæ referrentur in scena: crederentur autem esse falsa, si talia essent quia sunt Actionis insignis quæ non solet ignorari. Non ita dicendum de Episodiis, quæ cum sint actiones adjectivæ, per se sæpe non adeo spectabiles, nihil opus est esse vera.

D. Pos.

(a). Arist. c. 5. (b) Lib. 2. c. 2. & 5. 2. & 3.

D. Possunt ne esse falsa Actionis primariæ quæ dicuntur Adjuncta?

M. Duplex genus est hujusmodi Adjunctorum. Primum est eorum, quæ sunt per se spectatissima, atque illa tam vera esse debent, quam ipsa Actio, cujus Adjuncta sunt; non licet v. gr. fingere a patre filium, vel a filio matrem fuisse interfectam, nisi fide historiarum id constet; pro falso enim habetur, quod istiusmodi est, nisi consignetur Historiarum monumentis, quæ non debuit illud omittere. Alterum genus est eorum, quæ sunt minus spectabilia, adeoque non solent, aut certe non debent necessario in Historia notari: quæ si verosimilia sint, facile vera esse credentur. Peccabit itaque contra hanc præceptionem, qui Cæsarem naturali morte, non violenta extinctum induxerit; non peccabit qui eundem singulos interfectores alloquentem exhibuerit; quod primum, non item alterum Historia notare debuerit. Qua ratione debeat esse Verisimilis Actio Tragicæ, satis indicatum est superius cap. 3. in materia Dramatis universe spectata.

D. Quo sensu Insignis erit illa Actio?

M. Insignis erit non ratione tantum personarum, quæ inducuntur: sed etiam, & quidem præcipue, ratione sui. Nimirum id requirit propositus Tragicæ finis: cum melius multo cieantur affectus, purgenturque, quando illustriores inducuntur personæ, quæ a summa felicitate ad infelicitatem maximam deveniunt, ut inferius (a) docebitur. Insignem certe, notamque vult esse Horatius hanc Actionem:

Rectius Iliacum carmen deducis in Actus,

Quam si proferres ignota indicæque primus.

Quamquam & suus sit in Tragicæ, ut in Epopœia, locus personis ignobilioribus, seu iis, qui Actores-Episodici appellantur.

D. Quo sensu debet esse Actio Tragicæ infelix?

M. Eo sensu, 1. ut sit Actio illa plena luctus & terroris. 2. Ut infelici plerumque terminetur exitu: quia:

(a) Cap. 10.

quia misericordiam & terrorem debet concitare, ut animi affectus ex fine suo purget.

D. Quomodo delectabit quæ plena luctus erit Tragedia?

M. Non quidem res ipsæ tragicæ voluptatem afferent, ut notavit Aristoteles (a), sed excellens illarum delectabit imitatio. Nam eorum quæ vel fugimus, vel detestamur, imagines, ut ferarum formas & cadaverum affabre factas non sine lætitia inuenimur; quod insitum sit a natura hominibus imitari, ut idem observavit Philosophus. Adde quod tantæ calamitatis expertes nos esse, ac doceri, quæ cavere oportet, non mediocriter gaudeamus.

D. Numquid licet aliquando felici exitu claudere Tragediam?

M. Quamvis satius sit exitum Tragediæ esse terribilem, & inexpectata felicitis fortunæ in luctuosam mutatione stupendum, volunt aliqui tamen licere ab ea lege desistere in gratiam auditorum, qui domum redire malint læti, quam tristes; adeoque indignius non habitum v. gr. primum Actorem expedire se posse e magna, quam incurreret, calamitate, atque id unum inquiri contendunt, ut luctuosa sit tota Tragediæ facies, ad illius finem obtinendum.

C A P U T IX.

De Forma Tragediæ.

D. Quænam est Forma Tragediæ?

M. Est Fabula; sive compositio Actionis Tragicæ.

D. Qualis debet esse illa Fabula, sive Compositio?

M. Debet esse una, simplex, iuste cujusdam magnitudinis, in suas partes rite distributa, & variis Fabulæ ornamentis conspicua, quæ dotes explicatæ sunt superius, cum egimus universæ de Forma Dramatis.

D. Quid speciatim præcipitur circa Fabulam Tragicam?

M. Ut

(a) *Post. cap. 2.*

M. Ut Fabula illa sit implexa, id est, ut annexam habeat peripetiam, vel agnitionem, vel utramque simul; atque etiam vult talem esse Philosophus (a), ut ex peripetia & agnitione oriatur maxima affectuum perturbatio; unde tres Fabulæ illius partes designavit, peripetiam, agnitionem, & perturbationem.

D. *Qualia debent esse ornamenta Fabulæ Tragicae?*

M. 1. Peripetiae, & Agnitiones, ut diximus, sunt adhibendæ, concitandis affectibus cum primis idoneæ. 2. Inferenda Episodia pauciora, & breviora, ut supra monuimus. 3. Machinæ usurpandæ, modo non in solutione Fabulæ, sed in uexu, ut docuimus. 4. Circa Mores præcipitur non tantum ut boni sint, convenientes, & æquabilis tenoris, sed etiam graviores, severioresque pro rerum, quæ inducuntur, natura. Unde matronæ gravi confertur Tragedia apud Horatium:

Effutire leves indigna Tragedia versus,
Ut festis matrona moveri iussa diebus,
Intererit satyris paulum pudibunda protervis.

De eadem sic habet Ovidius (b):

Omne genus scripti gravitate Tragedia vincit.

5. Aspergendæ Sententiæ, quæ graves personas deceant: qua cautione, superius tradidimus. 6. Dictio tam gravis esse debet, quam res ipsæ, quæ tractantur; versus jambicus trimeter usurpandus, quem vocat post Aristotelem Horatius *alternis aptum sermonibus*: quod ille numerus familiaris sit, & in omnem facile sermonem incurrat. Demittit tamen se decenter Tragedia, uti se attollit Comœdia, ut idem observavit Horatius:

Interdum tamen & vocem Comœdia tollit,
Iratusque Chremes tumido delirigat ore;
Et Tragicus plerumque dolet sermone pedestri.

C A P U T X.

De Fine Tragædiæ.

D. *Q*uis est finis Tragædiæ?

M. *Q* Finis Tragædiæ est concitare quosdam animi

mi

(a) *Arist. c. 1. 1.* (b) *1. Trist. V. 1. 6. 9.*

mi affectus ad reliquos omnes purgandos. Hanc affectuum expiationem purgationemque, quam vocat, Tragœdiæ, ut finem, indicit Aristoteles: cui consensuunt alii, qui ea de re scripsere, Authores. Atque hic finis tam accurate, quam dilucide breviterque disentiendus est, cum exquisitus ab eo tum argumentorum, tum personarum, qui solet hic præcipi, delectus, atque adeo optima pendeat Fabulæ Tragicæ constitutio. Quare disquirendum. 1. Qui affectus in Tragœdia? 2. A quibus. 3. Quomodo debeant concitari?

§. I. Qui affectus concitentur in Tragœdia.

D. *Q*ui affectus concitantur in Tragœdia?

M. *M*isericordia & Terror, quorum ope purgantur omnes alii Affectus: unde Scena appellata est quædam quasi palæstra humanorum affectuum, ubi præparantur illi, & perficiuntur.

D. Quomodo purgant alios Affectus Misericordia, & Terror?

M. Misericordia tangimur, cum videmus aliquem grandi aliqua calamitate pressum, præsertim immerentem; timemusque, ne quid simile nobis contingat quod alteri nobis quodammodo æquali accidit: & sic misericordia parit timorem, cautumque præstat, quem afficit, ne gerat aliquid, unde tanta sibi miseria proveniat. Idem ad obiectam gravis infortunii speciem terror incussus, ejusmodi vitandi mali desiderium injicit: quo desiderio efficitur, ut affectibus moderemur, qui sunt veræ omnium germanæque causæ nostrarum calamitatum.

§. II. A quibus concitentur affectus in Tragœdia.

D. *Q*uam debent concitare Misericordiam, & Terrorem in Tragœdia?

M. Multo melius Actores, qui neque improbi neque admodum probi sunt, sed inter illos medii, & qui cum amicis rem habebant, aut consanguineis, illos affectus commovebunt.

D. Quare minus commovebunt, qui sunt improbi?

M. Quia ut improborum felicitas indignationem parit; sic non parit infelicitas misericordiam, aut

ter-

terrorem : non misericordiam, quia dignum existimat quisque improbum calamitate, qua premitur, non terrorem, quia nemo sibi eventurum putat, quod improbi culpa factum esse videt; terreatur, esto, qui scelestum affligi scelestus aspicit: sed vulgo non sunt aut consentur improbi qui adsunt spectatores, adeoque non est existimandum, improbi calamitate illos esse perterrendos.

D. Non poterunt igitur improbi in scenam produci?

M. Poterunt utique, ut jam præmonuimus, sed ea adhibita cautione, ut, si minus misericordiam, terrorem saltem vel probis spectatoribus incutiant: quod sane fiet, si non tam ex culpa, quam ex errore humano lapsi videantur.

D. Quare minus apti sunt movendæ commiserationi, incutiendoque terrori, qui sunt maxime probi?

M. Quia qui probus est in primis, cum sit infelix, non parit misericordiam, cum solam pariat indignationem, eamque maximam, si abominando facinore tollatur e vivis: non terrorem, quia, ut tradit Aristoteles, nemo sibi propter probitatem idem eventurum esse putat, cujus præmium est felicitas.

D. Non licebit ergo probos in Scenam producere?

M. Constat Christianos Martyres datos esse aliquando feliciter in theatrum, uti & viros alios probos, qui semel aut amore ducti impotentius, aut ira abrepti vehementius cæco quodam impetu mortem aliis intulerunt. Quare lex illa, quæ improbos probosve arcet a theatro, pro prima Tragediæ forma posita est: nec quidquam aliud voluit Philosophus, cum sic præcepit, quam, quid sit ea in re præstantissimum, indicare.

D. Quam facis Actorem medium Probum inter & Improbum?

M. Is, juxta eundem Philosophum, qui nec virtute, nec vitio admodum excellit, qualem Oedipum fuisse accepimus: cujus neque magno virtutes, neque summa vitia commemorantur, quæ abripere in contrarium affectus auditores solent.

2. Qui peccat imprudens, ac proinde nec viri

boni nomen meretur, quia illius officium est transgressus; nec contra improbi, quia inconsulto peccat. Sic idem Oedipus, cum parricidium summum esse crimen non ignoraret, Lajum tamen miser per ignorantiam peremit. Debet etiam summa ille dignitate præcellere: ut hac ratione major calamitas terrorem simul, & commiserationem augeat.

D. Quare amicos inter, & consanguineos res geri debet in Tragædia?

M. Quia, 1. si inimicus inimicum occidat, nulla excitabitur commiseratio; nisi quatenus factum ipsum communi humanitatis recordatione commoveat, atque etiam facile ferent homines in alio, quod essent ipsi quoque facturi. 2. Si nec amicus, nec inimicus alteri mortem inferat, sed ignotus ignoto; cum hoc agat sine affectu, nec ipse movebit affectus. 3. Si nec affinitate, aut sanguine conjunctus occidat, non adeo commovebit. Quare præstat, ut inter amicos, & cognatos res geratur: ut si frater fratrem, parens filium, filius parentem aut occidat, aut invadat. Ab amicis enim ista cum fient, movebunt commiserationem: a consanguineis, atrocia etiam videbuntur, ut cum Clytemnestram Orestes, Erephylem tollit Alcmæon.

§. III. Quomodo concitentur Affectus in Tragædia.

D. Quomodo concitantur Affectus in Tragædia?

M. In hoc variant Tragædi: (a) apud quos vel committit Actor facinus, vel non committit, iterum vel committit ignarus rei, vel concius; item sic committit, ut factum vel post, vel ante agnoscat. Item ante agnoscit, ut animum mutet, priusquam id conficiat, aut poenitentiam agat.

Atque ex his variis modis concitandorum affectuum ortæ sunt variae species Tragædiarum: quatuor celebrantur in primis. 1. est quando agnoscitur qui occiditur, ut cum Medea liberos occidit. 2. quando agnoscitur post mortem, qui occisus est: ut cum Oedipus Lajum sua manu peremptum audit. 3. quan-

do

(a) *Arist. c. 1.*

do agnoscitur eo tantum momento, quo perire debet, & periculo eripit, ut cum Iphigenia agnitum Orestem morti subducit. 4. quando agnoscitur, qui periturus est, & ad mortem quæritur; nihil tamen conficitur: ut cum Æmon apud Sophoclem stricto ense parentem insequitur, neque tamen quidquam agit.

D. Licetne oculis obijcere atrociora spectacula, quibus sanguis effunditur, & horror animis incutitur?

M. Non licet; neque enim debent induci in theatrum aut incredibilia quædam, ut sunt metamorphoses: aut fœda aspectu, aut visu atrocia juxta illud Horatii:

Nec pueros coram populo Medea trucidet,
Aut humana palam coquat exta nefarius Atreus,
Aut in avem Progne mutetur, Cadmus in anguem.
Quodcumque offendis mihi sic, incredulus odi.

D. Qui referri poterunt quæ oculis non licebit subjicere?

M. 1. Præcipientur gerenda vel ab eo, qui facinus patraturus est, vel ab aliquo alio. 2. postquam gesta fuerint, narrabuntur, quod Nunciorum munus esse solet: sic præceperat Horatius:

..... Non tamen intus

Digna geri promes in Scenam, multaque tolles
Ex oculis, quæ mox narret facundia præsens.

D. An non licebit aliquid ob oculos ponere, quod speciem aliquam habeat crudelitatis?

M. Licebit vincula, ipsumque demortui Principis cadaver deferre in medium, ad commovendum auditorem; item verbera, aliaque sævitæ instrumenta licebit coram exhibere, at non percutere, aut perimere, nisi post Scenam id fieri simulatur.

C A P U T X.

Præceptorum usus in scribenda Tragedia.

D. T Raditas hæc de Tragedia præceptiones, quæso te; ad usum ut revoces, & scribendæ Tragediæ unum aliquod Paradigma proponas.

M. Si velis ex arte Tragediam scribere, nudam primum ac sine ullo ornamento delineabis Actionem, quæ est materia Tragediæ, deinde ad Fabulam,

Iam, quam voles inducere, attendes, videbisque, sitne simplex, an implexa; si implexa, ut peripetiam simul & agnitionem, & qualem utramque admittat, & cum superioribus an bene cohzreat; an terror ex rebus oriatur ac commiseratio, aut quomodo possunt aliunde commoveri; cum personas conquires, earum ipse habitus, affectusque animo indues: Episodia postmodum excogitabis. Postquam sic fuerit constituta Fabula, quid in Nexu, quid in Solutione inducere necesse sit, examinabis; nam in Nexu, non in Solutione debent esse episodia, neque etiam proluxa illa, aut otiosa, sed brevia, & cum Actione primaria rite connexa. Si simplex fuerit Fabula, curabis artificiose ut desinat: si implexa, agnitionem ut habeat, & peripetiam elegantem, & quæ tragicos affectus, seu perturbationes ipsa per se excitare possit.

D. Profer, quæso, exemplum tum simplicis, tum implexæ Fabulæ.

M. Fabulæ simplicis exemplum sit Troadum Tragœdia apud Senecam, quæ sic se habet. Græci expugnata Troja, Calchantem consulunt, quo pacto salvi domum pervenire, ac faventes sibi Deos redituri habere possint. Calchas Polyxenam, & Astyanactem necandos esse pronuntiat, atque id conficitur. Reliqua sunt episodia, apte illi Fabulæ intexta. Sic Episodium est Agamemnonis cum Pyrrho colloquium, quod ex Calchantis de mactanda Polyxena consilio nascitur; item episodium est tota illa scena, in qua ab Ulyssæ quæritur Astyanax, ac tandem invenitur: quod pariter e consilio de precipitando Astyanacte oritur.

Fabulæ implexæ exemplum esto Oedipi Tragœdia apud eundem Senecam. Oedipus disquirens quis sit lazi interfector, se & illius filium, & interfectorem atque etiam Jocastæ matris suæ maritum esse agnoscit; quare effossis sibi præ pudore & ira oculis abiecit in exilium, & Jocasta se gladio confodit. Hæc est Actio primaria; ad quam non spectat necessario Oedipus in Prologo de pestilentia sermo, quamvis cum

eadem apte cohæreat. Item ejusdem Œdipi cum Creonte, & Tiresia colloquium, tum proluxa illa inferorum descriptio, umbrarumque evocatio sunt Episodia, nisi forte cum nominatim de Laji cade agitur: Œdipi autem, & Senis, & Phorbantis ex parte colloquium ad mutationem paulatim deducunt; ad Nexum tamen referri possunt: reliqua sunt in Solutione, ubi est peripetia & agnitio mirabilis.

CAPUT XII.

De Comœdia.

D. Quid est Comœdia?

M. Comœdia secundum vim vocis est paganus cantus: καμῳ enim græce significat pagum latine, & καμῳ cantum; sic appellata, quod in pagis habuerit originem; vel ut alii volunt, a Como hilaritatis ac temulentie Deo dicta est Comœdia, quasi καμῳδῆν sit, canere Como digna.

D. Quomodo definitur Comœdia?

M. Definitur Imitatio Dramatica Actionis unius, totius, civilis, aut privatae, & vulgaris, stylo populari exhibita, & lato semper exitu terminata, ad proponendum vitæ privatae exemplum. Atque hæc definitio Comœdiæ materiam, formam, & finem attingit; de quibus breviter admodum agendum est: cum satis ea sint exposita in Materia, Forma, & Fine poematis dramatici, universe spectati, & alibi passim pluribus in locis.

D. Quid habes circa materiam Comœdiæ?

M. Est actio, cujus jam recensitæ sunt in definitione, & superius explicatæ in materia dramatis variae affectiones. Veritatem, vel falsitatem admittit illa, quia privati hominis est actio obscura per se & ignota; neque imitatur res illustres & terribiles, aut admirabiles, sed civiles & privadas: ut avaritiam senum, fraudes servorum, & similes, quæ alios sollicitudine, lætitia alios impleant: quare debet esse insuper jocularis ut delectet, & ea vitia exagitare, quæ risum potius, quam misericordiam moveant.

D. Quid præcipis circa Formam Comœdiæ?

M. Præter ea, quæ dicta sunt in Forma poematis dramatici, curandum est, ut integantur, 1. quædam peripetix, non quæ magnos ac vehementes, sed remissiores levioresque ciant animorum motus. 2. Agnitiones, non ex, unde oriantur maximæ perturbationes, sed quæ levioribus de causis ortæ non admodum moveant: ut in Plautinis Comœdiis, quæ sit e crepundiis, nonnunquam cistulis, aut annulis Agnitio. 3. Episodia brevia: & apta. 4. Mores solutiores, & jocos salibusque conditi: in quibus magno opus est delectu: videndumque, ne sint frigidi, multo minus obscœni: quod jure in Plauto reprehendit Horatius:

At nostri præavi Plautinos & numeros, &
Laudavere sales, nimium patienter utrumque,
Ne dicam stulte mirari; si modo ego, & vos
Scimus inurbanum lepido seponere dicto.

5. Sententiæ rationes; ac vixalæ, quam pertinentes ad vitam quotidianam, & in frequentiori usu positæ, ut sunt trita ac vulgaria proverbia. 6. Dictio apta rebus, adeoque non grandis, ut in Tragedia: sed contra humilis, suavis, & mediocri ornatu contenta: quamvis possit aliquando altius asurgere, cum graviores affectus sunt exprimendi, ut ait Horatius:

Interdum tamen & vocem Comœdia tollit,
Iratusque Chremes tumido delitigat ore.

Adeoque metrum optimum erit, quod proxime accedit ad solutam orationem.

D. Quid statuis circa Finem Comœdiæ?

M. Vult Philosophus, Comœdiæ esse, ex inimicis amicos efficere; quod universe dictum esse oportet, ut cum pater filio reconciliatur, aut cum fraude aliqua, vel casu ex ipsa Actionis natura exorto a se invicem disjuncti duo homines mutuo in gratiam redeunt. Sed istud officium Comœdiæ potius, quam Finis: qui in eo positus est, ut vitæ privatæ exemplum proponatur, ut ita mores quisque suos corrigat.

Ex dictis colliges, a Tragedia potissimum differ-

re Comœdiam. 1. Materia Tragicœdia res grandiores, Comœdia tractat humiliores. 2. Personis; in Tragicœdia nobiles sunt, in Comœdia, humiles & obscuræ. 3. Dictione; grandior est in Tragicœdia, vulgaris in Comœdia. 4. Exitu; funestus esse solet in Tragicœdia, in Comœdia felix est atque hilaris.

D. Quid si personæ illustres inducantur in Scenam quæ Fabulam Comicam peragant?

M. Non erit hæc Tragicœdia, aut Comœdia, sed tertium Dramatis genus ortum ex utraque, quod appellabitur Tragicomœdia, cujus finis est semper lætus, personæ partim illustres, partim vulgares: res modo ludicræ, modo tristes. Amphitruonem vocat Tragicomœdiam Plautus, ubi sic loquitur in Prologo Mercurius:

Faciàm ut commixta sit Tragicomœdia.

Nam me perpetuo facere ut sit Comœdia,

Reges, quo veniant, & Dii, non par arbitror.

Quid igitur? quoniam hic servus quoque partes habet,

Faciàm proinde, ut dixi Tragicomœdiam.)

INSTITUTIONUM

POETICARUM.

LIBER QUARTUS.

De Reliquis Poematis.

*M. P*ost Epicam, & Dramaticam poesin celebrantur multa minora poemata; quorum alia sic a se invicem differunt, ut singula singulas, easque maxime diversas constituant species, ut Elegia, Epigramma, Satyra, Ode, &c. alia vero cum sint ut plurimum in genere heroico, majorem habent inter se conjunctionem, ac velut affinitatem; quamquam ad Oden quoque referri possunt, cum commode canantur ad lyram; sunt hæc, Epithalamia, Genethliaca, Epicedia, Epinicia, Soterica, Propermptica, Parænetica, &c. de quibus omnibus breviter modo, pro dicendi instituto, disputabimus.

CAPUT PRIMUM.

De Elegia.

D. Quid est Elegia?

M. Elegia proprie est funebris cantus, a flebili lugentium sono sic dicta, qui crebro, *ἐὶ ἐλέγχοι*, *he! he!* ingeminant.

D. Quæ est materia Elegiæ?

M. Est proprie res funebris, & tristes; unde Ovidius in mortem Tibulli canit:

Flebilis indignos Elegia solve capillos:

Ah! nimis ex vero nunc tibi nomen erit.

Et 5. Tristium:

Flebilis ut noster status est, ita flebile carmen.

Factum est tamen deinde, ut non tantum res funebres ac tristes, sed res quoque lætæ, amores, vota, preces, gratulationes, & convicia elegiaco carmine scriberentur, ut videre est apud ipsum Ovidium. De materia primisque Elegiæ Authoribus sic statuit Horatius:

Versibus impariter junctis querimonia primum,

Post etiam inclusa est voti sententia compos.

Quis tamen exiguos Elegos emisit Author,

Grammatici certant, & adhuc sub judice lis est.

D. Quæ est Forma Elegiæ?

M. Forma Elegiæ est ipsius constitutio, & compositio, seu quædam eorum, quæ canuntur elegiace, dispositio; de qua sic præcipi potest, ut poema illud totum sit lene, perspicuum, dictio mollis, & æquabilis, morata, tenera, affectibus plena, & delicata quadam suavitate condita. Quamquam pro ratione rerum, quæ celebrabuntur, magnifice etiam procedat Elegia: ut quæ apud Propertium scripta est in Actiacam victoriam, & alibi passim apud Authores probatissimos.

CAPUT II.

De Epigrammate.

D. Quid est Epigramma?

M. Si vocis etymon attendas, est inscriptio quæ.

quævis : ἐπιγράμειον enim græce , est *inscribere* latine . Si definitionem quæras , dicitur breve poema cum simplici cujuscumque rei , vel personæ , vel facti indicatione , & aliquid ex propositis deducens .

D. Quotuplicis generis est Epigramma ?

M. Duplicis , ut indicat definitio ; aliud enim simplex est , quod simplici rei , personæ , aut facti indicatione continetur , ut sunt inscriptiones denariorum , & statuarum , ut ista clypei :

Æneas hæc est Danaïs victoribus arma .

Alterum compositum dicitur , quod in ratione discedenda collingendaque , & quasi in argumentatione positum est .

D. Quæ est materia Epigrammatis ?

M. Sunt res universæ , personæ , facta , quæ exornari , reprehendi , fieri , probarive possunt .

D. Quæ est ejus Forma ?

M. Est ipsa ratio tractandi Epigrammatis , quod solet scribi carmine vel hexametro , vel elegiaco , vel phaleucio , vel jambico .

D. Quis est Finis ?

M. Est communis omni poetæ , delectare docendo , seu laudet , seu vituperet Poeta , qui ab hoc fine non debet recedere .

D. Quot sunt Epigrammatis dotes ?

M. Tres numerantur præcipuæ , Brevitas , Perspicuitas , & Acumen .

C A P U T I I I .

De Satyra .

D. Quid est Satyra ?

M. **Q** Satyra videtur nomen ducere a Satyris , Diis petulcis , lascivis & dicacibus , qui inter Actus Tragœdiarum , ac postea Comœdiarum inducti in theatrum . non tantum sermone parum verecundo , libero , aculeato , vultu ac corpore risum movebant ; verum etiam cives improbos nominatim carpebant : unde Satyra ab aliquibus ad poema dramaticum revocatur . Videtur etiam dicta Satyra , quasi Satura ; quod varium complectatur argumenti ge-

mus. Quare definitur Satyra *Poema jocosum, liberum, & aculeatum*, ad reprehendendos, corrigendosque mores corruptos.

D. Quæ est materia Satyræ?

M. Dici potest turpitudine risu digna, vel odio; exagitant enim Satyrici poetæ Inertes, Parasitos, Deformes, Loquaces, Ingratos, Ambitiosos, Prodigos, Avaros, &c. Materiam Satyræ his duobus versibus definivit Juvenalis:

Quidquid agunt homines, votum, timor, ira,
voluptas,

Gaudia, discursus, nostri farrago libelli.

D. Quæ est Forma Satyræ?

M. Est ipsius constitutio, & compositio, in qua illinendæ sunt quibusdam suavitatibus objurgationes, ut æquiore animo excipiantur: adeoque versutum, sagax, callidum, desertum, acutum ingenium requiritur. Amat Satyra crebras Sententias, acutas, & acres, puritatem, & elegantiam in verbis, remissos mollioresque numeros, dictionem submissam, quotidianæ locutioni similem: unde Horatius, qui in Odis usque adeo numero studuit, ut ideirco numerosus vocetur ab Ovidio; idem tamen in Satyris numerum illum neglexit, non quia aliter non possit, sed quia hunc neglectum Satyris putaret convenire. Nullæ certæ partes in hoc poemate assignantur; aliquando insinuatio, sæpius abruptum, & incitatum principium adhibetur.

D. Quis est Finis Satyræ?

M. Est objurgando, & irridendo abstergere homines a vitiis, & ad virtutem incitare. Videndum tamen, ut joci ac sales satyrici careant obscœnitate; ne, dum animos vult purgare Poeta, ad morum turpitudinem invitet.

C A P U T IV.

De Poemate Lyrico.

D. Quid est Poema Lyricum?

M. Q. Dictum est Poema Lyricum a Lyra, quæ inter organa musica celebris est, adhibeturque

que ad hujusmodi carmen concinendum. Quare vocatur etiam illud poema Ode, & Melos, id est cantus, unde Poetæ Lyrici, & Melici.

D. Quæ est materia poematis Lyrici?

M. Longe, lateque patet hæc materia: continet enim laudes Deorum, & hominum vota, preces, exhortationes ad virtutem capeffendam, ad vitia fugienda, deplorationes calamitatum, desideria, conquestiones, fontium, montium, villarum, aliorumque locorum amœniorum laudes, & descriptiones; deliberationes item, & invitationes, aliaque innumera, quæ brevi poemate concludi possunt, comprehendit. Nam, ut docet Horatius:

Musa dedit fidibus Divos, puerosque Deorum,
Et pugilem victorem, & equum certamine primum,
Et juvenum curas, & libera vina referre.

D. Quæ est forma poematis Lyrici?

M. Est compositio, seu ratio scribendi illius poematis: ubi notandum est, quod est Epopœjæ gravitas, Tragediæ vehementior affectus, Comœdiæ jocus, Elegiæ mollieties, Satyræ acerbitas, Epigrammaticamen, idem esse poemati Lyrico suavitatem. Quare debent adhiberi verba florida, polita, non sine majestate induci sententiæ, vitari litterarum collisiones duriores, aliaque observari, quæ diximus facere ad suavitatem Narrationis Epicæ, & ad dotes dictionis poeticæ.

D. Quot sunt Versuum genera in Odis?

M. Sunt sane quamplurima: quæ suas ducunt appellationes vel ab Authoribus, ut Alcaici ab Alceo, Sapphici a Sappho, Asclepiadei ab Asclepiade, &c. vel a metris, quibus constant, ut Trochaici a Trochæo, Dactylii a Dactylo, Anapæstici ab Anapæsto, &c. sed illorum metrorum leges à Grammaticis petendæ sunt.

D. Quid est Strophe, Antistrophe, & Epodus?

M. Ode dividebatur in Strophen, Antistrophen, & Epodum. Strophe erat pars illa Odæ, quam Chorus in iustranda ara, in Deorum laudem modulabatur, progrediendo ab oriente in occidentem. Anti-

strophe vocabatur, cum Chorus revertebatur canendo ab occidente in orientem. Epodus fiebat, cum in medio consistebat Chorus, & quod supererat carminis, persolvebat. Verum jam nomine Epodi intelligitur illud genus carminis, in quo singulis versibus singulæ clausulæ subjiciuntur, & veluti accinuntur, idque fere alio genere carminis, & plerumque breviori: cujusmodi sunt pleraque apud Horatium in libro Epodon, jambico dimetro post heroicum, aut trimetrum jambicum statim succedente.

D. Quid est Ode distrophos, tristrophos, & tetrastrophos?

M. Ode dicitur *distrophos*, quæ plures habet *strophas*, seu clausulas: quarum singulæ continent duo carmina: quæ clausulæ *strophæ* dicuntur, quod post duos versus ad duos alios reverti oporteat, ut in hac Ode Horatii; v. gr.

Sic te Diva potens Cypri.

Sic fratres Helenæ, lucida sidera. (dunt:

Post hæc duo carmina, eodem modo duo alia succe-

Ventorumque regat pater,

Obstrictis aliis, præter Japyga;

& sic deinceps ad finem Ode. Ita dicitur illa Ode *tristrophos*, quæ continet plures *strophas*, sive conversiones, quarum singulæ habent tria carmina; & *tetrastrophos*, cujus singulæ *strophæ* quatuor includunt versus.

D. Quid est Ode monocolos, dicolos, & tricolos?

M. Ode dicitur *monocolos*, seu uniformis, quæ unius ejusdemque generis habet carmina; talis est prima Ode Horatii:

Mæcenatavis edite Regibus,

O & præsidium, & dulce decus meum, &c.

cujus omnia carmina sunt *asclepiadica*. Dicitur *Dicolos*, quæ habet *strophas*, quarum carmina sunt duplicis generis, *tricolos*, cujus *strophæ* continent carmina triplicis generis.

C A P U T V.

De Hymno, Parodia, & Carmine Intercalari.

D. Quid est Hymnus?

M. Est Ode ad Dei laudes virorumque illustrium.

strum celebrandas instituta ; ὀμνέειν enim græce est celebrare latine .

D. Quid est Parodia ?

M. Est imitatio versuum , ubi sententia tamen ad contrarium sensum detorquetur . Istud genus carminis frequentavit in primis Joannes Baptista Masculus , profanos sensus ad religiosa fere argumenta convertens . Sarmenius item odas Horatii aliquot improbas ad pietatem traduxit per parodiam .

D. Quid est Carmen Intercalare ?

M. Intercalare carmen , quod & Regium dicitur est illud , in quo post aliquod versuum intervallum , idem semper recurrit , ut apud Virgilium in Eclogis , ille versus sæpius usurpatur :

Incipe Mænalios mecum , mea tibia , versus :
& ille deinde .

Ducite ab urbe domum , mea carmina , ducite
Daphnim .

C A P U T VI.

De Eclogis , Silvis , & Diris .

D. Quid est Ecloga ?

M. Ecloga , quæ & Bucolicum Carmen a Buculco , & Pastorium a Pastore dicitur , est imitatio rusticarum actionum stylo mediocri & suavi , vel per meram enunciationem , vel per dramaticam personarum effictionem . Eclogæ vocantur a delectu , & concinnitate sermonis ἐκλέγειν enim græce est seligere latine . Cum autem Bucolicum Carmen initio inconditum esset , ut plurimum puriora quædam , elegantioraque seligebantur : unde huic generi carminum indita est appellatio .

D. Quæ sunt leges hujus Poematis ?

M. Tractantur in e , vota , gratulationes , alterationes , pollicitationes , conquestiones , gaudia : sed videndum , ut omnia agrum redoleant . Dicendi character debet esse humilis , frequentes adhibendæ comparationes ex agris deductæ , jucundæ item descriptiones insetendæ . Hexametrum carmen adhibendum , modo ne adsit granditas , neve longior

re ambitu circumducatur . Ducem habes in hoc genere pœseos , ut in heroico , Virgilium , qui quanto sublimior videtur in *Æneide* , tanto se submissius de industria deprimat in *Bucolicis* .

D. Quid vocas Sylvas ?

M. Sunt Carmina subito calore effusa , neque anxia cura castigata . Silvæ dicuntur , quod oblatam quasi temere materiem ex tempore , & stylo veloci percurrat , & tractet Poeta , dum calor menti insidet . Statur certe initio suarum silvarum libellos , qui subito calore , & quadam festinandi voluptate sibi fluxerunt , silvas vocat , additque illa poemata solum habere gratiam celeritatis .

D. Quid intelligis per Diras ?

M. Diræ sunt quoddam Carminis genus , quo quidquid furoris , imprecationum , querelarum , conviciorum in mentem venit , effundit Poeta . Sic Dido *Æneam* apud Virgilium , Medea *Jasonem* apud Senecam diris prosequuntur .

Expeditis , de quibus libri hujus initio , variis carminum generibus , illud unum superest , ut de Poematibus , quæ ad heroicam pœsin commode revocantur , quamvis ad lyram quoque venuste cani possint , breviter differamus : sunt hæc *Epithalamia* , *Genethliaca* , *Epicedia* ; &c.

C A P U T V I I .

De *Epithalamio* , *Genethliaco* , *Epicedio* .

D. Quid est Epithalamium ?

M. Est Poema pro nuptiali pompa conscriptum , sic dictum a vocibus Græcis *ἐπι* ad , & *δάλμας* , nuptiale cubiculum .

D. Quomodo conficiendum est illud poema ?

M. Laudes conjugum celebrandæ , faustum augurium capiendum , fructus illarum nuptiarum prædicandus , vera concipienda pro connubii felicitate , & futura prole . Consule poetas , qui scripsere *Epithalamia* , Catullum , Statium , Claudianum , &c.

D. Quid est Genethliacum ?

M. Est Carmen, quod nascentibus accinitur; γένεσις enim græce est *nativitas* latine, unde Genethliakon natale carmen.

D. Quomodo scribendum est hujusmodi Carmen?

M. Parentum virtutes celebrantur, spes de puero excitatur, variz loci, ac temporis notatur circumstantiz.

D. Quid est Epicedium?

M. Est Carmen funebre, quod Nenia Romanis, Græcis Epicedium dicitur ab ἐπι & κηδος, cura, quæ mortuis præcipue debet impendi.

D. Quæ sunt leges Epicedii?

M. Narrantur demortui laudes, pompa funebrii describitur, conditur Epitaphium, Poeta denique apprecatur æternitatem.

CAPUT VIII.

De Epinicio, Eucharistico, Propemptico.

D. Quid est Epinicion?

M. Est Carmen pro reportata victoria conscriptum, sic dictum ab ἐπι & νίκη, victoria.

A variis circumstantiis loci, temporis, hostium multitudinis &c celebranda est victoria; observanda tradita posteris imperatoriz prudentiz, & fortitudinis monumenta; exponendum qui fructus ex victoria consequantur; vota precesque pro patriæ, Victoris-que incolumitate fundendæ. Habes passim apud Authores exempla quæ in hoc genere Carminis imiteris.

D. Quid est Eucharisticum?

M. Est poema, quo gratias alicui agimus ob præstitum beneficium, sic dictum ab εὐχαριστήν, gratias agere: debet eo in carmine prædicari acceptum beneficium, dantis humanitas, & beneficentia extolli; accipientis necessitas non debet omitti, item miscenda vota in gratiam dantis.

Hujus Carminis passim exempla suppetunt apud Authores.

D. Quid est Propempticum Carmen?

M. Propempticum a προτρέπω, deduco, est Carmen in gratiam aliquo obcunctum scriptum: in quo
vota

vota concipiuntur eorum causa, vel ad avertendum malum aliquod, vel ad bonum aliquod, ac præcipue fortunatum iter apprecandum. Talis est Ode Horatii (a) in gratiam Virgilii Athenas navigaturi, quæ sic habet:

Sic te Diva potens Cypri,
 Sic fratres Helenæ, lucida sidera,
 Ventorum que regat pater,
 Obsistis aliis, præter Iapyga;
 Navis, quæ tibi creditum
 Debes Virgilium; finibus Atticis
 Reddas incolumem, precor,
 Et serves animæ dimidium meæ.

Egregia habet Vallius (b) hujus generis poemata, quibus Amicos, atque unum in primis sub Amyntæ persona in Indiam proficiscentem prosequitur, quæ tu consule.

C A P U T IX.

De Carmine Soterico, Protreptico, & Parænetico.

D. Quid est Sotericum Carmen?

M. Quid est carmen pro salute recepta, & vitato gravi aliquo periculo; dicitur Sotericum quod *σωτηρία* græce, salutem sonet latine, in eo debet expendi periculi magnitudo, in eo subeundo fortitudo, in vitando solertia, vel felicitas, bona ex vitato exorta celebrari. Habes absolutissima hujus Carminis exempla apud Frizonium in quatuor Odis quæ ad Franciam, ad Christianissimum Regem, Augustissimam Reginam Matrem, post recuperatam Regis sanitatem inscripsit, quarum prima sic incipit.

Pæne ovautes junge lyrae modos,
 Et Martiales, Francia, laureas.
 Defuncta fatali periclo,
 Magnifici res surge voti, &c.

D. Quid est Carmen Protrepticum?

M. Idem est atque Adhortatorium Carmen a verbo *πρὸς τὸ πείρω* adhortor, cum scilicet alios ad aliquid sus-

(a) Lib. 1. Od. 3. (b) Her. lib. 3.

suscipiendum impellimus. Nihil est usitatus hujusmodi carmine apud Poetas. Formam habet illius exquisitam Frizonius in Sacra Expeditione ad Principes Christianos:

Surgite magnanimi Proceres, quos æthere ab alto
Increpuere sacrum spirantia classica Martem &c.

Quæ Carmina, si qua alia, vim habent ad permovendos animos; ducitur enim adhortatio ab Ottomanici hostis ferocitate, & successu funeste felici, ab amplitudine regionum ab eo devastatarum, ab Solymæ urbis sanctitate, ab eo tam fœda servitute oppressæ. a futuræ victoriæ certis conjecturis, &c.

De Quid est Carmen Paræneticum?

M. Est Monitorium Carmen a *παρανέτιον* admones, sic dictum, in quo præcepta sapientiæ continentur. Sic Poeta pro suo officio alios monet, y. gr. ne se periculis temere objiciant, ne majora viribus suscipiant, ne quid aliud aggrediantur. cujus ipsos postea punire possit. Habes ejusmodi Carmina passim apud Poetas tum veteres, tum recentiores, ac proinde nihil est opus, testinanti præsertim, exempla proferre.

INSTITUTIONUM

POETICARUM.

LIBER QUINTUS.

Exemplaria, & Observationes ad Artem Poeticam spectantes complectens.

CAPUT PRIMUM.

Poetarum Latinorum præstantiorum nomina, ætas, stylus.

CUM Poësis lectione summorum poetarum & imitatione potissimum comparetur, juvat cognoscere, quinam poetæ frequentius & accuratius legendi, quinam obiter & strictim volvendi, aut etiam omnino prætereundi sint. Id ex Indice, quem subjicio, patebit.

MARCUS ACCIUS PLAUTUS, natione UMBER,
pa.

patria Sarsinas, obiit anno Urbis conditæ quingentesimo septuagesimo, qui fuit mundi termillesimus octingentesimus septuagesimus. Non temere legendus est, propter nequitias, & impuros amores, atque adeo propter sales inuenustos, quibus scatent ejus Comœdiæ.

P. TERENCEIUS, author est Latinitatis tersissimæ: non legatur tamen, nisi purgatus. Ortus est Carthagine, in Africa, anno U. C. 560. In pingendis hominum moribus, & arte coagmentandæ fabulæ, ceteros vincit Comicos.

TITUS LUCRETIUS CARUS insignis est ob Latinum sermonem, & sententiarum gravitatem: versus habet paulo horridiores, interdum obscenos, & impios. Scripsit Physica. Romæ natus est, anno ejusdem Urbis 658.

CAIUS VALERIUS CATULLUS, Veronensis, novem post Lucretium annis ortus, scripsit Odes, Elegias, Epigrammata, &c. Sermo bene Latinus est, versus aliquando duriores, sæpe obsceni.

P. VIRGILIUM annus U. C. 684. edidit, futurum olim principem Latinæ poësis; patria tanti viri Andes vicus prope Mantuam.

Q. HORATIUS FLACCUS quinque post Virgilium annis editus Venusii, in Apulia; omnia ingeniose, splendide, luculenter scripsit, non pauca tamen habet luculenta, & inquinandis moribus, nisi delectus habeatur, opportuna.

ALBIUS TIBULLUS, & **SEXTUS AURELIUS PROPERTIUS**, nati sunt circa annum U. C. 710. hic in Umbria, ille Romæ; uterque poeta melior quam castior, atque idcirco ablegandus a puerorum Scholis, nisi qui forte locus bene repurgatus excerpatur.

P. OVIDIUS NASO patriam habuit Sulmonem, urbem Pelignorum in Italia anno U. C. 711. amœnus vates, copiosus, ingeniosus, & illaborata facilitate gratus, utivam æque castus & modestus: quæmobrem periculose legitur non solum in iis libris, ubi nequitiam aperte profitetur, sed in Metamorphosis, epistolis, &c. Tristia & libri de Ponto minus habent periculi.

MANILIUS, incertum quo anno natus, recte in extrema Augusti tempora rejicitur, cui suum opus videtur dedicare. Scripsit Astronomica; versatus satis concinne ac feliciter in argumento per se horrido, & intentato.

PHÆDRUS, origine **THRAX**, libertus Augusti, floruit sub Tiberio. Lucet in eo natus quidam latini sermonis lepos, aureo Augusti sæculo dignissimus. Vide quæ de illo & aliis nonnullis Poetis scripsit Franciscus Vavassor, in suo de Ludicra dictione libro. Multa quoque de Poetis differit erudite Possevinus in suæ Bibliothecæ parte 2, lib. 7. Addi solent ad Phædri calcem Avieni fabulæ. Is Theodosio Seniore imperante vixit, hoc est, annis post Phædrum circiter 350. Ejus latinitas immane quantum a Phædri nitore discrepat.

SENECA, patria Cordubensis, Lucii Annæi Senecæ Philosophi, ut multis placet, filius, vixit Neronis ævo. Artem tragicam ignorat. Ampullata sunt ejus Carmina, plerumque tamen plena spiritus & ardoris; latinitas non ignobilis: in sententiis & orationibus, quas actoribus suis & heroibus affingit, modum vix tenet; multo præstantior futurus, si obtemperare ingenio suo, quam indulgere maluisset.

MARCUS ANNÆUS LUCANUS, Senecæ Philosophi fratris filius, patria item Cordubensis. Historiam civilis belli Cæsarem inter & Pompejam versu scripsit elato, & sæpe turgido, nonnumquam acri & ingenioso. Cur illi poetæ nomen abrogent eruditi, & oratoribus, vel historicis annumerandum censeant, intelligitur ex iis, quæ de poetis diximus. Non enim poematis sui materiam quasi facit, & rerum variarum inventionem, ac mutationem illustrat, sed acceptam ab Historia ornate prosequitur. Multos fallit ambitiosus ille sententiarum tumor, & argutiarum fucus, ad pompam potius & fastum, quam ad veritatem comparatus.

PETRONIUS ARBITER, civis Romanus prædives, Neronis familiaris, ejus flagitia descripsit, versibus impurissimis & argumento convenientibus,

uter.

uterque dignus oblivione, & execratione.

A. **PERSIUS FLACCUS**, Volaterranus; eodem Neronis tempore Satyras scripsit, sed multo conditatus sale: tuto legi, pauca si demas, possunt.

SILIUS ITALICUS, ab Italica, Bæticæ Hispaniæ urbe, sic appellatus, ultimo Neronis anno consulatum gessit, iterumque sub Domitiano. Poema composuit de secundo Bello Punico. Virgilium, cujus cultor insignis erat, imitari studuit ac sequi; multum abest, quin assequatur.

P. **PAPINIUS STATIUS**, Neapoli, ut verius creditur, oriundus, sub Nerone & Domitiano, scripsit Silvas, Thebaidem, & Achilleidem, stylo sæpe confragoso, & obscuro. Ejus Silvæ sunt amœniores, & cultiores.

C. **V. VALERIUS FLACCUS**, Setinus, edidit libros octo Argonauticon, quos Vespasianus dedicavit. Statio purior & melior est.

MARCUS VALERIUS MARTIALIS, Bilbilitanus, Romæ annis quinque, & triginta vixit, usque ad Trajani tempora, cum in Hispaniam suam rediit: mores & ingenium perpolire potest ejus lectio, si obscœna deleas epigrammata.

DECIUS JUNIUS JUVENALIS, Aquinas, poeta doctus, & eloquens, majestatem, & aculeos, interdum declamatorios, habet: minus Horatio politus ac pressus, Persio uberior est. Cave illum, nisi expurgatum legas.

CLAUDIANUS fuisse Alexandrinus fertur, sub Theodosio magno, ejusque liberis claruit, a quibus ei statua in Romano Foro posita, poeticos spiritus ingentes & meliore sæculo dignos habet, ac, si tumoris nonnihil detrahas, vix ulli poetarum latinorum, præsertim in iis, quæ postremo loco scripsit, secundus est.

AURELIUS PRUDENTIUS, sub eodem Theodosio, in rebus Christianam fere pietatem & religionem spectantibus operam posuit, barbaro sæpe, licet ingenioso & erudito carmine.

Quintiliani judicium de Poëtis Latinis habes libro ejus institutionum X.

CA-

CAPUT II.

De Stylo Poetico.

Stylus vocatur propria quædam dicendi, seu ſcribendi forma. Sunt enim qui breviter & ſtri-
ctim loquuntur & ſcribunt; ſunt qui fundunt latius
orationem ſolutam perinde, ac vinclam: alii ma-
gnifice & ſplendide, alii nitide ac parce amant ſcri-
bere. In quo ſuam quiſque indolem ſere ſequitur.
Hinc ſtyli tanta varietas, præſertim in poetis, qui
genio pluſculum indulgere ſolent. Oritur etiam il-
la e variis carminum generibus. Alius enim ſtylus
convenit Epopœjæ, & verſui Heroico: alius Tragi-
co, & comico; alius Lyrico: ſuus eſt Epigramma-
ti, ſuus Elegiæ, ſuus Dithyrambo, &c. Quis autem
ſingulorum iſtorum ſit proprius, aliunde cognoscī
melius nequit, quam poetis ipsis legendis. Caput
eſt legere optimos in unoquoque genere: exempli
cauſa Virgilium in Heroico poemate, quem recen-
tiores quidam egregie ſunt imitati, ut Sannazarius,
Bembus, Heinſius, & alii, quorum carmina extant
collecta in libello, cujus titulus eſt, *Deliciæ Heroicæ
Poſſeos*, item Jacobus Vallius, Carolus Ruzus; &
in Elegiaco, Ovidius, Sidronius, Hoſchius; & in Co-
mico Terentius; in Tragico, Seneca, Petavius, Ma-
lapertinus, &c. In Lyrico Horatius, Sarbievius, Jo-
nius, &c. In Epigrammate, Martialis; in Sylvis,
Stattius &c. Conſule Quintilianum libro præſertim
12 c. 10. ubi de ſtylo, ejusque diverſis formis agit; &
Nicolaum Cauſſinum in ſuis divinæ & humanæ
eloquentiæ Parallelis Lib. XI. ſed præcepta haud
multum juvant. Optimum ſtylum conſequeris, ſi
multum & attente legeris, & diligenter ſcripſeris.

CAPUT III.

De Variis Verſuum generibus.

Preter uſitatos verſus, Hexametrum, Pentame-
trum, & Jambicum, qui nihil, aut parum
difficultatis habent, alii quidam ſunt reconditiores,
partim a comicis, partim a Lyricis vatibus uſurpa-
ti: de utriſque pauca obſervabimus. §. I.

§. I. De Versibus Comicis.

CUM poësis ad delectationem maxime comparata sit, uti versibus debet, quæ est oratio omnium suavisissima. Tragici utuntur Jambicis perfectis, iis nempe, qui in pedibus paribus Jambos habent, nempe in 2. 4. & 6. in imparibus vero spondæos, vel Anapæstos, Dactylos, aut Jambos, quia omnes isti pedes plus habent gravitatis & dignitatis. Comici utuntur Jambicis imperfectis; idque satis habent, si in fine sit pes Jambus; & in aliis locis adhibent promiscue Jambos, Spondæos, Dactylos, Tribrachos, Anapæstos, qui locum habent in Jambicis perfectis. Præterea utuntur Amphimacro, seu Cretico, qui constat duabus extremis syllabis longis & media brevi, ut *Pamphilum ambiunt*. Interdum Proceleusmatico, sive duobus Pyrrichiis, hoc est quatuor brevibus, quia quatuor breves respondent duabus longis, e quibus constat Spondæus, cui locus est in Jambico versu. Exemplum Proceleusmatici habes in *Andria* A. I. Sc. I. sub finem.

Mala mens malus animus quem quidem ego si sensero. in hac enim scæna sunt omnes Senarii, sive Trimetri. Itaque in secundo pede est Proceleusmaticus.

Item in eadem *Andria* Act. 3. Sc. 3. in primo pede.

Tibi generum firmum, & filix invenies virum.

Utuntur etiam Comici versibus Jambicis dimetris id est, qui quatuor tantum pedes habeant; nam antiqui vocabant duos pedes, unam mensuram: interdum Tetrametris, id est, qui habeant quatuor mensuras, sive qui consent octo pedibus, unde octonarii, & quadrati appellantur.

Interdum totis quatuor, aut sex, aut octo pedibus non constat illorum versus, sed deest aliquando una syllaba in principio aut in fine; & ii versus vocantur Catalecti, sive desinentes, penduli & semimutili: ut *Musæ Jovem cane-bant*; est dimeter catalectus, deest enim ultima syllaba: item; *Non ebur neque aureum*, deest enim prima syllaba. Observandum hic tantum ist, cum pedem, qui proximus est syllabæ relictæ, & pendenti, Jambum esse oportere.

Ali-

Aliquando deest unus pes, iique versus vocatur brachycatalecti, sive mutili, ut

Musæ Jovis natæ,

est dimiter Brachycatalectus, deest quippe pes quartus. Hoc idem in Tetrametris contingit: v. g. in illo;

Vos precor vulgus silentium, vos que ferales Deos:
deest prima syllaba. Quod si metiaris aliter, & velis deesse syllabam in fine potius quam in principio, facies Trochaicum versum, qui nempe Trochaicum pedem pro Jambo iisdem locis atque Iambicus, ponit

Vos pre-cor vulgus silen-tum vosque ferales Deos.
Sic in Adelphis, act. 3. Sc. 2.

Cate vos rue-rem, agerem, raperem, tunderem & prosterne rem.

Dividi etiam aliter post prior versus, si ponatur amphimacer in principio:

Vos precor silentium, &c.

Et tunc deerit ultimus pes, eritque Tetrameter Brachycatalectus. Quemadmodum illi versus Andriæ, Act. 4. S. 1. qui Muretum, Scaligerum, Erasmus, & ceteram eruditorum familiam adeo torserunt, dici commode possunt Trimetri Brachycatalecti. Sic eos metire:

Hocce credibi-le est aut memora-bile.

Tantave cordia innata cui quamut, - fiet.

Facebant enim ii, qui ut suum quemdam, quem sibi fingunt ipsi, numerum inveniant, tollunt, mutant, vellicant miseros versus, irato Terentio, & veteribus libris reclamantibus.

In quibusdam sive Dimetris, sive Tetrametris abundat syllaba una, vel pes unus, vocanturque Hypercatalecti, sive Hypermetri, qui nempe habent aliquid super communem mensuram. Ita longior est una syllaba:

Musæ soro-res sunt. Miner-væ.

Ad inveniendum quoque numerum Comicorum versuum juvabit observare quæ sequuntur.

1. Szpissime litteram S, elidi, ita ut legendum sit magi, pro magis; sati, pro satis, &c. Sexcenta sunt exempla, immo interdum extrito S, vocalis

precedens eliditur. Sic in Andria: . . . 2 ;

Bo num ingenium narras. adole-scentis ? optimum.
ita ut *scientes op*, Spondæus sit *soent' op*; nisi malis
Amphimacrum ponere: In eadem Andria:

Semper enim dicta est ejus atque habita est soror.
Quo in versa voce, *est ej'at*, sunt tres longæ; Item;

Sed quid opus est verbis?

Sed quid op' est verbis?

2. Voces quasdam dissyllabas in unam syllabam
concrefcere, v. gr. *fuit*, *fiet*. *puer*, *rei*, *eho*, *meus*,
tuus, *suus*, *suo*, *deus*, &c. Sic metire versum Andriæ,
Scena I. Act. I.

Libe-rius vi-vendi, fuit *potes-tas*, nam *an-tea*.

Nonnulli volunt esse Amphimacrum in voce *li-berius*, in quo dux mediæ syllabæ coeant in unam, quasi si esset *Librius*: alii Dactylum, si expungatur S, *Libriu*. Sic illum ejusdem Comœdiæ, qui est in Act. 4. Sc. 1.

Ut malis gaudeat a-lienis atque ex incor-modis.
in *gaudeat*, dux ultimæ syllabæ in unam brevem coalescunt, quasi *gaudeat*, legeretur; in *alienis* dux mediæ concrefcunt in unam longam. Sic verba *quies-ci*, *melius*, *potius*, pro dissyllabis ponuntur; *gran-di-uscula*; pro trissyllabo: ita Virgilius vocem *stellio* dissyllabam posuit. Horatius *pituita* trissyllabam. Contra vero voces quædam monosyllabæ in duas syllabas porriguuntur: ut *jani* quasi esset *j-am*.

3. Sæpe vocales non elidi, cum in sequenti voce occurrunt aliis, neque litteram M.

4. Voces *illum*, *illam*, *ecum*, *ecam*, &c. aliquando primam habere brevem, quia olim unica littera L, & C, scribebantur, *i-lum* *e-cum*.

5. M. & R. in media dictione interdum elidi. Sic in Andria, Act. 1. Sc. 3.

Enim vero, *Days*, nihil loci est *segnitiæ*, &c.
Primus pes anapæstus est, Littera vero M. in fine interdum eliditur ante consonantem. In Andria, Act. 3. Sc. 2.

Certs enim scio non satis me pernocti, &c. ubi primus pes dactylus, Cert' eni.

6. Vocales quasdam corripī, quæ non eliduntur.
v. gr. in *Andria* Act. 4. Sc. 4.

Reliquit me nemo atqu' abiit.

ubi *me* breve est, quia non eliditur more Greco. Et
Sc. 6.

Quæ se in hōnes te aptavit, &c.

voces illæ, quæ se in Dactylum efficiunt.
Nonnulli ut hiatum hunc effugiant, addi volunt,
Plautino more, litteram D. *Reliquit med. homo.*

7. Nota, *eho, hem,* & alias quasdam id genus interjectiones, extra metrum aliquando censendas, neque, cum metiri voles versum, annumerandas aliis vocibus.

§. II. De versibus Lyricis.

LYRICORUM vatum poemata vocantur *Odx*, quæ vox Græca significat cantilenam, quia *Odx* ad *Lyram*, sive citharam vulgo canebantur. *Odx* istæ proprium quoddam carminis genus habent, immo constant aliquando e tribus plane diversis. Ab inventoribus vulgo nomen sortiuntur. Sic *Ode Alcaica* dicitur, cujus auctor *Alceus*, Poeta Græcus; *Sapphica*, quam invenit *Sappho*: & singula *Odarum*, & versuum, e quibus componuntur, genera breviter percurro.

Primum genus *Odarum* est earum, in quibus sunt omnes versus *Choriambici* *Asclepiadei* *Tetrametri*; qualis est apud *Horatium* *Od. Lib. 1. Mæcenatavis, &c.* Vocantur *Choriambici*, quia in illis præcipuum locum obinet pes *Choriambus*, qui componitur ex *Chorzo*, sive *Trocheo*, & *Jambo*, ist est, longa & brevi, & brevi & longa. *Asclepiadei* vocantur ab auctore: inventus enim fertur iste versus a quodam *Asclepiade*. *Tetrametri*, denique, quia pedes 4. habent, quorum 1. est *Spondæus*, 2. & 3. *Choriambus*, 4. *Fyrriehius*, constans e 2. brevibus,

Mæcenatavis edite Regibus.

Potest etiam aliter idem versus dividi, si nempe interponatur cæsuræ in medio.

Mæcenatavis edite Regibus.

Porro cum *Ode* unius generis versibus ita constat,

vocatur Monocolos : quæ vox Græca significat , esse partes omnes unius formæ ac speciei . Quando duplicis generis sunt versus in Ode , vocatur illa Dicolos : quando triplicis , Tricolos : quadruplicis , Tetracos , &c.

Rursum , quando versus iidem & ejusdem generis recurrunt , si alternis id fiat , id est , si post alterum quemque versum , vocatur Ode Distrophos , quæ vox Græca id significat ; si post tertium quemque versum , Tristrophos ; si post quartum , Tetrastrophos : quia ille ordo versuum , qui identidem revertitur , Græcis est *Strophæ* .

Denique si pes nullus , nulla syllaba desit , aut abundet , versus vocatur Acatalectus : si desit una syllaba , vocatur Catalectus : si pes totus desit , Brachycatalectus : si abundet unus pes , Hypercatalectus , vel Hypermeter .

II. Genus Odarum est earum , in quibus primi quinque tres versus sunt Hendecasyllabi (hoc est undecim syllabarum) Sapphici (a Sappho inventi) Acatalecti , sive quibus nihil deest : Pentametri , sive quinque pedibus constantes , quorum 1. est Trochæus , 2. Spondæus , 3. Dactylus , 4. & 5. Trochæi . Quartus autem quisque versus est Adonius (ab Adone inventus) Dimeter , hoc est , 2. constans pedibus , nempe Dactylo , & Spondæo . Talis est Ode 2. lib. 6. apud eundem Horatium :

Jam fa-tis ter-ris nivis-atque-diæ .

Similes sunt duo sequentes ; quartus :

Terruit orbem .

Tota Ode est Dicolos Tetrastrophos .

III. Genus Ode Dicolos Distrophos , in qua primus quisque versus est Choriambicus Glyconius (ab Glycone inventore) Acatalectus , Trimeter , id est , pedes ternos habens : quorum primus est Spondæus , 2. Choriambus , 3. Pyrrichius . Secundus vero quisque versus est Asclepiadæus , de quo dictum est in primo genere Odarum . Talis est Ode 3. lib. 1.

Sic te Diva potens-Cypri ,

Sic fra-tres Hæ-le-næ lucida sidera ,

IV. Ode

IV. Ode Dicolos Distrophos; in qua primus quisque versus est Dactylicus, Archilochius, Heptameter. Dactylicus dicitur, quia in eo maxime regnat pes Dactylus. Archilochius, quia inventus, & usurpatus ab Archilochio Poeta Græco Lyrico; Heptameter, quia 7. constat pedibus, quorum 4. primi sunt Dactyli, mixtis tamen ad arbitrium, ut in versu Heroico sit, Spondeis, tres postremi semper sunt Trochei; Secundus vero quisque versus, Jambicus, Hexameter, Catalectus constans sex pedibus, dempta una syllaba. Primus est Spondæus, vel Jambus, 3. Spondæus, 4. 5. & 6. Jambi. Talis est Ode 4. Lib. 1.

Solvitur acris, hi ems gra-ta vice veris & Favoni,

Trahunt que sic cas machinæ carinas.

Secundus versus aliter explicari potest, nempe interposita in medio versu cæsura; & sic tres pedes ultimi erunt Trochæi:

Trahunt que sic cas machinæ carinas.

V. Ode Tricolos Tetrastraphos: in qua primi quinque duo versus sunt Asclepiadæi, qualis est in primo genere explicatus. Tertius autem quisque, Pherecratius, ab authore Pherecrate sic dictus: Heroicus, quia videtur esse pars versus Heroici, seu Hexametri: Trimeter, quia tres pedes habet, Spondæum, Dactylum, Spondæum. Quartus quisque est Glyconius: de quo dictum in 3. genere. Talis est Ode 12. lib. 1.

O na-vis refe-rent in mare te novi

Fluctus: o quid a gis? - fortiter occupa

Portum: - nonne vi des, ut

Nudum remigi-o latus.

VI. Ode Dicolos Tetrastraphos, Primi quique tres versus sunt Asclepiadæi, quartus Glyconius. Talis est Ode 5. libri 1.

Sciberis Vario, &c.

VII. Dicolos Distrophos. Primus versus est Hexameter, secundus est Dactylicus Alcmanius, Tetrameter. Dicitur Dactylicus, quia frequentiores in eo sunt Dactyli: Alcmanius, quia inventus ab Alcmane, Græco poeta; Tetrameter, quia 4. habet pe-

des, nempe similes 4. ultimis versibus Heroicis Hexametri. Talis est Ode 6. lib. 1.

3. *Lauda-bunt ali-ē-cla-ram Rhodon aut Mity-lenem,
Aut Ephe-sum, bima-risve Co-rinθi, &c.*

VIII. Ode Dicolos Distrophos. Primus quisque versus est Aristophanius, Dimeter, constans e duobus pedibus, nempe Coriambo, & Bacchio. Pes autem Bacchius ita dicitur, quia in hymnis Bacchi sæpe adhibebatur: constat ex una brevi, & 2. longis. Talis est versus Ode 7. lib. 1.

Lydia dic per omnes.

Aristophanius appellatur, ab authore illius Aristophane, poeta comico, apud Græcos celeberrimo. Secundus quisque versus est Alcaicus, (ab Alceo inventus) Tetrameter, quia 4. pedes habet. Primus est Epitritus, 2. & 3. Choriambus, 4. Bacchius.

Te Deos o-ro Sibarim cur propetas-a-mando.

Porro pes Epitritus ita vocatur, qui supra 3. syllabas, unam habet. Quadruplex est: 1. ex Jambo, & Spondzo cumpositus, ut *voluptates*. 2. ex Trocheo, & Spondzo, ut *concitatas*, 3. e Spondzo & Jambo, ut *comunicant*. 4. e Spondzo, & Trochæo, ut *expectare*. Potest hujus Odæ primus Versus aliter dividi, nempe:

Lidia dic per omnes.

IX. Ode Alcaica Tricolos Tetrastrophos. Dicitur Alcaica, quia inventa fuit ab Alceo, Lyrico poeta clarissimo. Primi quique duo versus sunt Jambici Senarii Brachycatalecti, qui appellari quisque possunt Dactylici Pentametri Catalecti. Constant illi ex Jambo, vel Spondzo, deinde Jambo, postea Spondzo, tum Anapæsto, denique Jambo. Si aliter metris, ac esse Dactylicos velis; constabunt ex Jambo, vel Spondzo, tum Jambo, cæsura, & duobus Dactylis. Talis est Ode 3. lib. 1.

Vides ut al-ta stet-nive can-didum.

Vides ut al-ta stet-nive candidum.

Tertius quisque versus est Jambicus dimeter, sive 4. pedibus constans: (nam in versibus Jambicis una mensura duos pedes complectitur) hypercatalectus, sive

sive abundans una syllaba, post 4. pedes.

Sil-væ laborantes gelu-que.

Quartus quisque versus est Dactylicus Alcaicus, constans pedibus quatuor, duobus Dactylis, & duobus Trochæis.

Flumina consistite rint a cuto.

X. Ode Monocolos: in quo sunt omnes versus Choriambici Alcaici Pentametri; qui constant e Spondeo, tribus Choriambis. & Pyrrichio. Talis est Ode 10. lib. 1.

Tu ne quæstis scire nefas quem mihi, quem tibi.
Potest etiam dividi versus iste aliter, cæsuris interpositis:

Tu ne quæstis scire ne fas-quem mihi-quem tibi.

XI. Ode Dicolos Distrophos; in qua primus quisque versus est Iambicus dimeter Catalectus, constat enim 3. pedibus; sed una syllaba deest, nempe prima. Talis est Ode 15. lib. 2.

Non ebur nequ' aure-um.

Si velis pendulam, & abundantem syllabam in finem versus rejicere, facies ex Iambico Trochæicum, & sic metieris:

Non ebur nequ' aurcum.

Secundus versus est Iambicus Trimeter Catalectus, constans 6. pedibus, dempta una syllaba.

Mea reni det in-domo lacunar.

XII. Ode Dicolos Distrophos: in qua primus quisque versus est Heroicus Hexameter; secundus quisque est Dactylicus Dimeter Hypercatalectus, constans 2. Dactylis & syllaba. Talis est Ode 6. lib. 4.

Diffugere nives, redeunt jam gramina campis.

Arboribus-que comæ.

XIII. Ode Dicolos Distrophos: in qua primus versus est Iambicus Trimeter, sive sex pedibus constans: secundus Iambicus dimeter, duabus constans mensuris, sive pedibus 4. Ejus generis est Ode I. Epodon;

Ibis Liburnis inter alta navium.

Amice Propugnacula.

Aliud quoddam genus est huic simile, in quo pro versu primo Iambico, ponitur Heroicus Hexameter:

*Mollis inertia cur tan-tam dif-fuderit-imis
Oblivio-nem sensibus.*

XIV. Ode Dicolos Distrophos; in qua primus quisque versus est Heroicus Hexameter; secundus vero Archilochius Hexameter Hypercatalectus, constans 4. Jambis, 2. Dactylis, & una syllaba. Talis est Ode 10. Ep.

*Horrida tempestas cœ-lum con-traxit, & imbres;
Nives quo de-ducunt jovem:
Nunc mare nunc fil-væ.*

Quidam hanc Oden faciunt Tricolon Tristrophon, & secundum versum in duos secant; quorum primus est Iambicus Dimeter:

Ni-vesque dedu-cunt-jovem.

Aliter est Dactylicus, Archilochius: de quo dictum in duodecimo genere.

Nunc mare-nunc fil-væ.

Huic affine est generi aliud, in quo Dactylicus Archilochius præponitur Jambico Dimetro: & in primo loco, pro Heroico Hexametro, ponitur jambicus Trimeter.

*Peti,nihil me fi-cut ant ea juvat scribere-versicu-los,
Amo-re per-culsum gravi.*

In quo genere, quidam duos illos versus in unum constant hoc modo.

Scribere-versicu-los amo-re per culsum gravi.

XV. Ode Dicolos Distrophos, cujus primus quisque versus est Heroicus; secundus vero Jambicus. Talis est Ode 11. lib. Epod.

*Altera jam te-i-tur bel-lis ci-vilibus ætas;
Suis & ip-sa Roma vi-ribus ruit.*

Ultimum genus est earum, in quibus sunt omnes versus Jambici Trimetri. Talis est Ode 17. lib. Epod.

Jam jam efficaci, &c.

§. III. De aliis quibusdam usitatorum versuum generibus. Ex lib. IV. Prosodix Bononicusis,
Jac. Baptistæ Ricciolii.

A Napæticum Archilochiam carmen est constans quatuor pedibus, quorum quilibet potest esse
Anapæsticus

Anapæstus, aut **Spondæus** : primus vero & tertius etiam **dactylus**. Sit exemplum ex Seneca in *Herc. fur.* ch. 1.

Turbine magno spes sollicitæ
Urbibus errant, trepidique metus.
Ille superbos aditus Regum
Duratque fores expers somni
Colit, ac nullo fine beatus
Componit opes gazis inhians,
Et congesto pauper in auro est.

Qui quidem Seneca admittit secundo loco, sed raro, **tribrachum** & **dactylum**; & in illo *Medæ* versu 311. in fine **dactylum** sic:

Non erat usus, Nondum *Plejadas*,
Idem in choro ejusdem *Medæ* separatim *Adonium* subjecit.

De *Glyconico* dictum est supra. Constat **spondæo** & **dactylis** duobus. At Seneca choro 4. *Œdipi* tricies ponit **chorem** primo loco: quod sæpe fecit Catullus: raro vero Horatius, ut in illo: *Ignis Iliacas domos*. Imo Seneca aliquando 2. loco posuit **spondæum**.

Anacreonticum constat tribus **jambis** & **syllaba**: recipit tamen primo loco **spondæum** ac **anapæstum**, & raro **tribrachum**. Utitur hoc Theocritus *Idyll.* 27. *Anacreon* vero sæpissime, ex quo ilud *latinitate* donatum accipe.

O ter, quaterque felix,
Cicada, quæ supremis
In arborum viretis,
Roris parum ut bibisti,
Cantare dulce gaudes.

Jambicum Archilochium **dimetrum** *Acatalecticum* constat quatuor **jambis**: recipit tamen primo & tertio loco **spondæum**; raro aut. in **anapæstum**, aut **tribrachum**. Habe exempla passim in Horatio lib. *Epod.* ubi **jambis trimetris** subicit **dimetros** sic:

Bestus, ille, qui procul negotiis,
Ut prisca gens mortalium,
Paterna rura bobus exercet suis
Solutus omni sœnore, &c.

Utitur hoc Ecclesia in Hymnis . Tale est illud Sab-
bati ante Domin. Passionis ad Vesperas :

Vexilla regis prodeunt ,
Fulget Crucis mysterium ,
Quo vita mortem pertulit ,
Et morte vitam protulit ,

Jambicum Hiponacteum constat quinque pedibus
dissyllabis, & una in fine syllaba: quorum secundus,
quartus, & quintus sunt jambi: primus vero, & ter-
tius vel jambi, vel spondzi. Tale est illud elegan-
tissimum:

Ternos vetusti congios salerni,
Uno die convivii peractis,
Haussit potentum Romuli nepotum
Regnator audax, arbiterque regum.
Exinde plebs Quiritium vocavit,
Non Claudium Tiberium Neronem,
Sed Claudium Biberium Meronem.

Jambicum senarium, seu archilochium Acatalecti-
cum, si purum est, constat solis jambis; si mix-
tum, requirit locis paribus, idest, secundo, quar-
to & sexto, jambum; imparibus vero, præter
jambum, excipit anapæstum, tribrachum, spondæ-
um & dactylum; imo secundo & quarto non recu-
sat tribrachum. Tragicum vero, ut sit gravius,
non debet, nisi rarissime, constare ex puris jambis
Comicum autem, modo in fine retineatur fere sem-
per jambus, reliquis quinque locis recipit, jambum,
spondzum, anapæstum, tribrachum, dactylum.
Exempla sunt jambici puri ex Catullo:

Phaselus ille, quem videtis, hospites,
Ait fuisse navium celerrimus.

Tragici vero jambici ex Senecæ Herc. fur. act. 2.

O magne Olympi rector, & mundi arbiter,
Jam statue tandem gravibus ævum modum.

Comici denique jambici exemplum sit ex Tere-
ntio in Andria.

Qui utramvis recte norit, ambas noverit.
Accusant, quos hic noster auctores habet.

Perduxere illuc secum, ut una esset mecum.

Ni.

Nihil ista opus est arte ad hanc rem, quam paro.

Et in Eunuchi prologo:

Si quisquam est, qui placere se studeat bonis

Quamplurimis, & minime multos lædere,

In his Poeta hic nomen profiteri vult suum.

Phalaecium hendecasyllabum est, & constat spon-
dæo, dactylo, & tribus choreis. Martialis l. 1.

Hic est quem legis, ille quem requiris.

Toto notus in orbe Martialis,

Cui, lector studiose, quod dedisti

Viventi decus atque sentienti,

Rari post cineres habent Poetæ.

Admittit tamen aliquando prima in sede jambum,
ut apud Catullum pene tricies; apud Martialem
fortasse non nisi semel in illo libro 3. epigr. 21.

Veterno reliquaue pigriores.

Apud eundem Catullum primo loco videbis chore-
um, & quidem duodecies; & ibidem dactylum bis,
anapæstum semel. Apud Senecam vero in *Œdipi* 2.

Choro anapæstum secundo loco.

De *Sapphico* item dictum est paragrapho superio-
re. Hic addam nonnulla. Solis sapphici Catullus.
Seneca, Statius usi sunt, Adonio non interjecto,
Secunda sede, pro spondeo, Sappho inventrix, &
Catullus non semel, & Seneca choreum adhibere.

Sit exemplum ex Catulla.

Otium, Catulle, tibi molestum est,

Seu Seras sagittiferosque Parthos.

Quid? quod Sappho quarto loco spondeum, raro
tamen, posuit, ut docet Gretserus, & secundo loco
dactylum? quod fecit Seneca in choro actus 3. *Me-
dez*, & in choro actus 3. *Troadis* sic:

Sumere innumeras solitum figuras,

An ferax variis Lapidis Carystos.

Imo idem Seneca, teste Martino Delrio, primo lo-
co admisit spondeum, dactylum, & anapæstum;
& secundo jambum:

Scæzon, seu Choliambicum carmen est Jambicum
senarium, sed claudicans, quia loco ultimi jambi ha-
bet spondeum, ita tamen ut penultimo loco sit jam-
bus,

bus. In cæteris servat leges jambici Senarii: atque adeo in secunda & quarta sede habet jambum, vel tribrachum; in prima & tertia jambum, aut spondæum, aut etiam anapæstum, & dactylum, quia tempore sunt compares spondæo, quum duæ breves uni longæ equivalenceant; & tribrachium, quia compar est jambo. Pro exemplo sit illud Persii:

Nec labia fonte prolui caballino,
Nec in bicipiti somniaffe Parnasso
Memini, ut repente sic Poeta prodirem,
... Quod si dolosi spes refulserit numini
Corvos Poetas & Poetridas Picas
Cantare credas Pegaseum melos.

Hoc melos torquet Grammaticos: est enim jambus in ultima sede contra leges Scæzontis. Manutius, Emmanuel, & Gretserus putant imitatione Græcorum productam primam in μέλος; sicut ab Homero producta fuit in hymnis. Politianus legendum censeret *nectar*. Alii alia.

Trochaicum Alemanium dimetrum est & Acatalecticum, constatque quatuor trocheis, recipit tamen secundo & quarto loco spondæum, & primo loco pyrrichium. Tale illud Ecclesiæ:

Pange lingua gloriosi. Tale & illud Catulli, *Age, cuncta nuptiali*.

Trochaicum Hipponactæum est tetrametrum Acatalecticum, & constat octo pedibus, quorum impares sunt trochei; reliqui aut trochei, aut spondæi: apud Comicos vero, omnibus locis recipit compares spondæo, nempe anapæstum & dactylum: & compares trocheo, nempe jambum & tribrachum, excepto ultimo. Sit exemplum purioris.

Pelle tonsis terga Ponti, vela tende, jam pergamus.

Trochaicum Galliambicum, tetrametrum est, constatque vel trocheis, vel partim trocheis, partim Pyrrichis, & raro admittit pedes his compares.

Exemplum esto illud Catulli;

Super alta v. Aus Atys celeri rate maria.

Alia versuum genera, quæ sunt innumerabilia, si velis cognoscere, adito Servium, & Terentianum

in Centimetro: Nebrissenfem lib. 8. c. 8. Despau-
terium lib. 5. Scaligerum in Poetica, lib. 2. &c.
Pauca modo de Dithyrambo subnectam.

§. IV. De Dithyrambo.

Dithyrambus canebatur in honorem Bacchi, a quo nomen est sortitus. Bacchus enim ab antiquis dictus est Dithyrambus, quasi duabus januis in lucem emissus. Fabulas consule. Bacchum igitur, India perdomita, redeuntem in Græciam Satyri cum Mænadibus comitati sunt. Hi vino graves, & mente ac voce parum constantes, carmina sine modo ac numero victori Baccho decantabant. Illos imitati Poetæ, & antheo furore correpti, carmina quædam audaci, tumido, vario stylo scripsere, quo canere modo ebriosi solent, permixtis in unum versibus omnis generis & metri. Hæc origo Dithyramborum, & forma. Exemplum habes in Seneca Tragædo, post secundum Actum Tragædiæ, cui nomen facit *Oedipus*, Chorus, qui actum illum sequitur, merus est Dithyrambus: *Effusam redimite comam.*

Vates recentior partam de Turcis victoriam anno 1716. hoc genere carminis, celebravit. Quos enim effert lætitia, ii mentis & vocis ægre sunt compotes.

Surge, Phœbe, pone curas,

Sume plectra, funde Huc proterva turba,
lætum Fauni,

Ore carmen, usitatis Huc, amœna turba,
Parce modis agitare Nymphæ:

cantus Ferte festa, ferte flores.

Clio docta cur moratur? Turca mari jacet, at-

Cur Thalia lenta cessat? que terra.

Otiola cur sororum Ferte fistra, barbitosque,

Turba monte torpet Fistulaeque, tibiaeque,
alto? Et canendo, lusitando

Huc, adesse, convolate, Saltitando prædicate:

Quis Apollo labra Turca mari fugit at-
sacro que terra.

Fons ringit, huc adesse, Audiat Æther,

Turca mari fugit at Gaudeat Æther;

que terra: Te Duce, Clemens,

Roma triumphet ;	Vertice flavo ,
Turca mari jacet at-	Nectat olivam :
que terra :	Tum sua Nereo
Italia fectis	Lætus uterque
Æa resultent	Gaudia portet .
Undique templis :	Turca mari fugit at-
Turca mari fugit at-	que terra .
que terra .	Curre fama, clange, clama.
Audiat Ister ,	Gaudiaque extremum ,
Littora, multo	& plausus , & car-
Flöre coronet .	mina longe
Plaudat Iberus ,	Differ in orbem ,
Et Tagus almam	

§. V. De Symbolo Heroico .

Symbolum Heroicum, Italis vulgo *Impresa*, Gal-
lis, *une Devise*, definitur picta metaphora, sive
imago quædam picta, significans rem aliam non pi-
ctam, propter utriusque similitudinem, addita voce
seu sententia, quæ utriusque connexionem ostendat.
Exempli causa Sol pictus cum hac epigraphe, *Suf-
ficiet Orbi*: recte designat Imperatorem aliquem Ro-
manum, v. gr. Cæsarem Augustum: sicut enim sol
satis habet lucis ad Orbem totum collustrandum, &
caloris ad fovendum: sic Augustus satis habuit sa-
pientię ad gubernandum orbem, & potentię ad
continendum. Figura picta, corpus symboli appel-
latur: Verba seu sententia, dicitur anima: ut enim
homo constat ex anima & corpore, ita symbolum
heroicum componitur ex figura & verbis. Ubi nulla
intercedit similitudo inter figuram pictam & rem
illa significatam, nullum est symbolum proprie ac
vere dictum. Itaque illud Caroli V. *Plus ultra*, sen-
tentia est, non symbolum. Inter figuras, e quibus
symboli corpus constat, negant periti locum esse hu-
mano corpori vivo. Statuam, quæ corpus represen-
tet, adhiberi posse non negant: v. gr. si statuam po-
nas, quam sculptor crebris ictibus formatur, politque;
& addas *Perficitur dum cæditur*. Recte sic exprimes vi-
rum probum, qui rebus adversis ad virtutem proficit.

Figure sumuntur e rebus naturalibus, usque vulgo
notis, non fabulosis, aut peregrinis .

Voces, quæ figuræ adduntur, & ejus similitudinem cum re significata indicant, non solum Latino Græcoque sermone, sed etiam vulgari & vernaculo scribi possunt. Placent in primis hemistichia, sive partes primæ, aut ultimæ alicujus versus, v. g. Hexametri. Videndum ut voces illæ sint paucæ, claræ & accommodatæ rei, quæ significatur. Interdum optativo efferruntur modo, nonnunquam infinito, fere indicativo.

Res significata exprimi non debet in ipsis, quæ Lemma, sive Epigrammæ componunt, verbis: sed generali quodam efferrî modo, qui conveniat figuræ significanti, & rei significatæ. Sic, pone lucernam, adde, *Lucet, & ardet*: significabis S. Joannem Baptistam, aut quemvis Apostolicum virum: quod enim proprie convenit lucernæ, ut ardeat & luceat hoc per metaphoram congruit viro Apostolico. Aliquando figura ipsa loquens inducitur, Sic idem vir Apostolicus virtutum fama & prodigiorum, peccatores blande trahens significabitur, si magnetem pingas cum hoc lemmate: seu inscriptione: *Ad me, dura traho*.

Placet milites laudare, quos Regis præsentis exemplum accendit ad rem bene gerendam. Pingo pullos aquilæ; solem adversum intuentes, cum hoc lemmate: *Crescunt Vires animique videndo*. Vir dives & probus insigni aliqua dignitate auctus, notabitur flumine majore alveo decurrente: *Utilior, quo major*. Princeps foemina ad solium evecta signabitur picta luna & plena: *In publica commoda crevit*.

Victoriam de Turcis anno 1766, felicissime reportatam, CLEMENTIS XI. Pontificis Maximi auspiciis, precibus & consiliis, ita describit Romanus vates: Exhibet regem apum, qui aculeo carere dicitur, fucos alveari abigentem: Subjicit hæc verba: *Vincit inermis*.

D. In quo Emblemata discrepat a symbolo Heroico, cui videtur esse simillimum?

M. In hoc maxime discrepat, quod Emblemata significantur quæcumque ad virtutem, pietatem, & mores pertinent; neque tam religiose observantur in.

in eo leges Symbolis heroicis præscriptæ, De voce si quæris, Emblema, Græca vox, significat elegans opus, arte & manu elaboratum, quod mensæ, pavimento, vasis, & parietibus inferitur & immititur; quales sunt figuræ Hieroglyphicæ, tessellatæ imagines, & alia id genus.

CAPUT IV.

Acrostichis, Anagramma, Grîphus &c.

§ I. De Acrostichide.

D *Q*uid est Acrostichis, Et quomodo fit?

M Acrostichis Græca vox est & significat breve poema, in quo primæ cujusque versus litteræ nomen aliquod, sive sententiam exhibent. Exempli causa, si S. Carolum laudare velis, primi carminis prima Littera erit C. secundi A. tertii R. quarti O. quinti L. Sexti U. septimi S. Ita primæ cujusque Versus litteræ, seorsim sumptæ, dabunt vocem *CAROLUS*. Sic nomen Sacrum *JESUS* offeret Acrostichis;

Ille, sacrum cujus legis hoc in carmine nomen,

Se Virginis castæ sinu

Servator mundi, nostrum productus in orbem,

Suæ omnibus vitam daret,

Se moriens totum indulgit mortalibus ægris.

Sic in omnium Sanctorum laudem vates recentior

hanc sententiam Acrostichide explicuit:

Vivete felices, quibus est fortuna peracta

Iam suæ; nos alia ex aliis in bella vocamur.

Vivite felices, quibus est fortuna peracta

Iam sua, securam cælestes ducite vitam,

Valles Elysias læti, saltusque beatos

Tincolite; æternis celsis indulgete choreis,

Tellure optata tandem, portuque potiti:

Repti ex undis pelagi, ridete furentes

Fluctus, & ventos, tempestatesque sonoras,

Fret quicquid sævum Neptunia monstra minantur,

Istantes Syllam effugite, trucemque Charybdim;

Irasque undæ soni horrendas, rabiemque tridentis,

Securibus ætheriani mulcere perennibus aulam,

Sit cœcæ simul canite, æternumque triumphum.

Succis ambrosiæ saturati, & nectaris hausto, &c.

Interdum geminatur Acrostichis, ita ut extrema cu-
jusque versus littera sit eadem ac prima; ut, si dicas,
Ille, sacrum cujus nomen tibi carmine pinxi
Emissus alto ex ætheræ, &c.

Totum hoc carminis genus laboriosum est & exi-
guæ frugis.

§. II. De Anagrammate.

D. **Q**uid vocas Anagramma?

M. **Q** Anagramma fit, cum ex alicujus nomine
eruitur aliqua sententia in ejus laudem,
aut vituperationem, servatis nominis litteris, sed
vatis arbitrio transpositis. Licet unam, alteramve
addere, aut mutare litteram. Exempla subji-
cō. Logica, *Caligo*, *Ursula*, *Laurus*; *Calvius*, *Lu-*
cianus, *Corpus*, *Porcus*: Sacramentum Eucharistæ,
Chara ceteris in JESUM mutata. Ignatius de Loyola,
Oignis a Deo illatus. Sic lūsit vates in Galenum:
Galenus, *Angelus*:

Angelus es bonus, anne malus, Galene? saluris

Humanæ custos: Angelus ergo bonus.

Humanam tamen heu! quoties, Galene, salutem

Arte mala turbas! Angelus ergo malus,

Gregorius decimus quartus.

Murus custodiæque gregis

Ni Dominus alto cinxerit muro domum,

Cingentis est vanus labor:

Nisi sit ovilis tutor & custos Deus,

Frustra excubat pastor vigil.

Gaudere fas est, missus e cælo gregi.

Est Murus & custodia.

Vir pie ingeniosus, & ingeniose pius, centum a-
nagrammata pura in lau- & immaculatæ Conceptio-
nis Deiparæ ante aliquot annos deprompsit ex illis
verbis *Ave Maria gratia plena*. Pura vocantur ana-
grammata in quibus nulla mutatur littera, nulla
additur, vel demitur.

§. III. De Grypho, Logogrypho,

& inscriptione.

D. **R**escire cupio quid sibi velint istæ voces, qui-
bus nostræ vulgo scholæ personant Gryphus,
Logogryphus, &c.

M. Gry

M. Grippus aliud nihil est, quam ænigma scripto adumbratum, sed obscurius tamen & intricatius, adeo ut negotium faceffere homini, etiam acuto, possit. Nomen invenit a voce græca γριψος, Latine, *rete*, quia explicantes implicat; irretitque: sic appellatur etiam quælibet obscura propositio; præsertim jocosa & ludicra. Suppeditabit exempla P. Laurentius *Le Brum* in sua eloquentia Poetica.

Logogriphus non vessatur in rebus ipsis, erudito vocum, aut colorum velo tegendis, sed in ipsis vocibus celandis, earum syllabas, aut litteras rescando, trajiciendo, & varie commutando. Sic in voce, *Ovis*, si demas primum elementum, restabit *vis*: unde natus versiculus:

Imbellis tota est, caput exime, vis erit illi.

Sic a verbo *navem* si tollas primam, & ultimam litterulam, habebis *Ave*; unde aliquis ad amicum scribens agebat: *Mitto tibi navem proa puppique carentem*.

In vocabulo *Aper* invenies *pera*, *aer*, *per*. Hujus obscuritatis acumen quia in meris vocibus consistit, *logogriphus* appellatur, quasi dicas vocis ambages, & lusus.

Griphus vocantur figuræ, voces, litteræ, quæ sua dispositione numero, actione, vel colore, verbum, sensum, aut aliud quidpiam exprimunt, non sine aliquo sale. Ita Cupidinem aliquis pinxit, qui Orbem terrarum ligat, cum hoc lemmate. *Omnia vincit amor*. Hoc genus facile in pueriles ineptias excidit.

D. Libenter aliquid audirem de Inscriptione, quam a te prætermisisti esse miror.

M. Non est illa tantum opus Poetarum, sed etiam Oratorum, etsi versum non respuat. Duplex illius dos, Brevitas & Perspicuitas. Optima est, quæ necessaria personæ, loci, temporis, & modi adjuncta paucis complectitur. Parco exempla congerere, quæ totis collecta voluminibus leguntur.

F I N I S.

IN.

I N D E X

C A P I T U M .

Elementa Rhetoricæ .

CAP. I. De Fabula .	pag. 5
§. I. De variis Fabularum generibus .	<i>ibid.</i>
§. II. De Fabula Rationali , sive Parabola .	6
§. III. De Fabula Morali , sive Apologo .	<i>ib.</i>
§. IV. De Fabula Mixta .	8
§. V. De legibus & artificio Fabulæ .	<i>ibid.</i>
§. VI. De utilitate Fabulæ .	9
CAP. II. De Narratione .	12
§. I. De virtutibus Narrationis .	<i>ibid.</i>
§. II. De Schematis , seu Figuris , quibus illuminari potest Narratio .	16
§. III. Varia narrationum genera , & se- lecta illarum Exempla .	20
CAP. III. §. I. De Chria .	28
§. II. Chria verbalis in hanc Virgilii sententiam ; Breve & irreparabile tem- pus omnibus est vitæ .	33
§. III. Argumenta Chriarum verbalium ex Horatio .	36
CAP. IV. De Amplificatione .	38
§. I. De Amplificatione rerum .	40
§. II. De Amplificatione per congeriem definitionum .	<i>ibid.</i>
§. III. De Amplificatione per congeriem adjunctorum .	41
§. IV. De Amplificatione per congeriem , seu enumerationem partium .	42
§. V. De Amplificatione per congeriem causarum & effectuum .	43
§. VI. De Amplificatione per congeriem consequentium .	44
§. VII. De Amplificatione per compara- tiones , similitudines , & exempla .	<i>ib.</i>
§. VIII. De Amplificatione per conflictio- nem contrariorum .	46

§ IX. De Amplificatione per incrementum.	47
§ X.	<i>ibid.</i>
§ XI.	48
§ XII.	49
§ XIII.	50
§ XIV.	<i>ibid.</i>
§ XV. De Amplificatione per repetitionem	51
§ XVI. Quid sit in Amplificatione vitandum	52
Proœmium Rhetoricæ .	53
§ I. De natura , & fine Rhetoricæ .	<i>ib.</i>
§ II. De materia Rhetoricæ .	55
§ III. De partibus Rhetoricæ .	56
§ IV. De dignitate, & utilitate Rhetoricæ.	57
De Imitatione .	58

LIBER I.

De Elocutione .

CAP. I. De Figuris , seu Schematibus .	66
§ I. De Figuris Sententiarum .	<i>ib.</i>
§ II. De Figuris ad movendum idoneis .	<i>ib.</i>
§ III. Dubitatione .	68
§ IV. De Obsecratione .	70
§ V. De Imprecatione .	<i>ibid.</i>
§ VI. De Interrogatione & Subjectione .	71
§ VII. De Præteritione & Reticentia .	72
§ VIII. De Expolitione .	73
§ IX. Epiphonemate .	<i>ibid.</i>
CAP. II. De Figuris ad delectandum magis idoneis.	74
§ I. De Apostrophe .	<i>ib.</i>
§ II. De Hypotypofi .	76
§ III. De Prosopopœja .	<i>ibid.</i>
§ IV. De Ethopœja .	78
CAP. III. De Figuris ad docendum idoneis.	80
§ I. De Antithesi .	<i>ib.</i>
§ II. De Sustentatione .	81
§ III. De Communicatione .	<i>ib.</i>
§ IV. De Correctione .	82

CAP. IV.

CAP. IV. De Figuris verborum .	<i>ib.</i>
§ I. De Tropis .	83
§ II. De Metaphora .	<i>ibid.</i>
§ III. Quid vitandum in Metaphora .	85
§ IV. De Allegoria .	87
§ V. De Metonymia .	88
§ VI. De Synecdoche .	90
§ VII. De Ironia .	91
§ VIII. De Sarcasmo .	93
CAP. V. De Figuris verborum proprie dictis ,	
seu quæ non sunt Tropi .	94
§ I. Figuræ per Adjectionem .	95
§ II. De Figuris per Detractionem .	98
§ III. De Figuris per Similitudinem .	<i>ib.</i>
§ IV. Appendix de Transitione .	100
CAP. VI. De Periodo .	103
§ I. De Partibus Periodi .	104
§ II. De variis Periodorum generibus .	105
§ III. De legibus ac regulis Periodi .	106
§ IV. De artificio Periodi amplificandæ .	107
§ V. De numero , & cæteris virtutibus Periodi .	108
§ VI. Regulæ sex, quibus reddi potest numerosa Periodus .	109
§ VII. Quomodo parari possit facultas numerole dicendi .	113
CAP. VII. De Stylo oratorio .	114
§ I. De Stylo sublimi .	115
§ II. De Arte comparandi Styli sublimis .	116
§ III. De Stylo simplici .	117
§ IV. De Stylo mediocri .	118
§ V. De usu triplicis Styli , seu Characteris .	<i>ibid.</i>
§ VI. De Stylo vitioso .	119
§ VII. De Stylo Laconico & Asiatico .	121

LIBER II.

De Inventione .

CAP. I. De Locis intrinsecis .	131
§ I.	

§. I. Definitio .	<i>ibid.</i>
§. II. Enumeratio partium ,	133
§. III. Notatio Nominis & Conjugata .	135
§. IV. Genus , & Species , seu Forma ,	137
§. V. Similitudo , & Dissimilitudo .	139
§. VI. Contraria & Repugnantia .	140
§. VII. Adjuncta .	142
§. VIII. Antecedentia , & Consequentia .	144
§. IX. Causæ .	<i>ib.</i>
§. X. Effecta .	147
§. XI. Comparatio .	148
CAP. II. De Locis extrinsecis , seu remotis .	149
CAP. III. De secunda Inventionis parte , seu de motibus excitandis .	153
§. I. De Amore , & Odio .	155
§. II. De Metu , Spe , & Audacia .	157
§. III. De Misericordia .	160
§. IV. De Ira & Indignatione .	162
§. V. De Mansuetudine .	164
§. VI. De Æmulatione .	166

LIBER III.

De Dispositione .

CAP. I. De Exordio .	169
§. I. De Variis Exordiorum generibus .	170
§. II. De Virtutibus ac Vitiis Exordii .	170
§. III. De variis Exordiorum fontibus .	173
§. IV. De Officio ac munere Exordii .	176
§. V. De paranda attentione .	179
§. VI. De Propositione .	182
§. VII. De Divisione .	183
CAP. II. De Confirmatione .	184
§. I. De Confirmatione proprie dicta .	<i>ib.</i>
§. II. De Syllogismo .	185
§. III. De Enthymemate .	187
§. IV. De Inductione .	189
§. V. De Exemplo .	190
§. VI. De Dilemmate .	191
§. VII. De Crócodilo , & de argumento in- solubili .	193
§. VIII.	

§. VIII. De Sorite & Epicheremate .	357 <i>ibid.</i>
CAP. III. De Confutatione .	194
CAP. IV. De Peroratione .	197
§. I. De Enumeratione .	<i>ib.</i>
§. II. De Affectuum Commotione ,	198

LIBER IV.

De Diversis Orationum generibus ;	
CAP. I. De Orationibus , quæ pertinent ad genus demonstrativum .	201 <i>ibid.</i>
§. I. De Oratione Panegyrica .	<i>ibid.</i>
§. II. De Inventionibus & sententiis Pane- gyrici .	202
§. III. De tempore, quod ortum antecessit .	204
§. IV. De iis , quæ in vita ipsa laudari possunt .	207
§. V. De corporis & fortunæ laudibus .	209
§. VI. De tempore illo, quod mortem sub- sequitur .	212
§. VII. Animadversiones quædam circa per- sonarum laudationem .	214
§. VIII. De oratione natalitia, seu Gene- thliaca .	215
§. IX. De oratione nuptiali, five Epitha- lamio .	217
§. X. De laudatione Funebris .	219
§. XI. De oratione Eucharistica .	223
§. XII. De Epinicio & Gratulatione .	226
CAP. II. De orationibus, quæ pertinent ad ge- nus deliberativum .	228
§. I. De Suasione & Dissuasione .	229
§. II. De variis variarum ætatum moribus .	232
§. III. De moribus Nobilium, Divitum , & Plebejorum ,	234
§. IV. De Hortatione & Dehortatione .	237
§. V. De Concitatione, & Conciliatione .	240
§. VI. De Commendatione .	241
§. VII. De Petitione .	<i>ibid.</i>
§. VIII. De Consolatione .	242
	II.

CAP. III. De Forma Epopœjæ .	359
§. I. Fabulæ Epicæ Dotes .	284
§. II. Fabulæ Epicæ Partes .	285
§. III. Fabulæ Epicæ Dispositio .	286
CAP. IV. De Propositione Epopœjæ .	288
CAP. V. De Invocatione Epopœjæ .	289
CAP. VI. De Narratione Epopœjæ .	291
CAP. VII. De Epilogo Epopœjæ .	292

INSTITUTIONUM POETICARUM

LIBER III.

De Dramate .

CAP. I. Definitio Poematis Dramatici .	296
CAP. II. De Materia Poematis Dramatici .	297
CAP. III. De Forma Poematis Dramatici .	298
§. I. Unitas & Simplicitas Fabulæ Dramaticæ .	298
§. II. Magnitudo Fabulæ Dramaticæ .	300
CAP. IV. De Partibus Poematis Dramatici .	301
CAP. V. De Choro in Dramate .	305
CAP. VI. De Scenico Apparatu .	306
CAP. VII. Definitio Tragœdiæ .	307
CAP. VIII. De Materia Tragœdiæ .	308
CAP. IX. De forma Tragœdiæ .	310
CAP. X. De Fine Tragœdiæ .	311
§. I. Qui affectus concitentur in Tragœdia .	312
§. II. A quibus concitentur affectus in Tragœdia .	ibid.
§. III. Quomodo concitentur Affectus in Tragœdia .	314
CAP. XI. Præceptorum usus in scribenda Tragœdia .	315
CAP. XII. De Comœdia .	317

INSTITUTIONUM POETICARUM.

LIBER IV.

CAP. I. De Elegia .	320
CAP. II. De Epigrammate .	ibid.

CAP.

350	CAP. III. De Satyra .	321
	CAP. IV. De Poemate Lyrico .	322
	CAP. V. De Hymno, Parodia, & Carmina Inter- tercalari .	324
	CAP. VI. De Eclogis, Silvis, & Diris .	325
	CAP. VII. De Epithalamio, Genethliaco, Epicedio	326
	CAP. VIII. De Epiticio, Eucharistico, Proem- ptico	327
	CAP. IX. De Carmine Soterico, Protreptico	328

INSTITUTIONUM POETICARUM.

LIBER V.

CAP. I. Poetarum Latinorum præstantiorum nomina, ætas, stylus .	329
CAP. II. De Stylo Poetico .	333
CAP. III. De Variis Versuum generibus .	ibid.
§. I. De Versibus Comicis .	334
§. II. De Versibus Lyricis .	337
§. III. De aliis quibusdam usitatorum ver- suum generibus. Ex lib. IV. Profodiae Bononiensis Jo. Baptistæ Riccioli .	342
§. IV. De Dithyrambo .	347
§. V. De Symbolo Heroico .	348
CAP. IV. Acrostichis, Anagramma, Græphus .	350
§. I. De Acrostichide .	ib.
§. II. De Anagrammate .	351
§. III. De Græpho, Logogræpho, & Inscr- ptione .	ib.

Cor. Jo. B.

F I N I S .



MAC 7013866





